

# APOLOGIA CARDINALIS BEL- LARMINI PRO IV- RE PRINCIPVM.

*Aduersus suas ipsius rationes pro auctori-  
tate Papali Principes Seculares in ordine  
ad bonum spirituale deponendi.*

Authore ROGERO WIDDRINGTONO  
Catholico Anglo.

*Audite Reges, & intelligite, quoniam data est à  
Domino potestas vobis Sap. cap. 6.*



COSMOPOLI,

Apud Theophilum Pratum.

Anno 1611.







# ADMONITIO


## AD LECTOREM.

**T**Ria sunt (studi-  
ose Lector) de  
quibus te præ-  
monendum esse  
putavi. Primum  
est: Quamuis hæc  
nostra pro iure Principum Apolo-  
gia nunc primùm in lucem exeat,  
trestamen totos abhinc annos à me  
constructam esse; quam etiam typis  
tunc protinus mandassem, si chara-  
ctere satis perceptibili exarata fuif-  
set: vt plures Catholici fide digni,  
atque ex illis vir quidam Princeps,

testes esse possunt. Neque moram  
fanè vllam interposui, quin omni,  
qua potui, celeritate vsus sim, vt eam  
benè transcriptam idoneam prælo  
redderem. Sed inter transcriben-  
dum doctissimus ille Guilielmi Bar-  
claij liber de potestate Papæ in Prin-  
cipes foràs prodijt, qui negotium il-  
lud, quod in me suscipere decreue-  
ram, exquisitè admodum perfecit,  
atque adeò vniuersis ferè Cardina-  
lis Bellarmini argumentis pro pote-  
state Papali Principes deponendi,  
tam clarè, tam ornatè, tamque eru-  
ditè satisfecit, vt nihil amplius desi-  
derari posse meo quidem iudicio  
videretur. Igitur gauisus sum pluri-  
mum, & certè præ gaudio exultaui,  
quòd de improviso tam graui onere  
leuatus, ac tam magna cura, & sol-  
licitudine liberatus essem. Verùm  
multo

do diligentissimus fuerim. Si, postquam perlegerim, in aliquo me errasse deprehendero, statim me corrigam, ac me errorem palam fateri non erubescam. Sin minus, dabit mihi, ut spero, veniam Illustrissimus Bellarminus, ut, si in hoc suo contra Barclaium libro, aliquid momenti aduersus ea quæ in hac Apologia pro lure Principum à me dicta sunt, de nouo attulerit, cum omni, qua par est, reuerentia Responzionem illi reddam.

His igitur præmissis ad rem ipsam accedamus.





# PRÆFATIO ad Lectorem.

**C**um due tantum re-  
periantur potesta-  
tes, quibus princi-  
paliter mundus hic  
regitur, ætibus pro-  
prijs, & dignitati-  
bus distinctæ<sup>1</sup>, auctoritas nempe sacra  
Pontificum à Christo Domino instituta,  
& Principatus politicus ab ipso Deo  
per legem naturæ, quæ suæ sempiternæ  
participatio est, sanctissimè ordinatus;  
ita cautè, & prudenter de vtraque a-  
gendum est, vt neque Pontificiæ digni-  
tati quidquam detrahatur, neque ei ali-  
quid in Maiestatis Regiæ præiudicium  
plus

<sup>1</sup> Ex Gelasio  
in Epist. ad A-  
nastat. Impe-  
rat. Nicolao  
primo in E-  
pist. ad Mi-  
chaelem, &  
Innocentio  
tertio cap. So-  
litæ de Maio-  
rit. & obedi-  
entia.

## AD LECTOREM.

2 Matth. 22.

plus aequo tribuatur, sed ut, iuxta  
 Christi Domini præceptum<sup>2</sup>, & Cæ-  
 sari reddantur, quæ sunt Cæsa-  
 ris, & quæ sunt Dei, Deo. Qua-  
 propter, cum questio hac de supre-  
 ma Summi Pontificis, & Principum  
 secularium potestate, tam magni pon-  
 deris sit, ut minimus in ea error  
 maximam aut supremis Principibus,  
 aut Summo Pontifici iniuriam infe-  
 rat, hoc inprimis syncerè, totoq; corde  
 protestandum esse duxi, non esse mihi a-  
 nimum in ea pertractanda, vel de  
 supremi Christianorum omnium Pa-  
 tris, ac Pastoris spiritualis, Summi nepe  
 Pontificis auctoritate, quæ illi, siue ex  
 Christi institutione, siue ex Principum  
 privilegijs atque Ecclesiasticis sanctioni-  
 bus conuenit, quidquam detrabere, vel  
 sacrosanctæ Ecclesiæ Catholice Romane,  
 quæ Christianæ veritatis columna, ac  
 firma-



# AD LECTOREM.

*firmamentum est, in minimo contradi-  
cere, cuius infallibili iudicio, quicquid à  
me dictum fuerit, omni, qua decet, hu-  
militate submitto; vel illustrissimum  
Cardinalem Bellarminum, què, ut omni  
honore, ac obseruantia dignissimum, ve-  
neror, atque suspicio, irreuerenter tra-  
ducere; sed gratia tantum veritatis, ca-  
ligine quadam iamdiu obductæ, diluci-  
danda, quàm debiles sint rationes ipsius,  
quibus auctoritatem Pontificis tempo-  
ralem in Regiæ Maiestatis derogatione  
stabilire contendit, ex ipsiusmet princi-  
pijs, seruata semper reuerentia illi debi-  
ta, adeò perspicuè, Deo adiuvante, me  
demonstraturum confido, ut ipse nec  
iure mihi infensus esse, aut ulli vitio  
vertere meritò possit, quòd Tractatum  
istum pro iure Principum Apologiam il-  
lius nuncupare presumpserim. Quam  
quidem Apologiam non ornatè, ut solent  
Rhe-*

# AD LECTOREM.

3 Nam Gregorius 7. tuit primus omnium Pontificū, qui Imperatoriē deponuit: & ut scribit Bellar. lib. 5. de Rom Pont. cap. 5. Primi, qui temporalem potestatem Pontificis ex Christi institutione tribuunt, videntur esse Hugo de S. Vict. & S. Bernard. quos secuti sunt Alexander, Bonaventura Henricus, Durandus, & alij posteriores. Sed, quod neque Hugo, neque S. Bernardus, nec Alexander

huic sententiæ de temporali Pontificis potestate faueant, inferius nu. 124. 129. & 195. apparebit, & propterea doctrina ista noua est, & prioribus seculis incognita.

Rhetores, sed solidè, ni fallor, more Theologorum à me contextam tibi, studiose Lector, dedico. Amor tuæ salutis, scientiæ veritatis, Christianæ perfectionis, paciſq; publicæ à perfidis subfucato Religionis velo, rebellionibus, Regicidijsq; conseruandæ, me primò ad scribendum impulit. Dicam candidè quod res est. Cum seriò mecum cogitare iamdudum cœpisssem, quanta pericula animarum, corporum, bonorum, quos tumultus, quantasque seditiones, & coniurationes, non Christianæ tantum perfectioni aduersantes, sed à feris etiam Barbarorum animis plurimùm abhorrentes doctrina hæc noua, & purioribus seculis incognita de Principibus Secularibus per potestatem spiritualem deponendis in orbem Christianum inuexerit, simulq;

mibi

# AD LECTOREM.

mibi certò persuasissimè, eam nec Scriptura sacra, nec Ecclesie primitivæ præxi, nec sanctorum Patrum auctoritati, nec ipsi rationi naturali consentaneam esse, sed varijs similitudinibus plus iusto extortis, Sophisticis quibusdam argumentationibus, & quod caput est, nonnullis recentiorum Pontificum factis, atque exemplis duntaxat fulciri (qua omnia nullum certum huius temporalis Pontificum super Principes potestatis argumentum vixis eruditis, quiq; debitam ex lege Christi erga utrosque reverentiam servare cupiunt, exhibere valent) quantis conscientie stimulis, quibusque animi pressuris hinc, illincque, derepentè angebar, satis profecto explicare non possum. Hinc enim timor, non Dei, sed hominum me à scribendo valde deterrebat, illinc Dei amor, & proximi me ad scribendum denuò invitabat. At-

A

que

# AD LECTOREM.

que ita vndique mihi angustis erant;  
 Nam & verebar, ne scribendo Pontifi-  
 cis indignationem, ceteraque incommo-  
 da, quae inde nasci solent, incurrerem, &  
 ne filendo Dei iram in me concitarem, ac  
 perpetuum cōscientiae vulnus mihi met-  
 ipsi infligerem. Verum in hoc certamine  
 illud S. Pauli <sup>4</sup>, Si hominibus place-  
 rem Christi seruus non essem, sepius  
 reuoluens, tandem praeualuit charitas,  
 omnemque forās emisit timorem. Cuius  
 legibus me omninò obstrictum esse repu-  
 tabam, vt postquam iam controuersia  
 hac de Principibus auctoritate Papali  
 deponēdis hinc inde magno impetu, mul-  
 toque sanguine agitari coepta est, ipsam  
 veritatem, quae mentis meae oculis meri-  
 diana luce penè clarior apparebat, non  
 pro timore hominum intus retinerem  
 absconditam, sed omnibus qui eam dili-  
 genter inuestigare, & inuentam toto  
 corde

4 Ad Gal. 1.

corde amplecti cuperent, sincere pate-  
 facerem. Aliter enim metuebam, ne infi-  
 nitis illis malis, cadibus innumeris, ca-  
 terisque omnibus periculis obnoxius  
 essem, quæ ex illius ignoratione tum ip-  
 sis Principibus, tum populo etiam Chri-  
 stiano euenire posse, ac solere, quotidiana  
 experimenta, pro dolor, nimis luculen-  
 ta perhibent testimonia. Itaque rem  
 Deo gratissimam, proximo utilissimam,  
 propriæq; conscientie exoneranda per-  
 necessariam præstare existimabam, si  
 deplorando huius temporis statu per-  
 penso, in quo quamplurimi, (quod sciens  
 dolensque refero) quid circa tempora-  
 lem Pontificis potestatem intus in corde  
 sentiant, foras propalare præ timore non  
 audent, ipsam veritatem plurimorum  
 Sophismatum inuolucris artificiosè con-  
 tectam apertè detegerem, atque adeo  
 tum populo Christiano notum facerem,

Tanta est  
 inter Doctores  
 controuersia  
 de plenitudine  
 Ecclesiasticæ  
 potestatis, &  
 ad que se  
 extendat, ut  
 pauca sint in  
 ea materia se-  
 cura, ita quod  
 his temporibus,  
 ut dicit  
 Guilielmus Occam  
 circa finem  
 prima partis  
 Dialogi, sum-  
 me necessariū  
 foret, quod per  
 sapientes iura-  
 mentum & hor-  
 ribilibus com-  
 minationibus  
 ad veritatem  
 dicendam ar-  
 ctatos decla-  
 rarentur, quæ  
 ad plenitudinē  
 potestatis Ec-  
 clesiasticæ spe-  
 ctant ita lae-  
 Almainus de  
 auctoritate Ec-  
 clesie cap. 3. in  
 principio.

quàm firmo, ac immobili fundamento nitatur obedientia, quam in rebus civili-  
 bus Principibus Secularibus iure diuino debent, tum ipsis etiam Principibus,  
 ijs potissimum, qui Romana Ecclesia non  
 adeo fauent, euidenter ostenderem, quo-  
 modo doctrine Catholicae principijs non  
 repugnet, quin potius consentaneum sit,  
 quòd Principibus etiam hereticis, non  
 obstante quacunque Excommunicatio-  
 nis, aut deprivationis sententia à Sum-  
 mo Pontifice contra illos lata ( utpote  
 cui potestas tantum spiritualis, & non  
 secularis, qualis est Principes deponen-  
 di, ex Christi institutione competit ) sit à  
 populo illis civiliter subiecto obedientia  
 in rebus politicis iure diuino exhibenda.  
 Ita enim, neque fideles subditi à debita  
 suis Principibus obedientia præstanda  
 ullatenus dimoueri, aut ad seditiones in  
 Republica politica prætextu Religionis

## AD LECTOREM.

*excitandas, cum summo tum sui, tum  
Reipublicæ periculo, nec cum minori Re-  
ligionis Catholicæ scandalo, quorumcun-  
que persuasione facile induci pote-  
runt, neque Principes, qui erga Religio-  
nem Catholicam alioquin non bene sunt  
affecti, quousque de subditorum suorum  
fidelitate securi reddi queunt, erunt ig-  
nari; neque præ timore status sui politi-  
ci à Catholicis aut euertendi, aut pertur-  
bandi, à fide Catholica vel amplectenda,  
vel saltem permittenda merito deterre-  
ri possunt. Hoc igitur vnum obnixè à te  
peto, Lector studiosè, ut ea, quæ in hoc  
opusculo in tui gratiam à me conscripta  
sunt, æqui, boniq; consulas, neque tam  
donum, quantulumcunque illud sit, quàm  
donantis animum, qui maiora dare ex-  
petit, benignè respicias; Et si fortè ali-  
qua in eo reperias, quæ tibi non arride-  
ant, ( non enim omnia omnibus placere*



# AD LECTOREM.

solent) modestum, vt decet Catholicum,  
sed solidum, vt Theologo conuenit, re-  
sponsum adhibeas, neque ipsi difficultati  
tenebras offundere, sed eam firmis ra-  
tionibus clarè, ac perspicuè explicare  
studeas. Non enim trita illa Responso-  
nes, & in plarium ore nimium versatæ:  
Certum est, & de fide: De re ipsa in-  
ter omnes Catholicos conuenit, li-  
cet de modo dissentiant, & eiusmo-  
di, nisi solidioribus rationibus deinceps  
communiantur, quàm quæ hætenus à  
doctissimo Bellarmino allatæ sunt, pru-  
dentum mentibus plenè satisfacient, aut  
vllum Lectori erudito terrorè incutient,  
sed potius iustitiam tuæ causæ viro sci-  
enti, & veritatis addiscendæ cupido  
magis suspectam reddent, & Principum  
Christianorum, qui Ecclesiæ sanctæ Pro-  
tectores à Deo constituti sunt, animos  
ad iracundiam meritò prouocare pote-  
runt,

6. 23 q. 5. cap.  
Principes. Cō-  
cil. Trid. sess.  
25. cap. 20. de  
Reforma.


# AD LECTOREM.

runt, qui dum perspiciunt, doctrinam hanc de temporali Pontificis super ipsos potestate his posterioribus tantum seculis in Ecclesiam irrepsisse, eamque nullo Scripturæ sacre, aut sanctorum Patrum testimonio, aliæque ratione efficaci firmiter comprobari, non mirum, si contra talem auctoritatem, eiusque propugnatores valde excandescant, neque se Regali suo iure, quasi per vim spoliari, tam facile permittant. Denique cum opus hoc non adulandi animo, aut contradicendi libidine, Deus mihi testis est, sed veritatis perquirendæ studio, animarum zelo, pacisque publicæ conseruandæ gratia in me suscepim, plurimum confido, Summum Pontificem, qui veritatis custos, & propugnator à Christo constitutus est, contra me pro veritate indaganda humiliter disputantem, neque proteruè aliquid statuentem nulla prorsus indignatione com-

# AD LECTOREM.

commotum iri Non etenim animo perti-  
naci quidquam assero, sed paratissimo,  
tum ea, quæ à me conscripta sunt, Docti-  
orum trutinâ examinanda porrigere, tû  
presertim me in omnibus sanctæ Ecclesiæ  
Catholicæ Romanæ censuræ, atque cor-  
rectioni, cum omni, quæ par est, submissio-  
ne subijcere; pro cuius fœlici statu, & ut  
pax vera inter Regna mundi, & Sacer-  
dotium diutissimè conseruetur, assiduè  
precibus diuinam clementiam supplex  
rogo: Est enim valdè metuendum, ne,  
sicut Romana Ecclesiæ gratuita Princi-  
pum liberalitate dominium temporale  
accepit, ita, si Iurisdictionem temporale  
super ipsos plus iusto sibi arroget, eorum  
indignatione, eodem, quod Deus  
auertat, tandem spo-  
lietur.

¶ Proverbi-  
um vulgare, qui  
totum vult, totum  
perdit, unde  
metuendum est,  
ne Ecclesiæ Ro-  
mana, quæ ven-  
dicat, universa  
perdat. Ita  
Durandus sa-  
cri Palatii Ma-  
gister & Epi-  
scopus in trac-  
tu pro celebra-  
do Concilio,  
part. 1. sub. 8.



# APOLOGIA PRO IVRE PRINCIPVM.



Iu, ac multum agitata  
est controuersia, An  
penes Romanum Pon-  
tificem sit dominium  
rerum omnium tem-  
poralium, & potestas  
de illis disponendi sal-  
tem in ordine ad bo-  
num spirituale, adeoque Reges, & Princi-  
pes supremos ob crimen hæresis, aliaque  
enormia flagitia suis Regnis, atque domi-  
nijs temporalibus priuandi. Sed nuperri-  
mè in Anglia hæc quæstio de integro in  
disceputationem vocari cœpit occasione cu-  
iusdam Iurisiurandi, quo Catholici Angli,  
**ex vi publici Edicti** in generali Ordinum  
conuentu sanciti, ad debitam suam erga

B

Regem

a Hæc lex de  
iuramento fi-  
delitatis præ-  
stando lata est  
anno Domini  
1606. in Ses-  
sione Parlia-  
menti, quæ  
proximè te-  
cuta est bar-  
baram illam  
quorundam Ca-  
tholicorum  
coniurationem,  
ac iam toti  
orbi notissi-  
mam, sed te-  
culis futuris  
præ illius hor-  
rore vix con-  
dendam.

Regem in rebus ciuilibus obedientiam , ac fidelitatem , vt in ipso Decreti initio præfertur, ostendendam deuinciri solent.

2 Quamplurimi enim Angli Catholici in ea sunt sententia, vt existiment, Papā, vt Papam , quamuis non habeat vllum dominium, seu potestatem merè temporalem iure diuino, habere tamen in ordine ad bonum spirituale , supremum dominium tēporale, seu potestatem disponendi de rebus temporalibus omnium , præsertim Christianorum, & consequenter Regna, atque Imperia transferendi , & Reges, ac Principes supremos Principatu priuandi. Et hanc sententiam tam mordicū tenent , vt contrariam non tam sententiam , quā hære-  
sim esse arbitrentur. Potissima huius sententiæ fundamenta sunt rationes ; atq; exempla , quæ ex Cardinale Bellarmino <sup>b</sup>, tum doctrina , tum dignitate Illustrissimo pro hac sua sententia , quæ etiam recentiorum Theologorum communis est , confirmanda, inferius <sup>c</sup> adducemus.

3 Veruntamen permulti alij Angli Catholici , qui prædictum Iuramentum licitum esse affirmant, & plures alij, qui, quantumuis negent , præfatum Iusiurandum,

ob

<sup>b</sup> Lib. 4. de Rom. Pont. cap. 7. & 8. Auctores primæ sententiæ sunt ipse Bellarminus & plerique ex illis Theologis , non tamen omnes, quos ipse ibidem, cap. 1. re. cit. <sup>c</sup> Num. 132. & seq.

ob quasdam clausulas in eo insertas, posse ab vilo Catholico tura conscientia præstari; asserunt nihilominus, non posse sufficienter demonstrari, vel Scripturarum testimonio, vel Apostolica traditione, vel sanctorum Patrum auctoritate, vel ipsis rationibus Theologicis, Summum Pontificem vllum prorsus habere ex Christi institutione rerum temporalium dominium, aut potestatem siue directè, siue indirectè, siue absolutè, siue respectivè ad bonum spirituale, Principes supremos ob quantumvis crimen suis dominijs temporalibus dispo-  
liandi.

4 Hanc sententiam, vt refert Ioannes Azorius<sup>d</sup> Societatis Iesu Theologus, sequuntur Guilielmus Occamus, Ioannes Parisiensis, Dantes Aligerius, Iacobus Almainus in tractatu de suprema potestate Laica. q. 3. & Ioannes Maior in 4. dist. 24. q. 3. concl. 3. Et idem Azorius<sup>e</sup> in hanc etiam sententiam citat Hugonem relatum à Glossa in cap. Causam que 2. Extra. qui filij sint legitimi, in verbo Ad Regem, & Michaelem Vulcurunum in Regimine mundi parte 2. q. 11. principali, atque Albericū in Dictionario in verbo Electio, vbi ceteris

<sup>d</sup> Tom. 2. Institut. lib. 4. cap. 19. q. 3.

<sup>e</sup> Lib. 10. cap. 6. q. 3.

Auctores & fautores fecū-  
dæ sententiæ.  
Guil. Occa-  
mus.  
Ioan. Parifi-  
ensis.  
Dantes.  
Almainus.  
Maior.  
Hugo.  
Vulcurvus.  
Albericus.  
Glossa Decre-  
torum.  
Antonius de  
Rosellis.  
Tertullianus.  
S. Ambrosius.  
S. Hieronymus.  
Otho Frislin-  
gensis.  
Glossa Scrip-  
turæ sacræ.  
Gregor. Tu-  
ron.  
Const. Har-  
menop.  
Ninian. Win-  
zetius.

S. Augustinus. Nicolaus Papa. Ioan. Papa. Celestinus Papa. Gratianus. A-  
lexander Avenensis. Petrus Damianus. S. Gregorius Naz. & S. Ambrosius.  
S. Bernardus. S. Gregorius Papa. Gregorius Tholotanus. Sigebertus. Vin-  
centius Belluac. Nicolaus Cusanus. Guilielm. Barclaius. Auctor Apologiæ  
Prot. pro Romana Ecclesiâ. Parlamentum Parisiens. Cardinalis de Pelleue,  
& Conuentus Ordinum Franciæ. Iacobus Leschassernus. Petrus Pithæus,  
& totum Franciæ Regnum. Scholastici tempore Trithemij, qui etiam di-  
cit adhuc sub Iudice litem esse.

paulo liberius loquitur: *Pastores, inquit, Ec-  
clesiæ mittentes falcē in messem alienam, fece-  
runt quatuor Decretales, unā de electione Im-  
peratoris, quæ incipit Venerabilem, & ibi de  
hoc not. per omnes. Alia est super dispensatione  
Frederici Imperatoris, Extra. de sententiā, & re  
iudicata, cap. ad Apostolicā in Sexto, vbi etiam  
de hoc not. per omnes: Alia est super discor-  
dia orta, & sententia criminis lese maiestatis  
lata per Imperatorem Henricum, quæ est in  
Clementina de sententia & re iudicata, cap.  
Pastoralis: Alia est in Clementina prima de  
Iureiurando, quod Imperator tenebatur præ-  
stare iuramentum fidelitatis Papæ, & de aliqua  
potestate Papæ super Imperatorem. Quæ De-  
cretales, an sint iustæ, Deus nouit; nullamenim  
earum, saluo meliori consilio ( & si erroneum  
foret reuoco ) credo iuri consonam. Immo eas  
credo proditas contra iura, & libertatem Im-  
perij, & putop potestates distinctas à Deo pro-  
cessisse, de quo satis notauimus lege prima Cod. de*



*Summa Trinitate, & fide Catholica. Hæc Albericus.*

5 Huic etiam sententiæ favere videntur Glossa in cap. Quoniam, dist. 10. Antonius de Rosellis de potestate Papæ, & Imperatoris; & omnes insuper illi, qui docent Principes, si deliquerint, diuino examini relinquendos esse, neque in terris à quocquam mortalium iudicari, aut puniri posse: quæ ipsorum dicta de pœnis temporalibus, qualis est Principum depositio, necessariò intelligi debent: nam alioquin posse eos pœnis spiritualibus coerceri, propter peccata præsertim spiritualia, nemo Catholicorum inficiatur.

Inter hos annumerari possunt Tertullianus in Apologet. contra gentes, qui ait *Deum esse solum in cuius solius potestate sunt (Imperatores) à quo sunt secundi, post quem primi, ante omnes Deos, & super omnes homines.*

S. Ambrosius in Apologia David. cap. 10. ad illud Psalmi, *Tibi soli peccaui*, ita inquit: *Rex utique erat, nullis ipse legibus tenebatur, quia liberi sunt Reges à vinculis delictorum. Neque enim ullis ad pœnam vocatur legibus tui Imperij potestate. Homini ergo*

( Dauid occidendo Vriam ) *non peccauit, cui non tenebatur obnoxius.*

S. Hieronymus tom. i. epist. 46. loquens de Dauide post crimen adulterij, & homicidij perpetratum poenitentiam agente, ait eum dixisse, *Tibi soli peccaui, quia Rex erat, & alium non timebat.*

6 Otho Frisingensis in epistola ad Fredericum Oenobarbum, quæ præfixa est Chronico de gestis Frederici: Cum nulla, inquit, inueniatur persona mundialis, quæ mundi legibus non subiaceat, subiacendo coercetur, soli Reges, utpotè constituti supra leges, diuino examini reservati, sæculi legibus non cohibentur, unde est illud tam Regis quàm Prophetæ testimonium, *Tibi soli peccaui.*

Quæ etiam Prophetæ verba explanans Glossa ait, idcirco Dauid prædicta verba *Tibi soli peccaui*, usurpasse, Quia Rex omnibus superior tantum à Deo puniendus est.

Gregorius Turonensis lib. 5. cap. 17. ad Regem Chilpericum loquens, Si quis, inquit, de nobis, ô Rex, iustitiæ tramites transcendere voluerit, à te corripitur potest; si verò tu excesseris, quis te corripiet? loquimur enim tibi; sed si volueris, audis: si autem nolueris, quis te damnabit, nisi is, qui se pronunciauit esse

*esse iustitiam?*

7 Constantinus Harmenopulus lib. 1. epist. tit. 1. legem illam, *Princeps legibus solutus est*, ff. de legibus lege Princeps, ita exponit, *Princeps legibus non subijcitur, videlicet, si delinquat, non punitur.*

Atque ut plures alios omittam, Ninianus Winzetus Abbas in velitatione contra Buccananum, pag. 180. postquam recitauerat illum Scripturæ locum, in quo Dauid præcepit Abisai, ne Saulem lancea perfoderet, ita subiungit: *Audis veram Dei Prophetæ Theologiam, Regem videlicet quantumvis impium ipsius Dei iudicio, & castigationi relinquendum esse; Nisi, Deus, inquit, percusserit eum, &c.*

8 Sed multo clariùs hanc sententiam sequuntur illi, qui paulò expressiùs asserunt, penes Ecclesiam non esse gladium materiale, sed spirituale duntaxat, & proprium esse Sacerdotum, quorum arma spiritualia sunt, non corporalia, spiritualement inferre vindictam: Regum autem temporalem irrogare pœnam, qua pœna, si ipsi deliquerint, à solo Deo iudicandos, & castigandos esse.

Ita S. Augustinus, qui libro de fide &

operibus cap. 2. docet, *Gladium materiale*, quo in veteri Testamento Moyses & Phinees vsi sunt, fuisse figuram degradationum, & excommunicationum, quæ in lege noua exercendæ sunt, cum in Ecclesiæ, vt inquit, disciplina visibilis fuerat gladius cessaturus.

9 Nicolaus Papa cap. Inter hæc. 33. q. 2. vbi ait, *Sancta Dei Ecclesia mundanis nunquam constringitur, gladium non habet, nisi spirituale*.

Ioannes Papa octauus, cap. Porro, 16. q. 3. qui ita inquit, *Ecclesiæ corporalia nescientes arma, solum Dominum, & propugnato-rem suum, quando ei placuerit, misereri patienter expectant.*

Celestinus tertius, cap. Cum ab homine, Extra. de Iudicijs, vbi docere videtur nō esse in potestate Ecclesiæ alias poenas infligere, quàm spirituales, quales sunt degradatio à statu clericali, excommunicatio, & huiusmodi: *Cum non habeat*, inquit, *Ecclesiæ ultra quid faciat*, (hoc est quàm excommunicare, & degradare Clericum incorrigibilem) *per Secularem comprimendus est potestatem, ita quod ei deputetur exilium, aut alia legitima pœna inferatur.*

10 Quod etiam expressissimè docuit Gratia-

Gratianus. 2. q. 7. cap. Nos si. *Regum*, in-  
 quiens, *est corporalem irrogare pœnam*, Sa-  
 cerdotum *spiritualem inferre vindictam*.

Alexander Alensis 3. part. q. 40. memb.  
 5. q. 4. ad primum, secundum, & tertium  
 argumentum, qui affirmat *Reges a Deo solo*  
*materiali pœna puniendos esse*. Atque ita 1. Pe-  
 tri 2. Rex dicitur *præcellere*, ait Alensis, *in*  
*suo ordine secundum potestatem ad vindictam*,  
*non spiritualem, sed corporalem, qua vindi-*  
*cta, si deliquerit, non habet, qui eum puniat,*  
*nisi Deum.*

II Demum Petrus Damianus <sup>t</sup>, qui in epi-  
 stola ad Firminum Episcopum ita scribit:  
*Sicut ergo ipse Dei filius cuncta mundi furen-*  
*tis obstacula non per districti examinis ultio-*  
*nem, sed per inuictam superavit inconcussa pa-*  
*tientie maiestatem, ita decet mundi rabiem*  
*potius equanimiter ferre, quam vel arma cor-*  
*ripere, vel ledenti lesionibus respondere; cum*  
*præsertim inter Regnum & Sacerdotium pro-*  
*pria cuiusque distinguantur officia, ut & Rex*  
*armis utatur seculi, & Sacerdos accingatur*

*ut adversari, quibus hæresis errore notantur omnes, qui Romana Ecclesia*  
*non nisi gladium spiritualem concedunt; cum tamen eodem errore nota-*  
*re potuissent sanctos illos Patres, summosque Pontifices, aliosque Docto-*  
*res iam citatos, qui non nisi gladium, armaque spiritualia Ecclesiæ con-*  
*cedunt.*

† Apud Baro-  
 nium in An-  
 nalibus, anno  
 1503. a. m. 10.  
 qui nu. 14. im-  
 merito verba  
 Petri Damia-  
 ni, viri non  
 minus sancti-  
 tate, quam e-  
 ruditione cla-  
 ri, ut hæretica  
 criminatur,  
 asserens Ca-  
 tholica dog-  
 mata illi geni-

gladio

gladio spirituali, qui est verbum Dei. De Se-  
culi nempe Principe Paulus dicit, Non sine  
causa gladium portat : Dei enim minister est,  
vindex in iram ei qui male agit. Ozias Rex,  
qui Sacerdotale usurpat officium, lepra per-  
funditur, & si Sacerdos arma corripit (quod  
utique Laicorum est) quid meretur, &c. Et  
infra : Ad hac si quis obijciat Leonem bellicis  
usibus se frequenter implicuisse Pontificem, ni-  
hilominus verum esse dico, quod sentio : quo-  
niam nec Petrus ob hoc Apostolicum obtinet  
principatum, quia negavit, nec David idcirco  
prophetiae meretur oraculum, quia thorū viri  
alieni invasit, cum mala, vel bona non pro me-  
ritis considerentur habentium, sed ex proprijs  
debeant qualitatibus iudicari. Nunquid hoc  
legitur vel egisse, vel literis docuisse Grego-  
rius 3, qui tot rapinas atque violentias à Lon-  
gobardorum feritate est perpeffus? Num Am-  
brosius bellum Arrianis se, suamq. Ecclesiam  
crudeliter infestantibus intulit? Nunquid in  
arma Sanctorū quispiam traditur insurrexisse  
Pontificum? Causas igitur Ecclesiastici cuius-  
cunque negotij leges dirimant fori, vel Sacer-  
dotalis edicta Concilij, ne quod gerendum est  
in tribunalibus Iudicum, vel ex sententia pro-  
dire Pontificum, in nostrum vertatur oppro-  
brium

g Quid S.  
Gregorius &  
Ambrosius  
senserint, vide  
etiam inferius  
nu. 15. & 21.

*brium congressione bellorum.*

13 Quibus verbis videtur loqui Petrus Damianus de proprio Pontificum, vt Pontifices sunt, officio, & de auctoritate, quæ illis, quæ Pontifices, & spirituales animarum pastores sunt ex Christi institutione competit, & non quæ Principatum temporalem ex Principum concessione annexam habent: qua ratione, vt pœnas infligant temporales, gladio accingantur materiali, & armis vtantur seculi, illis eodem modo, quo cæteris etiam Principibus conuenit, non videtur lege Christi esse interdictum.

Fauent quoque huic sententiæ S. Gregorius Nazianzenus, S. Ambrosius, Sanctusque Bernardus, qui nullum aliud remedium aduersus Principes Ecclesiam persequentes præter lachrymas, orationes, atque alia id genus arma spiritualia, quæ, vt ait Glossa\*, *propria sunt militem Christi*, Sacerdotibus, reliquisque Christianis competere apertissimè docent. \* Ad Ephes. 6

14 Nam Gregorius Nazianzenus in orat. i. contra Iulianum Apostatam, qui Religionem Christianam euertere nitebatur, *Hæc, inquit, Iulianus deliberabat, quemadmodum*



*modum secretorum illius sodales, & testes propalarunt, coercitus est tamen Dei clementia, ac lacrymis Christianorum, quæ multæ iam, & à multis erant effusæ, cum solum hoc contra persecutorem haberent remedium. Et nihilominus tam ingens erat eo tempore Christianorum multitudo, tantæque vires, ut eum faciliè debellare, atque vel vi aperta, vel per insidias absque ullo ferè tumultu, aut graui Christianorum incommodo illum è medio tollere satis opportunè potuissent; quod quidem in talibus angustiis ipsa Ecclesiæ periclitanti succurrendi necessitas postulasse videbatur, si subditis in Principes suos legitimos occasione religionis insurgere per Dei legem licuisset. Nunquam enim maiores Christianorum vires, quàm tunc erant: cum totus Iuliani exercitus ex Christianis conflatus esset, ut infra <sup>h</sup> fusiùs ostendemus: quæ res tantoperè animum Iuliani cōmouit, ut res Christianorum, <sup>i</sup> quos Galileos contumeliæ causa nominabat, comparatione Persarum, qui contra ipsum fortiter in bello perseuerabant, ad eò illi maiores, ac cura digniores viderentur, ut bellum contra Persas nugæ, ac ludum existimaret.*

15 Sanctus etiam Ambrosius illud ipsum

<sup>h</sup> Nu. 246. & seq.

<sup>i</sup> Nazianzen. orat. 1. in Iulianum.

sum, quod superius <sup>k</sup> verbis docuerat, nem- <sup>k</sup> Nu. 5. 1  
 pè *Reges nullus ad panam vocari legibus tutos*  
*imperij potestate*, opere, atque exemplo suo  
 confirmat. Nam tametsi eum Valentinia-  
 nus iunior <sup>l</sup> religionis causa persuasu matris  
 Iustinæ Arrianorum fautricis persequere- <sup>l</sup> Ruffin. lib.  
 tur, atque *Ecclesiæ statum conturbare, ipsum* <sup>2. hist. cap. 15.</sup>  
*que Ambrosium, ac ceteros Christi Sacerdotes* <sup>Socrates lib.</sup>  
*in exilium mittere comaretur*, non propterea <sup>5. cap. 11.</sup>  
 ipse Imperatorem vlla imperij sui parte pri- <sup>Theodoret.</sup>  
 uauit, aut aliquem in populo tumultum in <sup>lib. 5. cap. 13.</sup>  
 Religionis defensionem concitauit; sed ad <sup>Sozomen.</sup>  
 orationes, lachrymas, aliaque eius generis <sup>lib. 7. cap. 13.</sup>  
 arma spiritualia, tanquam ad vnicum salu-  
 tis asylum confugit, *neque se manu defensa-*  
*uit, aut telo, vt scribit <sup>m</sup> Ruffinus, sed ieiunijs,* <sup>m</sup> Lib. 2. hist.  
*continuisq; vigilijs sub altari positus per obse-* <sup>cap. 16.</sup>  
*crationes defensorem sibi, atque Ecclesiæ Deū*  
*parauit. Dolere potero, ait ipse Ambrosius,*  
<sup>n</sup> *potero flere, potero gemere: aduersus arma,* <sup>n</sup> In oratio.  
*milites Gothos quoque lachryma mea arma* <sup>contra Auxē-</sup>  
*mea sunt; talia enim munimenta sunt Sacer-* <sup>tium, lib. 5.</sup>  
*dotis; aliter nec debeo, nec possum resistere.* <sup>epist. & habe-</sup>  
<sup>Conuenior,</sup>

16 Et tamen facillimum fuisset Am-  
 brosio Imperatorem aliqua saltem Imperij  
 sui parte mulctare, & illius iura Maximo  
 viro orthodoxo Imperium ambientem con-  
 cedere:

o Rufinus  
loco citato.  
Theodoret.  
lib. 5. cap. 14.  
Sozomen. lo-  
co citato.

cedere: qui, vt tradunt historici<sup>o</sup>, *magno collecto exercitu, pratextu quidem, quasi non passurus, vt circa patriam fidem, & Ecclesiasticum ordinem aliquid nouaretur, ideoque datis literis ad Valentinianum impium protestabatur inceptum, fidem Dei impugnari, & statuta Ecclesie Catholica subrui; minas insuper belli addens, nisi Imperator bellum aduersus pietatem remitteret: quin etiam orationem reipsa confirmans, coactum exercitum Mediolanum versus duxit. Quo comperto, Iustina, hoste simul, atque impietatis conscientia perurgente, in fugam versa cum filio, exilia, quae Dei Sacerdotibus preparabat, prima sortitur.*

17 Noluit igitur S. Ambrosius ab Imperatore Valentiniano grauiter oppressus, aliquam Imperij sui partem illi adimere, eamque Maximo viro Catholico, suamque opem vltro pollicenti regendam tradere, tametsi id efficere (Maximo tunc cum ingenti exercitu sub Religionis tuendae pratextu ad Mediolanum aduentante) absque vlllo ferè negotio potuisset; cum praesertim tanta esset apud populum vel solius Ambrosij auctoritas, vt tota Imperatoris potentia aduersus eum praualere tunc temporis aegrè potuisset. *Nam Imperator, vt ait Rufinus*

finus P, *pro contumelia inuidia, quam falso* p Lib. 2. cap.  
*conflauerat mater, accensus, armatorum glo-* 16. Socrates,  
*bum ad Ecclesiam mittit, confringi ianuas,* lib. 5. cap. 11.  
*oppugnari sancta, Sacerdotem pertrahi, atque* Sozomen.  
*in exilium mitti protinus iubet. Resisiebant ta-* lib. 7. cap. 13.  
*men populi fideles, Ambrosium vehementer*  
*diligentes, quorum tanta fuit perseuerantia,*  
*ut animas prius amittere, quam Episcopum*  
*mallent.*

18 Quin etiam ipsemet Imperator S. Ambrosij potentiam, summamque eius apud populum auctoritatem satis aperte attestatur q. Nam cum Imperatorem Comites obsecrarent, uti ipse prodiret ad Ecclesiam, idq. petitu militum facere se dicerent, respondit Imperator (ac si exiguum verbis Comitum fidem habuisset) *Si vobis iusseris Ambrosius, vinctum me tradetis.* q Ambrosius  
lib. 5. epist. 33  
ad Marcellinam sororem

Non itaque S. Ambrosius idcirco orationibus, lachrymis, ieiunijs, cæterisque eius generis armis spiritualibus vsus est, quia vires illi deerant ad se, suamque Ecclesiam à Valentiniani oppressionibus armis corporalibus defendendam, sed quia Christi Sacerdotibus, populoque Christiano pro religione Christiana aut dilatanda, aut conseruanda contra Principes suos legitimos,  
arma

arma capeffere, vel per feditiones, atque tumultus ullam illis violentiam inferre, Christi lege omninò prohibitum esse iudicabat.

19 Eadem fuit B. Bernardi mens, eademque sententia. Nam in primis lib. 2. de Considerat. ad Eugenium Papam, *Planum est, inquit, quòd Apostolis interdicitur dominatus, ergo & tu tibi usurpare caue, aut Dominus Apostolatium, aut Apostolicus dominatum: planum est, quia ab utroque prohibebis: si utrumque similiter habere voles, perdes utrumque.* Deinde lib. 4. ad eundem asserit Summum Pontificem *non habere gladium materiale in iussu, sed solum in nutu.* Id est, penes Pontificem non esse dominium gladii temporalis, sed solum potestatem quandam innuendi, dirigendi, atque ordinandi ad modum inferiùs <sup>r</sup> explicandum, quando, & in quibus casibus Imperator, qui illius gladii Dominus est, illum pro Ecclesiæ necessitatibus extrahere debeat.

<sup>r</sup> Nu. 196. &  
seq.

20 Præterea in epistola 170. Si, inquit, *totus terrarum orbis aduersum me coniuraret, ut aliquid moliar aduersus Regiam maiestatem, ego tamen Deum timerem, & ordinatum ab eo Regem offendere temerè non auderem. Nec enim ignoro, ubi legerim, Qui potestati resistit,*

*stet, Dei ordinationi resistit. Et nihilominus, si maiestas Regia aduersus Ecclesiam aliquid moliretur, eamque conculcare, aut iniuriam inferre niteretur, in eo casu S. Bernardus se matris suæ iniurias non dissimulaturum, sed pro ea armis, quæ Domini Sacerdotem, athletam Christi, atque Ecclesiæ filium decent, usque ad mortem dimicaturum esse intrepidè proficitur. Nos, inquit<sup>1</sup>, Ecclesiæ filij matris iniurias, contemptum, & conculcationem omnino dissimulare non possumus. — Profectò stabimus, & pugnabimus usque ad mortem, si ita oportuerit, pro matre nostra armis, quibus licet, non scutis, & gladijs, sed precibus, fletibusque ad Deum.*

<sup>1</sup> In epist. 221  
ad Ludovicū  
Crassum.

21 Possent etiam pro hac sententia adduci Sanctus Gregorius Papa, ut ita quivis, quàm concordissimè vniuersi sancti Patres atque Ecclesiæ Doctores in hac re consentiant, facilè dispicere possit. Ipse etenim, qui tot iniurias à Longobardorum feritate perpeffus est, non tamen propterea ab ijs debellandis, seque, suæque Ecclesiæ armis corporalibus defendenda abstinuit, quia vires sibi deesse existimabat ad eorum Imperium penitus dissipandum, sed quoniam,

t Nu. 256.

vt infra<sup>t</sup> videbimus, ob Dei timorem, & conscientiae scrupulum in mortem alicuius se miscere formidabat. Quenam igitur fuerit B. Gregorij opinio de potestate Papali Principes deponendi, ex his perspicue admodum colligi potest. Si enim ipse, cum Summus esset Pontifex, tantaque eruditione, ac vitae sanctimonia excellens, vt inter quatuor Ecclesiae Doctores numerari mereatur, in alicuius tamen necem, ob sui, suaeque Ecclesiae defensionem, consentire plane illicitum sibi esse iudicabat; quis profecto iure suspicari poterit, talem tantumque virum in ea potuisse esse sententia, vt existimaret, Summo Pontifici ex Christi lege aut praecipuum, aut permissum esse, vt Principibus supremis, tametsi Ecclesiam persequantur, vel vitae, vel honoris priuationem, non dico, imprecetur (his enim imprecationibus ipse Gregorius aliquando usus est, & ex ijs nullum perturbandae Reipublicae periculum oriri poterat) sed per sententiam definitiuam illis, vel vitam, vel Principatum auferat, totumque ius regnandi alteri etiam extraneo concedat, ex quo maximi in Republica tumultus, infinitae strages, caedesque hominum innumerae, aut



aut semper, aut plærunque consequi solêt?

22 Quòd si quis respondeat, præfatos sanctos Patres hoc solùm asserere voluisse, non esse licitum viris Ecclesiasticis arma corripere, aut vllum malefactorem, saltem per seipsos, pœna mortis, aut membrorum mutilationis afficere: hoc etenim sacri Canones <sup>u</sup> Clericis ob status decentiam penitus interdiciunt, & in transgressores pœnam Irregularitatis decernunt.

Hoc sanè facilè conuinci potest. Constat enim iuxta communem Theologorum <sup>x</sup> doctrinam, iure tantùm Canonico, & humano, non naturali, aut diuino Clericis prohiberi, ne arma capiant, aut aliquem malefactorem per seipsos occidant: quæ leges neque Summos Pontifices constringunt, neque alios tam stricte obligant, quin in ijs Papa dispensare possit. Quin etiam absque vlla expressa Summi Pontificis dispensatione possunt Clerici, & aliquando etiam tenentur, (si præsens necessitas urgeat) vel in propriæ vitæ defensionem, vel in Reipublicæ ciuilis tutelam, quæ priuato cuiusque commodo anteponi debet, contra iniquum aggressorem cum inculpatæ defensionis moderamine tam Rempub.

C 2

quàm

u Dist. 45.  
can. Episcopū  
in cap. Sentē-  
tiam, Extra.  
Ne Clerici, vel  
Monach, &  
toto titulo de  
Clerico per-  
cussore.  
<sup>x</sup> In secundā  
secundæ S.  
Thom. q. 64.  
ar. 4. vbi Ar-  
ragona, Sa-  
lon. & alij.



quàm seipſos deſenſare.

23 Aliud igitur ſignificare voluerunt præclara illa ſanctæ Eccleſiæ lumina, nempe dominium gladij temporalis non eſſe penes Eccleſiam, aut Paſtores illius ſpirituales quā tales ſunt, ſed ſolūm penes Rēpub. politicam, illiusque Dominos temporales, neque ad viros Eccleſiaſticos, quatenus Eccleſiæ ſunt filij, ſpectare, vt armis corporalibus, ſed ſpiritualibus duntaxat, quæ propria ſunt militum Chriſti, iniurias ſibi allatas propulſent. Quòd ſi interdum contingat clericos materiali vti gladio, non illis competere, quā Eccleſiaſtici ſunt, ſed quā homines, aut corporis politici partes, & membra quædam, qui, vel in propriam deſenſionem, lege naturali dictante, quòd vim vi repellere cuius homini liceat, vel in communem Reipublicæ politicæ turelam (præhabita eorum, ad quos ſpectat, licentia) nonnunquam armis decertant.

24 Quapropter ſi à iure Eccleſiaſtico abſtrahamus, non minùs Summo Pontifici, alijsque Prælatiſ Eccleſiaſticiſ, qui ex Principum conceſſione poteſtatem temporalem habent, quàm cæteriſ etiam Principibꝫ ſecularibꝫ materiali vti gladio permittitur,

mittitur, & propterea sicut Princeps temporalis ob Maiestatis Regiæ dignitatē non omnia iudicia per seipsum exercet, sed inferiores Iudices, atque ministros designat, qui ius dicant, & sententiam Iudicis exequantur; quæ tamen omnia Princeps ipse per seipsum, si vellet, exequi posset, cum tota auctoritas, quam alijs communicat, in seipso amplissimè resideat: ita Summus Pontifex, etiam si ob status Ecclesiastici decorum, iudicia secularia, in causis præsertim criminalibus, non per seipsum, sed per Iudices seculares à se ad hoc deputatos exerceat, quia tamen lege diuina cautum non est, ne Clerici auctoritate publica in causis capitalibus se immisceant, satis liquet, posse Summum Pontificem ea omnia iudicia per seipsum ferre aut exequi, ad quæ ferenda, aut exequenda ipse alijs potestatem impertitur. Ex quibus apparet prædictam Responsionem esse nimis debilem ad totius Ecclesiæ primitiæ praxim, & præfatas sanctorum Patrum auctoritates eneruandas.

25 Hanc quoque sententiam ex parte sequitur Gregorius Tholosanus, lib. 26. de Republica, cap. 5. qui existimat Principes seculares propter peccata merè secularia,

y Nu. 414. &  
1eq.

z Nu. 404. &  
1eq.

\* Lib. 5. hist.  
cap. 23.  
a In ann. 754

quæ tamen bono spirituali, atque animarum salutis obsunt, non posse per auctoritatem Papalem suis dominijs priuari. Fauere etiam videntur plurimi ex illis Auctoribus inferius y citandi, qui asserunt Imperium Romanum non fuisse à Græcis ad Germanos sola Romani Pontificis auctoritate translatum: & ex illis quoque z, qui negant Regem Childericum fuisse per Romanum Pontificem suo Regno priuatum, & Pipinum loco illius substitutum. *Ex hoc enim*, vt ait Otho Frisingensis \*, & Godetrudus Viterbiensis a, *Romani Pontifices Regna mutandi auctoritatem trahunt.*

26 Sed eam magis expressè tenent Sigebertus, vt constat ex Chronico in anno 1080. & ex Catalogo vbi dicit, *se rogatu Henrici Archidiaconi, & Decani Ecclesie S. Lamberti, validis Patrum argumentis respondisse epistola Hildebrandi Papa, quam scripsit ad Hermannum Metensem Episcopum in potestatis Regie calumniam.*

Vincentius Belluacensis in Speculo hist. lib. 25. cap. 84. vbi postquam quædam de abusu clauium dixerat, eaque referens ad Gregorium septimum, & Urbanum secundum, hæc verba, quæ ex Sigeberto desumpserat,

pserat, subiungit : *Nimirum ut pace omnium bonorum dixerim, hæc sola novitas (ne dicam hæresis) necdum è mundo emerferat, ut Sacerdotes eius, qui dicit Regi Apostata, & qui regnare facit hypocritam propter peccata populi, doceant populum, quòd malis Regibus nullam debeant subiectionem; & licet ei sacramentum fidelitatis fecerint, nullam tamen debeant fidelitatem, nec periuri dicantur, qui contra Regem senserint; immò qui Regi paruerit pro excommunicato habeatur, qui contra Regem fecerit à noxa iniustitiæ periurij absoluator.*

27 Nicolaus Cusanus Cardinalis, qui lib. 3. de Concordantia Catholica, cap. 4. docet, *Principes Electores non habere potestatem eligendi à Romano Pontifice sic, quòd nisi ipse consentiret, non haberent, aut si vellet, ab ipsis tollere posset.* Et cap. 5. affirmat, quòd *Imperatoris celsitudo est independens, quoad sui naturam, & primò, & supremò distincta à spirituali, habens dependentiam immediatā à Deo.* Et in cap. 41. *Cogitet itaque, inquit, dum hæc instinctu turbatores pacis mentibus suggeruntur, ipse primus omnium Romanus Pontifex se ministrum ex humiliatione exaltari, quodq; supremus aliorum mini-*

sterialem curam habet, non dominationis imperium, ac utraq; à Deo esse potestates, ac nostro gratiæ tempore verè distinctas, ut Nicolaus asserit, &c. — Et consimilia multa ad minus distinctionem independentem, & quòd desursum utraque potestas descendat, probare videntur. Et illa fuit omnium antiquorum opinio vera, & si dubia nouiter exorta sunt ob sinistram multorum complacendi studium, repetantur vetera. Et post pauca: Si Regum, inquit, & Imperatorum depositiones, ac Imperij translationes, & cætera fortè ad hoc præsumendum Apostolicum mouerent, sciat, nisi fortè Religioni, & humilitati obstaret, omnibus illis verè, & clarissimè responderi posse, &c.

28 Guilielmus Barclaius, lib. 4. de Regno contra Monarchomachos, cap. 4. in principio, *Inprimis*, inquit, *fatemur Reges omnes arctissimis & natura, & iurisiurpandi vinculis astrictos, ut Dei mandata seruent, ut eum pie colant, ut omni studio incumbant in eam curam, ne subditi à vera religione declinent, & ad idòlatriam, Iudaismum, aut heresim prolabantur. Sed hæc tamen, si segnius, si secius egerint, à Deo solo posse iudicari; quia soli Deo subiecti sunt: de temporali iudicio,*

iudicio, & subiectione loquimur. Nam quæ Ecclesia filij, quæ Christiani, quæ oves Domini gregis, omnes Principes terræ Summum Pontificem Petri successorem, Deique Vicarium agnoscere debent, tantò se superiores, quanto ipsi singulis de populo sint; ut quemadmodum rebelles aut alioqui capitalis criminis reos iudicare, & licitoribus ad supplicium tradere possint, ita supremus ille Ecclesia Princeps, & Pastor vniuersalis, hos in Deum delinquentes spirituali iudicio condemnare, & tormentibus inuisibilibus inuisibilis spiritus flagello, gladioque ancipiti excommunicationis plectendos tradere.

29 Auctor Apologiæ Protestantium pro Romana Ecclesia, Anglicè conscriptæ, se etiam in hac eadem esse sententia satis aperte indicat. Nam in Præfatione ad Lectorem, sect. 19. satis clarè insinuat, doctrinam hanc de Principibus auctoritate Papali deponendis non esse vniuersalem totius Ecclesiæ, sed à certis quibusdam Catholicis solummodò propugnatam. Et sect. 20. ait, *Eos extra modum excedere, qui incompetentibus attributis Auctoritatis in temporalibus, atque totius mundani Principatus supremum Pastorem nimium onerant.* Et sect. 21.

22. 23. 24. fusè ostendit, non ideò Christianos à principio nascentis Ecclesiæ per multa deinceps secula, Reges, ac Imperatores, qui Ecclesiam persequabantur, omni honore, ac reuerentia persecutos fuisse, quia ad id necessitate tantùm, & non religione coacti essent, quasi vires non suppe-

b *Quod si quis inquit, cum Puritanis opinans (Anglicè conceited with the Puritans) responderet, Christum, & Apostolos fidelibus precepisse, ut Imperatoribus etiam Ethnicis obedientiam prestarent, solum pro tempore nascentis Ecclesiæ, quando Christiani deerant vires, &c. Nonne hac expositio extorta est & Scripturæ verbis directè repugnans? &c.*

terent ad se ab eorum crudelitate liberandos; hanc enim *Puritanorum opinionem, seu conceptionem* appellat <sup>b</sup>, sed quia existimabant subditos quosunque naturali obedientie vinculo Principibus suis legitimis astrictos esse, quam tanquam sacram, & inuiolabilem obseruandam esse, non solum naturalis instinctus, sed ipsa etiam Christi religio nos admonet. Neque arma militiæ nostræ, ut Apostolus ait, esse carnalia, sed lachrymas, & orationes, ut S. Ambrosius affirmat. Et tract. 3. sect. 5. asserit, nos Anglos ex legum omnium, tam diuinarum, quam humanarum prescripto serenissimo Regi nostro Iacobo indissolubiter in summo premio totius mundanæ subiectionis gradu deuinctos esse.

30 Eandem quoque sententiam amplectuntur quamplurimi horum temporum Catholici nationis Gallicanæ, atque ex illis viri doctissimi, tam Ecclesiastici quam Laici,



ci, vt constat ex Laurentio Bochetto in Decretis Ecclesiæ Gallicanæ, & ex Tractatu Gallico de Iuribus, & libertatibus Ecclesiæ Gallicanæ, auctoritate Regis, ac Parlamenti Parisiensis in lucem edito. Nam anno Domini 1561 quidam Ioannes Tanquarellus <sup>c</sup> Parisijs à Procuratore Regio in iudicium vocatus erat, quòd publicè hanc propositionem defendisset : *Papa Christi Vicarius Monarcha spiritualem, & secularem habens potestatem, Principes suis præceptis rebelles Regno, & dignitatibus priuare potest.* Et per decretum Parlamenti ipsi Vniuersitatis Parisiensis Bidello iniunctum erat, vt ipse nomine, & vice dicti Ioannis, qui aufererat, præfatam propositionem in plena Sorbona præsentibus Decano, & vniuersis Doctoribus recantaret, atque declararet, se indiscretè, ac inconsideratè eam sustentasse, & disputasse, atque contrariam vt certam reputare; idèoque à Regia Maiestate errati sui veniam humiliter postulare. Quo peractò ipsi Facultati Parisiensi prohibitum fuit Regis, ac Parlamenti nomine, sub poenis amissionis priuilegiorum, alijsque grauioribus ad beneplacitum Parlamenti infligendis, ne deinceps eiusmodi propositiones in disputationem

c Apud Boc.  
lib. 5. tit. 3. cap.  
6. & Tract. de  
Iuribus, &c.  
pag. 289.



d Apud Boch.  
lib. 5. tit. 4.  
cap. 8. pag.  
755.

e Apud Boch.  
lib. 5. tit. 20.  
cap. 45. pag.  
917.

tationē venire permetterent. Et anno Domini 1595. <sup>d</sup> simile Decretum sub poena læsæ Maiestatis renouatum est.

31 Præterea anno Domini 1595. <sup>e</sup> in generali Ordinum conuentu Parisijs celebrato Cardinalis de Pelleue, cæteriꝑ; Prælati, qui tunc aderant, quædam Concilij Tridentini decreta recipere noluerunt, inter quæ illud erat Sess. 25. cap. 19. in quo permissio duelli Regibus interdicitur: *Concilium*, inquiunt, *Tridentinum excommunicat, & priuat Regem ciuitate illa, vel loco, in quo permittit fieri duellum. Hic articulus est contra auctoritatem Regis, qui non potest priuari suo Dominio temporali, respectu cuius nullum omninò superiorem recognoscit.*

f Apud Boc.  
lib. 4. tit. 21.  
cap. 1. pag.  
646.

Iacobus etiam Leschaffierius in tract. de libertate antiqua, & canonica Ecclesiæ Gallicanæ, <sup>f</sup> inter cætera summa capita, in quibus iuxta ius commune antiquam libertatem Ecclesiæ Gallicanæ fundari affirmat, hoc primum recenset: *Neque Papam, neque totum omninò Clerum ius habere de vlla re temporali statuendi, multo minùs de vlllo Regno, seu Imperio supremo.*

g In apparatu  
verbo Petrus  
Pithæus.

32 Demum, alijs prætermiſſis, Petrus Pitheus, vir, teste Posseuino <sup>g</sup>, verè eruditus,  
 &

& antiquitatis sedulus perquisitor, in Codice, quem collegit, libertarū Ecclesiæ Gallicanæ, auctoritate Senatus in lucem edito, anno Domini 1594. <sup>h</sup> afferit, *Libertatem Ecclesiæ Gallicanæ duabus potissimum nisi maximis, quas Francia semper ut certas approbavit; quarum prima est, Summos Pontifices non posse aliquid precipere, aut statuere, siue in generali, siue in particulari, quod attinet ad res temporales, in locis, & terris supremo Regum Christianissimorum dominio subiectis: Et si aliquid praeceperint, vel statuerint, non teneri eorum subditos, tametsi sint Clerici, Summis Pontificibus eam ob causam obedire.* Et paulò inferiùs <sup>i</sup> hanc maximam particularem illi generali subnixam inter cæteras subiungit: *Regnum Franciæ, eiusq. pertinentias dare in prædam Papa non potest, neque eo Regem privare, aut alio quouis modo disponere: & non obstantibus quibuscunque monitionibus, excommunicationibus, vel interdictis, quæ à Papa ferri possunt, Subditi tamen obedientiam pro temporalibus debitam Regi præstare tenentur, neque in ea per Papam dispensari, aut absolui possunt.*

<sup>h</sup> Habetur in lib. de tracturium, &c. tract. 8. pag. 251.

<sup>i</sup> Ibid. pag. 255.

33 Denique hanc sententiam fuisse cētum circiter ab hinc annis, à Doctoribus Scho-

k In an. 1106

Scholasticis nō sine probabilitate propugnata fatetur Ioannes Trithemius, vir eximiae sanctitatis, atque doctrinae, qui in Chronico Monasterij Hirsaugiensis <sup>k</sup> ita scribit: *Ipse autem (Henricus quartus) primus est inter omnes Imperatores per Papam depositus. Scholastici certant, & adhuc sub Iudice lis est, utrum Papa Imperatorem possit deponere: quam questionem, cum ad nos non pertineat, indiscussam relinquamus.* Quapropter tempore Trithemij quæstio hæc de potestate Papali Principes supremos è Regali solio pellendi, non erat ex mente ipsius vt res fidei certò definita, sed inter Scholasticos absque vlla hereseos, vel temeritatis nota hinc, illincque controuersa.

34 Miror itaque ob quam causam Cardinalis Bellarminus, dum præsentem controuersiam in lib. 5. de Rom. Pont. ex professo tractet, & in capite primo quæstionē proponat, sententiasq; recenscat, ne vnum quidem scriptorem Catholicum in fauorem huius secundæ sententiæ, quam tamen multi Catholici iam citati tuentur, proferat; cum tamen pro prima sententia ab ipso ibidem relata, quæ dominium Pontificis directè in temporalibus defendit, & pro sua

sua tertia quæ dominium solum indirectè in temporalibus Pontifici concedit, quam plurimos Auctores enumeret; nisi forsan eo fine id fecerit, vt Lector non adeò peritus rerum Theologicarum, in ipso primo ad quæstionem ingressu, antequàm rationes, & exempla, quæ ipse pro sua sententia confirmanda adducit, expendisset, de hac secunda sententia, quæ talem auctoritatem Principes deponendi, aut de rebus temporalibus omnium Christianorum disponendi, neque directè, neque indirectè Pontifici attribuit, opinionem iam præiudicatam haberet, eamq; non tam sententiam, quàm manifestam hæresim esse reputaret, quod quidem ipsemet Cardinalis Bellarminus satis apertè indicare videtur eo loco. Sed quàm parùm candidè ipse, cum bona eius venia dixerim, opiniones Auctorum referat, ipsumque controuersię statum proponat, & dum hanc secundam sententiam commemorat, nonnulla confundat, quæ distinguenda essent, quasi de industria Lectorum oculis tenebras offundere studeret, paulò infra<sup>l</sup> copiosius ostendemus.

l Nu. 107. &  
seq. 121. &  
seq.

35 Ad hanc sententiam comprobendam quinque mihi inter alia videntur esse præci-

præcipua argumenta.

in Lib. 5. de  
Rom. Pont.  
cap. 3.

Primum simile est illi, quo vitur Card. m Bellar. aduersus Summi Pontificis dominium directè in temporalibus: quia si Papa haberet potestatem priuandi Principes suis dominijs in ordine ad bonum spirituale, idque iure diuino, deberet id constare ex Scripturis, vel saltem ex Apostolorum traditione. Traditionem Apostolicam aduersarij nullam proferunt; ex Scripturis duo potissimùm loca afferri possunt.

Primus est Math. 16. vbi Christus promisit Petro clauēs regni cœlorum, at tradidisse clauēs regni terrarum nusquam legitur. Et tamen in verbis subsequētibz generaliter dictum sit: *Et quodcunque ligaueris, & solueris super terram, erit ligatum & solutum in cœlis*: illud tamen vocabulum *quodcunque*, nō in tota sua amplitudine, seu cum distributione completa, vt dicunt Logici, sed cum quadam limitatione, seu cum distributione accommodata, vt loquuntur, usurpandum esse, neque de quocunque ligamine, sed de certo tantum, ac determinato Christum Dominum locutum esse nemo ambigere potest.

36 Atque ex his verbis antecedentibus, nempe

nempe *claves regni cælorum*, & subsequen-  
 ribus; & *in cælis*, satis perspicuum est, vin-  
 culum hoc, quod ex Christi institutione  
 per potestatem Ecclesiasticam ligari, & sol-  
 ui potest, non temporale esse, sed ad cœ-  
 leste, & spirituale ligamen pertinere. Vnde  
 Glossa Interlinearis in illud Math. 18. *qua-*  
*cunque alligaueritis, &c. Vinculo*, inquit, *a-*  
*nathematis*. Quod etiam expressè asserit  
 Franciscus Suarez celeberrimus Societatis  
 Iesu Theologus, ira inquiring. <sup>n</sup> *Quòd verò*  
*additur, Erit ligatum & in cælo, satis decla-*  
*rat potestatem hanc non esse naturalem, sed*  
*supernaturalem, & ligamen illud esse spiri-*  
*tuale, & superioris ordinis.* Et Ioannes Pari-  
 siensis: <sup>o</sup> *Quòd dicitur, inquit, secundo,*  
*Quodcunque solueritis, &c. Respondeo secun-*  
*dum Chrysostomum & Rabanum, per hoc non*  
*intelligitur aliqua potestas data, nisi spiritalia,*  
*absoluendi scilicet à vinculo peccatorum.*  
*Stultum autem esset intelligere, quòd per hoc*  
*datur potestas absoluendi à vinculo debitorum.*  
*Quin imò ex prædictis verbis, Tibi dabo*  
*claves, &c. non posse colligi fuisse aliam*  
*potestatem Petro promissam, quam quæ*  
*illi collata est Ioh. 16. illis verbis, Pasce oves*  
*meas;* apertè deducitur ex ipso met Card.

<sup>n</sup> Tom. 5.  
 di/p. 1. lect. 2.  
 nu. 3.

<sup>o</sup> In tract. de  
 potest. Regia  
 & Papali, cap.  
 15.

p Lib. 1. de  
Rom. Pont.  
cap. 12 in resp  
ad 6 obiect.  
q Nu. 39.  
r In Festo A-  
post. Petri &  
Pauli in Re-  
sponso 3.  
2. Nocturni.

Bellar. P vt statim q clariùs apparebit.

37 Et quamuis in Breuiario Romano  
legamus, *Deum Petro tradidisse omnia reg-  
na mundi*, hæc tamen verba in eo sensu ac-  
cipere oportet, quo verba Nicolai Papæ 2.  
in epist. ad Mediolanenses intelligenda sunt,  
vbi ait *Christum B. Petro vitæ æternæ clau-  
gero terreni simul, & cælestis iura commisisse*,  
id est, Christum B. Petro concessisse ius, &  
potestatem spiritualem super vniuersum  
mundum, tum ex hypothesi, si totus mun-  
dus conuerteretur ad fidem, tum absolute  
potestatem prædicandi Euangelium in v-  
niuerso mundo, & imperandi in spirituali-  
bus omnibus Christianis per totum orbem  
diffusis, atque soluendi, ac ligandi in terra  
& omnibus mundi regnis vinculum illud  
spirituale & cæleste, quod Math. 16. pro-  
miserat. *Allusit enim Nicolaus* (ait Cardin.  
Bellarm.) *ad verba Domini Math. 16. Nec  
possumus* (inquit) *aliter exponere verba Ni-  
colai, nisi velimus, Nicolaum 2. repugnare  
Nicolaio primo, qui in epist. ad Michaëlem  
Imperatorem disertè docet Christum distin-  
xisse actus, officia, & dignitates Pontificis, &  
Imperatoris, ne aut Imperator iura Pontifi-  
cis, aut Pontifex iura Imperatoris præsume-  
ret*

f Lib. 5. de  
Rom. Pont.  
cap. 5.



ret *usurpare.*

38 Atque hunc fuisse sensum ipsius Ecclesiæ antiquioris constat ex oratione, quæ in festo Cathedræ S. Petri legi solet. *Deus, qui B. Petro Apostolo tuo collatis clavibus regni cælestis animas ligandi, atque soluendi Pontificium tradidisti, &c.* Tamen si paucis ab hinc annis vocabulum illud *Animas* è Breuiarijs Romanis iussu Clementis 8. reformatis penitus expungatur, ne forsan opinioni Theologorum recentiorum de suprema, ac absoluta potestate Summi Pontificis in temporalibus derogare videretur.

39 Alter locus est Ioh. ultimo, ubi Christus illis verbis, *Pasce oves meas*, constituit Petrum Pastorem Ecclesiæ suæ. Veruntamen quàm debile sit argumentum, quod ex hoc loco deduci possit ad confirmandam potestatem Pontificis in temporalibus infra clariùs in solutione quintæ rationis Card. Bellar. elucebit. Nam hunc solum locum ex tota Scriptura novi Testamenti ipse ad suam sententiam corroborandam adhibuit, illumque ex Math. 16. suprà allegatum tanquam proposito suo minùs forsan deferuientem penitus prætermisit, ideoque in eo loco Matthæi explicando non

1 Nu. 329. &  
seq.



u Lib. 1. de  
Rom. Pont.  
cap. 12. ad 6.  
obiect.

erat nobis tantoperè insistendū: cū præ-  
sertim ex sententia ipsius Bellar.<sup>u</sup> in illis ver-  
bis Math. 16. *Tibi dabo claves, & quodcum-  
que solueris, &c. solum promissa sit non data*  
Petro potestas clauium regni coelestis, *quas*  
*claves regni ipse, vt principalis, & ordinarius*  
*Præfectus tunc solum accepit, cū audiuit,*  
*Pasce oues meas.* Quare iuxta mentem Car-  
din. Bellarm. ex loco Math. 16. non potest  
probari fuisse vllam aliam potestatem Sum-  
mo Pontifici communicatam, quàm quæ  
ratione officij Pastoralis spiritualis illi attri-  
buenda est.

x Suprà in  
principio  
Præfationis.  
y Infrà nu. 64  
z Nu. 83.

40 Secundò probatur ratione à priori:  
nam potestas coercitiua spiritualis & tem-  
poralis sunt ex se actibus, officijs & digni-  
tatibus <sup>x</sup> discretæ, atque ab inuicem inde-  
pendentes <sup>y</sup>, dualque constituunt respub-  
licas, vt inferiùs <sup>z</sup> patebit, & consequenter  
distincta habent fora, distincta iudicia, at-  
que distinctas pœnas pro delictis infligen-  
das: ergo sicut non potest respub. ciuilis ir-  
rogare pœnam spiritualem, cū hæc rei-  
publ. Ecclesiasticæ, non politicæ sit pro-  
pria; ita neque spiritualis pœnam infligere  
temporalem, cū hæc ad ciuilem non Ec-  
clesiasticam pertineat.

41 Et cōfirmatur hæc ratio primò, quia, ut infrà<sup>a</sup> videbimus, Iudicia fori Ecclesiast. <sup>a Nu. 90. & seq.</sup> & ciuilis in ceteris omnibus cōuenire queunt, præterquàm in pœnarum inflictione, ex qua hæc potestates coercitiuæ potissimū distingui debent; nam eandem causam, seu delictum, eundemque modum procedendi ad vtrumque forum spectare posse perspicuum est: neque discrimen aliquod singulare, nisi ex animaduersione atque supplicio, quod per vtrasque potestates ex sui natura infertur, assignari potest.

42 Confirmatur secundò, quia nulla respubl. si eius naturam spectemus, potest priuare subditum suum delinquentem, nisi bonis atque priuilegijs, quæ illius reipublice sunt propria: cum igitur bona reipub. ciuilis sint temporalia, atque Ecclesiasticæ spiritualia, sicut respublica temporalis non potest subdito suo delinquenti bona spiritualia auferre, ita nec spiritualis potest sibi subiectos, si peccauerint, bonorum temporalium priuatione castigare.

43 Tertium argumentum sumitur ab incommodis, quod Dialectici ad impossibile appellant. Primum autem & præcipuum inconueniens est, quia sequeretur

primò, Summum Pontificem non solum habere iure diuino auctoritatem in ordine ad bonum spirituale priuandi Principes suis dominijs, verum etiam vita corporali.

Secundò sequeretur, posse Papam dare etiam licentiam cuilibet priuato, vt tales Principes in ordine ad idem bonum spirituale per insidias interficiat, si alioquin deponi commodè non possint.

44 Prima consequentia est ex se manifesta, tum quia, cum vita sit res temporalis, & Pontifex ex sententia Card. Bellar. plenam habeat potestatem disponendi de rebus temporalibus omnium Christianorum in ordine ad bonum spirituale, consequenter in ordine ad idem bonum habet etiam de vita temporali plenam disponendi facultatem: tum etiam quia, si penes Pontificem est potestas disponendi in ordine ad finem spirituales de bonis fortunæ omnium Christianorum, etiam Principum, non potest assignari sufficiens ratio, quare in ordine ad eundem finem etiam de vita corporea Principum disponere non possit, qui plerumque vita priuari, quàm è regno pulsi viuere cum ignominia, optabilius arbitrantur.

45 Secunda etiam consequentia erit satis perspicua, si prius supponamus, quod docet Gregorius Sayrus<sup>b</sup>, cum quo cæteri Theologi, & totius Christiani orbis consuetudo in hoc consentiunt.

<sup>b</sup> In clauē Regia, lib. 7. cap. 11. nu. 11.

Ita ergo scribit Sayrus: *Rex, Princeps, aut respublica legem statuere, aut facultatem alicui concedere absolute non potest, ut quis ante iudicis sententiam malefactorem occidat. Ratio est, quia est contra ius natura, ut quis non auditus condemnatur. Etenim condemnationem iuridicam precedere debet cognitio iuridica, ita scilicet, ut condemnandus citetur, eiq; defensio concedatur, ut exinde statuatur, licite, an illicitè aliquid fecerit. Neque Princeps ipse, quamuis scientia priuata cerio nouit aliquem morte dignum, eum tamen occidere potest, donec iuridicè conuincatur de crimine. Et hinc homicidij sunt rei occidentes veneno, vel aliàs secreto de mandato dominorum non citatos, non auditos, non damnatos, etiamsi rei læsæ maiestatis dicerentur, ut rectè docet Caietanus in verbo Homicidium. Et quamuis Princeps humanis legibus solutus sit, iuri tamen naturali subiectus est; exigit autem natura actus publici (qualis est iusta hominis occisio) ut ex potestate, & scientia publica procedat.*

46 *Hæc tamen doctrina limitari solet, ita ut non procedat primò, quando crimen esset publicum & notorium; tunc enim sine citatione, defensione, & processu condemnari, & puniri potest. Secundo, quando reus ita esset potens, ut capi non posset; tunc enim non vocatus, & non defensus condemnari posset in absentia. Et ita Nauarrus in Manuali, nu. 10. cap. 25. dicit se excusasse magnum quendam Monarcham, qui virtute processus in absentia facti, & sententia sine citatione lata fecit capite plecti quendam suorum militum Ducem sibi in alio Regno militantem, quia nec capi, nec sine metu rebellionis illius, & magne partis exercitus audiri posset.*

47 *Post latam autem sententiam, & declaratoriam criminis, qua quis iussu ad mortem damnatus est, potest licitè Princeps, vel respublica concedere hominibus priuatis facultatem occidendi malefactores in aliquibus casibus. Irrius est circa latrones publicos, assassinos, & alios viarum inuasores, & perturbatores reipublica. Cum enim isti aggressores sint, & hostes reipublica, & singularum de illa personarum, concedi potest facultas occidendi istos, cum non possint alia via comprehendendi. Hactenus Sayrus.*

48 Ex qua doctrina euidentissimè colligitur consequentia præcedens. Cum enim ex sententia Card. Bellarm. Summus Pontifex sit supremus Princeps omnium Christianorum, etiam Regum, non solum in spiritualibus, sed etiam in temporalibus in ordine ad bonum spirituale, & consequenter in ordine ad illud bonum tantam habeat super Principes auctoritatem, quantum Principes ipsi super suos subditos habent potestatem, necessariò consequitur, quòd habeat potestatem lupos quoscunque, etiam Principes qui Ecclesiam deuastant, latrones publicos boni spiritualis, assassinos, & alios non viarum, sed animarum inuasores, hostes, ac perturbatores Ecclesiæ (quales sunt Principes hæretici, qui alios ad hæresim pertrahere conantur) extremo supplicio afficiendi. Et si crimen est publicum, ac notorium, aut si ipsi ita potentes sunt, ut sine periculo rebellionis capi non queant (quales sunt omnes eiusmodi Principes) possunt sine citatione, defensione, & processu in absentia condemnari.

49 Atque post latam sententiam, & declaratoriam criminis qua iustè ad mortem condemnantur, potest summus Pontifex conce-

concedere hominibus priuatis facultatem huiusmodi malefactores manifestos veneno, aut alijs vij occultis, vel apertis è medio auferendi. Ex quo sequitur, cum huiusmodi condemnationis sententia ferri possit ita secretò, vt vix possibile sit ad talium Principum notitiam peruenire, non posse eiusmodi Principes vix vno temporis momento vel de propria vita, vel de subditorum fidelitate esse securos, sed ipsorum salutem ex Pontificis beneplacito quàm maximè dependere. Cum enim ex mente Bellar. quid bono spirituali profit, noceat, vel obsistat penes Pontificem sit iudicare, eiusque iudicio acquiescendum; quis non videat, quòd voluntas Pontificis (iuxta illud Poetæ) pro ratione stare debeat, eiusque iudicium tam quoad vitam, quàm bona, cæteraque omnia temporalia quæ bono spirituali obsunt, ab illius beneplacito vix disiungi possit?

50 Secundū inconueniēs est, quia non solum principes hæretici, sed etiam qui Episcopatus vendunt, Ecclesias diripiunt, aut alia scelera committunt, immò, qui non eo modo viuunt, quo secundum suum statum tenentur, possent dominij suis temporali-

bus

e Lib. 4. de  
Rom. Pont.  
cap. 1 & 5. &  
Math. Tortus  
in Respon.  
ad Apologiam  
p. 6. Quando  
(inquit) agitur  
de resacra, de  
re spirituali,  
de re, quæ ad  
salutem, vel  
perniciem per-  
tinet, nemo  
Iudex magis  
competens,  
fingi potest ip-  
so Summo  
Pontifice. Ne-  
que de eius  
iudicio licet  
alicui iudica-  
re. Can. Pater,  
& can. Alia-  
rum 2. 7. 3.



bus per potestatem Pontificis spoliari : quod ipsemet Card. Bellar. in quinta sua ratione satis apertè indicat, ut inferius<sup>d</sup> videbimus. Et si facinora, quæ perpetrant, poena<sup>d Nu. 327. 329.</sup> capitali sunt digna, atque publica sunt, & notoria, ac spirituali salutem aliorum præsertim obsunt, possent etiam capitis condemnari,<sup>e</sup> ne dicam iisdem planè modis, quibus Principes hæretici, è medio tolli.<sup>e Nu. 356.</sup>

51 Tertium inconueniens est, quia sequeretur non solum Papam, verum etiam inferiores Episcopos<sup>f</sup> habere quoque in<sup>t Nu. 355.</sup> ordine ad bonum spirituale potestatem Principes hæreticos, aut qui non eo modo viuunt, quo secundum suum statum tenentur, qui illis in spiritualibus subiecti sunt, non solum deponendi, verum etiam ob crimina, quæ extremo supplicio digna sunt, vita priuandi, si argumentatio Card. Bellar. contra dominium Papale directè in temporalibus rectè concludit. Ita enim ipse argumentatur : *g Si Papa est Dominus supremus totius orbis Christiani, ergo singuli Episcopi sunt Principes temporales in oppidis suo Episcopatu subiectis ; siquidem id, quod est Papa in vniuersa Ecclesia, est quilibet Episcopus in particulari : nam idem planè argumentum*

<sup>g</sup> Lib. 5. de  
Rom. Pont.  
cap. 3.



mentum dominio Pontificis indirectè in temporalibus accommodari posse, satis manifestum est.

52 Quantum inconueniens est, quia hæc doctrina de temporali Summi Pontificis potestate, eaque suprema in ordine ad bonum spirituale, sub terminis adeò vniuersalibus tradita, non distinctè explicando, quantum, & cuius generis bonum requiratur ad hoc, vt penes Papam sit potestas disponendi de rebus temporalibus omnium Christianorum, etiam Regum, ac Imperatorum, iustam videtur præbere ausam perturbandi pacem publicam, & innumeras suspiciones, atque terrores animis Principum incutiendi, cum præsertim Summus Pontifex sit etiam ipse Princeps politicus, & homo humanis infirmitatibus subiectus, sicut cæteri, qui affectionibus iræ, inuidiæ, avaritiæ, atque dominandi, statusque sui temporalis amplificandi libidine non solùm concitari, verùm sub prætextu etiam boni spiritualis superari nonnunquam possit.

53 Neque enim satis declarat hæc sententia, an Sûmus Pontifex plenam habeat in temporalibus potestatem super malos Principes tantùm, idque propter omnia crimina,

crimina, tam secularia, quàm spiritualia, vel propter certa quædam facinora duntaxat; an etiam super bonos Principes, qui tamen non tantam perfectionem affecuti sunt, neque spirituale Ecclesiæ bonum adeò promouere student, sicut alij vellent, si ad Principatus apicem eueherentur. Quis enim ignorat maximam bono spirituali fore accessionem, si Principes plura fundarent Monasteria tum virorum, tum mulierum, qui cum omni puritate Deo inseruirēt, & continuis precibus (quæ cœli penetrandi vim habent) pro Reipublicæ spiritualis, atque politicæ necessitatibus ipsum deprecarentur: Si gymnasia erigerent, in quibus omni doctrinæ, ac pietatis genere iuuentus instrueretur: Si Collegia instituerent, quæ viris eruditis omnia necessaria ad quoscunque hæreticorum libros confutandos supeditarent: Si ædes fabricarent, in quibus viri docti, & pij alerentur, qui ad infideles atque hæreticos conuertendos assiduè mitterentur?

54 Vtrùm igitur propter eiusmodi spirituale bonum penes Pontificē sit potestas Principem Secularem, cui pia hæc opera præstare cordi non est, Regno suo priuandi,

di, & alium, qui illa efficere paratus esset, in locum suum substituendi, non satis declarat hæc sententia, sed sub terminis nimis generalibus, nempe *in ordine ad spirituale bonum, in ordine ad finem spiritualem*, potestatem hanc indistinctè relinquit; neque satis explicat, quid per bonum spirituale intelligi debeat, neque utrùm propter bonum spirituale conseruandum duntaxat, vel etiã amplificandum, neque an propter bonum vniuersale omnium, seu plurimorum, an etiam ob particulare aliquorum talis suprema potestas super Principes Seculares in Papa resideat.

i Iste Auctor  
creditur esse  
P. Rob. Parsons  
Iesuita  
Anglus.

35 Quapropter non immeritò Comes Salisburiensis, nunc Regni Angliæ supremus Thesaurarius, vt refert P. R. i auctor tractatus Anglici de Mitigat. pag. 20. affirmavit, *se iamdiu molestia affectum esse, quòd clara aliqua explicatio auctoritatis Papalis per publicam aliquam, ac definitiuam sententiam orthodoxam, &c. hætenus non sit facta* (ex qua scilicet tam Principibus, quàm populo Christiano constare posset, quantam auctoritatē, & in quibus casibus habeat Summus Pontifex super Principes Seculares in rebus temporalibus potestatem) *vt non solum*

*lūm Principes illi, qui istam Superioritatem (Papalem) agnoscunt, à continuarum proditi-  
onum timoribus, ac suspicionibus, atque à cru-  
entorum assassinorum impetitionibus securi esse  
possint, verū etiam illi Reges, qui talem au-  
ctoritatem non approbant, & benignam nihi-  
lominus de suis subditis opinionem retinere cu-  
piunt, certò cognoscant, quantam fiduciam in  
ipsorum fidelitate, quod ad civilem obedientiā  
attinet, tūc reponere queant, quomodocunque  
in rebus quæ ad conscientiam spectant, ab eis  
disiungi se conspiciant.*

56 Ita enim non solū Principes Se-  
culares de suo erga Pastorem spiritualement  
officio, sed fideles etiam subditi, præter-  
quam quòd multis periculis, tum vitæ,  
tum bonorum inde liberarentur, de debita  
vtrisque obedientia iure diuino præstanda  
certiores redderentur. Neque molesta, sed  
potiùs gratissima & Summo Pontifici, &  
Principibus Secularibus deberet esse eiuf-  
modi declaratio: nam si Pontifex talem ha-  
beat auctoritatem sibi à Christo traditam,  
Ecclesia, quæ columna & firmamentum  
est veritatis, quæque in rebus fidei deter-  
minandis, Spiritu sancto ei assistente, errare  
nequit, illam Pontifici non denegabit, ne-  
que

que Principes Christiani, qui colla sua Christi iugo sponte submiserunt, eiusmodi potestatem Pontifici à Christo concessam, & per Ecclesiæ definitionem illis patefactâ grauati ferent: Sin autem talem auctoritatem ex Christi institutione Pontifex non habeat, (*de quo certant Scholaſtici, vt ait Trithemius, & adhuc sub Iudice lis est*) non est, quòd illam sibi arroget in summum Supremorum Principum præiudiciu, *quibus nemo præstantior est, aut similis in rebus omnibus creatis*, inquit Ignatius in epist. ad Smyrnenſes, & *qui à Deo secundi sunt, & solo Deo minores*, ait Tertullianus ad Scapulam, cap. 2. *Non habentes parem ullum super terram: summitas & caput omnium super terram hominum*, vt inquit Chrysost. hom. 2. ad pop. Antioch.

57 Neque satisfacit Responsio illius Auctoris P. R. qui ibidem dicit: *Quamuis inter Canonistas & Theologos controuersia adhuc sit de modo, quo Papa talem habeat in temporalibus auctoritatem, directè scilicet, an indirectè, utrosque tamen unanimiter consentire, Christum in Ecclesia talem reliquisse auctoritatem temporalem in casibus magni ponderis; quia alioqui Ecclesiæ necessitatibus*

non

*non sufficienter prospexisset. Et idem planè  
 Responsum adhibet Matthæus Tortus<sup>k</sup> k In Respons.  
 ad Apolog.  
 Anglic. pag. 9.  
 (seu ipse potius, sub Torti nomine, Card.  
 Bellarm. vt nōnulli opinantur:) *De qua re,*  
*inquit, Theologi, & Iuriconsulti disputant; si-*  
*quidem inter omnes conuenit, posse Pontificem*  
*Maximum hæreticos Principes iure deponere,*  
*& subditos eorum ab obedientia liberare. Cum*  
*hac enim conditione Reges terra ad Ecclesiam*  
*admittuntur, vt sceptrum suum Christo subiiciāt,*  
*& fidem ac religionem non euertere, sed pro-*  
*tegere, defendere, non oppugnare debeant.*  
*Quod si nolint, ius est illi, qui toti Ecclesie vi-*  
*ce Christi præst, eos à communione fidelium*  
*segregare, subditisq; interdicare, ne illis pare-*  
*ant. Et infra:<sup>l</sup> Neque de hac re, inquit, vlla* l Pag. 60.  
*sunt inter Doctores Scholasticos controuersia,*  
*alioqui proferat aduersarius vel vnum Catho-*  
*licum Auctorem, qui scribat non licere Sum-*  
*mo Pontifici Regem, vel Principem hæreticum*  
*excommunicare, & populum Catholicum ab*  
*eius obedientia liberare.**

59 Non, inquam, satisfacit hæc Re-  
 sponso, vt partim ex supradictis<sup>m</sup> constat, m Nu. 4 &  
 seq.  
 vbi plures tum Theologos, tum Iuricon-  
 sultos protulimus, qui apertè negant, talem  
 auctoritatem, non quidem excommuni-  
 E candi,

candi, & per Censuras spirituales, quæ Reipublicæ spirituali, eiusque regimini proportionatæ sunt, coercendi, (de hoc enim inter Catholicos non controuertitur) sed deponendi Principes delinquentes, eosque poenis temporalibus castigandi, qui quoad tales poenas, iuxta sanctorum Patrum, quos supra<sup>n</sup> retulimus, doctrinam, diuino examini relinquendi sunt, Summo Pontifici ex Christi institutione vlllo modo competere, & vt ait Trithemius antea<sup>o</sup> citatus, *Scholastici certant, & adhuc sub Iudice lis est, an Papa possit Imperatorem deponere*: partim ex infra dicendis clariùs apparebit, quando ad rationes quæ à P. R. P, & à Matthæo Torto<sup>q</sup> iam adductæ sunt, nempe *quia alioqui Christus Dominus Ecclesie necessitati- bus non satis consulisset, & quod reges terræ cum hac conditione ad Ecclesiam admittuntur, vt Sceptra sua Christo subijciant*,<sup>r</sup> &c. speciatim respondebimus.

n Nu. 5. &  
seq.

o Nu. 33.

p Nu. 176. &  
seq.

q Nu. 303. &  
seq.

r Sunt enim 2  
& 4. ratio  
Card. Bellar.

6o Quartum argumentum sumitur ex praxi totius Ecclesie ab ipsis primordijs per multa deinceps secula; nusquam enim in Scriptura sacra, vel apud antiquos Patres vlla fit mentio de potestate vel Pontificis, vel populi Christiani, Principes Ecclesiam  
perfe-



persequentes aut occidendi, aut principatu priuandi, sed ad crucem Christi tollendā, & persecutiones pro fide Christi tolerandas, atque ad obedientiam Principibus etiam infidelibus exhibendam tum Christus ipse, tum Apostoli, tum sancti Patres unanimi consensu Christianos passim adhortantur; at si vel Summus Pontifex, vel populus Christianus aliquo legis Euangelicæ præcepto tenerentur, quando vires illis suppetunt, Principes Ecclesiam devastantes è principatu eijcere, profectò de tali præcepto, quod tanti ponderis est, aut Christus ipse, aut Apostoli, aut aliqui saltem ex sanctis Patribus Ecclesiæ primitiue, quorum plurimi singulari tam doctrina, quàm zelo sunt præditi, pro debito suo officio pastorali fidelem populum instituisent; neque verisimile est voluisse Christū imponere fidelibus necessitatem Principibus, qui tunc Ecclesiam persequabantur, tributa pro temporali suo principatu illis debita soluendi, & necessitatem, qua Christiani obligantur ad auferendum à Principibus Principatum, si vires adsint, tacere voluisse.

61 Quoniam igitur Christus Domi-



r Math. 10.  
Luc. 10.

nus r discipulos suos, quibus tam amplam dedit potestatem infirmos curandi, mortuos suscitandi, dæmones eiiciendi, &c. misit tamen in orbem terrarum, tanquam oves in medio luporum, eosque hortatus est, ut crucem eius tollant, eumque sequantur, ut persecutiones & flagella patienter sustineant, neque in persecutores violenter insurgāt, sed potius cū persecuti eos fuerint in vna ciuitate, fugiant in aliā, & si eos percusserint in dexterā maxillā, præbeant illis & alteram. Quoniam etiam sancti Apostoli Petrus & Paulus sæpius r admonent fideles, ut Principibus etiam infidelibus, & qui tunc temporis Ecclesiam persequiebantur, subditi essent non solū propter irā, sed etiā propter conscientiā: & antiqui Patres r idē Domini præceptum sæpissimè inculcant:

f Ad Rom. 13.  
ad Tit. 3.  
1. Pet. 2.

r Infra nu.  
284. 285.

u In epist. ad  
Sabinian.  
x Nu. 256.

62 Quoniam insuper sanctissimus pater & doctissimus Papa Gregorius u, ut infra x apparebit, apertè fatetur, in sua fuisse potestate, ut Longobardorum gens (qui Romanam Ecclesiam, & totam Italianam crudeliter diuexabant) nec Reges, nec Duces, nec Comites haberet, atque in summa confusione diuisa esset, quia tamen Deum timebat, in mortem alicuius se miscere

cere formidabat, non est credibile aut summum Pontificem, aut populum Christianum, quando vires illis suppetunt, talem à Christo accepisse potestatem, Principes Ecclesiam persequentes vel dominijs, vel vita priuandi: quin potius si tale præceptum de eiusmodi Principibus è principatu pellendis extitisset, profectò, cum sit præceptum tanti momenti, quodque absque summo æternæ salutis periculo à Christianis ignorari vix queat, vel Christus ipse, vel Apostoli, vel aliqui saltem ex antiquis Patribus pro debita illorum cura Pastoralis, aliquam illius memoriã posteris reliquissent, neque vniuersi illud tam alto silentio præterijissent. Circa hoc argumentum vide plura inferiùs <sup>y</sup>, & quæ superiùs <sup>z</sup> etiam docuit Petrus Damianus qui vixit ante Pontificatum Gregorij 7. qui, vt testantur Godefridus <sup>a</sup> Viterbiensis, Otho Frisingensis <sup>b</sup>, Trithemius <sup>c</sup>, & alij, primus omnium Pontificum Imperatorem deposuit, & doctrinam hanc nouam, prioribusque seculis incognitam de potestate Papali Principes depnendi in Christianorum scholas inuexit.

y Nu. 267.

z Nu. 11.

a In Henr. 4.  
b Lib. 6. hist.  
cap. 35. & lib.  
1. de gestis  
Friderici,  
cap. 1.

c Supra nu.  
33.

63 Quintum denique argumentum est: Qui absque sufficienti ratione iugo al-

d Cap. Solitæ  
Extra de ma-  
iorit. & obe-  
dient.  
e Nu. 5. & seq.

terius potestatis colla Principum in rebus temporalibus subijcere præsumit, nefandum perduellionis crimen incurrit, & maximam Principibus irrogat iniuriam, cum ipsi nullum in temporalibus Superiorem recognoscant, vt Innocentius<sup>d</sup> tertius, alijq; plurimi superius<sup>e</sup> citati fatentur, at nulla sufficiens ratio assignari potest huius Pontificiæ potestatis priuandi Principes suis dominijs temporalibus etiam in ordine ad bonum spirituale, ergo, &c. Maior ex se constat: Minor autem probatur; nam si qua esset, maximè essent rationes Card. Bellar. quo nemo hoc seculo doctius, nemo accuratius de rebus hodie controuersis scripsit, at singulæ eius rationes sunt valdè insufficientes, & ex ipsiusmet principijs facillimè solui possunt, ergo &c.

f In lib. præ-  
sertim 5. de  
Rom. Pont.

64 Pro quorum solutione, & præsentis controuersiæ maiori dilucidatione diligenter obseruanda est doctrina, quam sparsim<sup>f</sup> tradidit Card. Bellarm. ex qua singulæ eius rationes facillimè euertuntur.

g Lib. 5. cap.  
3. 5. & 6.  
h Cap. 6.

cc Primò igitur docet, *potestatem civilem,*  
cc *& Ecclesiasticam esse ex se duas distinctas & po-*  
*testates, quæ habeant distinctos actus, officia,*  
*fines, &c. duasq; constituere<sup>h</sup> respublicas, quæ*  
*habeant*

habeant distinctos Principes, leges, iudicia, „  
 &c. ut patet<sup>i</sup> tempore Apostolorum: & pote- „  
 statem politicam esse<sup>k</sup> temporalem, qua pro fi- „  
 ne habeat pacem temporalem, Ecclesiasticam „  
 verò esse spiritualem, & pro fine habere salu- „  
 tem spiritualem animarum; atque veram po- „  
 testatem politicam posse consistere<sup>l</sup> absque or- „  
 dine ad veram potestatem Ecclesiasticam, ut „  
 patet in Principibus infidelibus, quorum do- „  
 minio civiliter subiecti erant etiam Pontifices, „  
 non solum de facto,<sup>m</sup> sed etiam de iure, ut pa- „  
 tet in S. Paulo, qui Act. cap. 25. cum accusa- „  
 retur seditionis, & tumultus in populo excita- „  
 ti, ad Casarem appellavit, eumq; Iudicem ag- „  
 novit. „

65 Secundò docet, etiam Christum Do- „  
 minum distinxisse actus, officia, & dignitates „  
<sup>n</sup> Pontificis, & Imperatoris, ne aut Imperator „  
 iura Pontificis, aut Pontifex iura Imperatoris „  
 præsumeret usurpare; & propterea Imperium „  
 à Pontificatu absolute<sup>o</sup> non pendere, atque „  
 non solum Reges, & Imperatores Christianos „  
 nullum superiorem in temporalibus recognos- „  
 cere, verum etiam infideles non solum ante, „  
 sed etiam post<sup>p</sup> Christi aduentum esse veros, „  
 & supremos Principes<sup>q</sup> suorum regnorum, „  
 quia dominium non fundatur in gratia, aut „

i Cap. 6:

k Cap. 6.

l Cap. 6.

m Lib. 2. de

Rom. Pont.

cap. 22.

n Lib. 5. cap. 5

o Cap. 3.

p Cap. 3.

q Cap. 2.

« fide, sed in libero arbitrio & ratione. Ideoque  
 « Deus in utroque Testamento regna Gentilium  
 « approbat, ut Dan. 2. Tu es Rex Regum, &  
 « Dominus cæli dedit tibi regnum & imperi-  
 « um, &c. Et Matth. 22. Reddite quæ sunt  
 « Cæsaris, Cæsari. Nota, Reddite, non donate,  
 « id est, quæ iure illi debentur. Et Rom. 13. Red-  
 « dite omnibus debita, cui tributum, tributum,  
 « cui vectigal, vectigal, &c. Et iubet ibidem e-  
 « tiam propter conscientiam obedire Principi-  
 « bus Ethnicis. Christus enim non abstulit, ne-  
 « que aufert regna<sup>r</sup> ijs, quorum erant, neque  
 « priuat aliquem iure suo, & dominio,<sup>r</sup> quod  
 « prius habebat; non enim venit Christus de-  
 « struere ea<sup>r</sup>, quæ bene se habebant, sed perfice-  
 « re. Et propterea, quando Rex fit Christianus,  
 « non perdit regnum terrenum<sup>u</sup>, aut aliquod  
 « ius suum, seu dominium<sup>x</sup> amittit, cum lex  
 « Christiana neminem priuet suo iure, & domi-  
 « nio, sed acquirit nouum ius ad regnum eter-  
 « num<sup>y</sup>; alioqui obesset Regibus Christi benefi-  
 « cium, & gratia naturam destrueret.

Hæc est doctrina Card. Bellarm. ex qua  
 plura corollaria colligi possunt.

66 Primum est, Reges ad fidem con-  
 uersos, si solum ius diuinum, & naturale  
 inspiciamus, non amittere sua regna, quæ  
 antea

anteà iure possidebant, aut aliquo suo iure, vel temporalì dominio priuari, eo ipso, quòd à fide desciscant, cum dominium in gratia aut fide non fundetur, sed illud duraxat ius ad regnum æternum, quod Christi beneficio acquisierant, deperdunt. Quam igitur auctoritate deponi possint Principes à suo principatu (si in hæresim labantur) quos tamen Christus ipse alioqui nec deposuit, nec deponit, vtpote qui neque abstulit, neque aufert regna ijs, quorum erant, neque priuat aliquem suo iure & dominio, quod neque in gratia, nec in fide fundatur, vltèriùs inquirendum est.

67 Secundum corollarium est, eosdem Reges Christianos iam factos (si idem ius diuinum, & naturale tantummodò spectemus) eandem omnino iurisdictionem, & dominium ciuile super Pontifices retinere, quod antea quando infideles erant, super ipsos habebant, *cum lex Christiana neminem priuet iure suo, & dominio:* & propterea ex hac parte non esse rationi dissonū, quòd oues licèt in spiritualibus Pastori spirituali subijciantur, in rebus tamen temporalibus iudicent suos Pastores.

68 Pro quo melius intelligendo, aduertendum est, nullum esse inconueniens, si ipsas rerum naturas consideremus, quòd idem homo, si ad diuersa comparatur, simul subdatur, & præsit, sitque secundum vnā potestatem supremus, & secundum aliam inferior. Exempla habemus in Saule, Dauide, & alijs, qui Reges simul, & filij erant suorum parentum; ideoque, quantumuis secundum patriam potestatem parentibus suis tanquam filij subiecti essent, secundum Regiam tamen potestatem parentibus tanquam subditis imperabant. Quocirca, cum duæ, vt diximus<sup>z</sup>, reperiuntur supremæ potestates, actibus, officijs, dignitatibus, finibusque discretæ, civilis nempe, seu politica, quæ constituit, & conseruat pacem publicam, & dirigit hominem in finem naturalem, atque Ecclesiastica, seu spiritualis, quæ hominem ordinat ad fidem supernaturalem, nihil ex hac parte impedit, quo minus Summus Pontifex sit supremus Pastor, & pater omnium Christianorum, etiam Regum & Imperatorum in spiritualibus, Imperatoribus tamen, aut Regibus subdit in ciuilibus, & oues Pastoribus suis spiritualibus præcipiant

z In principio Præfat.



piant in ijs, quæ ad temporalia spectant, licet in spiritualibus Pastoris vocem sequi te-  
neantur.

69 Vnde Gelasius Papa<sup>a</sup> Imperatorem vocat *filium*, & *rerum diuinarum Prasulibus subditum*, atque simul *humano generi presidentem*, & consequenter ipsi Papæ, qui nullum temporalem dominatum eo tempore habebat. Et Gregorius Magnus<sup>b</sup> seipsum *Imperatoris famulum* vocat, & *iussioni eius subiectum*, & *debere se* ait *obedientiam Imperatori*, & *potestatem super omnes homines* (ideoque super ipsum Papam) *Imperatori cælitus datam esse*. Et alio in loco<sup>c</sup> dicit, *Deum Imperatori omnia tribuisse*, & *dominari eum non solum militibus*, *sed etiam Sacerdotibus concessisse*. Vnde Seuerinus Binnius in suis notis<sup>d</sup> super illa verba S. Gregorij, *Sacerdotes meos manui tue commisi*, ait, Gregorium illis verbis significasse, *Sacerdotes Mauritio Imperatori sic à Deo subiectos fuisse, ut olim eosdem Neroni, atque Dioclesiano Imperatoribus subiecerat*, at constat ex doctrina Card. Bellarm. superius<sup>e</sup> relata, Summos Pontifices in causis ciuilibus fuisse non solum de facto, sed etiam de iure Imperatoribus Ethnicis subiectos. Veruntamen alibi<sup>f</sup> idē

<sup>a</sup> In epist. ad Anast. Imper.

<sup>b</sup> In epist. ad Mauriti. lib. 2. epist. 62.

<sup>c</sup> In epist. ad Theodorum, lib. 2. epist. 65

<sup>d</sup> Tom. 2. concil. lib. 2. ep. 62

<sup>e</sup> Nu. 64

<sup>f</sup> Lib. 2. ep. 31 ad Mauritiū



S. Gregorius ait, *Sacerdotes honore & reuerentia* (cui ex phrasi sacrae Scripturae coniuncta est & obedientia) *ab Imperatoribus prosequendos esse.*

g Italoquuntur Nazianzenus in oratione qua se excusat, quod diu ab Ecclesiastica functione abstinuerit. Greg. Mag. lib. 9. epist. 39. ad Theoristam, & alij.

70 Quapropter, quotiescunque apud sanctos Patres & scriptum legimus, oues non debere pascere, reprehendere, aut iudicare suos Pastores, si velimus eiusmodi propositionum veritatem ex rerum natura desumptam esse, vel intelligi debent solum de illis ouibus, quæ in temporalibus suo Pastori non præsunt; vel si generaliter, & absque exceptione eos loqui velimus, ad spiritualia tantum, & quæ ad officium pastorale spectant, eiusmodi sententiæ referri debent. Nam si ouis sit etiam quoad temporalia Dominus sui Pastoris, nullum videtur incommodum ex hoc solum capite, quia ouis est, cum simul etiam sit Dominus, Pastorem suum in ijs, in quibus Pastor ipsi oui subiectus est, iudicare.

71 Et certè si à iure Ecclesiastico, & priuilegijs Principum abstrahamus, non videtur negari posse, quin Prælati inferiores, vt Episcopi, possint à supremis Principibus, quibus civiliter subiecti sunt, in causis politicis iudicari, si vera sit opinio communis  
Theo-

Theologorū quàm olim expressissimis verbis approbavit Card. Bellarm. in prioribus suorum operum editionibus, qui <sup>h</sup> asserit *exemptionem Clericorum in rebus politicis à Secularium Principum potestate, tam quoad personas, quàm quoad bona, iure humano introductam esse, non divino.* h Lib. de Clericis, cap. 28.

72 Atque hinc patet rationem illam, quæ probari solet, Summum Pontificem, quia est supremus Pastor, & Princeps spiritalis Ecclesiæ, non posse ob vllam causam, vel crimen ab aliquo Principe Christiano iudicari, quia ovis est, si in iure solum diuino, & naturali sistamus, non esse solidam, nisi in sensu formali accipiatur, vt dictum est. Ovis enim quæ ovis, id est, in ijs, in quibus pasci & regi debet, Pastorem suum iudicare non potest, sicut neque seruus, quæ seruus, id est, in ijs, in quibus subditus est, potest iudicare Dominum suum. Verùm, si contingat, eundem hominem simul esse ouem, & Dominum sui Pastoris, non inconuenit, ouem, quæ Dominus est, iudicare Pastorem suum, quoad ea, in quibus Pastor ipsi oui subiectus est. Neque quoad hanc præcisè rationem videtur vlla posse assignari disparitas inter Summum Pontificem

i Nu. 51.

cem & inferiores Episcopos, dummodò vtrique Principibus temporalibus ciuilitè subiecti sint, & verum sit, quod superius i docuit Card. Bellar. *Id quod est Papa in Ecclesia vniuersa, esse quemlibet Episcopum in particulari.*

k Lib. 2. de  
Rom. Pont.  
cap 29.

73 Sed occurrit primò Card. Bellar. <sup>k</sup> & latum discrimen assignat inter inferiores & supremū Pastore, *Quia supremus Pastor est Princeps totius Ecclesie, & idè non potest iudicari ab ullo Ecclesiastico Antistite; & rursum, quia respublica Ecclesiastica spiritualis est, ac proinde maior, & sublimior quauis respublica temporali, propterea summus Princeps Ecclesie dirigere, & iudicare potest Summum Principem reipublice temporalis, non autem ab eo dirigi aut iudicari, nisi rectus ordo, & ipsa rerum natura peruertatur. Et hæc est ratio primaria, & à priori, ait Card. Bellarm. quare Papa à nemine iudicari possit.*

74 Veruntamen hæc ratio discriminis ab ipso allata neque sufficiens est, neque officit ijs, quæ à nobis dicta sunt. Non enim ipse differentiam assignat inter supremum, & inferiores Pastores in ratione officij pastoralis, sed solùm inter Papam, & Principes Seculares in ratione nobilioris principatus.

patus. Nam tam Episcopi, quàm Papa sunt verè & propriè Pastores, licet Papa sit Episcopis superior: Si igitur rationi dissentaneum est, quod ovis suum Pastorem iudicet, non solum nefas esset Regi, aut Imperatori Summum Pontificem, sed etiam Episcopos inferiores, qui illis in temporalibus subditi sunt, & nihilominus in spiritualibus eos verè & propriè pascunt, iudicare.

75 Sed aliam rationem affert Card. Bellarm. quare Sūmus Pontifex à nullo Principe Seculari iudicari possit, quia nimirum Respub. spiritualis, cuius Supremus Princeps est Summus Pontifex, maior ac sublimior est quavis Repub. temporali, cui Principes Seculares dominantur, & proinde rectus ordo, & ipsa rerum natura postulare videtur, vt Summus Princeps Ecclesiæ dirigere, & iudicare debeat Summum Principem Reipub. temporalis, non autem ab eo dirigi aut iudicari.

76 Attamen neque hæc ratio quidquā concludit, nisi vnum supponat, quod quidem à Card. Bellarm. asseritur,<sup>1</sup> sed neque sufficienter, neque etiam conformiter ad eius principia ab eo probatur, vt inferiùs<sup>m</sup> seq.

<sup>1</sup> Lib. 5. de  
Rom. Pont.  
cap. 7. in prima  
ratione.  
m Nu. 83. &  
seq.

con-

constabit, nempe potestatem ciuilem, & Ecclesiasticam apud Christianos vnā duntaxat Rempublicam constituere. Nam alioqui, quando potestas ciuilis, & Ecclesiastica non simul coniunctæ erant, vt accidit tempore Apostolorum, satis constat S. Paulum Act. 25. ad tribunal Cæsaris appellasse, & eum Iudicem suum non solum de facto, sed etiam de iure ex mente Card. Bellarm.<sup>n</sup> agnouisse. Vnde & ipse ° probabilius arbitratur, *Summos Pontifices fuisse de facto, & de iure Principibus Ethnicis ciuili-ter subiectos*. Ideoque quando hæ duæ potestates separatæ inueniuntur, non inconuenit, etiam iuxta doctrinam Card. Bellarmini, posse absque vlla recti ordinis peruersione maiorem, & sublimiorem Rempublicam à minori dirigi, ac iudicari.

77 Deinde propria Superioritas, de qua iā est sermo, nō ex maiori-  
tate, vt ita loquar, dignitatis seu nobilitatis, sed ex maiori-  
tate imperij, seu auctoritatis attēdi debet; constat autem ex iam dictis, quod sicut Princeps Ecclesiasticus superior est Principe temporali, & huic imperare, ac iudicare potest in causis spiritualibus, ita in ciuilibus Princeps politicus superior est Princi-

n Lib. 2. de  
Rom. Pont.  
cap. 29.  
o Ibidem.

pe Ecclesiastico, & propterea in ijs huic imperare & iudicare potest, absque eo quòd rectus ordo, & ipsa rerū natura peruertatur.

78 Sed responderi potest secundò ex eodem Card. Bellarmino p. *Sicut ante Christi-*

p Loco citato

*aniam legem homines subiecti erant Imperatoribus, ita etiam postea eisdem subditos esse, cum lex Christiana neminem priuet iure suo, & dominio. Quare Petrus & Paulus passim hortantur fideles, ut subditi sint Principibus, ut patet ad Rom. 13. Tit. 3. 1. Pet. 2. Meritò itaque Paulus Casarem appellauit, eumq; Iudicem agnouit, cum accusaretur seditionis, & tumultus in populo excitati. At verò cum Principes Christiani facti sunt, & sponte leges Euangelij susceperant, continuo se, tanquam oues Pastori, & membra capiti, subiecerunt Prasidi Ecclesiasticæ hierarchiæ, & proinde ab illo iudicari, non illum iudicare deinceps debent.*

79 Hæc tamen ratio à Card. Bellarmino adducta nihil obest, quin potius plurimum fauet doctrinæ à nobis iam traditæ. Nam si Pontifices Imperatoribus & Regibus Ethnicis subditi erant non solum de facto, sed etiam de iure, ob quam igitur causam iidem Reges & Imperatores, quan-

do Christiani fiunt, non retinent idē ius, & dominiū super Pōtiffices, quod prius super ipsos habebant, cum lex Christiana neminē priuet suo iure & dominio? Neque enim, quando per baptisimū leges Euangelij suscipiunt, iuri suo & dominio in temporalibus (quo lex Christiana neminem priuat) renunciant, sed tantū cum membra corporis Christi mystici, & oues gregis Domini fiant, in rebus spiritualibus, & quæ ad æternam salutē pertinent, tanquam membra capiti, & oues Pastori, se Præfidi Ecclesiasticæ hierarchiæ submittunt, & proinde ab illo iudicari, non illum iudicare in rebus spiritualibus, & quæ ad æternam salutem spectant, deinceps debent.

80 Hoc tamen nihil impedit, quo minùs Pontiffices à Principibus Christianis in rebus temporalibus, & quæ ad pacem publicam pertinent, in quibus subditi manent, sicut antea (*cum lex Christiana neminem priuet suo iure & dominio*) iudicari & possint, & debeant, si ipsas potestatis Ecclesiasticæ, & civilis naturas consideremus. Nihilominùs non negamus, quin iure Ecclesiastico, & Principum priuilegijs personæ Ecclesiasticæ à tribunalibus Secularium  
ma-



magistratuum exemptæ sint. Sed hoc solum iam contendimus, Pastores spirituales ex rei natura, eo quod Pastores sint animarum, à potestate coercitiua Principū Christianorum etiam iuxta principia Card. Bellarmini in rebus ciuilibus nullatenus immunes esse.

81 Veruntamen modus ille inusitatus loquendi, quo in hac materia utitur Cardinal. Bellarminus<sup>9</sup> non satis sibi ipsi constans, non videtur, pace eius dixerim, esse approbandus, qui ait, *Principi non esse subditos Ecclesiasticos existentes in eius dominijs, neque correlatiua esse Principem, & Ecclesiasticos in dominio illius commorantes, quia exempti sunt; vana enim, inquit, foret exemptio, si Ecclesiastici propter natiuitatem, aut flagitium perpetratum essent subditi.* Non enim existimo vllum reperiri Principem Christianum, qui non reputaret maiestatem suam ab illo grauiter læsam esse, qui affirmaret, se secularium tantum, & non Ecclesiasticorum in suo dominio commorantium Principem esse, aut personas Ecclesiasticas non esse sibi subiectas. Nam quamuis Ecclesiastici à tributis & iudicijs forensibus magistratuum Secularium iure

q In Respon-  
sione contra  
Ioan. Marfil.  
pag. 245.



r Lib. de  
Clericis cap.  
28.

r Lib. de Mo-  
nachis cap. 19.

ordinata locu-  
mos.

r Ifai. cap. 49.  
& 23. q. 5. cap.  
Principes.

Ecclesiastico & Principū priuilegijs liberi sunt, non tamen exemptio Ecclesiasticos ab omnimoda subiectione Principibus debita immunes reddit. Sed *cum ipsi, præterquam quòd Ecclesiastici sunt, Reipublica etiam politica sint ciues, & partes quedam*, vt Card. Bellarm. fatetur, necessariò illius Principi subijci debent, *omne enim membrum subiectum esse debet capiti*, vt idem<sup>r</sup> Bellarminus asserit, sicut quilibet ciuis supremo Reipublicæ Principi iure naturæ subijcitur. Non sunt eo modo locuti Sancti Patres; repetantur vetera, euoluantur Concilia tam generalia, quàm prouincialia omniū Regnorum. In illis reperietur, quòd Episcopi tum Imperatores, tum cæteros Reges Dominos suos vocitauerint, seque eorum famulos, & iussioni eorum subiectos agnouerint. Ab huiusmodi inordinatis locutionibus abstinendum est, quæ tum malè sonant, tum pias aures offendunt, tum Principum Christianorum, qui Ecclesiæ sanctæ Nutritij & Protectores<sup>r</sup> constituti sunt, animos ad indignationem meritò prouocare possunt. Suum cuique reddendum est, tam Cæsari, quæ sunt Cæsaris, quàm quæ sunt Dei, Deo.

83 Tertium Corollarium est, potestatem Ecclesiasticam, & ciuilem non esse partes vnus, & eiusdem Reipub. sed duas omnino Respublicas actibus, officijs, dignitatibus, finibusque distinctas constituere. Quod ex eo manifestè consequi videtur, quoniam vna ex se nullum ordinem dependentiæ dicit ad alteram, qui tamen ad rationem partium, quæ vnum totum constituunt, necessariò requiritur. Et quamuis in Christianis ambæ potestates coniungantur, ita vt idem Christianus vtrique potestati subiectus sit, & vtraque in eodem Christiano residere possit, non tamen proinde sequitur, quod asserit Card. Bellarminus, <sup>x</sup> & videtur vnum esse ex præcipuis fundamentis, quibus suprema potestas Pontificis in temporalibus innititur, nempe *potestatem ciuilem & spiritualem esse partes vnus Reipublicæ, scilicet Christianæ, & Reges, Pontifices, Clericos & Laicos non facere duas Respublicas, sed vnā, id est, vnā Ecclesiam: sumus enim omnes vnum corpus, Rom. 12. & 1. Cor. 12.*

x Lib. 5. de  
Rom. Pont.  
cap. 7. in pri-  
ma ratione.

84 Quis enim negare potest etiam inter Christianos distingui debere Regnum Christi, & regna huius mundi, cor-

x Bellar. lib.  
5. de Rom  
pont. cap. 4.

pus Christi mysticum, & corpora politica? Nam Regnum Christi x non est de hoc mundo, id est, terrenum, sed spirituale, non  
“ constat honoribus, opibus, potentia mun-  
“ dana. Christus enim persuasit hominibus  
“ contemptum gloriæ, deliciarum, opum, &  
“ omnium rerum terrenarum, quibus tamen  
“ maximè affluunt Reges huius mundi. Reg-  
num Christi habet pro fine salutem æter-  
nam; Regna huius mundi pacem tempo-  
ralem. Regnum Christi habet Sacerdotes,  
Episcopos, Synodos, Concilia, & omni-  
um caput summum Pontificem, quibus  
commissa est potestas solum in ordine ad  
salutem æternam, & ut homines in pace, &  
iustitia viuentes foelicitatem perpetuam  
consequantur. Regna huius mundi habent  
Magistratus, Prætores, Senatus, Parlamen-  
ta, seu Comitia, & Principes Seculares nul-  
lum Superiorem in temporalibus recog-  
noscentes, qui vitæ, & mortis gladium por-  
tant, ut homines in pace & quiete vitam  
temporalem transigant.

85 Deinde, quomodo per baptismum  
potestas civilis, & Ecclesiastica in vnam  
Rempub. coalescunt, quæ antea duas con-  
stituebant? Neque enim vniuntur inter se,  
ita

ita vt vna in aliam transeat, nisi Imperium cum Pontificatu confundere velimus, quæ tamen neque idem esse, neque vnum ab alio absolutè pendere apertè fatetur Card. Bellarminus. <sup>y Supra nu.</sup> Neq; tertiam aliquam Rem- <sup>65,</sup> pub. constituunt, quæ neque Ecclesiastica sit, nec ciuilis.

Dices constituere vnam tertiam Rem- pub. quæ simul Ecclesiastica sit, & ciuilis, nempe vnam Ecclesiam, seu vnam Rem- pub. Christianam.

Contra hoc est primò, quia tempore Apostolorum, & primitiuæ Ecclesiæ, Ecclesia Christi quoad suam substantiam perfecta erat, nullo tamen tunc temporis temporali dominio seu potestate potiebatur, vt ipse Bellarminus <sup>z lib. 5. de Rom Pont. cap. 6.</sup> affirmat, ergo Ecclesia Christiana non componitur ex vtraque potestate, licèt vtraque potestas apud Christianos reperiatur.

86 Præterea Ecclesia Christi monstrum quoddam esset simul plura suprema, & independentia habens capita: Nam caput potestatis politicæ sunt Principes seculares, qui in negotijs temporalibus nullum superiorem recognoscunt, vt ex Innocentio tertio & alijs superius dictum est, sed caput <sup>a Num. 63. & num. 5. & seq.</sup> Ecclesiasticæ

b Lib. 2. de  
Rom. Pont.  
cap. 26. ut su-  
pra vidimus  
nu. 63.

c Lib. 2. de  
Rom. Pont.  
cap. 29.  
d nu. 76.

Ecclesiasticæ potestatis est summus Ponti-  
fex, qui in causis spiritualibus est omnium  
supremus : at vnâ Rempub. plura simul  
in terris habere capita suprema, est planè  
impossibile. Quinimò ipse etiam Card.  
Bellarminus<sup>b</sup> satis apertè indicare videtur,  
potestatem ciuilem, & Ecclesiasticam apud  
Christianos duas distinctas Respublicas  
constituere, dum de Christianis loquens  
Rempub. Ecclesiasticam, seu spiritua-  
lem, & summum eius Principem à Republica  
temporali, & Principe eius supremo ex-  
pressis verbis distinguat. Quòd autem de  
Christianis tantùm loquatur in illa ratione,  
qua probare contendit Rempub. spiritua-  
lem non posse à temporali Republica  
iudicari, satis est manifestum, nisi sibi ipsi  
contradicere velit, cum ipse paulo inferiùs<sup>c</sup>  
expressè fateatur, ut suprà etiam visum  
est, Rempub. spiritualem potuisse à Repub-  
lica temporali, quādo hæc Christiana non  
erat, ut tempore Apostolorum, iudicari.

87 Quapropter hæc duo vocabula  
*Ecclesia, & Respublica Christiana*, sunt nomi-  
na æquiuoca, quæ priùs distingui debent,  
quàm aliquid ex eis solida argumentatione  
concludi possit. Vel enim primò per *Ec-  
clesiam*

*æquiuoca.*

*clesiam*, & *Rempub. Christianam* intelligitur corpus Christi mysticum, seu coetus fidelium sub hac formali ratione, quatenus fideles sunt, & Christo capiti inuisibili, atque Sūmo Pontifici, Christi in terris Vicario, ac capiti visibili in eiusdem Christianæ fidei professione, & eorundem Sacramentorum communione subijciuntur; in quo sensu Ecclesia propriè accipitur; & à Card. Belarmino<sup>d</sup> definitur, sed iuxta hanc significationem potestas Ecclesiastica, & civilis non constituunt vnā Rempub. id est, Ecclesiam, sed potestas solū Ecclesiastica Ecclesiam constituit, potestas autem civilis constituit corpus politicum, seu Congregationem hominum siue fidelium, siue infidelium, non quatenus fideles aut infideles sunt, sed quatenus Principi temporali in eadem vitæ civilis societate, & legum politicarum communione subunt.

d Lib. 3. de  
Ecclesia cap. 2.

88 Vel secundò nomine *Ecclesia*, & *Reipub. Christianæ*, intelligitur coetus quidem fidelium non formaliter, quatenus vniuntur in spiritualibus sub vno capite spirituali, sed solū materialiter, & absolutè, in quo sensu nomina prædicta, *Ecclesia* præsertim, non adeò propriè accipiuntur;  
Sed

Sed hoc modo *Ecclesia* non est vna Respublica, sed aggregatum quoddam per accidens comprehendens Statum politicum, seu Regnum temporale Christianorum, & Regnum Christi spirituale; quæ licet accidentaliter, & quodammodo subiectiuè in hominibus Christianis simul coniuncta reperiuntur, vt etiam inferiùs <sup>c</sup> dicemus; duas tamen constituunt Respublicas, Ecclesiasticam nempe, & ciuilem, quæ diuersas leges, iudicia, fines, Magistratus, & Principes habent, idemque prorsus Christianus diuerso modo consideratus, potest esse vtriusque corporis membrum.

89 Quando igitur S. Paulus ait omnes Christianos esse vnum corpus, solum loquitur de corpore Christi mystico, quod tamen noluit confundere cum corpore politico, cui Christianos etiam subesse voluit ad Rom. 13. & ad Tit. 3. Et propterea *Reges, Pontifices, Clerici, & Laici non solum vnā Rempub. constituunt, id est Ecclesiam; Sed quatenus in spiritualibus subsūt Summo Pontifici, vnā Rempub. nempe corpus Christi mysticum, id est Ecclesiam constituunt, quatenus verò in negotijs secularibus Principibus terrenis subiciuntur, aliam*



am Rempub. nempe corpus politicum, & Regnum terrenum componunt. Vnde ipsemet Card. Bellarminus superius <sup>f</sup> relatus, <sup>f nu. 81</sup> apertè fatetur, Clericos, seu *Ecclesiasticos*, *præterquàm quòd Ecclesiastici sunt, esse etiam ciues, & partes quasdam Reipublicæ politicæ;* & alibi <sup>g Lib. de Clericis cap. 30. in fine.</sup> dicit *Ecclesiā continere omnes Christianos Catholicos, siue sint Clerici, siue Laici.* Si quis autem consideret cætum Laicorum, non ut Christiani sunt sed ut ciues, vel quocumque alio modo, in cætus Ecclesiæ dici non potest. Quapropter si coetus Laicorū Christianorum quatenus ciues sint, nempe Reipublicæ politicæ, ex mente Card. Bellarmini non sunt Ecclesiæ, profectò aliam Remp. cōstituere debent, & consequenter Respublica ciuilis Christianorum, & Ecclesiastica, non vnā formaliter Remp. sed duas, ipso Bellarmino Iudice, componunt.

Vides itaque quàm parū solidè, neque sibi met satis consentaneè ratiocinetur Card. Bellarminus in re grauissima, quæ debitam obedientiam ab vnoquoque Christiano Principibus Supremis iure diuino præstandam, quàm intimè attingit. Nam *& Casari reddenda sunt quæ sunt Casaris, & quæ sunt Dei, Deo.*



90 Quartum Corollarium est, eandem prorsus actionem diuerso modo consideratam posse simul potestati Ecclesiasticæ, & ciuili, tam quoad vim cogentem, quàm dirigentem subiacere. Pro quo melius intelligendo supponendum est, duplicem potestatem Ecclesiasticam à Theologis assignari, vnā Ordinis, quam Sacerdos accipit ex vi suæ ordinationis; alteram Iurisdictionis, quæ, vt ex ipso vocabulo constat, est potestas ius dicendi. Potestas Iurisdictionis (de qua sola nunc agimus) est etiam duplex, interior nimirum, quæ ad Pœnitentiæ Sacramentale forum duntaxat ordinatur, & conscientiam solùm, atq; internum animarum bonum respicit, ideoq; interior Iurisdictionis nominatur; & exterior, quæ ordinata est ad gubernandam Ecclesiam in exteriori foro per iudicia, pœnas, & cætera, quæ ad bene constituendam & regendam hominum Rempub. necessaria sunt, ideoque exterior Iurisdictionis appellatur. Ad quam pertinet vis dirigens, præcipiendi scilicet, & leges condendi, quæ obligent in conscientia, & vis coercens compellendi subditos vi pœnarum ad eiusmodi præcepta, & leges adimplendas.

potestas ecclesiastica dup.  
Ordinis  
Iurisdictionis

potestas iurisdictionis dup.  
interior  
exterior

vis dirigens  
vis coercens

91 Quoniam enim omnis Respublica bene instituta indiget potestate Iurisdictionis, tam cogente, quàm dirigente, vt conuenienter regi possit (vt ex ipso naturæ lumine perspicuè constat) & Christus suā Ecclesiam instituit tanquam vnā Rempublicam per homines regendam, & gubernandam, vt ex sacris literis est manifestum; negari non potest, quin Christus ipse suæ Ecclesiæ concesserit exteriorem potestatem Iurisdictionis, tam cogentem, quàm dirigentem populum Christianum in rebus spiritualibus gubernandi. Et hanc exteriorem iurisdictionem Doctores Catholici colligunt ex Math. cap. 16. & 18. *Si Ecclesiam non audierit, sit tibi tanquam Ethnicus & Publicanus: & Quodcunque ligaueris, seu ligaueritis super terram, &c.* & Ioh. cap. 21. *Sicut misit me Pater, & ego mitto vos,* & cap. 21. *Pasce oues meas.* & ex alijs plærisque locis.

92 Cùm igitur finis potestatis politicæ sit pax publica, & Ecclesiasticæ salus animarum, vt sæpius diximus ex Card. Bellarmino, & plerunque contingat eandem numero actionem, exempli causa, peierandi, tum quieti publicæ, tum animarum salutis

luti detrimento esse, fit, vt quatenus peccatum est, seu offensa Dei, vt finis saltem supernaturalis est, & saluti spiritali nocet, potestati Ecclesiasticæ subiaceat, & ab ea indicari, ac castigari oporteat; vt verò pacis publicæ est violatio, potestati politicæ subijciatur, & ab ea iudicari, ac puniri debeat. Ex qua doctrina sequitur, quòd quemadmodum Princeps politicus in rebus, quæ ad animæ salutem pertinent, à Principe spiritali dirigi, iudicari, atque puniri debet, ita Princeps spiritalis (si rerum naturas inspiciamus) est in ijs, quæ ad pacem publicam spectant, à Principe politico dirigendus, iudicandus, atque castigandus.

93 Quinimò, sicut administratio temporalium in ordine ad bonum spirituale, id est, quatenus spiritali saluti aduersatur, qua ratione naturam criminis spiritalis induit, ad forum Principis Ecclesiastici spectat, in quo corrigi, & iudicari debet: ita iniusta spiritalium administratio, veluti Excommunicatio Principis notoriè iniusta, aut Interdictum Regni manifestè iniquum, ab Episcopo, qui tali Principi ciuilitè subijcitur, latum, quatenus pacem publicam perturbat, & seditiones, ac tumultus in Re-  
pub-

publica excitat, qua ratione naturam criminis politici fortitur, ad tribunal Principis politici pertinere videtur. Et propterea, si ipse etiam summus Pontifex, qui nullum Superiorem in rebus temporalibus recognoscit, per Excommunicationes, aut alias Censuras manifestè iniustas, Reipublicæ politicæ pacem temporalem perturbaret, posset Princeps politicus iniuriam illatam vijs licitis, atque intra fines potestatis politicæ comprehensis propulsare, & Principem Ecclesiasticum vi & armis constringere, vt per illicitas actiones spirituales à Reipublicæ suæ tranquillitate turbanda desistat.

94 Neque videtur posse aliqua esse controuersia, (si naturas potestatis Ecclesiasticæ, & ciuilis consideremus) quin sicut Respublica Ecclesiastica potest quascunque oppressiones sibi à Republica politica factas, quæ bono spirituali obsistunt, propulsare; ita etiam penes Rempublicam politicam sit potestas suis ciuibus, eorumque tranquillitati temporali consulendi, atque à quibuscunque violentijs etiam spiritualibus, quæ pacem suam publicam iniuriosè perturbant, defendendi. Quia, vt rectè ait  
Victo-

h Relect. r. de  
potest. Eccle-  
fiz, sect. 7. §.  
Octaua pro-  
positio.

i De potest.  
Regia, & Pa-  
pali, cap. 21.  
ad 37.

Victoria h: *Respublica civilis est perfecta, & sibi sufficiens, ergo potest se defendere ab iniuria cuiuscunque propria auctoritate. Et confirmatur, nam possunt Principes seruare proprias respublicas ab iniuria aliarum rerum publicarum non solum per modum defensionis, sed auctoritatiuè, ergo etiam ab iniurijs Clericorum. Et propterea, licitum est Principi (ut optimè inquit Ioh. Parisiensis<sup>i</sup>) abusus gladij spiritualis repellere eo modo, quo potest, etiam per gladium materiale, præcipuè ubi abusus gladij spiritualis vergit in malum reipublica, cuius cura Regi incumbit, aliter enim sine causa gladium portaret.*

sumo contro. 2. §. 1.

95 Sed totius controuersiaë neruus est, quænam sint poenæ vtriusque potestatis, Ecclesiasticæ præsertim, propriæ, quibus iniurias sibi illatas vindicare poterit. Nemo enim inter Catholicos negabit, quin penes Ecclesiam sit potestas puniendi peccatores etiam Imperatores, & Reges Christianos poenis, & Censuris Ecclesiasticis, quia iste modus castigandi proportionatus est Ecclesiasticæ potestati. Sed tota difficultas est, an priuatio bonorum temporalium, & depositio à temporali Principatu, atque eiusmodi, in poenis, quæ à potestate Ecclesiastica

gastica, vt talis est, infligi possunt, sine annumerandæ. Cardin. enim Bellarminus, & qui eius opinionem defendunt, hoc quidem asserunt, sed debilissimis rationibus illud probant, vt infra<sup>l</sup> clariùs apparebit.

l Nu. 131. &

96 Alij verò non ad pœnas Ecclesiasticas, seu quæ spirituali potestati sunt accommodatæ, sed ad ciuiles duntaxat, & quæ potestati temporali tantùm conueniunt, eas reuocandas esse probabiliùs arbitrantur: cùm vnus cuiusque Reipublicæ cõditioni consentaneum sit, vt subditos suos delinquentes punire, vel coercere possit, priuando illos proprijs bonis, aut priuilegijs illius Reipublicæ: bona autem Reipublicæ Ecclesiasticæ spiritualia sunt, non temporalia, sicut bona Reipublicæ politicæ temporalia sunt, non spiritualia, atque idcirco potestati temporali gladius materialis, non spiritualis, & potestati spirituali gladius spiritualis, non temporalis congruit, vt superiùs<sup>m</sup> ex sanctis Patribus copiosè admodum cõmonstrauimus. Vnde quidam Doctores apud Ioan. Gerfonem<sup>n</sup>, & plerique, vt refert Almainus<sup>o</sup>, cuius verba infra<sup>p</sup> referemus, existimant, non posse potestatem Ecclesiasticam ex

seq.

m Nu. 8. &

seq.

n De potest.

Ecclesiast.

considerat. 4.

o De deminio naturali,

& c. cõstitut. 2.

in probat. illi-

us.

p. Nu. 122.

G

Christi

Christi institutione aliquem delinquentem carceri mancipare, sed talem auctoritatem ex iure positivo, & concessione Principum accepisse.

97 Quapropter esto, quod Princeps Ecclesiasticus habeat potestatem dirigendi, præcipiendi, atque compellendi Principes temporales etiam in temporalibus, quatenus temporalia animarum saluti notabile damnum afferunt, non tamen propterea potestatem habet omni poenarum genere transgressores puniendi, sed poenis tantum certis, & à Christo definitis. Neque enim ex eo, quod quis Superior constituitur, & consequenter potestatem habet imperandi sibi subdito, poterit omni ratione, qua placuerit, eum cogere ad sibi obediendum. Potest magister præcipere discipulo, & eum compellere ut sibi pareat, non tamen quavis poena, sed solum intra limites disciplinæ. Potest pater filio, vir uxori, dominus famulo imperare, & si non obtemperauerint, poenis coercere, sed leuioribus, lege, vel consuetudine constitutis.

98 Similiter potest respublica politica leges ferre, ac præcepta, quæ etiam in conscientia obligent, imponere, & subditos  
ad



ad ea observanda constringere poenis temporalibus quibuscunque, exilij, carceris, bonorum omnium, tam corporis, quam fortunæ, amissionis; sed ad poenas spirituales, cum Respublica sit temporalis, non extenditur potestas eius. Denique Ecclesia, *nota* cum sit Respublica spiritualis, habet omnem potestatem etiam coercentem, quæ ad conueniens Reipublicæ spiritualis regimē necessaria esse potest, & propterea poenæ, quæ huic spirituali potestati sunt proportionatæ, non temporales, quales ad Rēpub. temporalem spectant, sed spirituales esse debent; quod etiam rectè deduxit Franciscus Suarez ex illis verbis Math. 16. *Erit ligatum & in calis*, ut superius \* annota-<sup>nu. 36</sup> uimus.

99 Ex his infertur quintum Corollarium; nempe aliud esse, habere potestatem, seu ius dirigendi alterum in temporalibus, seu præcipiendi alteri, ut tali, vel tali modo de temporalibus disponat, & aliud habere dominium rerum temporalium, seu potestatem, & ius de temporalibus disponendi; sicut aliud est habere potestatem, seu ius præcipiendi alteri, & cogendi, ne spiritualia in perniciem Reipublicæ tem-

poralis illicitè administret; & aliud habere dominium rerum spiritualium, seu potestatem de spiritualibus disponendi. Exempli causa, Quilibet Episcopus, vt Episcopus est, potestatem habet præcipiendi, & censuris Ecclesiasticis cogendi Iudices Seculares sibi in spiritualibus subiectos, vt iustitiam administrent, atque malefactores poenis debitis puniant, & extremo supplicio ex legum præscriptis dignos morti adiudicent, ipse tamen prout Episcopus est, non habet de vita aut morte vllam disponendi facultatem.

100 Præterea si Paulus promissione, voto, aut iuramento se astringeret, vt in bonis suis distribuendis iussionem Petri sequeretur, teneretur quidem Paulus in bonis suis erogandis sub poena promissionis, voti, aut iuramenti violati beneplacitum Petri expectare, nihilominus ratione talis iuramenti non amitteret Paulus ius illud, seu dominium, quod priùs habebat in bona sua, neque si contra mentem Petri bona sua distribueret, iniustitiam committeret, aut distributio irrita esset, neque Petrus vi talis iuramenti ius aliquod, aut dominium acquireret bonorum Pauli, sed tantum

tantum ius quoddam, seu facultatem haberet, ratione, cuius penes illum potestas esset, dirigendi Paulum in bonis suis distribuendis, illique imperandi, ut hoc vel illo modo, prout ipsi Petro magis placitum esset, de bonis suis sub poena periurij disponderet.

101 Quocirca licet Ecclesia habeat potestatem sibi à Christo traditam dirigendi Principes Seculares in temporalibus in ordine ad bonum spirituale, seu imperandi illis, & cogendi, ne in perniciem suarum animarum tali, vel tali modo illicito de temporalibus disponant, non tamen proinde sequitur, Ecclesiam in ordine ad salutem animarum habere dominium rerum temporalium, aut potestatem de temporalibus disponendi. Sed hoc solum colligi potest, Ecclesiam habere potestatem dirigendi, imperandi, atque poenis Ecclesiasticis constringendi Principes Seculares, ne cum dispendio salutis spiritualis temporalia administrent.

102 Sicut etiam quamvis Respublica politica potestatem habeat imperandi personis Ecclesiasticis sibi ciuilitate subiectis, ne in detrimentum status sui politici spiritualia illicitè administrent, non tamen prop-

terea dominium habet rerum spiritualium, aut potestatem de spiritualibus in ordine ad finem temporale, nempe pacis publicæ conseruationem, disponēdi. Et hoc Corollarium etiam ex similitudine, qua Card. Bellarminus paulò inferiùs ¶ comparat potestatem ciuilem & Ecclesiasticam carni & spiritui, atque ex Responsione, quam ad auctoritatem S. Bernardi de utroque gladio adducemus, ¶ clariùs elucescet.

q nu. 137. &  
seq.

r nu. 196. &  
seq.

f Infra 132.  
& seq.

103 His obseruatis non erit difficile singulis rationibus, quæ à Card. Bellarmino ¶ pro potestate temporali Pontificis demonstranda afferūtur ex ipsiusmet principijs abundanter satisfacere. Inprimis tamen non abs re erit paucis declarare, quàm artificiosè ipsum quæstionis statum proponar, & sententias Auctorum de potestate Pontificis temporali recenseat.

lib. 5. de  
Rom. Pont.  
cap. I.

Is igitur ad quæstionem hanc de potestate temporali Pontificis disputandam aggre-  
diens, ¶ in primo disputationis aditu tres circa potestatem Pontificis temporalem ait inueniri Auctorum sententias.

¶ 104 *Prima est, Summum Pontificem iure diuino habere plenissimam potestatem in vniuersum orbem terrarum, tum in rebus Eccle-*

*Ecclesiasticis, tum in politicis. Ita docent Au-  
gustinus Triumphus in Summa de potestate  
Ecclesie, q. 1. ar. 1. Alvarius Pelagius lib. 1. de  
planctu Ecclesie, cap. 13. & multi Iure-  
consulti, ut Hostiensis in cap. Super his de voto,  
& voti redempt. Panormitanus in cap. Nonit  
de Iudicijs, Syluester in Summa de peccatis  
verbo Papa, §. Secundo, & alij non pauci. Quin  
etiam Hostiensis vltcrius progreditur; docet  
enim per Christi aduentum omne dominium  
Principum infidelium translatum esse ad Ec-  
clesiam, & residere in Summo Pontifice, ut  
Vicario Summi, & veri Regis Christi, & ideo  
posse Pontificem Regna infidelium iure suo do-  
nare quibus voluerit fidelium.*

105 *Altera, non tam sententia quàm  
heresis, in altero extremo duo docet. Primo,  
Pontificem, ut Pontificem, & ex iure diuino,  
nullam habere temporalem potestatem, nec  
posse vlllo modo imperare Principibus Secula-  
ribus, nedum eos regnis, & Principatu priua-  
re, etiamsi illi priuari alioqui mereantur. Se-  
cundo docet, non licuisse Pontifici, alijsq; Epi-  
scopis accipere temporale dominium, quod  
nunc habent in quasdam vrbes, & prauincias,  
sive eiusmodi dominium donatum eis fue-  
rit, sive illud vsurpauerint. Prohibet enim ius*

" diuinum uni homini gladium spiritualem &  
 " temporalem simul committi. Ita docent here-  
 " tici omnes huius temporis : ac præcipuè Calui-  
 " nus, lib. 4. Institut. cap. 11. §. 8. 9. 10. 11. 12.  
 " 13. & 14. & Petrus Martyr in cap. 13. ad  
 " Rom. ac Brentius in Prolegomenis cōtra Petrū  
 " à Soto. Magdeburgenses autem centuria pri-  
 " ma lib. 2. cap. 4. colum 435. ponunt inter no-  
 " tas Antichristi, quod Pontifex duos gladios  
 " gerat, undecunque illos habuerit. Ac deinde  
 " centuria 8. 9. 10. & 11. in vitis Pontificum  
 " de hoc maximè eos reprehendunt.

" 106 Tertia sententia media est Catholi-  
 " corum Theologorum communis, Pontificem,  
 " ut Pontificem, non habere directè, & imme-  
 " diatè ullam temporalem potestatem, sed so-  
 " lum spiritualem, samen ratione spiritualis ha-  
 " bere saltem indirectè potestatem quandam e-  
 " amq; summam in temporalibus. Ita Hugo de  
 " S. Victore lib. 2. de Sacramentis part. 2. cap.  
 " 4. quem sequitur Alexander Alensis 3. part.  
 " Summæ q. 40. memb. 5. & 4. part. q. 10. in ex-  
 " plicatione Canonis Missæ in illud, Et pro Re-  
 " ge. Item S. Bonauent. in lib. de Eccles. Hierar-  
 " chia, part. 2. cap. 1. Durandus in lib. de origine  
 " iurisdictionum, q. 3. in fine. Petrus ab Aliaco  
 " in quæst. de re sumpta, utrū Petri Ecclesia  
 " fide

*fide confirmetur. Ioannes de Parisio in tract.* „  
*de potestate Regia & Papali, cap. 6. & 7. Iacobus* „  
*Almainus in tract. de suprema potestate* „  
*Ecclesiastica; cap. 6. Gabriel Biel in explicati-* „  
*one Canonis Missæ, lec. 23. Henricus de Gan-* „  
*dauo, quodl. 6. q. 23. Ioh. Driedo, lib. 2. de li-* „  
*bertate Christiana, cap. 2. Iohan. de Tarrecre-* „  
*mata, lib. 2. Summa, cap. 113. & sequentibus.* „  
*Albertus Pighius, lib. 2. hierarchie Ecclesiast.* „  
*Thomas Waldensis lib. 2. doct. fidei, ar. 3. cap.* „  
*76. 77. 78. Petrus de Palude in lib. de potesta-* „  
*te Ecclesiastica. Caietanus in Apologia, cap. 13.* „  
*ad 8. Franciscus Victoria relect. 1. q. 6. de po-* „  
*testate Ecclesiæ. Dominicus à Soto, in 4. d. 25.* „  
*q. 2. ar. 1. Nicolaus Sanderus lib. 2. cap. 4. vi-* „  
*sibilis monarchiæ. Nauarrus relect. in cap. No-* „  
*uit. de Iudicijs, Notab. tertio. Antonius Cor-* „  
*dubensis, lib. 1. quæst. 56. dubio 3. & alij plu-* „  
*rimi.* „

107 Hæ sunt tres illæ Auctorum sen-  
 tentiæ, quas circa hanc quæstionem repe-  
 riri docet Cardin. Bellarminus. In quibus  
 quidem recensendis tam pulchro vitur ar-  
 tificio, vt Lector in rebus Theologicis mi-  
 nùs exercitatus, statim, ac quæstionē hanc  
 de potestate temporali Pontificis, tali mo-  
 do, quo iam vidimus à viro tam erudito  
 expli-



explicatam, ante oculos proposuerit, in ea sententia, quæ potestatem Pontificis temporalem denegat, exitiale hæreseos venenum latitare nequaquam dubitare possit, Cum enim in primo introitu tres Auctorum sententias de potestate temporali Pontificis reperiri audiat, vnam, quæ asserit Pontificem plenissimam in temporalibus habere potestatem in vniuersum orbem terrarum; & aliam, quæ docet Pontificem talem quidem habere potestatem, non tamen directè, vt voluit prima opinio, sed solum indirectè, seu in ordine ad bonum spirituale; & tertia sententia pro hæresi reputetur: nequaquam profectò hæsitare potest, quin si Card. Bellarmino viro utique doctissimo in re tam graui fides adhibenda sit, necessariò vel primam, vel secundam sententiam amplecti debeat, nisi in apertam hæresim labi scienter velit.

108 Veruntamen non videtur ipse (salua semper reuerentia illi debita) adeò accuratè, ne dicam fideliter, sententias Auctorum de hac potestate Pontificis temporali commemorare, sicut deceret Doctorem Theologum quæstiones grauissimas (qualis est ista de qua nunc agitur, vtpotè quæ

quæ ad debitam Principibus supremis, *qui solo Deo minores sunt*<sup>u</sup>, obedientiam à fidelibus subditis iure diuino exhibendam spectat) ex professo veritatis indagandæ, aut illustrandæ gratia pertractantem; sed in hoc potius incumbere videtur, vt Lectorum oculis tenebras offundat, & ipsorum mentes quadam confusionis caligine obducatur, ne quis huius controuersię (quæ tantos in Christiano orbe tumultus, tantasque inter Regnum, & Sacerdotium discordias <sup>x</sup> excitauit) status sit, ab ipsis perspicui possit.

u Tertull. ad Scapul. cap. 2.

x Vide infra nu. 455.

109 Atque vt primam sententiam ab ipso relata, & meritò impugnatam misfam faciamus, in secunda sententia, quam ipse hæresim nuncupat, plures simul permiscet sententias, seu propositiones inter se omninò distinctas, & à Catholicis Doctoribus singulas propugnatas. Prima est, Pontificem vt Pontificem, & ex iure diuino, nullam habere temporalem potestatem, hanc etenim propositionem plurimi Doctores Catholici tuentur, quos supra <sup>y</sup> recitauimus. Altera propositio, seu sententia est, Pontificem, vt Pontificem, & ex iure diuino, nullo modo posse imperare Principibus Secularibus, in causis, subintellige, tem-

y Nu. 484 seq.

temporalibus (de quibus duntaxat præsens quæstio à Cardin. Bellarmino instituitur;) nam alioqui posse Pontificem in causis spiritualibus imperare Principibus Secularibus omnes Catholici profitentur.

<sup>a</sup> In tract. de potest. Regia & Papali. cap. 14.  
<sup>a</sup> De potest. Ecclesiast. & Laica. q. 1. cap. 9.

IIIO Pro cuius propositionis meliori intelligentia sciendum est, causas, & crimina à Theologis distingui, vt videre licet apud Ioh. Parisiensem<sup>z</sup>, & Iacobum Almainum<sup>a</sup>, in causas, & crimina Ecclesiastica, seu spiritualia, in Secularia, atque in mixta. Causæ Ecclesiasticæ dicuntur, quæ pertinent ad Sacramenta, & legem Euangelicam: & crimina Ecclesiastica, seu spiritualia dicuntur, quæ è directo Sacramentis, & legi Euangelicæ repugnant, vt hæresis, Simonia, Sacramenti, vel Censuræ Ecclesiasticæ violatio, &c. Causæ politicæ sunt, quæ ad Sacramenta, & legem Euangelicam non spectant: & crimina Secularia dicuntur, quæ seclusa quacunque reuelatione diuina, & Euangelica, stando in lege naturæ, adhuc peccata essent, vt furtum, homicidium, fornicatio, ebrietas, &c. Crimina verò mixta sunt, quæ utroque modo prohibita sunt, vt adulterium, quod est tum contra legem naturæ, tum contra matrimonij Sacramentum.

III Præterea potest aliquis in temporalibus dupliciter peccare, vno modo peccato *erroris aut oppositionis*, vt dicunt, hoc est, iudicando peccatum illud quod committitur circa Secularia non esse peccatum, vt iudicando, furtum, homicidium, aut eiusmodi non esse peccata: alio modo *peccato vendicationis*, vt loquuntur, id est, sibi vendicando, vel retinendo quod est alterius, furtum scilicet, aut tale aliquod peccatum seculare perpetrando.

II2 Quamuis igitur omnes Theologi concedant, penes Ecclesiam ex Christi institutione esse potestatem cognoscendi de quocunque peccato mortali erroris, & iuridicè definiendi, an hoc, vel illud sit peccatum mortale, eosque, qui contra talem Ecclesiæ definitionem senserint, pœnis Ecclesiasticis castigandi: quidam tamen Theologi (vt refert Almainus \*) defendunt, non spectare ad Pontificem cognoscere de peccatis publicis purè Secularibus, quæ vocant vendicationis, neque eiusmodi peccatores publicos pœnis etiam Ecclesiasticis coercere; adeò vt non possit Papa, quâ Papa, iure diuino punire latronem publicum pro furto, vel homicidam pro homicidio. Et prop-

\* De potest.  
Ecclesiast. &  
Laica q. 1. cap  
10. & q. 3. cap

b Apud Al-  
main. q. 1. cit.  
cap. 10.

propterea iuxta istam sententiam non potest Summus Pontifex in eiusmodi causis purè temporalibus Principibus Secularibus, alijsuè laicis in foro exteriori quoad vim coercentem imperare, quia eiusmodi causæ, & peccata nō sunt fori Ecclesiastici, sed Secularis. Neque *spectat*, inquit, <sup>b</sup> *ad Ecclesiā iudicare de omnibus medijs ad beatitudinem necessarijs coercitiuè, sed tantum suasiuè, & innuitiue*, innuendo scilicet, & ostendendo quæ sint media necessaria ad beatitudinem consequendam.

c q. 3. citata  
cap. 2. in fine.

113 Et quamuis hæc sententia mihi non placeat, ab aliquibus tamen Theologis defenditur, ut iam ex Almaino diximus. Immò ipse Almainus eam probabilem esse existimare videtur, dum ita scribit: *Item uterque duorum secundorum modorum est probabilis, videlicet, quod Papa in rebus purè civilibus nullam iurisdictionem nec regulariter, nec casualiter habeat iure diuino, & ex institutione diuina; vel quod habeat non regulariter, sed casualiter, puta in duobus casibus tantum supra numeratis; scilicet, si nullus sit iudex temporalis, & si non potest exercere, vel negligat, probabile est, quod in illis duobus casibus habeat iurisdictionem administrandi in tempo-*

*temporalibus*. Hæc Almainus. Per Iurisdictionem autem administrandi intelligit solum per censuras spirituales, vt ex principio capitis planè colligitur. Sed eam expressius tueri videtur Ioh. Parisiēsis<sup>d</sup> his verbis: *Et ita de peccato in temporalibus non indicat, vel cognoscit Index Ecclesiasticus, sed Secularis tantum, nisi fortè aliunde quàm à Christo concessum ei fuerit, vel permissum*; Vnde ipse ab Almaino pro hac sententia citatur.

<sup>d</sup> Cap 14. cit.

114 Tertia propositio, cuius mentionem facit Card. Bellarminus in illa secunda sententia, quam ipse hæresim appellat, est, non posse Pontificem Principes Seculares suis Regnis, & principatu priuare, etiamsi illi priuari alioqui merantur. Et neque hæc propositio hæresis est, aut doctrinæ Catholicæ repugnans, eamque expressis verbis defendunt plures doctores Catholici, quos suprà<sup>e</sup> commemorauimus. *De ea enim, vt dixit Trithemius<sup>f</sup>, certant Scholaſtici, & adhuc sub Indice lis est.* Atque ita patet tres omninò distinctas sententias in secunda illa sententia, quam Bellarminus hæresim appellat, ab ipso simul confundi.

<sup>e</sup> nu. 4. & seq.

<sup>f</sup> Suprà  
nu. 33.

115 Prima sententia est, Papani nullam prorsus habere potestatem temporalem

lem coercentem nec actu, nec habitu, nec regulariter nec casualiter, non solum disponendi de bonis temporalibus, aut Principes suis regnis priuandi, sed neque etiam propter crimina merè Secularia excommunicandi, aut alias poenas Ecclesiasticas infligendi, & consequenter nec præcipiendi quoad vim coercentem Principibus, aut cuius Laico in causis purè temporalibus; sed solum habere potestatem quandā suadendi, innuendi, seu, vt alij loquuntur, dirigendi in sensu supradicto: quam sententiam sequi videtur Ioh. Parisiensis, eamque vt probabilem tenet Almainus, vt iam vidimus.

116 Secunda sententia est, Pontificē habere quidem potestatem coercentem non solum in causis spiritualibus, sed etiam in temporalibus in quantum temporalia saluti spirituali obsunt, eaque ratione ad naturam spiritualium accedunt; sed poenistantum Ecclesiasticis, & potestati spirituali proprijs; nullam tamen habere potestatem disponēdi de temporalibus, aut Principes Seculares propter crimina siue spiritualia, siue temporalia suis Regnis, & dominijs temporalibus priuandi; & hanc etiā sententiam



sententiam quamplurimi Doctores superius citati amplectuntur.

Tertium verò illud dictum, quod in posteriori illius secundæ sententiæ mēbro asseritur, à nullo Doctore Catholico astruitur. Et nihilominus hæc tria in vna eademque sententia à Card. Bellarmino simul confunduntur, quasi nullum ex tribus illis pronunciatis ab ipso in priori illius secundæ sententiæ membro relatis ab vilo Auctore Catholico defenderetur.

117 Quapropter, si Card. Bellarmus secundam sententiam *hereseos* nota inurendam esse velit, quia affirmat Pontificem, vt Pontificem, & ex iure diuino nullam habere temporalem potestatem, neque posse Principes Seculares suis Regnis & principatu priuare, cum præsertim nullam Ecclesiæ definitionem ad hæc dicta impugnanda afferat, proculdubiò nimis rigidus Censor à multis meritò reputatur, *dum ita* *properè viros doctissimos* (vt verbis Couarruuiæ <sup>m</sup> vtar) *hac nota dignos esse censuit. Si* <sup>m</sup> In Regula peccatum, 2. part. relect. §. 9. nu. 7. iuxta impressiōnem Lugdunensem.

h Supra nu. 33

tum in hac cōtrouersia Ecclesia Catholica definitiuit (sed de eo certāt Scholastici, & adhuc sub Iudice lis est, vt ait Trithemius <sup>h</sup>) *proptereaq; disputationi locus est absque vlla hareseos suspitione*. Immeritò igitur Card. Bellarminus in posterioribus operum suorum editionibus vocabulum illud *hareseos* secundæ sententiæ apposuit, quod in prioribus editionibus penitùs prætermisit, cum tamen nihil prorsùs de nouo ad suam sententiam corroborandam, illamq; secundam confutandam apportet, quod priùs non attulerat.

i Pag. 194

118 At multò longiùs progressus est Anglus quidam Iesuita, qui in libro, quem sub e mentito Philopatris nomine diuulgauit, q̄ vltra quàm credi potest, præcipitanter locutus est. *Hinc*, inquit, *inferatur vniuersa Theologorum, ac Iurisconsultorum schola, & est certum, & de fide, quemcunque Principem Christianum, si à Religione Catholica manifestè deflexerit, & alios auocare voluerit, excidere statim omni potestate, ac dignitate ex ipsa vi iuris, tum humani, tum diuini, hocque ante omnem sententiam supremi Pastoris, ac Iudicis contra ipsos prolatam, & subditos quoscunque liberos esse ab omni iuramenti obligatione,*

*ligatione, quod ei de obedientia tanquā Principi legitimo pręstitissent, possēq; & debere (si vires habeant) istiusmodi hominem tanquam Apostatam, hereticum, ac Christi Domini desertorem, & Reipublica inimicum, hostemq; ex hominum Christianorum dominatu eijcere, ne alios inficiat, vel suo exemplo, aut imperio à fide auertat. Atque hæc certa, definita, & indubitata doctissimorum sententia doctrina Apostolica conformis planè, ac consona est. Hactenus Philopater.*

119 Quæ verba quàm temerè, inconsideratè, & absque vlllo penitus fundamento ab eo prolata sint, quiuis, in rebus Theologicis vel mediocriter versatus, facillimè deprehendet. Nam, præterquàm quòd tam Iurisperiti, quàm Theologi præclarissimi contra ipsum sentiunt, nullos omninò hæreticos (vt taceam Principes, qui secundùm regulas Iuris Canonici, quod ad poenas attinet, clausulis generalibus comprehendendi non solent, & iuxta sanctorum Patrum doctrinam legibus humanis, seu poenis ciuilibus non subiiciuntur) priuari dominio suorum bonorum etiam ex ipsa vi Iuris positiui (*nam lex Christiana, vt rectè dixit Card. Bellarminus<sup>k</sup>, neminem priuat*

<sup>k</sup> Lib. 2 de  
Rom. Pont.  
cap. 29.

l Simancas  
rit. 9. de Cath.  
instituendis  
à nu. 157.  
m Gomes  
tom. 1. ca. ult.  
suorū opulc.  
n Victor. rel. 1  
de Indis Insul.  
à nu. 8.  
o Vasqu. 1. 2.  
disp. 170. ca. 3.  
à nu. 8.  
p Caiet. quodl.  
de potest. Pa-  
pæ, cap. 8.  
q Canus lib. 5  
de locis cap. 5  
q 4.  
r Bellar. lib. 2.  
de Concilijs,  
cap. 12.

*suo iure & dominio*) ante sententiam Iudicis declaratoriam; inter quos est Simancas<sup>l</sup>, Antonius Gomes<sup>m</sup>, Victor<sup>n</sup>, atque insignis sui Ordinis Theologus Gabriel Vasquez<sup>o</sup>. Si iste Auctor attentè perpenderit, quænam ex mente doctissimorum Theologorum, vt Caietani<sup>p</sup>, Cani<sup>q</sup>, Cardin. Bellarmini<sup>r</sup>, & aliorum plurium requirantur ad hoc, vt aliqua definitio vel Papæ, vel etiam Concilij generalis sit de fide tenenda, non adeò confiderenter, Dei forsân zelo, sed certè non secundùm scientiam, sententiam suam tam exorbitantem, seditiosam, summisq; Principibus iniuriosam, atque nullo prorsus vel Scripturæ sacræ, vel sanctorum Patrum testimonio nixam, sed ab Ecclesiæ primitiæ praxi, quæ tum sacræ paginæ, tum veterum Patrum doctrinæ conformis est, penitus alienam profudisset: cum neque ex Sacris literis, nec Apostolorum traditione, nec Ecclesiastica definitione, nec aliqua ratione Theologica satis constare possit, Supremum totius Ecclesiæ Pastorem vllam omninò habere auctoritatem ex Christi institutione Principes Seculares, etiam ob crimen hæresis, aut Apostasiæ manifestum, suis dominijs

tem-

temporalibus priuandi.

120 Multò minus esse *doctrinam certam, definitam, indubitatam, de fide tenendam, doctrinæ Apostolicæ planè conformem, atque vniuersa Theologorum, & Iurisconsultorum Ecclesiasticorum scholæ receptam, Principes manifestè hæreticos, ante ullam sententiam Summi Pontificis declaratoriam, ex ipsa vi Iuris diuini, excidere statim omni potestate ac dignitate.* Si forsan Auctor iste, qui in re tam graui, utpote, quæ ad obedientiam supremis Principibus iure diuino præstandâ pertinet, tanta confidentia, tantoque verborum impetu locutus est, alias vel rationes magis validas, vel definitiones magis apertas ad hæc noua sua dogmata, quæ Reges legitimos, eo ipso quòd à fide manifestè desciscant, Tyrannos & iniustos Regnorû usurpatores ex vi Iuris diuini esse statuunt, confirmanda, reconditas habuisset, quàm quæ hætenus cæteris præcedentium Sæculorum Theologis innotuerunt, maximâ profectò vniuersæ tum Theologorû, tum Iurisconsultorum scholæ gratiam præstasset, si eas in medium protulisset, & vel hoc solo nomine Philopatris titulo insigniri promeruisset. Sed interim cauere sibi de-

buisset, ne dum conficto Philopatris nomine compellari cupiat, & nihilominus tā pestifera seditionis semina, quęq; effrenato populo, atque ad tumultus precipiti, apertā ad rebellionē, atq; Regicidia viā muniunt, spargere pręsumat, perfidi, tum patrię, tum Principi suo proditoris, vt ne quid grauius dicam, & re, & nomine gaudere mereatur.

121 Verū & illud quoque nonnihil admirationis mihi affert, qua de causa Cardin. Bellarminus in his etiam suorum operum editionibus postremis, inter suę sententię Patronos adduxerit Ioannem Parisiensem, Iacobum Almainum, aliosque nonnullos, quorum in prioribus editionibus mentionem nullam fecerat, cum tamen ipsi, pręsertim Parisiensis (quod idem quoque de Alexandro Alensi paulò inferius <sup>f</sup> au notabimus) contrariam potiùs sententiam satis expressè amplecti videantur. Nam pręterquàm quòd Ioannes Azorius in loco superius <sup>t</sup> allegato tam Almainum, quàm Parisiensem citet pro opposita sententia, Ioannes Parisiensis <sup>u</sup> (quod attinet ad controuersiam principalem, an scilicet penes Papam sit potestas per sententiam definitiuam Principes deponendi) proculdubio

f Nu. 124.

t Nu. 4.

u De potest.  
Regia & Pa-  
pali, cap. 14.

dubio sententiæ, quam sequitur Cardin. Bellarminus, apertissimè aduersatur, & verbis disertis asserit, *Excommunicationem, vel aliam similem pœnam spirituale esse ultimam, quam Iudex Ecclesiasticus inferre potest. Licet enim, inquit, Iudex Ecclesiasticus habeat homines in Deum reducere, & à peccato retrahere, hoc tamen non habet nisi secundum viam à Deo sibi datam, quæ est separando à Sacramentis, & participatione fidelium.*

122 Quin etiam Almainus, quando ex propria sententia loquitur, non exponens scripta aliorum, sententiæ Card. Bellarmini satis clarè refragari videtur. Nam imprimis in libro suo de auctoritate Ecclesiæ, cap. 2. ita scribit: *Consequenter ex dictis multiplex haberi potest differentia inter potestatem Ecclesiasticam Iurisdictionis in foro exteriori, & potestatem Laicam; prima ex parte institutionis, cum una sit naturalis quantum ad institutionem, altera supernaturalis; secunda ex parte finis, una enim est ad finem naturalem, altera ad supernaturalem; tertia ex parte pœnarum, quæ infligi possunt per has potestates, quia per unam corporalis pœna duntaxat, per alteram verò spiritualis præcisè. Deinde in libro de Dominio natu-*



rali, ciuili, & Ecclesiastico, conclusione secunda dicit, *Dominium Ecclesiasticum, seu Euangelicum ex institutione diuina nullam habere in temporalibus Iurisdictionem annexam*. Et paulò infrà in probatione illius conclusionis: *De ratione*, ait, *potestatis Laica est, posse pœnã ciuilem infligere, ut sunt mors, exiliũ, bonorũ priuatio, &c. sed nullam talem pœnã ex institutione diuina infligere potest potestas Ecclesiastica, immò nec incarcerare, ut plarisque Doctõribus placet, sed ad solam pœnam spiritualem extenditur utputa Excommunicationem, reliquæ autem pœna, quibus utitur, ex iure purè positiuo sunt.*

123 Sed & plures alij ex antiquioribus præsertim Theologis, quos Cardin. Bellarminus in his tanùm posterioribus operum suorum editionibus pro sua sententia, quasi de industria citat, ne forsan opinio eius à recentioribus solùm Theologis propugnari videretur, commodè exponi possunt, ut intelligant, Summum Pontificem in hoc sensu habere potestatem temporalem in ordine ad bonum spirituale, non quidem disponendi de temporalibus, in eo sensu, quo verbum *disponere* à Card. Bellarmino accipitur, id est, priuandi Principes suo iure,

re, quod in temporalibus habent; sed solū innuendi, ordinandi, & dirigēdi Principes temporales, quomodò temporalia rectè, & sine æternæ salutis periculo gubernare debeant, atq; etiā præcipiendi, eosq; cogendi poenis tantū Ecclesiasticis, & spiritualibus, ne cum salutis spiritalis dispendio temporalia ministrēt, absque eo quòd Pontifici tribuatur potestas Reges, ac Imperatores Dominijs suis, & Principatibus priuandi.

124 Nam Alexander Alensis <sup>x</sup>, quem <sup>x 3. part. q. 40</sup>  
 Card. Bellarminus pro sua sententia refert, <sup>memb. 5. q. 4.</sup>  
 potius fauet Canonistis, & dominio Pontificis directè in temporalibus, quàm ipsi Bellarmino, & supremo Pontificis dominio temporali solū in ordine ad bonum spirituale; vnde à Thoma Bozioy, & Alexandro Careio <sup>z</sup> acerrimis huius directi dominijs defensoribus, tam Alensis, quàm Hugo de S. Victore, quos etiam Card. Bellarminus in suæ sententiæ patrociniū adducit, pro sententia planè opposita, quæ Canonistarum est, afferuntur. Sed reuera, si verba Alexandri diligenter expendantur, facilè comperietur, eum neque Bozij, neque Bellarmini, sed nostræ potius sententiæ apertissimè suffragari. Nam quantumvis ipse disertis verbis affirmet, potestatem

y De Italiz  
 statu, lib. 4.

cap 5:

z De potest.  
 Rom. Pont.  
 cap. 9.

2 nu. 92. &  
seq.

Secularem subiectam esse spirituali, quod nos etiam, ad modum superius <sup>2</sup> explicatum, libenter concedimus, tamen, dum modum huius subiectionis declarat, & argumenta in contrarium obiecta dissolvit, clarissimè commonstrat, potestatem Secularem non esse subiectam spirituali quoad poenas temporales, neque potestatem spiritualem posse secularem, si deliquerit, poenis corporalibus, sed spiritualibus tantum coercere, quod sanè consentaneum est ijs, quæ à nobis sæpius dicta sunt.

125 Tria etenim ipse in principio quæstionis argumenta proponit, quibus probari videtur, non posse Summum Pontificem Reges, aut Imperatores iudicare. Primum adducit ex Glossa super illud Psalmi 50. *Tibi soli peccavi*; ubi inquit Glossa, *Quia Rex omnibus est superior, ideo tantum à Deo, qui maior est eo, puniendus est: Si quis de populo erraverit, Deo peccavit, & Regi, Rex verò non habet hominem, qui eius facta dijudicet; ergo Summus Pontifex non potest Regem, aut Imperatorem iudicare.* Respondet Alexander hanc subiectionem esse ad vindictam spiritua-  
lem non corporalem; secundum quod dicitur  
2. q. 7. quod Regum est exercere penam cor-  
poralem

poralem, Sacerdotum spiritualem inferre vindictam. Vnde Ambrosius Imperatorem excommunicauit Arcadium, & ab ingressu Ecclesie prohibuit. Sicut enim Iudex terrenus non sine causa gladium portat, sicut dicitur 13. ad Romanos, ita non sine causa clauis Ecclesie Sacerdotes accipiunt; ille portat gladium ad vindictam malefactorum, laudem verò bonorum: isti clauis habent ad exclusionem excommunicandorum, & reconciliationem penitentium. Expone igitur, A Deo tantum est Rex puniendus, supple, materiali pœna. Et iterum, Non habet hominem, qui eius facta dijudicet, supple, ad corporalem pœnam inferendam. Hæc est Responsio Alexandri ad primum argumentum.

126 Ad Secundum, quod desumptum erat ex Hugone in libro de Sacramentis, vbi dicit, quod spiritualis potestas non ideo præsides, ut terrena in suo iure praeiudicium faciat, sicut ipsa terrena potestas, quod spirituali debetur, nunquam sine culpa usurpat: Respondet Alexander, quod spiritualis potestas, si indicet terrenam ratione delicti, cum scilicet abutitur potestate, non praeiudicium facit. Immo sicut spiritus constitutus est ad dirigendum corpus, ita spiritualis potestas constituta

*stituta est ad dirigendum terrenam. Quæ Alexandri verba intelligenda sunt de potestate directiua tantum, & non de coactiua, nisi secundum potestatem ad vindictam spiritualem, non corporalem, vt ipsemet in solutione primi argumenti explicauerat.*

127 Demum, ad tertium argumentum, quod allatum erat ex 1. Petr. 2. *Subiecti estote omni creature propter Deum, siue Regi tanquam præcellenti, &c. Si ergo Rex præcellit, non est subditus alicuius iudicio; Respondet Alexander, quod Rex præcellit, verum est, in suo ordine, scilicet ad corporalem vindictam exercendam, qua vindicta, si delinquat, non habet, qui eum puniat nisi Deum.*

Ex quibus constat, non potuisse ab Alexandro quidquam apertius, explicatius, & significantius dici, ad sententiam tam Boziji, quam Bellar. refellendam, nostramque corroborandam.

128 Quod ad Hugonem attinet, quæ Card. Bellarminus pro sua sententia assert, & Canonistæ etiam pro se adducunt, tametsi ipse in cap. illo quarto libri secundi de Sacramentis à Card. Bellarmino citato asserat, *quod quanto vita spiritualis dignior est quam terrena, & anima quam corpus*

pus, tanto spiritualis potestas terrenam, siue  
 Secularem potestatem honore, ac dignitate  
 præcellit. Nam spiritualis potestas terrenam  
 potestatem & institueret ut sit, & iudicare ha-  
 bet, si bona non fuerit, ipsa vero à Deo pri-  
 mum instituta est, & si deuiat, à solo Deo indi-  
 cari potest, &c.

129 Attamen Ioannes<sup>h</sup> Parisiensis prædicta Hugonis verba ( quæ, si strictè accipiantur, & Bellarmino parùm fauent, & propter ambiguum eorum sensum maximas difficultates pati possunt ) ita exponit, quòd cum mos sacre Scripturæ sit, ut ait S. Augustinus lib. 1. de Ciuitate Dei, dicere rem fieri, quando manifestatur, pro tanto dicit Hugo, quòd potestas spiritualis Regiam instituit, non quidem ipsam efficiendo ut sit, cum sit à Deo, & populo consentiente, & eligente, sed quia in ungendo ipsum instituit, & electum manifestat, non ita tamen, ut de necessitate potestatis Secularis sit, quòd inungatur, cum aliæ gentes Reges habeant, qui non inunguntur. Vnde & in nouo Testamento non legimus, quòd Sacerdotes inungere debeant Reges, nec etiam observatur in omnibus Regibus Christianis, ut patet in Regibus Hispania.

<sup>h</sup> De potest.  
 Regia & Pa-  
 pali ca. 18. ad  
 20. argumen-  
 tum.

130 Atque idcirco Papa non instituit  
 Regem

*Regem nisi ad modum iam explicatum, sed vterque est à Deo institutus suo modo, nec Papa dirigit Regem per se, ut Rex est, sed per accidens, in quantum conuenit Regem fidelem esse, in quo instruitur à Papa de fide, & non de regimine. Vnde subiicitur Papa in ijs, in quibus subiicit eum potestas suprema, scilicet in spiritualibus tantum. Ita Parisiensis. Ex quo apparet verba Hugonis sententiæ Card. Bellarmini nequaquam patrocinari, & propterea, neq; ipsum Card. Bellarminum (quod superius etiam prænotauimus) sententias Auctorum pro potestate Pontificis temporali adeo fideliter recēsuisse, prout quæstionis controuersæ magnitudo, ingens in re tam graui errandi periculum, & debitum ex Christi lege tam erga Regem, quàm erga Pontificem obsequium postulare videntur.*

131 Atque hæc de tribus sententijs à Card. Bellarmino relatis, & de statu præsentis controuersæ dicta sufficiant. Iam ad argumēta ipsius dissoluenda aggrediamur.

Postquàm itaque Card. Bellarminus tres Auctorum sententias circa potestatem Pontificis temporalem, ut vidimus, adduxerat, primamque sententiam confutauit



tauerat, atque ostenderat, Papam nec esse Dominum totius mundi, aut vniuersi Orbis Christiani, neque habere iure diuino vllam Iurisdictionem merè temporalem, tandem in principio capitis sexti suam sententiam proponit, & asserit, Pontificem, vt Pontificem, etsi non habeat vllam merè temporalem potestatem, habere tamen in ordine ad bonum spirituale summam potestatem disponendi de rebus temporalibus omnium Christianorum.

Ad quam propositionem comprobendam priusquàm aggrediatur, duas affert similitudines ad rem magis declarandam.

132 *Prima est, qua potestas civilis, & Ecclesiastica assimulantur arti fransactoria, & equestri, ac similibus. Vt enim duae artes sunt inter se distinctae, quia diuersa habent obiecta, & subiecta, & actiones; & tamen quia finis vnus ordinatur ad finem alterius, ideo vna alteri praest, & leges ei praescribit: ita videntur potestas Ecclesiastica, & politica distinctae potestates esse, & tamen vna alteri subordinata, quia finis vnus ad finem alterius natura sua refertur.*

133 Sed hanc similitudinem non approbat Card. Bellarminus vt omnimodè conue-

conuenientem. Nam in illis, inquit, artibus inferior est solum propter superiorem, adeo ut ablata superiore tollatur continuò etiam inferior. Si enim non sit ars equestris, certè superuacanea est ars frangorum faciendorum: At potestas politica non est solum propter Ecclesiasticam. Nam etiamsi Ecclesiastica non esset, adhuc politica esset, ut patet in infidelibus, ubi est vera potestas temporalis, & politica, & tamen sine ordine ad aliquam veram potestatem Ecclesiasticam, & spiritualem.

134 Est igitur, inquit, alia similitudo longè aptior in nobis ipsis, qua hoc ipsum explicat Gregorius Nazianzenus in oratione ad populum timore perculsum, & Praesidem irascentem, & post eum Hugo de S. Victore lib. 2. de Sacramentis part. 2. cap. 4. Thomas Waldensis lib. 2. de doctrin. fidei, cap. 78. Ioannes Driedo lib. 2. de libertate Christiana cap. 2. Victoria, & Sotus locis citatis. Ut enim se habent in homine spiritus & caro, ita se habent in Ecclesia due illae potestates. Nam caro, & spiritus sunt quasi due Respublicae quae & se paratae, & coniunctae inueniri possunt. Habet caro sensum, & appetitum, quibus respondent actus, & obiecta proportionata, & quorum omnium finis immediatus est sanitas, & bona constitutio

constitutio corporis. Habet spiritus intellectu, & voluntatem, & actus, atque obiecta proportionata, & pro fine anima sanitatem, & perfectionem. Inuenitur caro sine spiritu in brutis, inuenitur spiritus sine carne in Angelis.

135 Ex quo apparet neutrum esse præcisè propter alterum. Inuenitur etiam caro adiuncta spiritui in homine, ubi quia unam personam faciunt, necessario habent subordinationem, & connexionem. Caro enim subest, spiritus præest, & licet spiritus non se misceat actionibus carnis, sed sinit eam exercere omnes suas actiones, ut in brutis exercet, tamen quando ea efficiunt fini ipsius spiritus, spiritus carni imperat, eamque castigat, & si opus est indicit ieiunia, aliasq; afflictiones etiam cum detrimento aliquo, & debilitatione ipsius corporis, & cogit linguam ne loquatur, oculos ne videant, &c. Pari ratione si ad finem spiritus obtinendum necessaria sit aliqua carnis operatio, & ipsa etiam mors, spiritus imperare potest carni, ut se, ac sua exponat, ut in Martyribus videmus.

136 Ita prorsus politica potestas habet suos Principes, leges, iudicia, &c. & similiter Ecclesiastica suos Episcopos, Canones, Iudicia. Illa habet pro fine temporalem pacem, ista sa-

" *lutem eternam. Inueniuntur quandoque sepa-*  
 " *rata, ut olim tempore Apostolorum; quandoque*  
 " *coniuncta, ut nunc. Quando autem sunt con-*  
 " *iuncta, unum corpus efficiunt, ideoque debent*  
 " *esse connexa, & inferior superiori subiecta, &*  
 " *subordinata. Itaque spiritualis non se miscet*  
 " *temporalibus negotijs, sed finit omnia procede-*  
 " *re, sicut antequam essent coniuncta, dummodo*  
 " *non obsint fini spirituali, aut non sint necessa-*  
 " *ria ad eum consequendum. Si autem tale quid*  
 " *accidat, spiritualis potestas potest, & debet*  
 " *coercere temporalem omni ratione, & via, quæ*  
 " *ad id necessaria esse videbitur.*

137 Hæc est similitudo illa, quæ Car-  
 din. Bellarmino maximè arridet, tanquam  
 valdè idonea ad eius sententiam corrobo-  
 randam. Et propterea, quotiescunque oc-  
 casio commoda sese offert, eam in cæteris  
 suis libris inculcare non prætermittit. Et  
 certè primo aspectu videtur esse similitudo  
 satis pulchra, & proposito illius aptissimè  
 deseruiens, veruntamen non tam apta, eiuf-  
 uè instituto accommodata reperietur, si  
 paulò diligentius introspectiatur, & duo po-  
 tissimùm circa eam obseruentur.

Primum est, potestatem politicam ex se  
 & natura sua non habere pro suo fine pote-  
 statem

statem Ecclesiasticam, neque illi per se subijci, seu subordinari ex doctrina ipsius Cardin. Bellarmini iam tradita: quia *in infidelibus est vera potestas politica absque ordine ad aliquam veram potestatem Ecclesiasticam, & spiritualem*. Ideoque quòd istæ duæ potestates simul sint coniunctæ, vel separatae, cum vna ex se alteram non respiciat, est omnino per accidens vtrique potestati.

138 Secundum est, potestatem politicam & Ecclesiasticam quoad aliquid rectè comparari carni & spiritui, quoad alia minime. *Neque enim* (vt sæpius docet Card. Bellarminus) *qua ut similia afferuntur, in omnibus similia esse debent, sed tantum in eo, in quo est vis argumenti ex illa similitudine ducti*: in quo assignando, quia plurimum peccari inter disputandum vsuuenit, propterea non minùs verè quàm vulgatè dici solet, *Argumentum à simili claudicare uno pede*. Quin & ipsemet Cardin. Bellarminus alio in loco hanc eandem similitudinem inter corpus naturale, & corpus mysticum Ecclesiæ non probat, & ne propter eam concedere cogatur, Ecclesiam esse supra Pontificem, & illo principaliorē, sicut corpus naturale est principalius qualibet

k Lib. 2. de Eucharistia Sacram. cap. 6 & lib. 1 de Sacram. Matrimonij, cap. 16

1 Lib. 2. de  
Concilijs, cap.  
19. ad 2.

sua parte, liberè fateatur, <sup>1</sup>*aliud esse ferendum iudicium de corpore Ecclesie*, quod iuxta eius doctrinam ex potestate Ecclesiastica, & politica constituitur, & *aliud de corporibus naturalibus*, quæ ex materia, & forma, sicut homo ex carne & spiritu, componuntur.

m Nu. 67. &  
seq.

139 Conueniunt igitur in hoc, quòd sicut spiritus est perfectior, & nobilior ipsa carne, ita potestas Ecclesiastica, cui vniuersi fideles, quæ Christiani, subduntur, quia spiritualis est, perfectior, & nobilior est politica seu temporali, cui omnes Christiani, etiam Clerici, *quatenus reipublica politica sunt ciues, & partes quadam*, subiunguntur, vt superius <sup>m</sup> ex principijs Cardin. Bellarmini ostendimus. Et in hoc potissimum consistere similitudinem illam voluit Gregorius Nazianzenus, vt ex verbis ipsius manifestè colligi potest. Nam loquens ad Præsides, hoc solum ait: *Nam vos quoque potestati meæ, meisq; subsellijs lex Christi subiicit. Imperium enim ipsi quoque gerimus, addo etiam præsantius, ac perfectius, nisi verò æquum est spiritum carni fasces submittere, & cælestia terrenis cedere*. Ex quibus verbis hoc solum deduci potest, potestatem spiritualem nobiliorem esse temporali, & Christianos

Itianos omnes etiam Principes Seculares, quàm Christi sunt oues, Pastoribus Ecclesiasticis in rebus spiritualibus subiectos esse, de qua re inter Catholicos nulla planè controuersia existit.

140 Differunt tamen maximè, quia caro se habet vt materia, spiritus vt forma, & propterea vnum quid essenziale, vnamque personam constituunt: & hæc est causa, quare caro sit propter spiritum, illique per se subijciatur, sicut materia ex sua natura est propter formam à qua perficitur. At verò potestas politica non se habet vt materia respectu Ecclesiasticæ, neque vna per se aliam respicit, vt suprâ<sup>n</sup> docuit Cardin. Bellarminus, & consequenter neque per se subordinantur, aut vnum corpus efficiunt, sed solum per accidens, & quodammodò subiectiuè coniunguntur, partim, sicut duo Regna, Angliæ, exempli causa, & Scotiæ vniuntur in serenissimo Rege nostro Iacobo, cui vtraque subsunt, ita enim potestas Ecclesiastica, & politica in Summo Pontifice reipsa coniunguntur, quibus tamen accidentarium est ita coniungi; partim quia inter Christianos vtraque potestas simul (licet in diuersis perso-

n Nu. 133.



nis) coniuncta reperitur, sed vna prorsus distincta ab alia, ita vt quilibet Christianus, qui in spiritualibus & temporalibus Superiorem recognoscit, vtrique potestati simul subijciatur. Propter huiusmodi tamen vnionem non rectè inferitur (vt superius ° ostendimus) potestatem Ecclesiasticam, & politicam vnum corpus, seu Rempublicam constituere, vt perperam hoc etiā in loco affirmat Card. Bellarminus, sed potius apud eosdem Christianos duo distincta Regna, Christi scilicet, & mundi simul reperiri, quæ diuersas leges, diuersa iudicia, diuersos fines, diuersos Principes habeant.

o Nu. 83. &  
169.

141 Atque hinc patet, prædictam similitudinem non esse proposito Cardinali Bellarmini adeò congruentem, cum neque inde probari queat, potestatem civilem, & Ecclesiasticam constituere vnā Rempublicam, quod præcipuum ferè fundamentū est potestatis Pontificiæ in temporalibus, neque si comparatio apta esset, rectè ex ea colligeretur, posse Principes politicos per potestatem spiritualem suis Regnis priuari, aut quando potestas temporalis obest fini spirituali, posse spiritualem potestatem

statem omni ratione, ac via, sed certa tantum à Christo præfixa temporalem potestatem coercere. Sicut enim spiritus carni præcipere potest, vt omnes suas affectiones inordinatas, quæ penè innumeræ sunt, iuxta rationis normam repellat, non tamen ipsam carnem rebellē, & sua desideria perficentem omni poenarum genere castigare poterit, ita etiam potestas spiritualis imperandi temporali, quando fini spirituali, seu animæ saluti obest, est quidem penè illimitata, sicut infinita ferè sunt peccatorum genera, potestas tamen coercendi, seu pœna afficiendi temporalem potestatem sibi inijs, quæ ad animæ salutem spectant, contradicentem, est ad certum terminum, extra quem egredi non licet, à Christo definita.

142 Vnde ex hac similitudine potius impugnari posset, quàm confirmari eius sententia: vt si quis ita argumentaretur: *Sicut se habet spiritus ad corpus naturale, ita potestas Ecclesiastica ad civilem, vt supponit Cardin. Bellarminus, sed spiritus ob nullum delictum habet potestatem corpori suo naturali caput amputandi, & aliud loco eius substituendi, ergo neque potestas Ecclesiastica ha-*

bet auctoritatem corpori politico caput suum, nempe Principem adimendi, & alium vice eius surrogandi. Vides igitur quàm aptam similitudinem attulit Card. Bellarminus ad suam sententiam oppugnandam potius, quàm corroborandam.

Hac similitudine declarata probat Cardin. Bellarmin. in capite septimo suam sententiam quinque rationibus, & in capite octauo duodecim exemplis.

143 Prima ratio est eiusmodi.

“ Potestas civilis subiecta est potestati spiritu-  
 “ ali, quando utraque pars est eiusdem Reipub-  
 “ lica Christiana, ergo potest Princeps spiritua-  
 “ lis imperare Principibus temporalibus, & dis-  
 “ ponere de temporalibus rebus in ordine ad bo-  
 “ num spirituale. Omnis enim Superior impe-  
 “ rare potest inferiori suo. Quod autem potestas  
 “ politica non solum ut Christiana, sed etiam ut  
 “ politica sit subiecta Ecclesiastica, ut talis est:

Prima de-  
 monstratio  
 antecedentis.

Primò demonstratur ex finibus utriusque.  
 Nam finis temporalis subordinatur fini spiri-  
 tuali, ut patet: quia felicitas temporalis non  
 “ est absolute ultimus finis, & ideo referri de-  
 “ bet in felicitatem eternam. Constat autem ex  
 “ Arist. lib. I. Eth. cap. I. ita subordinari facul-  
 “ tates, ut subordinantur fines.

144 *Secundo, Reges, & Pontifices, Clerici, & Laici non faciunt duas Respublicas, sed unam, id est, unam Ecclesiam Rom. 12. & 1. Cor. 12. at in omni corpore membra sunt connexa, & dependentia unum ab altero, non autem recte asseritur spiritualia pendere à temporalibus; ergo temporalia à spiritualibus pendent, illisque subijciuntur.*

Secunda demonstratio  
antecedentis.

145 *Tertio, si temporalis administratio impedit spirituale bonum, omnium iudicio tenetur Princeps temporalis mutare illum modum administrandi etiam cum detrimento temporalis boni, ergo signum est subiectam esse temporalem potestatem spirituali.*

Tertia demonstratio  
antecedentis.

146 *Neque satisfaceres, qui responderet, teneri Principem illum ad mutandam rationem suae administrationis non propter subordinationem ad spiritualem potestatem, sed solum propter ordinem Charitatis, quo tene- mur anteponeere maiora bona minoribus. Nam propter ordinem Charitatis non tenetur una Respublica pati detrimentum, ne simile detrimentum patiaturs alia Respublica nobilior. Et unus privatus, qui tenetur dare omnia sua bona pro conseruatione suae Reipublicae, non tenetur tamē similiter facere propter remp. alienā quamvis nobiliores. Cum ergo teneatur Respublica temporalis pati detrimentum propter*

“ spiritualem, signum est, eas non esse duas di-  
 “ versas, sed unius, & eiusdem partes, & v.  
 “ nam alteri subiectam.

“ 147 Neque etiam valet, si quis dicat  
 “ Principem temporalem teneri pati detrimen-  
 “ tum pro bono spiritali non propter subiectio-  
 “ nem ad Rempub. spiritualem, sed quia alioqui  
 “ noceret suis subditis, quibus malum est amis-  
 “ tere spiritalia pro temporalibus. Nam etiam-  
 “ si non subditi, sed homines alterius regni pati-  
 “ antur notabile damnum in spiritalibus prop-  
 “ ter administrationem temporalis alicuius Re-  
 “ gis Christiani, tenetur ille mutare suum mo-  
 “ dum administrandi, cuius rei nulla alia ratio  
 “ reddi potest, nisi quia sunt eiusdem corporis  
 “ membra, & unum alteri subiectum.

148 Hæc est prima ratio Card. Bel-  
 larmini, quæ tota, ut ex dicendis constabit,  
 est debilissima, cum supponat potestatem  
 Ecclesiasticam, & civilem vnam tantum  
 Rempub. saltem apud Christianos consti-  
 tuere, quod tamen superius per ipsius prin-  
 cipijs ostendimus esse veritati dissentane-  
 um. Et propterea non opus esset sigillatim  
 respondere ad tria illa membra, quibus de-  
 monstrare nititur, potestatem politicam, non  
 solum ut Christianam, sed etiam ut politi-  
 cam

cam, subiectam esse Ecclesiasticæ, vt Ecclesiastica est, cum ex eadem non satis probata hypothesi procedant, & ex supradictis facillimè solui possint.

149 Sed ne fortè quis existimet, prædictam Card. Bellarmini argumentationem non esse sufficienter refutarā, & quoniam, ipse in eo multum insistit vt demonstret, potestatem politicam, non solum vt Christianam, sed etiam vt politicam, subiectam esse Ecclesiasticæ, vt Ecclesiastica est; quæ propositio bifariam intelligi potest, & in quocunque sensu accipiat, tum falsa est, tum Card. Bellarmini principiis repugnat, propterea totam hanc eius rationem paulo diligentius discutiemus.

150 Et primum, propositio hæc, *Potestas politica non solum vs Christiana, sed etiam vs politica, est subiecta Ecclesiastica, vt talis est*, velsic intelligi potest, quòd potestas politica, non solum apud Christianos, sed etiam præcisè, & secundum se considerata, potestati Ecclesiasticæ, vt Ecclesiastica est, subdita sit, atque ita tum falsa est, tum apertè repugnat doctrinæ ipsius Card. Bellarmini, qua superius 9 docuerat, potestatem politicam secundum se, & ex natura sua

q Nu. 133.

sua non dicere ordinem ad potestatem Ecclesiasticā, *ut patet in infidelibus, ubi est vera potestas politica sine ordine ad aliquam veram potestatem Ecclesiasticam*: attamen prima, & tertia demonstratio antecedētis apertè hunc sensum confirmare videntur.

151 Vel secundò ita intelligi potest prædicta propositio, quòd potestas politica non præcisè, & secundum se considerata, sed solum apud Christianos sit per se subiecta Ecclesiasticæ (nam utramque potestatem sibi inuicem per accidens subijci posse, ex supradictis satis constat, & ex dicendis magis manifestum erit) & hic sensus, tametsi à Card. Bellarmino in propositione antecedente expressè intendatur, illumque in secunda eius demonstratione comprobare conetur, est etiam falsus, neq; principijs ipsius consentaneus, ut superius <sup>r</sup> ostendimus, & statim etiam repetemus,

r Nu. 83. &  
seq.

152 *Ad propositionem igitur antecedentem respondetur*, potestatem civilem, & Ecclesiasticam non esse partes eiusdem Reipublicæ, sed apud Christianos accidentaliter, & quodammodò subiectiue coniungi ad modum superius <sup>r</sup> explicatū, ratione cuius coniunctionis potestas civilis.

f Nu. 140.



lis subiecta est, per accidens potestati spiritali in rebus tantum spiritualibus, & non in temporalibus, nisi quando temporalia ratione peccati annexi, quod est spirituale, naturam spiritualium induunt. Veruntamen potestas civilis non subijcitur, & subordinatur per se potestati Ecclesiasticæ. Ea enim ars, scientia, aut facultas dicitur per se subijci, seu subalternari alteri, quæ essentialiter, seu necessario ex natura rei pendet ab alio in esse artis, scientiæ, aut facultatis, ut constat ex Metaphysica; at clarum est, potestatem civilem in esse potestatis civilis non necessario dependere à potestate Ecclesiastica, cum in infidelibus perfecta ratio potestatis civilis conseruetur absque ulla subordinatione ad potestatem Ecclesiasticam, ut sæpius diximus ex Card. Bellarmino.

153 Similiter potestas Ecclesiastica subiecta est civili per accidens in rebus tantum temporalibus, & non in spiritualibus, nisi in casu, quo spiritualia in perniciem Reipublicæ temporalis, & finis illius male administrata ratione iniuriæ temporalis, quæ Reipublicæ politicæ infertur, naturam temporalium sortiuntur. Per se tamen neutra

tra potestas alteri subijcitur, aut ab altera dependet in esse suæ potestatis, sed vtraque potestas habet suos Principes supremos, & absolutos, qui nullum Superiorem Iudicem recognoscunt in ijs causis, & negotijs, quæ vnicuique Reipublicæ sunt propria.

154 Si tamen contingat potestatem civilem abuti temporalibus in damnū Reipublicæ spiritualis, & finis illius, qui est animarum salus, per accidens subijcitur potestati spirituali, cui commissā est cura spiritualium, & consequenter potestatem Iurisdictionis habet super omnes actiones externas, quæ finem spiritualem iniuste impediunt. Et pari ratione si eueniat potestatem spiritualem malè vti spiritualibus in perniciem Reipublicæ temporalis, & finis illius, qui est pax temporalis, per accidens subditur potestati politicæ, cui cura temporalium incumbit, & consequenter potestatem habet super vniuersas actiones externas, quæ pacem temporalem iniuriose perturbant.

• Nu. 80.

155 Hæc autem, quæ diximus, intelligenda sunt, vt aliàs \* monuimus, iuxta ipsas potestatis Ecclesiasticæ & politicæ naturas, abstrahendo ab Ecclesiasticis legibus, &

& Principum priuilegijs, quæ personas Ecclesiasticas deuotionis ergò, & vt maior illis exhiberetur reuerentia, à tribunalibus Magistratuum Secularium exemerunt.

156 Atque hinc colligi potest, ipsam etiam Euangelij prædicationem (quod idem de similibus actionibus spiritualibus intelligendum est) quatenus fit modo illicito, iniquè perturbando pacem publicam, aut per Prædicatores Statui politico, cui prædicare mittuntur, alioquin inimicos, potestati politicæ subijci posse. Quo fit, vt si Papa aliquas personas mitteret ad prædicandum Christi Euangelium in Regno alicuius Principis infidelis, quas Princeps ille argumentis verè rationalibus ductus arbitraretur fore statui suo politico inimicas, non tenetur tales Prædicatores admittere, sed posset tum eas sub poena capitis è Regno suo excludere, tum subditis sub eadem poena interdiceret, ne eas hospitio excipiât, & si post debitam Principis admonitionē discedere nollent, extremo supplicio eas afficere licitè posset.

157 Nec propterea tales Prædicatores, qui ob eiusmodi inordinatam Euangelij prædicationem poena mortis

tis mulctarentur, essent à Christianis Martyres iudicandi, quoniam Princeps infidelis solùm teneretur tales Prædicatores tolerare, quos ipse rationibus verè probabilibus persuasus iudicaret, non fore statui suo politico inimicos, aut sibi in licita temporaliū administratione verè aduersarios. Neque enim quælibet Euangelij prædicatio licita est, sed ea solùm, quæ ex nulla praua circumstantia redditur vitiosa.

158 Immò posset Princeps ille infidelis cogere Summum Pontificem intra limites potestatis politicæ, ne tales Prædicatores in suum Regnum mittat, quos Princeps matura, ac probabili habita deliberatione existimaret fore statui suo politico turbulentos, & seditiones in Republica excitaturos. Cum enim talium Prædicatorum missio sit Reipublicæ politicæ, eiusq; Principi iniuriosa, potest Princeps ille Summū Pontificem admonere, vt tales Prædicatores tumultuosos è Regno suo euocet, & ne vlteriùs mittat eos, quos Princeps rationaliter iudicat Reipublicæ suæ quietem alijs machinationibus illicitis, quàm ex pura prædicatione Euangelica perturbaturos. Et si Pontifex debite admonitus, à talibus seditionis

ditiosis Prædicatoribus mittendis non defistit, potest Princeps vim vi repellere, & iniuriam sibi illatam armis propulsare, cum quilibet ex lege naturæ ius habeat ad se à quibuscunque, etiam Summi Pontificis, iniustis aggressionibus cum inculpatæ tutelæ moderamine defendendum.

159 *Ad Consequentiam Respondetur*, eam non rectè inferri ex antecedente, cum in illa duæ propositiones confundantur, quarum vna vera est, & ex antecedente sequitur, altera verò falsa, & nullo modo ex antecedente deduci potest. Concedimus enim posse Principem spirituales imperare Principibus temporalibus in ordine ad bonum spirituale eo modo quo diximus<sup>t</sup>, <sup>t Nu. 99. & seq.</sup> non tamen propterea posse in ordine ad bonum spirituale disponere de temporalibus in eo sensu, quo verbum *disponere* à Cardinale Bellarmino usurpatur, cum disponere, & imperare ut alter disponat, sint valdè distincta, nec primum ex secundo sequatur, ut superius<sup>u</sup> annotauimus. Atque <sup>u Nu. 99. & seq.</sup> idcirco argumentum Cardinal. Bellarmini fallax est, cum in eadem argumentatione terminos mutet, & ab imperare ad disponere transitum faciat.

160 Illa verò propositio, *Omni Superior imperare potest inferiori suo*, si sermo sit de illo, qui non dignitate tantum, sed auctoritate etiam est superior, verissima est in sensu formali, id est, in illis tantum rebus, in quibus est Superior. Et propterea, cum potestas Ecclesiastica in rebus tantum spiritualibus, vel quæ ad spiritualia reuocantur, superior sit potestate ciuili, in illis tantum potestati politicæ imperare potest. Et pari ratione, cum potestas ciuilis in rebus solum politicis, vel quæ ad politica reducuntur, superior sit potestate Ecclesiastica, propterea in illis tantum potestati Ecclesiasticæ imperare potest. Veruntamen sicut potestas politica, tametsi imperare possit Ecclesiasticæ in rebus politicis, & in spiritualibus in ordine ad politica, vt supra <sup>1</sup> diximus, non tamen proinde de spiritualibus in ordine ad temporalia disponere potest, quia imperare vt quis disponat, & disponere multum differunt; ita potestas Ecclesiastica, licet imperare possit politicæ in rebus spiritualibus, & in temporalibus in ordine ad spiritualia, de rebus tamen temporalibus etiam in ordine ad spiritualia disponere nequaquam valet.

<sup>1</sup> Nu. 92. &  
seq.

162 *Ad primam demonstrationem antecedentis Respondetur*, Non omnem finem temporalem subordinari fini spirituali per se, & ex natura sua, sed tantum per accidens, quatenus ab homine, qui agit propter finem, ad finem spirituales ordinatur. Et quamvis concederemus temporalia esse per se ordinata ad spiritualia, sicut fræna ex se sunt propter equos, non tamen inde sequitur, ut rectè aduertit Ioan. Parisiensis <sup>y De potest. Regia & Papali. cap. 20. ad 32.</sup> quòd si Papa haberet dominium super finem, id est, spiritualia, haberet etiam in temporalibus, quæ ad spiritualia, ut ad finem ordinantur; sicut neque bona est deductio, *Iste est Dominus omnium equorum, ergo & omnium frænorum, quæ sunt propter equos.*

163 *Ad Confirmationem dico*, felicitatem temporalem non esse absolutè ultimum finem hominis, esse tamen ultimum finem potestatis temporalis. Quælibet enim potentia, ut potentia est, habet pro ultimo fine suum actum, sicut quælibet scientia habet per se pro ultimo fine speculationem sui obiecti, licet ipse homo, cui talis potentia, aut scientia inhæret, ulteriorē finem respiciat. Quamobrem rectè S. Augustinus ait, <sup>z Lib. II. de Trinit. cap. 6.</sup> voluntatem videndi non ha-



bere alium finem præter visionem. *Voluntas, inquit, videndi finem habet visionem, & voluntas hanc rem videndi finem habet huius rei visionem. Voluntas itaque videndi cicatricem finem suum expetit, hoc est visionem cicatricis, & ad eam ultra non pertinet.*

164 Quapropter sicut à Philosophis distingui solet finis ultimus scientiæ, aut operis à fine ultimo scientis, aut operantis, ita distingui debet finis ipsius potestatis, & potestatem habentis. Dicitur autem ultimus finis operis, quia in eo opus ultimò terminatur, non autem operantis, quia operans non refert omnia sua in talem finem tanquam in quid optimum, & maximè amabile.

165 Concedimus igitur finem temporalem potestatem habentis esse felicitàtem spiritualē, & æternam, ad quam Christiani singulas suas actiones, & usum tum potestatis Ecclesiasticæ, tum civilis dirigere debent: sed finem ultimum, & per se ipsius potestatis politicę dicimus esse pacem, & quietem publicam, in cuius acquisitione, & conseruatione ultimò conquiescit. Ideoque propter hanc rationem non est necesse, quòd potestas civilis per se subordinetur

dinetur potestati Ecclesiasticæ, sed solum per accidens eo modo quo diximus.

Aristoteles autem in loco à Cardin. Bellarmino relato, quando dicit, *Ita subordinari facultates, ut subordinantur fines*, loquitur de finibus per se ipsarum facultatum, & non de finibus facultates habentium.

166 *Ad secundam demonstrationem antecedentis Respondetur*; negando antecedens. Nam, ut ex dictis<sup>a</sup> constat, Reges & Pontifices, Clerici & Laici sub diuerso respectu faciunt duas Respublicas, & non vnam solummodò. Nam quatenus referuntur ad potestatem Ecclesiasticam, & illi in spiritualibus subsunt, faciunt vnam Rempublicam, nempe Ecclesiam, id est, Regnum Christi, & corpus eius mysticum; quatenus verò potestatem civilem respiciunt, & illi tanquam membra capiti in temporalibus subiiciuntur, faciunt aliam Rempublicam, nempe Regnum mundi, & corpus politicum, ut fusiùs ibidem diximus.

167 Vnum solum addendum est circa propositionem illam, quam ultimo loco assumit Cardinalis Bellarminus, nempe *non rectè asserti spiritualia pendere à temporalibus*. Nam quamuis eiusmodi propositio-

nes, *Spiritualia non dependent à temporalibus, potestas Ecclesiastica non est subiecta Seculari*, & aliæ eius generis, veræ sint in sensu formali, & per se loquendo: Si tamen ratione abusus per accidens contingat, quòd spiritualia induant naturam temporalium, aut potestas Ecclesiastica potestatis politicæ fines inuadat, non inconuenit, quin potiùs necessariò consequitur, quòd spiritualia, vt per accidens naturam temporalium sortiuntur, à temporalibus pendeant, & potestas Ecclesiastica, quatenus per accidens potestati politicæ iniuriam infert, potestati politicæ subijciatur, vt superiùs<sup>b</sup> obseruauimus.

b Nu 93. &  
seq. 163. &  
seq.

168 *Ad tertiam demonstrationem antecedentis respondetur*, Propositionem antecedentem esse æquiuocam: vel enim intelligi potest primò, quòd temporalis administratio impediat spirituale bonum negatiuè tantùm, id est, impediendo duntaxat spiritualis boni progressum, & in hoc sensu propositio illa non est adeò certa omnium iudicio, sed potiùs à veritate prorsus aliena. Neque enim Princeps temporalis, aut alius quicunque priuatus tenetur semper boni spiritualis incremento consulere cum

cum notabili detrimento temporali, vel sui, vel alterius, nisi forsan quis velit Christianos non tantum ad praecepta, sed etiam ad consilia Evangelica obligari, quod tamen ipsi consiliorum naturae manifestò repugnat.

169 Vel secundò intelligi potest, quòd temporalis administratio impediatur spirituale bonum priuatiuè, id est, quòd impediatur spirituale aliquod bonum, quod non impedire tenebatur: & in hoc sensu concedo propositionem illam antecedentem, nego tamen consequentiam, si sermo sit de subiectione, & subordinatione per se. Nam, si temporalis administratio impedit spirituale bonum, tenetur Princeps temporalis mutare modum illum administrandi etiam cum detrimento temporalis boni, non quia potestas temporalis per se subiecta est spirituali, quasi ex potestate spirituali, & temporali fiat formaliter vnum corpus politicum, sed propter vtrasque causas à Cardin. Bellarmino allatas, nec ab eo in suis replicationibus sufficienter impugnatas.

170 Prima causa est propter ordinem charitatis, quo tenemur anteponeere ma-

iora bona minoribus.

*Ad replicationem autem in contrarium,*  
*Dico,* quòd licèt propter ordinem charitatis non teneatur vna Respublica pati detrimentum, ne simile detrimentum patiatur alia Respublica nobilior, tamen, si contingeret vtramque rempublicam eidem Principi subiectam esse, vel Principem Reipublicæ minùs nobilis esse etiam subditum nobiliori, teneretur Princeps ille propter ordinem charitatis cæteris paribus antepone-  
re Rempublicam nobiliorem minùs nobili.

171 Et licèt vnus priuatus, qui tene-  
tur dare omnia sua bona pro conseruatione  
suæ Reipublicæ, non teneatur similiter fa-  
cere propter rempublicam alienam quam-  
uis nobiliorem, tamen in casu, quo idem  
priuatus simul esset ciuis vtriusque reipub-  
licæ, si teneretur dare omnia sua bona pro  
conseruatione Reipublicæ minùs nobilis,  
cuius ciuis est, à fortiori propter eundem  
ordinem charitatis teneretur dare omnia  
sua bona pro conseruatione Reipublicæ  
nobilioris, cui etiam est subiectus. Atque  
ita prorsus res se habet in præsentī materia.  
Nam potestas Ecclesiastica, & civilis, &  
Ref-

Respublicæ quas constituunt, ita simul cōiunctæ sunt, vt singuli Christiani sint ciues vtriusq; & vtraque Respublica eidem Principi subiecta esse possit, vt patet in Papa, qui dominium spirituale super vniuersum orbem Christianum, & temporale super aliquas eius prouincias simul habet.

172 Secunda causa, ob quā Princeps teneretur mutare rationē suæ administrationis in casu prædicto est, quia alioquin noceret suis subditis, quibus malum est amittere maiora bona pro minoribus, nempe spiritualia pro temporalibus.

*Ad Replicationem Respondeo*, quòd si non solum subditi, sed etiam homines alterius Regni patiantur notabile damnum in spiritualibus propter administrationem temporalis alicuius Regis Christiani, teneatur Princeps mutare suum modum administrandi, vt asserit Card. Bellarminus, huius rei rationem non esse, quia potestas temporalis per se subiecta est spirituali, aut vtraque est per se pars vnius & eiusdem Reipublicæ, sed quia tam Rex, quàm homines illi alterius Regni sunt membra etiam eiusdem corporis Christi mystici, & conciuēs eiusdem Regni spiritualis, propterea  
Rex

Rex ille, ne notabiliter noceat in spiritualibus Regno Christi, cuius est conciuus propter administrationem temporalem, tenetur modum administrandi immutare.

Atque ita satisfactum est primæ rationi.

173 *Secunda ratio* Card. Bellarmini duo habet membra.

“ Primum est : *Respublica Ecclesiastica de-*  
 “ *bet esse perfecta, & sibi sufficiens in ordine ad*  
 “ *suum finem, tales enim sunt omnes Respublicæ*  
 “ *bene institutæ, ergo debet habere omnem pote-*  
 “ *statem necessariam ad suum finem consequen-*  
 “ *dum: sed necessaria est ad finem spiritualem po-*  
 “ *testas utendi, & disponendi de temporalibus,*  
 “ *quia alioquin possent mali Principes impunè*  
 “ *fonere hæreticos, & euertere religionem, igitur*  
 “ *& hanc potestatem habet.*

“ 174 *Secundum membrum est : Po-*  
 “ *test qualibet Respublica, quia perfecta, & sibi*  
 “ *sufficiens esse debet, imperare alteri Reipublica*  
 “ *non sibi subiecta, & eam cogere ad mutandam*  
 “ *administrationem, immò etiam deponere eius*  
 “ *Principem, & alium instituere, quando non*  
 “ *poteat aliter se defendere ab eius iniurijs, ergo*  
 “ *multò magis poterit spiritualis Respublica im-*  
 “ *perare temporali sibi subiecta, & cogere ad*  
 “ *mutandam*



*mutandam administrationem, & deponere* 33  
*Principes, & alios instituere, quando aliter* 33  
*non potest bonum suum spirituale tueri.* 33

175 *Et hoc modo intelligenda sunt ver-* 33  
*ba S. Bernardi, lib. 4. de Consideratione, &* 33  
*Bonifacij Octavi in Extrauag. vnā Sanctam* 33  
*de maiestate, & obedientia, ubi dicunt, in* 33  
*potestate Papae esse utrumque gladium; volunt* 33  
*enim significare, Pontificem habere per se &* 33  
*proprie gladium spiritualem, & quia gladius* 33  
*temporalis subiectus est spirituali, posse Ponti-* 33  
*ficem Regi imperare, aut interdicare vsum* 33  
*gladij temporalis, quando id requirit Ecclesiae* 33  
*necessitas. Sic enim habent B. Bernardi ver-* 33  
*ba, quae Bonifacius imitatus est. Quid tu (in-* 33  
*quit, Papam alloquens) denuo vsurpare gla-* 33  
*diū tentes, quē semel iussus es ponere in va-* 33  
*ginā? quem tamen, qui tuū esse negat, non* 33  
*satis mihi videtur attendisse verbū Domini* 33  
*dicentis, Conuerte gladium tuum in vagi-* 33  
*nam. Tuus ergo & ipse, tuo forsitan nutu,* 33  
*etsi non tua manu euaginandus; alioquin, si* 33  
*nullo modo ad te pertinet & is, dicentibus* 33  
*Apostolis, Ecce duo gladij hīc, non respon-* 33  
*disset Dominus, Satis est, sed nimis est. V-* 33  
*terq; ergo Ecclesiae & spiritualis scilicet gla-* 33  
*dus, & materialis, sed is quidē pro Ecclesia,* 33  
*ille*

ille verò & ab Ecclesia exercendus est : ille Sacerdotis, is militis manu, sed sanè ad nutum Sacerdotis, & iussum Imperatoris.

176 Hæc est secunda ratio Card. Bellarmini quam solam, tanquam ex se potentissimam ad temporalem Pontificis potestatem euincendam, attulit P. R. antea<sup>c</sup> citatus ; ex doctrina tamen superius<sup>d</sup> tradita de distinctione actuum, officiorum, ac finium potestatis politicæ, & Ecclesiasticæ, etiam iuxta Card. Bellarmini principia, facillimè euertitur.

<sup>c</sup> Nu. 57.

<sup>d</sup> Nu. 64. 90.

& seq. & 133.

& seq.

*Ad primum igitur huius rationis membrum Respondetur*, propositionem illam antecedentem, nempe *Respublica Ecclesiastica debet esse perfecta, & sibi sufficiens in ordine ad suum finem*, verissimam esse, si rectè intelligatur. Sed quoniam non ita clarum est, quænam requiratur, & sufficiant ad hoc, ut Respublica Ecclesiastica dicatur perfecta, id est, cui nihil deest in suo genere, nimirū Reipublicæ spiritualis, & sit sibi sufficiens in ordine ad suum finem, qui est salus æterna animarum, si quis ex tali propositione ita vniuersaliter accepta, neque sufficienter explicata, aliquid momenti, utputà dogma fidei stabilire contenderet, facilem errandi occasionem

occasionem viris in Theologia minùs ver-  
fatis præberet.

177 Pro clariori itaque intelligentia  
huius propositionis, videlicet, *Respublica  
Ecclesiastica debet esse perfecta, atque habere  
debet omnem potestatem sibi sufficientem, &  
necessariam ad consequendum suum finem, qui  
est spiritualis, & salus æterna animarum.*

Obseruandum est, in illis vocabulis *potestatem sufficientem*, nonnullam latere æqui-  
uocationem: Velenim primò intelligi po-  
test Ecclesiam talem habere *Potestatem suf-  
ficientem* ad consequendum suum finem,  
qui est animarum salus, ita vt possit actu  
perducere quamlibet animam ad Paradi-  
sum, & tollere omnia obstacula, quæ salu-  
tem æternam impedire queunt; quem sen-  
sum habere possunt verba illa Card. Bellar-  
mini <sup>e</sup>, qui ait, *Summum Pontificem posse ef-*  
*ficere totum illud, quod necessarium est ad per-*  
*ducendas animas in Paradisum, & posse om-*  
*nia impedimenta remouere, quæ mundus, aut*  
*Damon cum omnibus suis viribus, & astu-*  
*tijis opponere possunt.*

178 Et hic sensus est apertè falsus, &  
optimè impugnatur à Paulo Veneto <sup>f</sup> tum  
quia Pontifex nullum habet medium suf-  
ficiens

<sup>e</sup> In Respons.  
ad tract. Ger-  
lonis de vali-  
ditate Excom-  
municationis  
in vndecima  
consideratio-  
ne.

<sup>f</sup> In sua Apo-  
logia Italica  
fol. 57.  
columna Se-  
cunda.

ficiens ad saluandum infantem existentem in vtero matris, quem viuum ipsa parturire non potest; (neque enim aperire licet ventrem matris, vt infans baptizetur) aut ad saluandum eum, qui in peccato mortali existens factus est insanus, nisi iterum ad mentem redeat, quod tamen efficere non est in Pontificis potestate; tum quia super internos animi motus, qui ad salutem maximè sunt necessarij, Papa nullam habet potestatem: tum etiam, quia neque essent Turcæ, neque infideles, neque hæretici, nec mali etiam Christiani absque graui Pontificis culpa, si ipse haberet potestatem efficiendi totum illud, quod necessarium est ad perducendas animas in paradysum, & ea omnia remouendi, quæ salutem æternam impediunt.

179 Vel secundò intelligi potest, *Ecclesiam habere potestatem sufficientem in ordine ad suum finem* ex parte tantum ipsius potestatis, & non ex parte etiam eorum omnium, quæ quocunque modo necessaria sunt, ad hoc, vt potestas exeat in actum. Sicut potestas, verbi gratia, illuminandi in sole intelligi potest sufficiens, vel respectu ipsius potentiaë illuminatis, vel respectu etiam eorum

eorum, quæ quocunque modo ad illuminationem concurrunt, quæque si non adfunt, ipsam illuminationem impediēt, qualia sunt approximatō debita, subiectum capax, & bene dispositum. Et licet Sol non habeat sufficientem potestatem tollendi omnia, quæ illuminationem impedire possunt, ita enim & posset approximare sibi corpus, & facere illud diaphonum, quæ tamen non sunt in eius potestate, nihilominus quis propterea negare potest, Solem habere potestatem perfectam, & sibi sufficientem ad illuminandum?

180. Atque in hoc sensu vera est illa propositio antecedēs: habet enim Respublica Christiana, seu Christi Ecclesia perfectam, & sibi sufficientem potestatem spirituales perducendi animas ad regnum coelorum, quantum est ex parte ipsius potestatis, quæ nihilominus supponit subiectum alias aptum, & benè dispositum. Habet enim potestatem sibi à Christo traditā conferendi gratiam, qua ad regnum coelorum pervenitur; infantibus quidem per Sacramentum Baptismi, adultis verò per alia etiam Sacramenta præsertim Pœnitentiæ, per quam Sacerdos, ut Christi Minister

ster virtute clauium, quas à Christo accepit, absoluit à peccatis, & gratiam confert, hæc tamen potestas, vt exeat in actum, supponit dispositiones quasdam necessarias ex parte subiectorum tam in infātib, quàm in adultis, quas ponere non est semper in potestate Ecclesiæ.

181 Habet quoque Ecclesia præter hanc potestatem, quam Ordinis appellant, potestatem etiam Iurisdictionis: habet enim auctoritatem prædicandi verbum Dei, corripiendi peccatores, condendi leges, & transgressores poenis Ecclesiasticis, seu spiritualibus coercēdi. Sicut enim Ecclesia, & potestas Ecclesiastica est spiritualis, & finem habet spiritualement, ita quoque media ad talem finem proportionata habere debet.

182 *Concedimus itaque* propositionem illam antecedentem in sensu explicato, sed negamus necessariam esse ad finem spiritualement potestatem vtendi, & disponendi de rebus temporalibus omnium Christianorum, quia hæc potestas non est proportionata illi fini, & propterea non est verisimile propter finem spiritualement talem potestatem temporalem fuisse à Christo suæ Ecclesiæ

clesiæ, quæ est Respublica spiritualis, com-  
municatam.

183 Neque tamen subinde sequitur,  
quod, perperam, sibi que repugnans infert  
Cardinalis Bellarminus, posse alioqui ma-  
los Principes *impunè* fouere hæreticos, &  
euertere religionem. Habet enim Ecclesia,  
vt diximus <sup>g</sup>, potestatem eos coercendi, <sup>Nu. 90. & scq.</sup>  
non quidem poena temporali & ciuili, sed  
poenis Ecclesiasticis & spiritualibus, nisi  
forſan Censuræ Ecclesiasticæ, & spiritua-  
les non ſint dignæ, vt inter pœnas recenſe-  
antur, cum tamen vt pœnæ acerbiffimæ, &  
tremendiſſimæ ab omnibus prædicentur.  
Quamobrem ipſemet Cardinalis Bellarmi-  
nus <sup>h</sup> diſertis verbis affirmat, *Nullam ef-* <sup>h Lib. 3. de Ec-  
cleſia, cap. 6.</sup>  
*ſe pœnam grauiorem, qua ab Eccleſia infligi*  
*potest, quàm ſit Excommunication.* Et alibi <sup>i</sup> <sup>i Lib. 3. de</sup>  
*dicit, Excommunicationem eſſe pœnam ma-* <sup>Laicis, cap. 21.</sup>  
*iorem morte temporali;* atque ad hoc citat S.  
Auguſtinum <sup>k</sup> aſſerentem, *horribilius eſſe* <sup>k Lib. 1. cõtra</sup>  
*tradi Sathana per Excõmunicationem, quàm* <sup>aduerſarium</sup>  
*gladio feriri, flammis abſumi, feriſue ſubigi ad* <sup>legis & pro-</sup>  
*deuorandum.* <sup>phet. cap. 1.</sup>

184 Quod ſi huiuſmodi mali Princi-  
pes pœnas omnes Eccleſiaticas contemp-  
ſerint, non habet Eccleſia ampliùs quod

L

fa-



faciat; præstitit enim officium suum, neque auctoritatem sibi concessam excedere debet, & propterea ipsius Dei iudicio, & castigationi eos deinceps relinquere, atque cum corporalia nesciat arma, vt rectè dixit Ioannes

\* Supra nu. 9. Papa\*, *solum Dominum & propugnabrem suum, quando ei placuerit misereri, expectare oportet. Vnde optimè Aeneas Syluius<sup>l</sup>, Tolerandum est, inquit, patienter quod Princeps facit, quamuis inique, expectandaq; est vel Successoris emenda, vel superni correctio Iudicis, qui violentias, atque iniurias non sinit esse*

I In lib. de ortu & auctorit. Imperij Rom cap. 16.  
m Lib. 26. de Rep. cap. 5. nu. 25.

*perpetuas. Et Petrus Gregorius<sup>m</sup>, Quocirca, inquit, rebelliones in Principē prætextu vitiorū effugere nō possunt crimē maiestatis, & Dei indignationē. Et potius relinquendi sunt malè regnantes iudicio Dei, quàm polluendæ manus sacrilegio, & parricidio per subditū. Non caret Deus modis, quibus possit, quādo voluerit, huiusmodi malos Principes tollere, vel emendare.*

185 Neque propterea periculum est, Religionem Christianam fore euertendā, vt Cardin. Bellarminus, non satis sibi constans, haud rectè deducit. Hoc etenim Christus ipse, qui Ecclesiam principaliter regit, sua virtute impedit, quamuis ob occulta sua iudicia in quibusdam prouincijs

cijs eam nonnunquam grauitè impugnari  
 finat, atque etiam prorsus euerri interdum  
 permittat. In tali euentu orationibus, ieiun-  
 nijs, lachrymis, eleemosynis, patientia, &  
 huiusmodi armis spiritualibus, *qua*, vt ait  
 Glossa<sup>n</sup>, *propria sunt militum Christi pug-*  
*nandum est, (aliter enim, vt inquit S. Am-*  
*brosius, ° nec possumus, nec debemus resistere)*  
 & obsecrandus est ab Ecclesia Deus, vt irā  
 suam auertat, & corda Principū ad bonum  
 inclinet: Neque Christus vnquam deerit  
 in necessarijs, cum ipse promiserit, *P nec por-*  
*tus inferi esse aduersus eam prauallituras.*

n Ad Ephes. 4.

o Supra nu. 15

p Math. 16.

186 Quapropter pulcherrimè Card.

Bellarminus<sup>q</sup> ait, *Durasse Ecclesiam à Chri-*  
*sto hucusque frustra eam oppugnantibus pri-*  
*mò Iudeis, deinde Paganis, ultimò hereticis, °*  
*nec solum durasse, sed etiam ex persecutionibus °*  
*crenisse. Vt enim aqua diluuij palatia Regum °*  
*obruerant, atque deijciebant, arcam verò Noe °*  
*magis ac magis attollebant, ita persecutiones °*  
*Regna tēporalia facile destruunt, Christi Reg-*  
*nū, quod est Ecclesia, nō solū nō destruunt, sed °*  
*etiā illustrāt. Itaq; Iustinus in Tryphone dicit, °*  
*persecutionem id esse Ecclesia, quod est vineis °*  
*putatio. Vt enim vinee putatione ad vberta-*  
*tem pronocantur, ita quoque Ecclesia persecu-*

q Lib. 4. de Ec-  
clesia, cap. 6.

"tionibus crescit. Et Tertullianus capite vlti-  
 "mo Apologetici sanguinem Martyrum semen  
 "Christianorum vocat, quod explicasse videtur  
 "Leo, serm. 1. de sanctis Petro & Paulo, cum  
 "ait, Non minuitur persecutionibus Ecclesia,  
 "sed augetur, & semper Dominicus ager segete  
 "ditiore vestitur, dum grana, quae singula ca-  
 "dunt, multiplicata nascuntur. Hæc eo loco  
 Card. Bellarminus.

187 Quocirca non erat, quod hoc lo-  
 co tam meticolosè formidaret, ne mali  
 Principes Ecclesiam persequentes religio-  
 nem euerterent. Quinimò si ipsemet Tur-  
 ca, communis Christianorum hostis, Prin-  
 cipum fidelium Regna inuadere, atque  
 Mahometismum introducere, & Christi  
 fidem ac religionem penitus extirpare ten-  
 taret, non esset absolutè necessarium ad  
 spirituale Ecclesiæ bonum conseruandum,  
 vt illi resistatur. Neque proinde periculum  
 esset, vel ipso Card. Bellarmino iudice, ne  
 Christiana religio euerteretur. *Non enim*  
*est absolutè necessarium*, inquit ille, *vt com-*  
*muni hosti, qualis est Turca, resistatur. Si enim*  
*Ecclesia conuersari potuit sub immaniſſimis*  
*persecutionibus Neronis, Domitiani, Decij,*  
*Diocletiani, cur non possit etiam sub persecu-*  
 sione

† Lib. 1. de  
 Conciliis, cap.  
 10.

*sione Turcarum?*

188 Simili prorsus huic, quā adhibuimus, responsione in re non dissimili utitur Cardin. Bellarminus de malo Pontifice Ecclesiam vexante, & eius ruinam machinante, nec tamen iuxta eius doctrinam habet Ecclesia in eo casu vllum efficax remediū, quo se liberet à tali iniuria. Respondet enim, *non mirum esse, si in eo casu manet Ecclesia sine remedio humano efficaci, quando-* ( Lib. 2. de  
Concil. cap. 19  
ad 2.  
*quidem non nititur salus eius præcipuè humana industria, sed diuina protectione, cum eius Rex Deus sit; Itaque etiamsi Ecclesia non possit deponere Pontificem, tamen potest, ac debet Domino supplicare, ut ipse remedium adhibeat. Et certum est, Deo fore cura eius salutē, qui talem Pontificem vel conuertet, vel è medio tollet, antequā Ecclesiam destruat. Quam quidem responsionem ad malos Principes Ecclesiam persequētes, totidem planè verbis rectissimè applicari posse, satis est manifestum.*

189 *Ad secundum membrum respondetur,* illud non habere maiore probabilitatis speciem, quàm præcedens. Nam in primis, quod ad propositionem antecedentem attinet, potest quispiam meritò dubitare,

t In 1.2.q.17.  
ar.1. vbi Me-  
dina, Valquez  
& alij,

quomodo vna Respublica possit imperare alteri sibi non subiectæ, in casu, quo se defendere nequeat ab eius iniurijs, cum imperare (si propriè loqui velimus) sit proprius Superioris actus, vt omnes Theologi<sup>t</sup> fatentur, & nihil aliud sit, quàm aliquid inferiori ex voluntate Superioris faciendū proponere. Aut igitur concedendum est, Rempublicam illā, quæ ab altera iniuriam sustinet, non posse ratione iniuriæ acceptæ illi alteri reipublicæ propriè imperare, cum non sit altera propriè Superior, aut dicendum est, Rempublicam illam, quæ alteram iniuria afficit, quamuis simpliciter, & absolutè non sit altera inferior, illiue subiecta, quia tamen illi iniuriam affert (ad quam, non solum propulsandam, sed etiam vindicandam, atque puniendam Respublica læsa auctoritatem habet) ratione iniuriæ illatæ se vtcunque subditam reddere, atque ab ea tanquam à proprio Iudice puniri posse.

u Lib 2. de  
Concil. cap. 19  
ad 2.

190 Quapropter, tamen si *ad resistendum, & vim vi repellendam non requiratur aliqua propriè auctoritas*, vt rectè ait Card. Bellarminus<sup>u</sup>, cum quo omnes Theologi concordant, ideoque quilibet etiam priuatus

rus bellum defensionū cum inculpatæ tutelæ moderamine, suscipere, & gerere licitè potest, attamen ad bellum offensiuum ratione iniuriæ acceptæ vindicandæ legitimè ineundum auctoritas Superioris necessariò requiritur. Vnde *Princeps*, vt optimè scribit *Victoria*<sup>x</sup>, *qui gerit bellum iustum, habet se in causa belli tanquam Iudex, & postquam bellum iuste, & iustè susceptum est, hostes obnoxij sunt Principi tanquam Iudici proprio.*

<sup>x</sup> Rele& 6. de iure belli, q. 4. propol. 4. & 5.

191 Sed quicquid sit de modo loquendi, de re ipsa satis constat, & vt egregiè docet *Gabriel Vasquez*<sup>y</sup>, *apud omnes Theologos est indubitatum, Principem supremum, quando manifestam ab alio patitur iniuriam, cum non habeat alium Superiorem, apud quem postulet iustam vindictam illius, posse per seipsum eam, aut imminentem armis propulsare, aut illatam ulcisci.* Et propterea siue Respublica læsa possit propriè imperare alteri Reipublicæ sibi non subiectæ, vt *Cardin. Bellarminus* in propositione antecedenti affirmat, siue non possit, cum ad præsentem controuersiam de potestate Pontificis temporali dirimendam parùm conducat, non magni refert, quomodo loquamur, dummodo de re ipsa non discrepemus.

<sup>y</sup> In 1. 2. disp. 64. cap. 3. nu. 12.

192 *Attamen consequentia procul dubio est infirmissima, qua Cardinalis Bellarminus infert, ergo à fortiori potest Respublica spiritualis imperare temporali Reipublicæ sibi subiectæ, & eam cogere ad mutandam administrationem, immò & deponere eius Principem, & alium instituere, quando aliter non potest bonum suū spirituale tueri.* Nam quamuis Respublica illa temporalis sit spirituali subiecta in spiritualibus, tamen in temporalibus non magis illi subijcitur, quàm alteri Reipublicæ temporali, cum in temporalibus nullum Superiorem præter Supremū eius Principem temporalem recognoscat, ut superius<sup>z</sup> ex Innocentio tertio docuimus, quin potius in temporalibus Respublica spiritualis temporali subijcitur. Quare quoad hoc eadem saltem ratio est Reipublicæ temporalis ad spiritualem, atque Reipublicæ temporalis ad aliam temporalem comparatæ.

z Nu. 63.

193 Ex alia verò parte multo maior est ratio, quare Respublica temporalis ad illatam sibi ab alia Republica temporali iniuriam propellendam possit Principem eius deponere, immò & occidere, si aliter ius suum tueri non possit, quia Reipublicæ  
tem-



temporalis arma sunt temporalia, & propterea nihil mirū, si vi & armis possit, ac debeat iniuriam sibi illatam propulsare, etiam vsque ad depositionem, & occisionem ipsius Principis, si aliter se defendere nequeat. At verò Reipublicæ Ecclesiasticæ arma sūt spiritualia, & propterea non armis temporalibus, qualia sunt depositio, & occisio Principum, sed spiritualibus tantum armis, & censuris Ecclesiasticis illi certandum est. Et si hæc non sufficiant ad iniuriam propellendā, oportet cum omni patientia Supremi sui Principis Christi protectioni se submittere, qui eo modo, quo sibi magis placuerit eius causam tuebitur, vt in solutione præcedentis argumenti fusiùs annotauimus. Atque idcirco non rectè à fortiori colligit Card. Bellarminus, posse Rempub. Ecclesiasticam deponere Principem temporalem, quando aliter non potest se defendere ab eius iniurijs, quia Princeps temporalis potest in tali casu Principem temporalem deponere, cum potiùs planè contrarium deberet deducere, vt ex iam dictis est satis perspicuum.

194 Quòd si talis argumentandi modus, quali in hac ratione vsus est Card. Bellarminus

larminus, pro legitimo habeatur, non video quare non possint ex eius principijs adeò vniuersaliter sumptis huiusmodi confici argumentationes.

*Respublica Ecclesiastica debet esse perfecta, & sibi sufficiens in ordine ad suum finem, tales enim sunt omnes Respublice bene instituta, ergo debet habere omnem potestatem necessariam ad suum finem consequendum; sed necessaria est ad finem spiritualem potestas coercendi eos omnes, qui finem spiritualem iniuste impediunt, alioquin possent mali Pontifices impune fouere homines sceleratos, & euertere religionem: ergo Ecclesia habet potestatem deponendi Pontifices, quando religioni obsunt, & eius ruinam machinantur.*

195 *Præterea qualibet Respublica, quia perfecta, & sibi sufficiens esse debet, potest imperare alteri Reipublice non sibi subiecta, & eam cogere ad mutandam administrationem, immò etiam deponere eius Principem, & alium instituere, quando non potest aliter se defendere ab eius iniurijs, ergo multo magis poterit Respublica temporalis imperare spirituali sibi in temporalibus subiecta, & eam cogere ad mutandam administrationem, immò etiam deponere eius Principem, & alium instituere, quando*

*quando non potest aliter se defendere ab eius iniurijs, atque bonum suum temporale tueri.*

Vides igitur quàm debile sit totum hoc secundum Card. Bellarmini fundamentum etiam iuxta ipsiusmet principia, ad temporalem Pontificis potestatem sustentandam.

196 Reliquum est, vt auctoritati S. Bernardi de vtroque gladio, quem Bonifacius Papa imitatus est, satisficiamus: cuius quidem verba, si rectè ponderentur, nostram potius sententiam, quàm oppositam plurimùm confirmant.

Respondemus itaque, verba illa ex S. Bernardo allata solùm significare, vtrumque gladium tam materiale, quàm spirituale ad Ecclesiam quodāmodò pertinere, illique subesse: non quòd potestas politica per se subiecta sit Ecclesiasticæ, aut quòd Ecclesia habeat potestatem iure diuino vtendi gladio materiali etiam in ordine ad bonum spirituale; sed quia Principes Christiani, cum Ecclesiæ sint filij, teneantur iure diuino pro defendenda Sancta matre Ecclesia, vti temporali gladio, quotiescunque Ecclesiæ necessitas id postulauerit.

197 Quamuis igitur possit Ecclesia propter

propter instantem suipsius necessitatem præcipere, vel prohibere vsum gladij materialis, vel potiùs absque vllò positivo præcepto teneantur Principes Seculares in tali casu eo vti, non tamen hinc sequitur, Ecclesiam habere dominiũ, ius, seu potestatem vtendi gladio corporali, cum vsum præcipere, & ipsemet vsus longè differant, vt superius <sup>a</sup> diximus. Veluti si quis promittat, aut aliàs obligetur vitam suam, aut bona pro defensione alterius profunderè, non propterea vitæ suæ, aut bonorum dominiũ transfert in alterum, si promissis non steterit, sed fidẽ frangit, & peccatum committit, qui ideo ab Ecclesia, si id expedire iudicauerit, poenis spiritualibus, & Reipublicæ spirituali proprijs mulctari poterit.

198 Quin & ipsa B. Bernardi verba hoc planè significant. Nam alioquin, si Ecclesia in ordine ad bonũ spirituale haberet dominium gladij materialis, eoque vti posset; non solum pro Ecclesia, sed etiã ab Ecclesia, nec tantum militis manu, sed etiam Sacerdotis euaginari, atque exerceri iure diuino posset: quod tamen S. Bernardus affirmat esse contra Domini præceptum, qui iussit Petro, vt gladium suum in vagi-  
nam

nam conuerteret.

199 Quocirca mihi non displicet ipsa Card. Bellarmini expositio horum verborum, qui hoc eodem loco dicit, *voluisse S. Bernardum, & Bonifacium illis urbis significare, Pontificem habere per se, & propriè gladium spiritualem* (sicut Principes temporales per se, & propriè habent gladium materiale,) *& quia gladius temporalis subiectus est spirituali* (per accidens scilicet ad modum sapius explicarum) *posse Pontificem Regi imperare, aut interdicare usum gladij temporalis, quando id requirit Ecclesia necessitas.*

200 Pertinet itaque ad Summum Pontificem ex mente S. Bernardi gladius temporalis, suusque esse dicitur, quia quando Ecclesiæ necessitas id exigit, est pro Ecclesia, non ab Ecclesia, non Sacerdotis, sed militis manu extrahendus, ad nutum quidem Sacerdotis, sed iussum Imperatoris. Quibus postremis verbis significat S. Bernardus, Imperatorem in gladio pro Ecclesiæ necessitate utendo, esse quidem à Pontifice dirigendum, sed ipsius gladij usum ab Imperatoris iussu proximè depêdere, cuius imperio milites in gladio temporalis utendo immediatè subduntur.

201 Quid autem si ad nutum Pontificis Imperator vti gladio recusauerit? Num propterea ex sententia Bernardi Pontifex illum extrahere poterit, aut Imperator per auctoritatem Pontificis dominio illius priuari? Minimè. Sed quia fidem Ecclesiæ datam non seruat, & contra ius diuinum Ecclesiæ necessitatibus non succurrit, potest ab Ecclesia poenis Ecclesiasticis castigari, vt sæpiùs diximus. Quare ista S. Bernardi verba nihil fauent potestati Pontificis temporali, quin potius illi ex diametro aduersantur.

b In tract. de  
potest. Regia  
& Papali cap.  
11.

Atque hæc Responsio apud Ioannem Parisiensem<sup>b</sup> expressis verbis habetur, qui ita scribit: *De nullo loco Scriptura Canonica possunt accipere prædictam discretionem, nisi forte velint accipere dictum Bernardi ponentis, quod Papa habeat gladium materiale in nutu. Sed dictum hoc, quod non est magna auctoritatis, magis est contra eos quam pro ipsis. Et signanter dicit Bernardus, quod Papa materiale gladium habet in nutu, quia ubi innuit Papa propter necessitatem boni spiritualis Imperator debet exercere iurisdictionem Secularis potestatis. Si tamen nolit, vel non videtur sibi expediens, Papa non habet aliud facere*

*facere, quia non habet ipsum in iussu, sed Imperator tantum, sicut ipsemet dicit, & infra dicitur magis.* Et eodē modo respondetur ad auctoritatem Bonifacij Papæ, qui, vt Card. Bellarminus ait, verba S. Bernardi imitatus est.

202. His denique adde sensum literalem illorum verborum, *Ecce duo gladij hic, &c.* Et *Conuertere gladium tuum in vaginam*, non esse illum, quem affert S. Bernardus de gladio materiali, & spiritali, sed mysticum duntaxat, vt etiam ipse Bellarminus <sup>c</sup> fatetur: at ex solo sensu literalī, & non mystico, nisi per alium Sacræ Scripturæ locum fuerit declaratus, peti potest efficax argumentum ad dogma fidei stabiliendum, vt ipsemet etiam Bellarminus <sup>d</sup> concedit, idēque à S. Augustino <sup>e</sup>, Sanctoque Hieronymo <sup>f</sup> asseritur. Quare neque auctoritas S. Bernardi huic Scripturæ loco innixa, quācunque sententiam ipse alioquin amplecteretur, multum virgeret iuxta Card. Bellarmini principia, ad temporalem Pontificis potestatem confirmandam: sed aliam fuisse S. Bernardi sententiam iam diximus. Qualis autem fuerit Ecclesiæ primitiue praxis per mille fermè continuos annos, & quid

<sup>c</sup> Lib. 5. de Rom. Pont. cap. 5.

<sup>d</sup> Lib. 3. de verbo Dei cap. 3.  
<sup>e</sup> Aug. in Epist. ad Vincentium.  
<sup>f</sup> Hier. in cap. 13. Math.



g Nu. 5. &  
 seq. nu. 60. &  
 seq.

quid circa gladium Pontificis temporalem  
 senserint alij sancti Patres, superius ostensum est.

h Nu. 55.

203 Atque ita quàm infirma sit hæc  
 secunda ratio Card. etiam iuxta ipsiusmet  
 principia, ex dictis evidenter apparet. Ex  
 quibus etiam constat, quàm exiliter Auctor  
 tractatus Anglici de mitigatione, qui in hac  
 secunda Card. Bellarmini ratione totum  
 suum discursum pro potestate Papali Prin-  
 cipes deponendi vnicè fundat, desiderio  
 Comitis Salisburiensis, cuius supra<sup>h</sup> men-  
 tionem fecimus, satisfaciatur. Nam tamen si  
 verum sit, quod iste Auctor tanquã basim  
 ac fundamentum sui discursus constituit,  
 nempe Christum Dominum in Ecclesia,  
 sua, (quæ Respublica spiritualis est) sicut  
 & in cæteris Rebus publicis rectè ordinatis,  
 sufficientem reliquisse auctoritatem, ac po-  
 testatem, quantum est ex parte potestatis,  
 se à quorumcumque iniurijs defendendi,  
 & quolibet facinorosos, cuiuscunque sta-  
 tus & cōditionis existant, qui supremo hu-  
 ius Reipublicæ spiritualis Principi, tanquã  
 membra capiti, oves Pastori, & filij patri  
 subijciuntur, coercendi, iudicandi, atque  
 castigandi: Attramen, quòd Christus in  
 Ecclesia

Ecclesia sua vires reliquerit sufficientes quoscunque Principum Christianorum excessus omni tempore comprimendi, aut, quòd poenæ, quibus tales Principes ab Ecclesia plecti queant, temporales sint, quæ Reipublicæ spiritualis limites illi à Christo constitutos transcendunt, hoc, præterquàm quòd ab isto Auctore absque vlla prorsus ratione vt certum supponi videtur, communi etiam sanctorum Patrum doctrinæ, qui superius \* docent Ecclesiæ arma spiritualia esse, non temporalia, & Principes, si deliquerint, diuino tantùm examini, atque iudicio, quod ad poenas temporales attinet, relinquendos esse, apertissimè aduersatur.

\* Nu 5. & seq

204 Manet igitur in Ecclesia sufficiens remedium, atque auctoritas spiritualis (nam temporalis auctoritas Reipublicæ spiritualis conditioni nequaquam congruit) enormia quorumcunque sibi subditorum facinora poenis spiritualibus reprimendi, & de hoc inter Catholicos non controuertitur; sicut etiam in quauis republica temporali plena, & perfecta auctoritas temporalis ex Dei, legisque naturæ præscripto residet,

M

quos-

quoscunque malefactores sibi subiectos poenis temporalibus, non spiritualibus, quæ Reipublicæ temporali non aptè conveniunt, afficiendi, & se à quorumcunque, etiam exterorum, quantiscunque viribus, ac potentia præpolleant, iniurijs atque violentijs armis corporalibus defendendi, tametsi non semper remedium efficax, seu vires sufficientes sibi suppetant, ad se ab iniuris, non tantùm exterarum nationum, verùm suorum etiam subditorum, præ nimia eorum nonnunquam potentia, oppressio- nibus vindicandum.

Et propterea non solùm controuersia est inter Catholicos de modo, quo Papa potestatem in temporalibus habet, directè scilicet an indirectè, vt iste Auctor tanquàm certum, & apud Catholicos indubitatum, perperam, & absque vlla prorsus probatione supponit, sed de re ipsa, an talem auctoritatem vllò modo habeat, certant Scholastici, & adhuc *sub Indice lito est, an Papa possit Imperatorem deponere*, vt sæpiùs ex Trithemio diximus.

205 Denique, si in quavis Republica rectè instituta sufficiens remedium, seu auctoritas ab Auctore naturæ relictum sit, ad  
grauio-

gravioreſ ſupremi ſui Principiſ exceſſuſ  
coercendos, atque caſtigandos, quod vni-  
cum eſt fundamentum, cui diſcurſuſ iſtius  
Auctoriſ in prima ſua quæſtiuncula, ex qua  
reliquæ duæ pendent, duntaxat innititur;  
non video qua via, quauè ratione extricare  
ſe poſſit, quin conſequenter concedere co-  
gatur, Summoſ Pontificeſ ob enormia  
quæcunque flagitia ab Eccleſia vniuerſali  
coercendos, iudicandos, atque puniendos  
eſſe, cum tamen Cardinaliſ Bellarminiſ  
ſuperiùſ\* docuerat, non eſſe penes Eccle- \*Nu. 188.  
ſiam aliquod efficax remediũ humanum,  
ſeu quod iuxta eiſ ſententiã idem eſt, a-  
liquam auctoritatẽ ſufficientẽ, vlla ſum-  
morum Pontificum ſcelera, ſola hæreſi ex-  
cepta, coercendi. Vides itaque quale fun-  
damentum iecerit hic Auctor ad Summoſ  
Pontificeſ Concilij generaliſ, quod vniuer-  
ſalem Eccleſiam repræſentar, examini, cen-  
ſuræ, atque coercioni ſubiiciendos, atque  
ad doctrinã Cardinaliſ Bellarmini ab v-  
niuerſiſ Societatiſ ſuæ ſcriptoriſ receptã,  
de poteſtate Papæ ſupra Conciliũ  
funditũ euertendam.

Iam tertiam Cardin. Bellarm. rationem  
expendamus.

## Tertia ratio Cardinalis Bellarmini.

206 Non licet Christianis tolerare Regē  
 infidelem aut hereticum, si ille conetur pertra-  
 here subditos ad suam heresim, vel infidelita-  
 tem; at iudicare, an Rex pertrahat ad suam  
 heresim necne, pertinet ad Pontificē, cui com-  
 missa est cura religionis, ergo Pontificis est iu-  
 dicare Regem esse deponendum, vel non depo-  
 nendum.

Prima proba-  
 tio antecce-  
 dentis.

Probatur huius argumenti propositio ex  
 cap. 17. Deuteronomio. ubi prohibetur populus eli-  
 gere Regem, qui non sit de fratribus suis, id est,  
 non Iudeum, ne videlicet pertrahat Iudeos ad  
 idololatriam, ergo etiam Christiani prohiben-  
 tur eligere Regem non Christianum. Nam il-  
 lud praeceptum morale est, & naturali equi-  
 tate nititur. Rursus eiusdem periculi, & dam-  
 ni est eligere non Christianum, & non depo-  
 nere non Christianum, ut notum est; ergo te-  
 nentur Christiani non pati super se Regem non  
 Christianum, si ille conetur auertere populum  
 à fide. Adde autem istam conditionalem propo-  
 sitionem: Si eos Principes infideles, qui habuerunt do-  
 minium supra populum suum, antequàm popu-  
 lus converteretur ad fidem; Si enim tales Prin-  
 cipes non conentur fideles à fide auertere, non  
 existimo posse eos privari suo dominio. Quan-  
 quam

quam contrarium sentit B. Thomas in 2. 2. „  
 q. 10. ar. 10. At si isti iidem Principes consentur „  
 auertere populum à fide, omnium consensu pos- „  
 sunt, & debent privari suo dominio. „

207 Quod si Christiani olim non depo- „  
 fuerunt Neronem, Diocletianum, & Iulianũ „  
 Apostatam, & Valentem Arrianum, & simi- „  
 les, id fuit, quia deerant vires temporales „  
 Christianis. Nam quòd alioqui iure potuissent „  
 id facere, patet ex Apostolo, 1. Cor. 6. ubi iubet „  
 constitui novos Iudices temporalium causarũ, „  
 ne cogerentur Christiani causam dicere coram „  
 Iudice Christi persecutore: Sicut enim novi Iu- „  
 dices constitui potuerunt, ita & novi Principes, „  
 & Reges propter eandem causam, si vires ad- „  
 fuissent. „

208 Præterea, tolerare Regem hæreticũ, „  
 vel infidelem conantem pertrahere homines „  
 ad suam sectam, est exponere religionem cui- „  
 dentissimo periculo. Qualis enim est Rector „  
 ciuitatis, tales & habitantes in ea, Ecclesia- „  
 stici ro. unde est illud, Regis ad exemplar „  
 totus componitur orbis. Et experientia idẽ „  
 docet. Nam quia Hieroboam Rex Idololatra „  
 fuit, maxima etiam Regni pars continuo Ido- „  
 la colere cepit, 3. Reg. 12. Et post Christi ad- „  
 ventum regnante Constantino florebat fides „

Secunda pro-  
 batio antee-  
 dentis.

« Christiana, regnante Constantio florebat Axi-  
 « anismus, regnante Iuliano iterum resfloruit  
 « Ethnicismus. Et in Anglia nostris temporibus  
 « regnante Henrico & postea Eduardo, totum  
 « regnum à fide quodammodo apostatauit; reg-  
 « nante Maria iterum totum regnum ad Eccle-  
 « siam redijt; regnante Elizabetha iterum reg-  
 « nare cepit Calvinismus, & vera exulare re-  
 « ligio.

« 209 At non tenentur Christiani, immo  
 « nec debent cum evidenti periculo religionis to-  
 « lerare Regem infidelem; nam quando ius diui-  
 « num & humanum pugnant, debet servari ius  
 « diuinum omisso humano: de iure autem diuina est  
 « seruare veram fidem & religionem, quæ una  
 « tantum est, non multa, de iure autem huma-  
 « no est, quod hunc, aut illum habeamus Regem.

Tertia pro-  
 batio ante-  
 cedentis.

210 Denique, cur non potest liberari po-  
 pulus fidelis à iugo Regis infidelis pertrahentis  
 « ad infidelitatem, si coniunx fidelis liber est ab  
 « obligatione manendi cum coniuge infideli,  
 « quando ille non vult manere cum coniuge  
 « Christiana sine iniuria fidei, ut aperte deducit  
 « ex Paulo 1. ad Corint. 7. Innocentius tertius,  
 « cap. Gaudemus, Extra. de diuortijs: Non e-  
 « nim minor est potestas coniugis in coniugem,  
 « quàm regis in subditos sed aliquanto etiã maior.

211 Hæc



211 Hæc est tertia ratio Cardinalis Bellarmini, cui etiam nullo planè negotio satisficit, si distinctionem ex Principijs ipsius suprà positam inter iudicia potestatis civilis, & Ecclesiasticæ diligenter observemus.

*Respondemus* igitur, Cardinalē Bellarmine in hac tertia sua ratione in eo potissimū elaborare, vt probet, Principem infidelem vel hæreticum, si alios pertrahat ad hæresim vel infidelitatem, posse à populo sibi subiecto Principatu priuari: præsens autē controuersia, quæque in hac questione à Cardinale Bellarmino instituitur, non est, An, & ob quas causas possint Reges à temporali Republica deponi, sed solum, An Summus Pontifex habeat auctoritatem iure diuino priuandi Principes suis dominijs.

212 Nam siue Respublica temporalis possit suum Principem ob aliquā causam, vel crimen deponere, siue non possit (quæ quæstio potius ad Philosophum moralem, quàm ad Theologum spectat, & aliquid circa eam inconsideratè asseuerare facilem præbere potest tumultibus, rebellionibus, & Regicidijs occasionem, cum præsertim longè dispar videatur esse ratio in quibusdā Rebus publicis, quæ vel totam suam po-

testatem in suos Principes transtulerunt, vel ipsi iusto bello eam acquisierunt, atque in reliquis; item in quibusdam criminibus, atque in alijs) attamen hinc nullum efficax peti potest argumentum ad probandum, Summum Pontificem vllā prorsus iure diuino habere potestatem etiam in ordine ad bonum spirituale, Principes temporales è suis dominiis exterminandi. Et propterea omnia illa argumenta, quæ in hac tertia ratione congerit Cardinalis Bellarminus (primo duntaxat excepto) solutione non indigent, cum solum contendant Principem hæreticum, aut infidelem, si alios inducat ad suam hæresim, aut infidelitatem, posse à populo fidei sibi subiecto è Principatu expelli.

213 Nam dato, sed non concesso, illicitum esse Christianis tolerare Regem hæreticum, aut infidelem, si ille conetur pertrahere subditos ad suam hæresim aut infidelitatem, quæ est prima propositio Cardinalis Bellarmini, & ab ipso quamuis pluribus, nullo tamen valido argumento (vt mox videbimus) confirmata, quomodò tamen hinc rectè deduci potest, Summum Pontificem habere auctoritatem Principes

pes deponendi:

Card. Bellarminus in principio huius  
tertiæ rationis illud colligit hoc argumēto.

*Pertinet ad Pontificem, cui commissa est* ”  
*cura Religionis, iudicare an Rex pertrahat ad* ”  
*hæresim necne, ergo si Rex ob hæresim deponi* ”  
*potest, pertinet ad Pontificem iudicare Regem* ”  
*esse deponendum, vel non deponendum.* ”

214 Sed hæc argumentatio, licet pri-  
ma facie solida videatur, si tamen diligen-  
ter discutiatur, valde fallax reperietur prop-  
ter multiplicem sensum quem habere po-  
test illa antecedens propositio, *Pertinet ad*  
*Pontificem iudicare an Rex &c.*

Velenim primò intelligi potest illa pro-  
positio de *iudicio* in foro animæ, vel de *iudicio*  
extra animæ forum: Si intelligatur de  
*iudicio* in foro animæ, dicimus, ad Pontifi-  
cem quidem pertinere vel per seipsum im-  
mediatè, vel mediatè per inferiores Præ-  
latos, aut Pastores *quodammodo* iudicare, an  
Rex pertrahat alios ad hæresim, necne. Ad-  
do particulam illam, *quodammodo*, quoni-  
am iudiciū Patris spiritualis in foro pœni-  
tentie præsupponit ipsum pœnitentem per  
propriam confessionem cum animo con-  
trito, & satisfaciendi proposito sui Confes-  
sarij

sarij iudicio se submittentē. Quarē si Princeps ad Confessionem accedens agnoscat se vel in hæresim lapsum esse, vel alios ad hæresim induxisse, iudicio Sacerdotis, clauē non errante, stare tenetur, tum quoad poenitentiam sibi iniunctā adimplendam, tum quoad peccatum præteritū, & occasiones illius in posterum deuitandas.

215 Veruntamen si Princeps ille probabilem aliquorum opinionem secutus existimet, se neque in hæresim lapsum esse, neque alios ad hæresim pertraxisse, quamuis Confessarius ipsius (tamen si sit Summus Pontifex) alijs etiā rationibus probabilibus persuasus contrariū sentiat, non tenetur Princeps in eo casu, relicta propria opinione probabili, sequi iudiciū Summi Pontificis, quin potius iuxta communem recentiorum Theologorum<sup>i</sup> sententiam tenetur Summus Pontifex contra propriam opinionem iudicio probabili Principis se conformare, quoad hoc, vt absolutionem illi debitam impendere obligetur. Sed de hoc interno in foro animæ iudicio non videtur locutus esse Card. Bellarminus, cum clarum sit depositionem Principum ad forum exterius pertinere.

i In 1. 2. q. 19.  
art. 6, vbi Medin. & Vasqu.  
& in 2. 2. q. 63.  
ar. 4. vbi Petrus de Arragona, Salon & alij. Vide etiam Soyrum in clauē Regni lib. 1. a cap. 6.

216 Si autem de iudicio extra forum animæ propositio intelligatur, duplicem etiam sensum habere potest, primus est, pertinere ad Pontificem *iudicare* an Rex pertrahat ad hæresim, non quidem proximè, sed remotè, definiendo scilicet, ac declarando in genere talem actionem, verbi gratia, cum talibus circumstantijs factam, esse hæresim, aut alterius generis peccatum: Et in hoc sensu non negamus quin ad Pontificem, tanquam ad *caput* <sup>k</sup> *uniuersalis Ecclesie*, pertineat, (quotiescunque in Ecclesia oritur aliqua controuersia circa res fidei, aut morū) *iudicare & determinare*, an tale quid sit hæresis, alteriusue generis peccatū

k Sed vtrum Ecclesie vniuersalis Caput, vt certò, infallibiliter, & ex Cathedra definit, debeat esse coniunctum cum membris, & in concilio Episcoporum sedere oporteat, vt Doctores Parisienses volunt, in præsentem non disputamus, cum ad præsentem controuersiam de potestate Pontificis temporali dirimendam parum conducatur.

217 Attamen cum hoc iudicium Pontificis (quando ex cathedra definit) sit infallibile, & nunquam mutari possit, neque etiam mortuo Pontifice, non est sufficiens, vt Pontifex ratione illius dicatur habere auctoritatem Principem hæreticum depoenendi, nisi dicere velimus, Pontificem, qui multis ab hinc seculis defunctus aliquā propositionem, vt hæreticam condemnauit, dici posse habere auctoritatem depoenendi Principem iam superstitem, qui subditos suos ad illam hæresim pertrahere conatur.

natur. Et neque in hoc duntaxat sensu vocabulum illud *iudicare* à Card. Bellarmino accipi videtur.

218 Secundus sensus est, pertinere ad Pontificem *iudicare*, an Rex pertrahat ad hæresim, iudicando, & determinando in particulari, an talis, vel talis actio, quæ hæresis reputatur, facta sit à Rege. Et adhuc in hoc sensu propositio bifariam intelligi potest: Et primò de *iudicio* communiter sumpto, vt significat rectam determinationē rationis inter verum, & falsum, rectū, & prauum in quacunque materia siue speculatiua, siue practica, quæque consistit in apprehensione rei, vt in se est.

219 Et si de hoc *iudicio* sit sermo, non magis, immò minùs pertinet ad Pontificem, qui millium milliarium spatium forsan distat, *iudicare*, an Rex pertrahat ad hæresim, quàm ad populum Regi subiectum, qui illi inseruit, & omnes eius actiones intuetur, & ex cuius relatione tota notitia, quā habet Pontifex de particulari illo Regis facto dependet. Et neque de hoc *iudicio* intelligendus esse videtur Card. Bellarminus, cum huiusmodi *iudicium* non magis pertineat ad Pontificem, quàm ad alios homines

nes priuatos, qui de rebus prout sunt, rectam apprehensionem, seu *iudicium* habere possunt.

220 Vel secundò intelligi potest propositio de *iudicio* propriè, & iuxta primam nominis impositionem, prout *iudicium* significat rectam determinationem eius, quod iustum est, seu quod idem est, prout significat actû *Iudicis*, vt *Iudex* est, & *ius* dicit: quando idem sunt *Iudex*, & *ius* dicens; *iudicare*, & *ius dicere*; *iudicium* & actus, quo *ius* dicit. Et de hoc *iudicio* videtur loqui Card. Bellarminus, cum ipse agat de *iudicio*, quod propriè ad Pontificem spectat, vt est supremus *Iudex* spiritualis.

221 Si igitur propositio intelligatur de hoc *iudicio*, quatenus scilicet est actus *Iudicis* vt *ius* dicentis, vt sensus sit, Quamuis non sit proprium Pontificis, sed potiùs eorum, qui Regi propiùs assistunt, *iudicare iudicio* latè sumpto, an Rex pertrahat ad hæresim, cum tota notitia Pontificis de tali Regis factò ex ipsorum notitia dependat, pertinet tamen ad Pontificem, cui cura religionis tanquam supremo *Iudici* spirituali est commissa, *iudicare*, id est, *in iudicam* sententiam pronunciare, an Rex pertrahat  
ad



ad hæresim, necne.

222 Quemadmodum, quamuis non sit propriū Regis *indicare iudicio* latè sumpto, an aliquis ex subditis homicidium, verbi causa, commiserit, sed potius eorum, qui talis homicidij testes oculati fuerunt; pertinet tamen ad Regem, cui cura Reipublicæ tanquam supremo *Iudici* temporali est cōcredita, *indicare*, id est, *iuridicam* proferre sententiam, an homicidium perpetraverit, necne. Si, inquam, in hoc sensu propositio accipiat, *Respondemus* eam adhuc esse æqui-uocam, & in vno sensu esse veram, sed in eo, quo à Card. Bellarmino applicatur ad Regum depositionem, esse à veritate penitus alienam.

223 Quod vt meliùs intelligatur, obseruandum est, duplex *iudicium*, sicut & duplex forum, quantum ad præsens institutum attinet, esse distinguendum: Seculare nimirum, quod deinde in ciuile, & criminale, seu capitale distingui solet, atque Ecclesiasticum, seu spirituale, Quæ quidem fora ita inter se distincta sunt, vt licet eadē prorsus causa, & crimen in vtroque foro audiri, iudicari, & terminari possit, habeant tamen suos proprios, & distinctos Iudices

ces, distinctas leges, & distinctas poenas pro delictis infligendas. Nam supremus Iudex fori Ecclesiastici est Summus Pontifex, qui iudicat secundum ius Canonicum, & poenam Ecclesiasticam à Iure Canonico constitutam pro delictis imponit. At fori secularis Iudices supremi sunt Principes temporales, qui in suis iudicijs, & poenis corporalibus pro criminibus imponendis, vel à Iure civili, vel à legibus municipalibus iuxta cuiusque Regni consuetudinem diriguntur.

224 Exempli causa, crimen hæresis iudicatur à Iudice Ecclesiastico, & punitur poena Ecclesiastica, etiam usque ad depositionem à statu clericali, si fuerit clericus, & à priuilegio fori Ecclesiastici, quo priuatus traditur foro Seculari, ut in eo pro eodem hæresis crimine rursus iudicetur, cum hac tamen protestatione à Iudice Ecclesiastico facienda, *ut Iudex Secularis citra mortis periculum sententiam circa eum moderetur* ut habetur in cap. *Novimus de verborum significatione*, in foro autem Seculari idem crimen hæresis auditur, iudicatur, & poena mortis mulctatur.

225 Atq; hinc patet fallacia argumentationis,

tationis, fit enim in ea transitus ab vno foro in aliud. Veluti si quis ita argumentaretur: *Qui pertrahit ad hæresim pœna mortis est mulctandus, sed pertinet ad Iudicem Ecclesiasticum iudicare an quis pertrahat ad hæresim, ergo ad Iudicem Ecclesiasticum spectat iudicare, an sit morte mulctandus;* Cum tamen ferre sententiam mortis ad forum tantum Seculare pertineat. Similiter Incendiarij secundum legem Canonicam<sup>l</sup> sunt excommunicandi, & secundum ius civile<sup>m</sup> sunt igne cremadi, aut bestijs subiijciendi: Quare apertè fallax esset huiusmodi ratiocinatio. *Qui ades, aut segetes incendunt, sunt excommunicandi, sed pertinet ad magistratum politicum iudicare, an quis ades, vel segetes incenderit, ergo ad magistratum politicum pertinet iudicare, an sit excommunicandus.*

226 *Iudicare igitur an quis pertrahat ad hæresim, spectat ad vtrumq; forum; ad Ecclesiasticum quidem, non vt iudicetur, & extremo mortis supplicio puniatur, sed pœnis tantum foro Ecclesiastico proprijs; ad forum autem Seculare, non vt iudicetur, & puniatur pœnis Ecclesiasticis, sed pœna mortis, aut alijs huic foro peculiaribus.*

l Cap. Pessimam 23. q. 8.  
m ff. de incend. leg. qui ades.

227 Quapropter ad prædictam argumentationem Cardinalis Bellarmini *Respondetur*, esse captiosam, & quatuor habere terminos, cum in ea fiat transitus de vno foro in aliud. Nam quamvis pertineat ad Pontificem *iudicare*, an Rex pertrahat ad hæresim, quatenus *iudicium* illud refertur ad Censuras Ecclesiasticas infligendas, quatenus tamen *iudiciū* illud respicit Principis depositionem, quæ non est poena spiritualis, seu Ecclesiastica, sed temporalis, seu politica, non pertinet ad Pontificem *iudicare* an Rex pertrahat ad hæresim, nec ne. Itaque verbum illud *iudicare* est æquivocū, & aliter sumitur in præmissis, quàm in conclusione.

228 Simili argumentatione omnia omninò negotia non solum publica & politica, sed etiam priuata, & domestica ad tribunal Pontificis reuocari possunt. Quoniam nulla est prorsus actio externa siue ad politicum ipsius Reipublicæ regimen, siue ad domestica Patrumfamilias negotia spectans, quæ ratione vnus, aut alterius circumstantiæ non possit esse peccatum; At sine dubitatione pertinet ad Sūmum Pontificem *iudicium*, seu *censura* de peccatis,

N

quam

quàm in quemlibet exercere potest, & debet, ut ait Innocentius tertius in cap. *Novit* de Iudicijs, ergo *iudicium*, seu censura de qualibet actione tam priuata quàm publica, tam domestica quàm ciuili, pertinet ad tribunal Summi Pontificis.

229 Sed tota vis huius argumentationis ex dictis facilè perspicitur. Nam in foro mundano peccata, quatenus sunt contra bonum pacis publicæ, subiiciuntur potestati politicæ, per quam iudicari, & pœnis temporalibus puniri debent: & in foro Ecclesiastico, quatenus sunt offensa Dei, & salutis spirituali nocent, subsunt potestati Ecclesiasticæ, adeo ut ad Pontificem quidem pertineat, uti diximus, tum *iudicare*, atque ex Cathedra definire, an actio aliqua generatim sumpta, à quocunque fiat, sit peccatum, Deoque displiceat, & si graue sit crimen, illud etiam sub pœnis spiritualibus prohibere, tum in foro pœnitentiæ delinquentes, si debitè confiteantur, à peccatis absolvere, tum denique in foro externo peccatores notos atque manifestos, si post debitam admonitionem contumaces existant, pœnis Ecclesiasticis castigare. At verò vel pœna mortis peccatores punire, vel

vel eos temporalibus dominijs priuare, hoc Pontificis potestatem iure diuino sibi traditam transcendit, neque in Scripturis sacris, aut veterum Patrum monumentis scriptum legimus sanctos Apostolos, aut Patres primitiue Ecclesie talem auctoritatem sibi arrogasse.

Vides igitur quam debile sit prædictum argumentum à Cardinale Bellarmino confectum ad rem tanti ponderis comprobendam.

230 Nunc expendamus paululum, quam valida sint illa tria argumenta, quibus probare conatus est propositionem illam antecedentem suæ tertiæ rationis: nimirum, *Non licet Christianis tolerare Regem infidelem, aut hæreticum, si ille conatur pertrahere subditos ad suam hæresim vel infidelitatem.*

Inprimis tamen non est hoc loco prætereundum, quam facilem errandi occasionem præbere possit minùs peritis propositio illa ita generalitèr pronunciata, propter multiplicem illius sensum, & ambiguas significationes singulorum fermè vocabulorum, quæ in ea continentur.

231 Et primò vocabulum illud *Chri-*  
N 2
*stianis*

*stianis* accipi potest vel pro Christianis formaliter, vt Christiani sunt, quasi prohibitum sit Christianis lege tantum Euangelica tolerare huiusmodi Regem, vel tantum pro Christianis materialiter, id est, pro hominibus illis, qui Christiani sunt, vt sensus sit, Nemini licitum est tolerare Regem hereticum, aut infidelem, &c. & propterea, seu potius à fortiori non est licitum illis hominibus, qui legem Christi susceperunt, talem Regem tolerare.

232 Deinde idem vocabulum *Christianus* vel sumi potest pro Christianis quibuscunque etiam Regi hæretico, aut infideli non subditis, vel solum pro Christianis, qui Principi illi hæretico, aut infideli subiiciuntur. Denique idem vocabulum *Christianis* vel supponit distributè, vt dicunt Logici, id est, pro vniuersis Christianis seorsim, & sigillatim sumptis, vel copulatè, vt loquuntur, id est, pro ipsa Christianorum congregatione, adeò vt præceptum illud de tolerando Rege hæretico, aut infideli, vel obliget omnes, & singulos Christianos siue subiectos Regi hæretico, aut infideli, siue non subiectos, vel solum obliget ipsam Christianorum cõunitatem.



233 Secundò verbum illud *non tolerare* est etiam ambiguum : vel enim idem significat, quod resistere, seu impedire vi, & armis corporalibus, non solùm mouendo bellum contra Principem hæreticum, aut infidelem, sed ipsum etiam clanculùm occidendo, si vi, & armis deponi non possit; vel significat impedire, & resistere, non quidem armis corporalibus, sed spiritalibus, *quæ propria sunt militum Christi*, nempe non consentiendo, arguendo, increpando, obsecrando in omni patientia, & doctrina, atque, si opus est, poenas Ecclesiasticas irrogando.

234 Tertiò in illo vocabulo *Regem* multiplex latet ambiguitas; Quidam enim Reges regno potiri sunt iure belli iusti, alij electione, alij donatione, alij hæreditaria successione. Insuper aliqui Reges possunt esse hæretici, aut infideles, antequam regnum adepti sunt, alij postquam insignia Regia susceperunt, de quibus omnibus non videtur esse eadem ratio Philosophandum.

235 Quartò demum verbum illud *pertrahere*, duplicem etiam habet sensum, vel enim intelligi potest de tractione violenta

per vim, aut metum facta, iuxta illud Luc. 21. *trahentes* ad Reges & Præsides; vel de tractione voluntaria, precibus nempe, exemplo, lucri, aut voluptatis desiderio, &c. iuxta illud Poetæ, *trahit sua quemque voluptas*: & Apoc. 12. dicitur *Draco cauda sua traxisse tertiam partem stellarum cæli*.

Vides itaque quàm lubrica sit ista propositio Cardinalis Bellarmini, ex vocibus adeo ambiguis conflata, ex qua deinde ipse magis lubricè deducit Pontificem habere auctoritatem Reges hæreticos, aut infideles iuridicè deponendi.

236 Verùm deductionem iam suprà examinauimus, modò propositionem ipsam consideremus.

*Non licet Christianis*, inquit, *tolerare Regem infidelem aut hæreticum*, si ille cogatur pertrahere subditos ad suam hæresim aut infidelitatem. Quid igitur? An quilibet Christianus, etiam non subditus, tenetur vi & armis eiusmodi Regem inuadere, & ipsum occidere, si bellum illi indicare non valeat, an hoc spectat tantùm ad quoslibet Christianos non subditos, vel potius ad ipsam Christianorum communitatem? Et quid si Respublica elegerit Principem, quem ante

re electionem cognouit fuisse infidelem, aut hæresi infectum, an eadem ratio habenda est illius, atque alterius, qui iure hæreditariæ successionis ad Regni solium est euectus?

237 Et quid si Rex infidelis aut hæreticus iure belli iusti regnum alicuius Principis Christiani occupauerit, ratione cuius ipsi etiam Christiani efficiuntur serui, & mancipia Principis victoriam reportantis, vt plures Theologi<sup>a</sup> probabiliter existimât, num inter hunc, & alios Principes nulla ratio discriminis est assignanda? Denique quid si Rex pertrahat subditos ad suam hæresim aut infidelitatem non minus, sed exemplo duntaxat suo, iuxta illud à Cardin. Bellarmino relatum, *Regis ad exemplar totus companitur orbis*, An pari ratione de isto est philosophandum? Hæc omnia in vnica propositione confunduntur, neque quid in singulis dicendum sit, satis declaratur, adeo vt Lector non admodum cautus ex tali propositione haud rectè intellecta plures conclusiones perniciosas faciliè deducere possit.

238 Sed pergitur ad huius propositionis probationes, & videamus, an pericu-

<sup>a</sup> Syluest. verb  
furtum q. 6.  
Sotus de lu-  
stit. lib. 4 q. 2.  
ar. 2. Ludo.  
Molina tom 1  
de Iustit. tr. 2.  
dñp. 33. Mich.  
Salon de Do-  
minio q 3.  
post 4. conclu.  
& plures alij.

losa hæc Card. Bellar. doctrina, quæ populo effrenato sub furo Religionis tuendæ habenas laxat, viamq; ad seditiones, atque Regicidia parat, vlllo firmo nitatur fundamento.

Prima probatio est huiusmodi.

*Eiusdem periculi, & damni est eligere*

« *Regem non Christianum, & non deponere nan*

« *Christianum, ut notum est; sed prohibentur*

« *Christiani eligere Regem non Christianum,*

« *ergo tenentur Christiani non pati super se Re-*

« *gem non Christianum, si ille conetur auertere*

« *re populum à fide. Probatur huius argumen-*

« *ti minor propositio ex cap. 17. Deuteronom. ubi*

« *prohibetur populus eligere Regem, &c. Adde*

« *autem istam conditionalem propter eos Prin-*

« *cipes infideles, &c.*

« 239 Respondetur negando maiorem,

non enim illa propositio nota est, ut asserit

Card. Bellarm. sed eius opposita potius est

notissima. Vnde ipsemet protinus, dona

subiungit illam conditionem; manifestam

disparitatem assignat inter electionem, &

depositionem Principis infidelis; quia iux-

ta eius doctrinam tenentur Christiani non

omnino eligere Regem infidelem; at non

tenentur deponere infidelem, nisi in casu, quo

pertrahit subditos ad infidelitatem. Quæ ta-

men

men exceptio frustra à Card. Bellar. apponi videtur, cum semper contingat Principem infidelem suo saltem exemplo, subditos pertrahere ad infidelitatē, iuxta illud: *Qualis est Rector civitatis, tales & habitantes in ea; & Regis ad exemplar totas componitur orbis;* de qua etiam tractione ipse disertis verbis loquitur; vt ex secunda eius probatione euidenter apparet.

240 Dicimus itaque, cum totum ius, quod vnusquisque habet in regnum (si sermo sit de ijs Regibus, qui per populi tantum suffragia eliguntur, & non iure hæreditario Principatum vendicant) ab electione dependeat, nemini fieri iniuriam, siue hic, siue ille in Principem eligatur; at postquam Rex fuerit electus, & Respublica potestate sua se abdicauerit, eaque tota in Regem translata fuerit, magna Regi fieret iniuria, si inuitus à populo sibi subiecto deponeretur, & maius damnum Reipublicæ immineret propter periculum seditionis, & rebellionis, atque multa alia incommoda, quæ inde nasci solent.

241 *Nam, vt rectè dixit Winzetus Abbas, ° Nunquam contingit, vt à legitimo Rege quantumvis improbo, & tyrannicè im-*

*perante*

o In flagello  
Sectariorum  
pag. 93.

p In velitatio-  
ne pag. 272.

per ante regnum ita dissipetur, ut intestino bello, maxime autem subditorum in Regem rebellionem dissipari solet. Non enim *P* tam perditam vitam poterit esse Rex, quin plurimos ex omnibus Regni Ordinibus sibi habeat satis coniunctos, quorum ope aditus sine cruentis cadibus in ordinem redigi non poterit. Facile ergo est impedire, ne Rex infidelis eligatur, sed postquam electus fuerit, difficillimum est, ut inuitus deponatur, iuxta illud vulgatum, *Facilius impeditur aliquid faciendum, quam destruatur, quod rite factum est.*

242 Vnde si quis ex prædicto Card. Bellarmini principio ita argumentaretur:

*Eiusdem periculi, et damni est eligere Pontificem valde scandalosum, atque talem Pontificem non deponere, ut notum est; sed Christiani iuxta divina prohibentur eligere Pontificem valde scandalosum, ergo et eodem iure tenentur non pati super se talem Pontificem, non est dubium, quin statim Card. Bellarminus talem argumentationem vitiosam reputaret.*

243 *Ad Probationem minoris ex illo Deuteron. 17. Respondetur, quod, si quispiam assereret, præceptum illud, de non eligendo Rege nisi ex gente Iudæorum, non*

non fuisse morale, sed cæremoniale, Iudæos tantum obligans, ut nullum alienigenam, quamvis alioqui Idola non colentem, sibi in Regem eligerent, non posset tam facile improbabilitatis conuinci, cum sacra Scriptura eo loco absolutè prohibeat, ne Iudæi alterius gentis hominem Regem faciant, qui non sit frater suus, neque de periculo Idololatriæ ullam mentionem faciat.

244 Et quantumvis præcepti illius Mosaici finis fortasse fuisset, ne populus Iudaicus ad Idola colenda alioquin nimium propensus temporis progressu ad Idololatriam traheretur, non tamen propterea sequitur ipsis Iudæis præcepto aliquo morali, quod non solum Iudæos, sed etiam Christianos obligat, prohibitum fuisse, ne Regem alienigenam sibi constituerent. Sicut etiam ob periculum Idololatriæ omnis Imaginum usus ipsis Iudæis interdictus erat Exodi 20. ut multi doctissimi Theologi, quos refert, & sequitur Gabriel Vasquez  
 ¶ probabiliter existimant, neque tamè inde sequitur, præceptum illud fuisse morale, & consequenter iam Christianos obligans, ne vllas omnino Imagines depingant.

q Lib. 2. de  
 Adoratione  
 disput. 4. c. 2.



245 Similem enim prorsus ratiocinationem posset quis conficere.

*Prohibetur populus Iudaicus Exodi 20. vllas Imagines, aut statuas effingere. (vt probabilis fert opinio) ne viz. Iudei inde ad Idolatriam pertraherentur, ergo propter idem periculum prohibentur Christiani Imagines vllas, aut statuas effingere. Nam illud præceptum morale est, & naturali equitate nititur.*

Atque hinc patet maiorem huius primæ probationis propositionem, cuius veritatem notam esse affirmat Card. Bellarminus, esse manifestè falsam, & minorem quoque ab eo insufficienter confirmatam.

246 Ad illud autem, quod asserit, si Christiani olim non deposuerunt Neronem, & Diocletianum, & Iulianum Apostatam, & similes, id fuisse, quia deerant vires temporales Christianis. Nam quòd aliqui iure potuissent id facere, &c.

*Respondemus*, hanc Bellarmini assertionem, (quam Auctor Apologiæ Protestantium pro Ecclesia Romana, \* Puritanorum conceptionem appellauit,) gratis, & absque solido fundamēto ab eo proferri, quod quidem

\* In Præfat  
sec. 21. vide  
supra nu. 29.

quidem apertissimè ostendi potest. Nam inprimis non videtur candidissimæ Christi, atque Apostolorum synceritati consentaneum esse, quòd imponerent præcepta fidelibus de præstanda Principibus infidelibus ficta tantum, ac simulata quadam obedientia pro tempore solum illis opportuno, & cum secreta quadam mentis reservatione, nisi vires sibi suppetere ad tales Principes debellandos: quod eleganter expressit Adam Blacuodæus in his verbis: *Paulus utendum foro praecepit? Larvatam hypocrisim sub persona religionis latere voluit. Postulatibus obedientiam edixit, quia resisti non posset? Christianos viribus auctos,*

q In Apologia pro Regibus cap. 30.

*Ad arma cessantes, ad arma*

*Concitat, imperiumq; frangit?*

247 Secundò, quia Sancti Apostoli Petrus, Paulus, atque Ioannes vixerunt tempore crudelissimi Neronis; Si ergo non debent Christiani cum evidenti periculo Religionis tolerare Regem infidelem, quādo alios ad infidelitatem pertrahit, ob quā, obsecro, causam, illi, qui lux erant mundi, & exemplum posteris præbere debebant, Neronem tam sæuè Christianos persequentem tolerabant? An forsitan etiam illis

lis vires decrant? At Christus gratiam miraculorum illis contulit, virtute cuius non fuisset illis difficilius Principes Ecclesiam persequentes vel Regnis priuare, vel è medio tollere (si tale præceptum de illis non tolerandis extitisset) quàm Eliæ duos Principes quinquagenarios cum quinquaginta suis incendio perimere; aut ipsi etiam Petro Tabitham mortuam ab interis excitare, & contra Saphiram ob votum violatum, & mendacium de precio agri venditi confictum sententiam mortis pronunciare, aut Simonem Magum potentia dæmonum in aëra subleuatam in terram prosternere.

248 Tertiò, quia si ob periculum Religionis euertendæ tenentur Christiani deponere Regem hæreticum, aut infidelem, qui alios ad hæresim, aut infidelitatem trahit, propter idem periculum, si ad ipsum deponendū vires non suppetant, possunt, & consequenter in hoc casu tenentur, ipsum occidere, postquam lupus, perturbator, & hostis Ecclesiæ fuerit declaratus, iuxta doctrinam ex principiis Card. Bellarmini superiùs <sup>r</sup> manifestè deductam, atque inferiùs <sup>r</sup> etiam deducendam; Atqui ad Regem hæreticum, vel infidelem occidendum

<sup>r</sup> Nu. 43. &

seq.

<sup>r</sup> Nu. 329. &

365.

dum non tantæ copiæ requiruntur, vt vel exercitus instrui, vel multi milites congregari debeant, cum vnus, vel alter ad id præstandum sufficiat, cuius rei, proh nefas, nimis frequentia hac nostra ætate existerunt exempla. Et quamuis absque propriæ vitæ discrimine nemo tale facinus aggredi possit, constat tamen ( si aliàs id licitum esset ) non esse vnus vel alterius priuati hominis mortem communi Christianorum periculo præponendam.

249 Quartò, quia non defuisse tunc temporis vires Christianis ad impios infidelium Principū conatus reprimendos facile probari potest. Et primò illud ostendit Adam Blacuodæus <sup>t</sup> ex Clemente Petri discipulo, <sup>u</sup> qui loquens de tumultibus, quos Caiphas excitauit in Ierusalem, affirmat, *Christianos etsi numero pares, virtute potiores propter numinis obedientiam occidi maluisse, quam occidere.* Deinde Terrullianus ad Christi seculum proximè accedens idē apertè docet. \* *Si enim, inquit, hostes exercitos, non tantum vindices occultos agere vellemus, deesset nobis vis numerorum, & copiarum? Plures nimirum Mauri, & Marcomanni, ipsiq; Parthæ, vel quantacunque vnus*

<sup>t</sup> Cap 30. cit.  
<sup>u</sup> Lib. i. recog. ad Iacobum fratrem Domini.

\* In Apologet. cap. 37. nu. 487. & seq.

*unius tamen loci, & suorum finium gentes, quam totius orbis? Externi sumus, & vestra omnia implemus, vrbes, insulas, castella, municipia, conciliabula, castra ipsa, tribus, decurias, palatia, Senatum, forum. Sola vobis reliquimus templa. Cui bello non idonei, non prompti fuissetus etiam impares copijs, qui tam libenter trucidamur, si non apud istam disciplinam magis occidi liceret, quam occidere? &c.*

250 Prætereà, tanta erat tempore Diocletiani Christianorum multitudo, vt à sæuissima illius persecutione sese vindicare, & Ecclesiæ necessitatibus consulere haud difficulter potuissent, si Principem legitimum tametsi infidelem aut hæreticum, & alios ad suam hæresim aut infidelitatem pertrahere conantem, vi & armis impetere, folio deijcere, aut, si hæc minùs prosperè succedant, ipsum è medio tollere populo fideli sub quouis Religionis Catholicæ tuendæ prætextu lege Christi præceptum, vel permissum esse iudicassent; adeò vt Maximinus acerrimus Christianorum hostis, qui temporibus Diocletiani, & Maximiani post abdicatum à se Imperium à Maximiano Galerio Imperator Orientis constitutus est,

est, aperte fateatur, totum ferè terrarum orbem, priusquam Diocletianus Christianos persequi decreuisset, relicto idolorum cultu Christianorum coetui se adiunxisse.

251 Ita enim, vt refert Eusebius <sup>y</sup>, ad Lib. 9. cap. 9  
Sabinum scribit: *Iouius Maximinus, Augustus Sabino. Et dexteritati tue. & cunctis mortalibus manifestum esse confido, Dominos nostros Diocletianum & Maximianum, Patres nostros, cum omnes ferè mortales Deorum cultu relicto Christianorum se genti commiscere vidissent, rectè præcepisse, vt cuncti mortales à cultu deorum immortalium discedentes indubitatis pœnis ac supplicijs ad religionem Deorū reuocarentur. Quin & Eusebius, qui eodem ferme tempore vixit, narrans, quæ persecutionem Diocletiani præcesserant, hoc ipsum non obscure significat: Quis autem, inquit, <sup>z</sup> numerosas illas aggregationes, ac multitudines cœtuum per singulas ciuitates, insignesq; concursus ad oratoria describet, quorum gratia priscis edificijs non contenti, in singulis ciuitatibus spatiosas, & amplas ex ipsis fundamentis construxerunt Ecclesias?*

<sup>z</sup> Lib. 8. cap. 1

252 Demùm, quod attinet ad Iulianum Apostatam præterquam quòd ipsemet in primo eius in Imperium ingressu, vt ait Cardina-

<sup>a</sup> In Annalib.  
anno Christi  
361. nu. 17.

<sup>b</sup> Lib. 2. ca. 1.

<sup>c</sup> Lib. 3. ca. 22.

<sup>d</sup> Lib. 4. ca. 1.

<sup>e</sup> Apud The-  
odorit. loco  
citato.

dinalis Baronius <sup>a</sup>, *optimè sciuit Christianos  
multitudine impleſſe Romanum Imperium,*  
ſatis etiam conſtat ex Ruffino <sup>b</sup>, Socrate <sup>c</sup>,  
& Theodorito <sup>d</sup>, totum penè eius exerci-  
tum fuiſſe Chriſti fide imbutum, & prop-  
tereà non defuiſſe illis vires ad impiſſimū  
Apoſtatam aut Imperio, aut vita priuandū.  
Nam cum interfecto Iuliano totus exerci-  
tus Iouinianum poſtulafſet Imperatorem,  
& ipſe, eo quòd Chriſtianus eſſet, electioni  
reclamafſet, magna libertate reſpondens,  
<sup>e</sup> *Non poſſum ego, qui Chriſtianus ſum, talium  
Imperator, neque Iuliani copiarum Rex eſſe  
improba aſſuetarum diſciplina. Hac audita o-  
ratione exclamauere communiter vniuerſi:  
Ne dubites Imperator, neue repellas Imperium  
noſtrum, vt improbum: Imperator enim es  
Chriſtianorum futurus, qui in pietatis diſci-  
plina educati ſint; cum grandiores inter nos  
doctrinam Conſtantini perceperint, minores  
autem illis Conſtantius inſtruxerit. Neque i-  
ſtius proximè mortui diuturnum Imperij tem-  
pus fuit, vt circumuentis quibuſdam ad inſi-  
gendum malum ſuffecerit.*

253 Non eſt igitur credibile, Chriſtia-  
num exercitum ſub Iuliano Chriſti Eccle-  
ſiam perſequerente militantem, ab eo exter-  
minando



minando ob virium imbecillitatem absti-  
nuisse, quod sanè facili negotio potuissent  
efficere, atque ita vnus Apostatæ interitu  
totam Ecclesiam à maximis periculis libe-  
rare, si in Principem legitimum violentas  
manus iniicere lex Christi aut præcepisset,  
aut licitum esse docuisset; cum præsertim  
eo tempore Imperatorem à militibus de-  
signari in more positum esset, quos vtique,  
temporibus Iuliani, tanto Christianæ fidei  
zelo succensos fuisse historici tradunt, vt  
quidam ex illis, quamprimùm se Iuliani  
fraudibus deceptos fuisse, & thus adolendo  
Christi fidem inscianter abnegasse perspe-  
xissent, cœperunt <sup>t</sup> *exclamare, & lamentari,*  
*atque capillis euulsis per forum currere, seseq̃*  
*profiteri maxima voce Christianos esse, &*  
*fraudentia Imperatoris circumuentos, ac*  
*nunc palinodiam canere, atque per ignorantia*  
*admissum dedecus noua pugna abolere velle.*  
*Cum talibus clamoribus in regiam cursu per-*  
*ueniunt accusantes Imperatoris imposturas, &*  
*postulantes se in ignem conijci, vt igne polluti*  
*alio igne repurgentur.*

f Apud Nazi-  
anz. orat. 1. in  
Iulian. & The  
odorit. lib. 3.  
cap. 17.

254 Quis itaque nveritò dubitare po-  
test, tam intrepidos Christi athletas, ac mar-  
tyrij cupidos, vnà cum Iouiniano & Va-

lentiniano (qui eo tempore militum tribuni erant, sed paulò post ad Imperij solium euehebantur) viris vtique strenuissimis, & pro fide Christi quæuis supplicia, ipsamque mortem subire paratissimis, non potuisse multò facilius, & opportuniùs, rebus omnibus ritè perpensis, iniquissimo Apostatæ vitam pariter cum Imperio eripere, quàm perfidum homuncionem Regem Franciæ potentissimum ingenti militum præsidio stipatum in medio sui exercitus cultro confodere? Sed quoniam doctrina hæc de Principibus principatu priuandis, aut è medio tollendis, quando alios ad hæresim aut infidelitatem trahunt, doctissimis, pariter & sanctissimis illius seculi Patribus planè incognita erat, & à populo fidei tanquam seditiosa, & Christianæ professionis aduersa iam habebatur,

255 *Noluit exercitus Christianorum, vt rectè dixit Ninianus Winzetus loco statim citando, ulla rebellione Casari licet Idololatra, & Apostata in fidelium fratrum defensionem sese opponere. Existimauere enim illi Christi agnelli satius multo esse, vt iusti iniuste à Casare propter veram iustitiam paterentur, quàm, vt ipsi Casaris auctoritati vim ullam,*  
*licet*

*licet impiè agenti, vllius fucate iustitiæ prætextu inferrent.* Vide quæ ex eodem Winzeto, Guilielmo Barclaio, Adamo Blacuo-dæo, alijsque nonnullis, qui hæc omnia accuratius prosequuntur, paulò inferiùs adducemus. g Nu. 258. & seq.

256 Denique sanctus Gregorius Papa, ob summam eruditionem, vitæque sanctimoniam Magnus cognominatus, atque Ecclesiæ Latinæ Doctor præcipuus, qui-que ideo neque veritatem ab vniuersis fidelibus cognitu pernecessariam ignorare, neque cognitam cum summo suarum ouium, & Christianæ religionis periculo occultare poterat, apertissimis verbis testatur, <sup>h</sup> sibi non defuisse vires ad Longobardorum Principes (qui tunc Ecclesiam crudeliter infestabant) eorumque Principatū penitus euertendum; & nihilominus quia Deum timebat, in ipsorum necem se miscere formidabat. *De qua re*, inquit, *unum est, quod breuiter suggeras serenissimis Dominis nostris, quia si ego seruus eorum in morte Longobardorum me miscere voluissem, hodie Longobardorum gens nec Regem, nec Duces, nec Comites haberet, atque in summa confusione esset diuisa. Sed quia Deum timeo,*

*h Lib. 7. ep. 1. ad Sabinian. Diaconum.*

*in mortem cuiuslibet hominis me miscere formido.*

257 Noluit igitur sanctus Gregorius, quia vir rectus erat, & timens Deum, illud efficere, quod tamen præstare facile potuisset, si per Dei mandatum id sibi licuisset iudicasset, nempe, ut Longobardorum gens nec Regem, nec Duces, nec Comites haberet, atque in summa confusione diuisa esset, quantumvis Ecclesia innumeras tribulationes, atque iniurias ab illis illatas perpeffa fuerit, quas ipse in suis super Ezechielem commentarijs <sup>k</sup> enumerat: & alio in loco <sup>l</sup>, *Qualiter, inquit, quotidianis gladijs, & quantis Longobardorum incursionibus ecce iam per triginta quinque annorum longitudinem premimur, nullis explere vocibus suggestionis valemus. Et propterea rectè dixit Petrus Damianus <sup>m</sup>: Nunquid hoc legitur vel egisse, vel literis docuisse Gregorius, qui tot rapinas ac violentias a Longobardorum feritate est perpeffus? Num Ambrosius bellum Arrianis se, suamq; Ecclesiam crudeliter infestantibus intulit? Nunquid in arma Sanctorum quispiam traditur insurrexisse Pontificum?*

258 Nec mirum, quòd S. Ambrosius,  
Grego.

k Hom. 18.  
super Ezech.  
l Lib. 11. ep. 45  
ad Phocam  
Imperat.

m Suprà nu.  
12.

Gregorius, cæterique sancti Pontifices in Principes insurgere non auderent, *cum olim* (temporibus Tertulliani) vt rectè ait Cardinalis Baronius<sup>n</sup>, *ne gregarius quidè miles,* <sup>n In Annalib. an. 350. nu. 4.</sup> *teste Tertulliano*<sup>o</sup>, *inueniri posset, qui aduersus Imperatores licèt Ethnicos, & Christianorum quoque persecutores in partibus aliquando steterint insurgentium tyrannorum.* <sup>o In Apolog.</sup>

Denique, vt rem istam paucis completar, referam, si placet, breuiter, quid alij quoque nostri temporis Theologi de hac re senserint.

Cunerus Episcopus Leouardienfis<sup>q</sup>, Cū <sup>q In lib. de offic. Princip. cap. 7.</sup> Martyres, inquit, noui Testamenti propter multitudinem facile contra tyrannidem persecutorum suorum conspirare potuissent, pro obedientia tamen & honore, què iussu sunt Christiani Regibus, & sublimiori potestati deferre, maluerunt pati, quàm resistere.

259 Gaspar Vlenbergius<sup>r</sup>, Neque enim, <sup>r In libro qui inscribitur, Graues & iustæ causæ, & causa 22.</sup> inquit, Apostoli subditos contra Magistratū, neque Principes aut Duces contra Romanum Imperium ad rebellandum incitarunt, sed obedientiam auditoribus suis semper inculcarunt; unde veteres Christiani etiam cum viribus, & numero Gentilibus superiores fuerunt, nihilo tamen minùs persecutiones, opprobria,

*contumelias, supplicia, mortem demum ipsam à Gentium Magistratu perpeti maluerunt, quàm huiusmodi contra eos rebellionem moliri.*

f Lib. 26. de  
Repub. cap. 7  
sect. 10.

260 Gregorius Tholosanus<sup>f</sup>, *Suppetunt, inquit, rursus exempla, quæ admonere possunt, non licere subditis, insidiari, rebellare, manus injicere in Principem naturalem auctoritate publica, electione, vel successione, vel alia causa legitima imperium adeptum & detinentem, &c. — Sed & à Christo passo usq; ad Diocletianum per intervallum propè trecentorum annorum, etsi innumera, crudeliaq; tormenta Christiani passi fuerint, & elades atrocissimas semel viginti millibus necatis, aliàs integris oppidis Christianis subversis, tamen nusquam omnino legitur, Christianos licet patres viribus, & numero fuerunt, vi & armis aduersus leges, Rempubl. & Magistratum, Imperatorem, securitatemq; eius, vel tantillum molitos fuisse, vel rebellasse. — Quin unico amore Dei & divini cultus, Christianos se ab eo dicerent appellari, cuius sit hoc piissimum dogma, ut magistratui pareant.*

z In Flagello  
sectariorum,  
pag. 100.

261 Ninianus etiam Winzetus<sup>t</sup>, postquam copiosè ostendisset, Christianos vbiq; terrarum non solum Iuliani, sed præcedentium

cedentium etiam Imperatorum temporibus non solo timore, & diffidentia suarum virium, sed diuino potius metu, ne gladium tollerent in eos, qui potestate publica, ac Dei proinde ordinatione gladium ipsi portarent, nullam Principibus, qui eos tunc ob Christi fidem persequebantur, violentiam intulisse, cum nihil sibi de iure gladij traditum diuinitus intellexissent, protinus subiungit; *Sed ad Iulianum ipsum redeo, qui tam numerosum in Persidem ductarat exercitum: Suspiciari non immerito posset quispiam potuerintne tunc temporis Christiani armorum virtute quicquam in Apostatam tentare? Qui scrupulus facile depellitur, si quis sibi persuadeat, quod res erat, quodque hic obseruatu dignissimum est, exercitum istum non fuisse perfidia Iulianum, sed religione Christianum. Nam cum impius per triennium tantum imperium tenuisset, Constantini, Constantijque exercitui ducendo potius, quam suo ipsius præsuit. Id quod diuina quadam providentia factum esse, orbique contestatum voluisse videtur supremus ipse orbis moderator, ne facile seditiosus populus quavis prætensa causa in legitimum Principem, in summam Reipublice*



lica perniciem bellum mouere iuste se putaret. Nam si contra tam insignem omni impietate virum, Christianus exercitus nihil imperiose sit molitus, quis nunc sibi in animum inducat, ut quouis pratenso errore, aut vitio, licere vassallis, & subditis in suum Regem, aut Principem rebellionem concitare, eiusue detrectare imperium? Sed de his, quæ à nobis asserta sunt, audiat grauisissimi authoris D. Theodoriti testimonium, &c.

u Lib. 6. de  
Reg. cap. 26.

x Nempe  
Ambrosium,  
Hieron. Au-  
gustin. Gre-  
gorium, & alios qui in  
Valentem  
Valentia, iu-  
niorem, He-  
ractium, &  
alios impios  
Principes po-  
pulum non  
conciarunt.

263 Guilielmus Barclaius qui fusissime rem totam per diuersos libros profecquitur, demum ita concludit. " Sed illud Christianis hominibus grauisissimo argumento esse debet, quod non Iob. Baptista, non Christus, non Apostoli in Regem impium surgere, aut de medio eum tollere docuerunt, quod nemo praterea Sanctorum Patrum, vel scriptor alioqui orthodoxus per totos mille annos, & amplius, licet & Ecclesia omnibus tunc floreret copijs, & impiorum Principum ac tyrannorum magnus esset numerus, tale quid unquam vel verbo, vel scripto docuisse legitur.

264 Et paucis interiectis. Certè aut efficiendis facultas Patres istos impediebat, quominus id agere & exequi per virium imbecillitatem potuerint, aut eos iusticia & aequitatis defectus

defectus ab eiusmodi conatu deterrebat, aut denique Pastoralis officio segniter, vitiosè, & negligenter functi sunt, quod sui Populum iniuriis, & officij non admonuerint, quodque Reges impios non solum pertulerint, sed magna etiam, quæ Reges erant, reuerentia, & honore sint persecuti. Primi suspicionem omnem ingens illa Christianorum multitudo, & vires Ecclesiæ tunc temporis, si unquam aliàs maxima dimouent:

265 Postremi verò sanctitas & scientia tantorum virorum, qui non suo solum seculo, sed sequentibus etiam omnibus maximam doctrina, pietatis, ac iusticiæ faciem prætulerunt. Medium ergo supererat tantummodò, quod illos, ne sceptris seditionibus turbarent, aut aliquid in Principum legitimorum perniciem molirentur, metu numinis, & artificissimo conscientia vinculo usque adeo distrinxit, ut subditos ad defectionem, & rebellum in Reges impios non modò non inuitarint, sed ut ab omni in eos impetu, & coniuratione abstinerent, piè, grauiter, & copiosè sunt hortati.

266 Denique Adamus Blaciudæus & Auctor Apologiæ Protestantium pro Ecclesia Romana Anglicè conscriptæ, hoc ipsum etiam vberius pertractant, à

quorum

y In Apologia pro Regibus, & lib. 2. de coniunctione Religionis & Imperij.  
z In præfatione ad Lect. nu. 21. & seq. quem librum Thomas Fitzh. 2. part. de polit. & religi. cap. 25. pag. 366. opus egregium Authoremq; eius perdoctum appellat, Vide etiam P. R. seu P. Rob. Parlonium in epist. admonitoria libri Anglici. A Sober reckoninge nouocupati, qui eandem Apologiam maximis laudibus extollit.

quorum verbis recensendis, cum satis prolixæ sint, neque ab ijs quæ ex præfatis Auctoribus iam allata sunt, multum discrepantia, ne nimium molestiæ Lectori adhibeā, in præsentī supersedebo.

267 Quoniam igitur, ut breuiter concludam, Christus Dominus, & Apostoli Sancti tam stricte fidelibus præceperunt, ut in rebus licitis tum propter iram, tum propter conscientiam Principibus etiam infidelibus obtemperarent, & cæteri deinde Sancti Patres per totos ferme mille annos eandem obedientiam Principibus etiam infidelibus à Christianis exhibendam sæpius inculcarunt, neque ipsorum aliqui aut verbo, aut facto contra Principum maiestatem ipsam Ecclesiam persequentium quippiam attentarunt, aut populum ad rebellionem concitarunt, tametsi satis exploratum habuerint, non defuisse tunc Christianis aut vires, aut animum tales Principes, si id per Dei legem licuisset, vel Principatu, vel vita priuandi; quiq; optimè prænouerant, exempla sua, atque doctrinam, vnà cum vitæ sanctimonia coniunctam firmissima vestigia in mentibus Christianorum, qui deinceps vsque ad finem mundi nascerentur, fore

fore impressura, signum profectò euidens est, opinionem hanc de deponendis, aut si deponi nequeant, occidendis Principibus, qui alios ad hæresim, aut infidelitatem pertrahunt, non esse *de fide certam, definitam, indubitatam, & doctrinæ Apostolicæ, planè conformem*, quicquid Philopater<sup>a</sup> temerè, <sup>a Supra nu. 118.</sup> inicitè & seditiose affirmauerit, sed esse nouam, & à Sacræ Scripturæ sensu, à Sanctorum Apostolorum, ac veterum Patrum doctrina, & ab ipsa Ecclesiæ primitiuæ praxi longissimè discrepantem.

268 Vide Ignatium in epist. ad Smyrnenses, & in epistola ad Antiochenos, Iustinum Martyrem in oratione ad Antoninum Pium, Tertullianum ad Scapulam, cap. 2. & de Idololatria cap. 15. Augustini. in Psal. 124. in illud, *Quoniam non derelinquet*, &c. Optatum Milleuit. lib. 3. contra Parmenian. & Hieronymum ad Tit. 3. super illud, *Admone illos Principatibus, & Potestatibus subditos esse*: qui omnes, vt complures alios omittam, absque vlla exceptione docent, Principibus etiam infidelibus esse à Christianis in rebus licitis obedientiam præstandam, & huius præcepti grauissimi de deponendis Principibus infidelibus, quando vi-  
res

res Christianis suppetunt, nullam omnino mentionem faciunt, quod tamen pro singulari illorum eruditione, neque ignorare potuissent, nec pro inuicta animi sui constantia, debitoque officio Pastoralis illud tam alto silentio præterire procul dubio voluissent. Ex quo profectò manifestè colligi videtur nullum tale præceptum penitus reperiri, vt superius <sup>b</sup> etiam in initio deduximus.

b Nu. 60. &  
seq.

269 Sed audiamus iam quàm solidè Card. Bellarminus hanc suam assertionem probet, nempe non ideo Christianos non deposuisse Neronem, Diocletianum, & similes, quia deerant illis vires temporales.

cc Nam quòd alioquin, inquit, iure potuissent id facere, patet ex Apostolo, 1. Cor. 6. ubi  
cc iubet constitui novos Iudices temporalium causarum, ne cogerentur Christiani causam dicere coram Iudice Christi persecutore. Sicut enim  
cc novi Iudices constitui potuerunt, ita & novi  
cc Principes, & Reges propter eandem causam, si vires adfuissent.

cc 270 Debile sanè fundamentum, & graui Theologo indignum ad conclusionem tanti ponderis, quæque effrenato populo facilem ad rebellionem viam munit, stabilendam

endam. Non enim S. Paulus eo loco iubet constitui novos Iudices ordinarios temporaliū causarum, quales sunt, qui à suprema potestate Laica legitimam potestatem coerciuam accipiunt lites in foro Seculari terminandi; sed tantum Arbitros, qui scilicet nullam talem habentes potestatem, ex consensu tantum partium litigantium Iudices eliguntur, & ab ipsis potestatem suam accipiunt, quorum iudicium post electionem ex compromisso subire obligantur. Et huiusmodi Iudices Arbitri, seu compromissarij, absque vlla iniuria Principi facta, à populo subiecto constitui possunt. Neque idcirco populus se subtrahit à Principis Iurisdictione, sed solum vel causa vitandi scandali, vel pacis conseruandæ, aut simili Iudices Arbitros eligit, qui suas lites absque tanto strepitu Iudicij forensis quietius componant, ita tamen vt si ad tribunal Principis eos vocari contigerit, statim comparere, eiusque sententiæ stare teneantur.

271 Atque hæc Responsio desumpta est ex Glossa, cuius quoque sententiam totidem planè verbis sequitur S. Thomas in commentarijs huius loci. *Sed illud Apostoli,*  
ait

ait Glossa, dictum esse videtur contra illud, quod dicitur 1. Petr. 2 Subiecti estote omni creatura humana, siue Regi tanquam præcellentis, siue Ducibus tanquam ab eo missis. Ad quod dicendum, quod Apostolus non prohibet hic fideles sub Principibus infidelibus constitutos comparere coram eis, quando vocantur, hoc enim esset contra subiectionem, qua Principibus debetur, sed prohibet, ne voluntariè recurrant ad Indices infideles in illis negotijs, qua determinari possunt per fideles. Hæc Glossa.

272 Quin etiam ipsemet Card. Bellarminus non satis conformiter, meo iudicio, ad ea quæ hoc loco scribit, videtur inferrius <sup>d</sup> hanc eandem expositionem amplecti, qui ita inquit; *Secularia iudicia si habueritis, contemptibiles qui sunt in Ecclesia, hos constituite ad iudicandum. Sic non est sapiens quispiam in vobis, qui iudicare possit fratrem suum? Vbi Apostolus monet Corinthios, ut in ijs causis in quibus non tenebantur necessariò adire tribunalia Gentium, constituerent inter se Iudicem.* Quæ Bellarmini expositio cum ea planè concordat, quam ex Glossa, & S. Thoma modò adhibuimus.

273 Admonet igitur S. Paulus fideles eo loco, ne sint contentiones, aut iudicia

d Lib. 3. de  
Laicis, c. 12.



cia inter ipsos, sed vt magis iniuriam accipiant, fraudemque patiantur; Quòd si contingat propter eorum infirmitatem inter ipsos aliquam oriri controuersiam, apud se ipsos eligant Iudices, qui lites suas componant, neque voluntariè Iudicum infidelium forum adeant, qui, dum vident Christianos inter se discordes, facilem arripient occasionem eos, quos propter fidem odio habent, contemnendi, calumniandi, & opprimendi, atque etiam ipsi à fide Christiana magis auerterentur.

274 Itaque non est bona hæc consequentia: Possunt fideles, ac debent ex sententia Apostoli novos Iudices arbitros constituere in ijs causis, in quibus tribunalia Gentilium adire non tenentur, ergo par ratione novos Principes, & Reges constituere possunt. Nam primum nihil derogat Principum potestati, at secundum est contra subiectionem Principibus debitā: Non debent autem Christiani aliquid moliri, quod debitæ Principibus etiam infidelibus subiectioni aduersatur, vt iam ex Glossa, & S. Thoma vidimus.

275 Quinimò hæc ipsa Cardin. Bellarmini expositio seipsam destruere videtur.

tur. Quomodò enim tunc temporis vires erant Christianis constituendi nouos Iudices temporalium causarum, tametsi Principes infideles repugnarent, & non nouos Reges, ac Principes, si Iudices ordinarios, & non tantùm Arbitros constituere illis præceptum esset? Nam absque dubio Principes infideles nunquam permetterent, vt Christiani, qui illis ciuilitè subiecti erant, sese ab eorum potestate in causis temporalibus subtraherent, & nouos Iudices ordinarios illis inuitis cōstituerēt. Et propterea eadem planè vires, quæ Christianis suppetebant ad nouos Iudices temporalium causarum sibi constituendos, quantumuis Principes infideles contradicerent, etiam sufficerent, vt nouos Principes illis quoque repugnantibus sibi eligerent. Atque hinc patet, quàm infirma sit hæc prima probatio propositionis antecedentis, *Non licet Christianis tolerare Regem hæreticum, &c.*

276. *Ad secundam probationem illius propositionis antecedentis respondetur,* Si quis huiusmodi argumentationē rationi à Cardinale Bellarmino confectæ persimilem adduceret, non fore procul dubio ab ipso vt legitimam approbandam.

*Tole-*

*Tolerare Pontificem valdè scandalosum, & conantem pertrahere alios ad sua scelera, est exponere religionem evidentissimo periculo; Qualis enim est Rector ciuitatis, tales & habitantes in ea, Ecclesiastici IO. unde est illud, Regis ad exemplar totus componitur orbis: At non tenentur Christiani, immo nec debent cū euidenti periculo Religionis tolerare Pontificē scandalosum, qui alios ad sua scelera pertrahere conatur. Nam quando ius diuinum, & humanum pugnant, debet seruari ins diuinum, omisso humano; de iure autem diuino est seruare legem Christi ac naturæ, & scelera non committere, de iure autem humano est, quòd hunc, aut illum habeamus Pontificem.*

277 *Respondetur secundò, Tolerare seu permittere aliquid, non esse actionem aliquam positiuam, sed puram omissionem, actusque negationem, ex qua si deinde effectus aliquis sequatur, ad hoc, vt euentus securus sit omittenti etiam indirectè voluntarius, aut saltem illi ad culpam imputetur, oportet, quòd omittens non solùm habeat potestatem impediendi euentum, verùm etiam ad illum impediendum sit alioquin obligatus. Vt exempli causa, si quis videat nauim submergi, & cum possit impe-*

dire non impedit, dummodò submersioni nullam causam positivam adhibeat, & nullum virgeat præceptum, quo eam impedire tenetur, non est illi submersio etiã indirectè voluntaria, neque ipse est moralis causa huiusmodi euentus, vel saltem (quod apud omnes Theologos est indubitatum) ipsa submersio non magis illi vitio verti debet, quàm si illam impedire nullatenus potuisset.

e In r. 2. q. 6.  
ar. 2. vbi Medina, Vasquez & alij.

278 Vnde vulgatum illud B. Ambrosij<sup>f</sup> dictum in lib. de officijs, *Quisquis pascendo servare hominem poterat, si non pavisti, occidisti*: ita Doctores interpretantur, Si non pavisti, quando pascere debuisti, occidisti. Nam peccatum omissionis in privatione, seu negatione actus debiti consistere omnes Theologi & unanimiter profitentur.

g In r. 2. q. 71.  
ar. 5. vbi Medina, Vasquez & alij.

Dicimus ergo, illum, qui Regem hæreticum pertrahentem ad hæresim tolerat, seu permittit, ex quo Religio Christiana in discrimen vocatur, non exponere Religionem periculo, nisi illud impedire per media licita & possit, & debeat: nam alioqui, si vel impedire non possit, vel per talia media impedire non teneatur, ipse non impediendo nequaquam exponit Religionem periculo.

Atque

Atque ita explicata manet maior propositio.

279 *Quod attinet ad minorem*, Concedimus etiam teneri Christianos impedire Reges hæreticos, ne pertrahant alios ad hæresim, & ne periculum immineat Religioni Christianæ, quantum possunt, arguendo, increpando, obsecrando cum omni patientia & doctrina, alijsque medijs licitis, atque à Deo ordinatis. Sed ut ratio Cardinalis Bellarmini valida sit, ostendere oportet seditiones, ac tumultus in Republica excitare, Reges hæreticos deponere aut occidere, si deponi non possint, esse media licita, & à Deo ordinata ad Religionem Christianam aut dilatandam, aut conservandam.

280 At probat ille minorem, nempe non debere Christianos cum euidenti periculo Religionis tolerare Regem hæreticum, &c. argumento quoad apparentiam satis pulchro, sed propius inspicienti non rectè formato. *Nam quando, inquit, ins diuinum & humanum pugnant, debes seruarius diuinum omisso humano.* Quis hoc negare audet? *De iure autem diuino est seruare veram fidem & religionem, quæ una tantum est,*

*non multa, de iure autem humano est, quòd hunc aut illum habeamus Regē.* Et hæc quoque propositio verissima est, si rectè intelligatur, quia tamen est æquiuoca, priùs distinguì debet. Nam præceptum diuinum de seruanda vera fide & religione, vel intelligi potest primò, vt quilibet teneatur in seipso seruare veram fidem & religionem; in quo sensu videtur Cardinalis Bellarminus accepisse *seruare veram fidē* infrà <sup>h</sup> in quarta sua ratione principali. Et in hoc sensu propositio est verissima; sed quid deinde ex illa deduci possit, quod proposito ipsius deseruiat, penitus ignoro, neque enim ipse quidquam deducit.

h Nu. 302.

281 Vel secundò, præceptum illud de seruanda vera fide & religione intelligi potest obligare quemcunque, vt non solum in seipso, sed etiam in alijs conseruet veram fidem & religionem ex vi præcepti diuini de Deo diligendo & proximo. Et in hoc quoque sensu propositio est verissima. Sed quoniam modus ille, quo tenemur ad Deū diligendum & proximum, & eorum bonis consulendum, non adeo notus est, atque ideo in ipso Decalogo (in quo modus iste vtcunque, id est, per communia quædam princi-

principia exprimitur) omnia fermè præcepta negatiuè potius, quid scilicet non sit faciendum, quàm affirmatiuè, quid sit faciendum, explicantur; & præcepta etiam affirmatiua, licèt obligent semper, non tamen ad semper (vt loquuntur Theologi) sed positis certis quibusdam conditionibus, quæ non sunt omnibus ita manifestæ;

282 Propterea quænam sint conditiones illæ, quæ requiruntur ad hoc, vt præceptum istud affirmatiuum de seruanda vera fide & religione, non solùm in seipso, sed etiam in alijs, singulos Christianos obliget, satis obscurum est, neque illas fusiùs explicare ad præsens institutum pertinet. Hoc tamen certissimum est, neminem obligari ad positiuè consulendum vel diuino honori, vel proximorum salutem, nisi per vias licitas, atque à Deo ordinatas. Vtrùm autem rebelliones in Republica excitare, Reges uè Principatu, aut vita priuare, quantumuis fidem Christi persequentes, sit medium licitum, & à Deo ordinatum ad veram fidem & religionem conseruandam, est quidem iam apud Cardinalem Bellarminum cōtrouersum, sed adhuc ab ipso ius sufficienter probatum: Quare si propositionem illam mi-



norem velit esse ita intelligendam, vt de iure diuino sit seruare veram fidem & religionem per eiusmodi media, nempe per depositionem, aut occisionem Principum, iam supponit illud, quod ab ipso esset probandum. Atque idcirco ex hac probatione non rectè concluditur, quod ipse intendebat.

283 Sed hoc vltteriùs aduertendum est, tunc ius diuinum & humanum repugnare, quando ius diuinum vnum præcipit, & idè prohibet ius humanum, vel è conuerso; aut quando ius diuinum aliquid præcipit eodem tempore, quo ius humanum aliquid incompatible iubet faciendū: Tunc enim quia maioris obligationis est Dei præceptum, quàm hominis, qui diuinæ auctoritati subiectus est, *Obedire oportet Deo magis quàm hominibus.* Quapropter cùm seruare veram fidem & religionem sit diuinū præceptum, si Princeps illud prohiberet, vel aliquid incompatible præciperet, seruandum esset diuinum præceptum humano prætermisso.

284 Similiter de iure diuino est, quòd Principibus etiam infidelibus in rebus politicis fides, ac obedientia sit à Christianis exhibenda.

exhibenda. Nam tamen si de iure humano sit, quòd hic, vel ille sit Princeps, postquam tamen iam Princeps factus fuerit, de iure diuino est, quòd ei in rebus ciuilibus obtemperem. Ideoque si aliquid moliar contra Regiam maiestatem (quod attinet ad res politicas) diuinæ ordinationi resisto, qui mihi præcepit, ut ipsi iam Principi facto, & propter iram, & propter conscientiam in rebus licitis obediam. Vnde non minùs deuotè, quàm eleganter S. Bernardus<sup>i</sup> super i Epist. 170: perius<sup>k</sup> etiam relatus asserit: *Si totus terrarum orbis aduersum me conuinceret, ut aliquid moliar aduersus Regiam Maiestatem, ego tamen Deum timerem, & ordinatum ab eo Regem offendere temerè non auderem. Nec enim ignoro ubi legerim, Qui potestati resistit, Dei ordinationi resistit.* k Nu. 20.

285 Sanctus etiam Ambrosius, <sup>i</sup> Iu. 111. q. 3. cap. Iulianus, inquit, Imperator, quamuis esset Apostata, habuit sub se Christianos milites, quibus cum dicebas, producite aciem pro defensione Reipublicæ, obediebant; cum autem diceret eis, producite arma in Christianos, tunc cognoscebant imperium cæli non terra. Et præclare S. Augustinus, <sup>m</sup> Aliquando, inquit, <sup>m</sup> In Psal. 124. iniusti perueniunt ad honores seculi. Cum peruenierint

nenerint, & facti fuerint vel Indices, vel Reges, quia hoc facit Deus propter disciplinam populi sui, non potest fieri, nisi ut exhibeatur illi honor debitus potestati. Ordinavit enim sic Deus Ecclesiam suam, ut omnia potestas ordinata in seculo habeat honorem, & aliquādo à melioribus.

286 Et post pauca: Aliquando, inquit, potestates bonæ sunt, & timent Deū, aliquando non timent Deum. Iulianus extitit infidelis Imperator. Nonne extitit Apostata iniquus, idololatra? Milites Christiani serviebant Imperatori infideli. Vbi veniebatur ad causam Christi, non agnoscebant nisi illum, qui in cælo erat. Quando volebat, ut idola colerent, ut iherificarent, præponebant illi Deum. Quando autem dicebat, Producite aciem, ite contra illam gentem, statim obtemperabant. Distinguebant Dominum æternum à Domino temporali, tamen subditi erant propter Dominum æternum Domino temporali. Similia habent Ignatius, Iustinus Martyr, Tertullianus, & Hieronymus, quorum sententias infra<sup>n</sup> referemus. Quare rectè Gregorius Tholosanus o Propter peccata, ait, subditorum Deus plerumque dat Reges in furore suo, & permittit regnare hypocritam. Ita Christiani  
sub

n Nu. 344.  
o Lib. 26. de  
Repub. cap. 5.  
nu. 24.

*sub paganis Principibus, Arianis hereticis, sub Apostata Iuliano abstinuerunt ab eorum iudicio, & depositione, memores, quod omnis anima debeat esse subdita potestatibus sublimioribus propter Deum, & qui potestati resistit, Dei ordinationi resistit. Miserrimi certè omnium essent Principes, si expositi essent censura, & iudicio subditorum.*

287 Hoc igitur vnum certissimum est, teneri Christianos iure diuino Principibus etiam infidelibus in rebus politicis obedientiam exhibere. Quòd verò sit diuinum præceptum teneri Christianos ad sese subtrahendum ab obedientia sui Principis infidelis, quando populum ad infidelitatem pertrahit, ipsumque deponendum, ne dicam, vita priuandum, si aliàs deponi non possit, non probauit adhuc Card. Bellarminus, neque in sequentibus probat illud vel Scripturæ sacræ, vel Ecclesiæ primitiue praxi, vel antiquorum Patrum doctrinæ, vel ipsi rationi naturali esse vllatenus confectaneum. Et propterea Sigebertus Gemblacensis, & Vincentius Belluacensis, vt suprâ p. vi. p. Nu. 2. 6. dimus, doctrinam hanc de Principibus etiâ auctoritate Papali deponendis, quando primum pullulare coepit, tempore nimirum entici

p Supra nu.  
62.

Henrici quarti, qui (vt testantur Otho Frisingensis, Godefridus Viterbiensis, Iohannes Trithemius, & alij p) primus omnium Imperatorum fuit depositus, si non *hereseus*, turpi saltem nouitatis macula aspergere non formidabant.

288 *Ad tertiam probationem*, qua Card. Bellarminus ex similitudine, qua Rex, & Respublica viro, & vxori comparantur, probare contendit *posse liberari populum fidelem à iugo Regis infidelis pertrahentis ad infidelitatem, sicut coniunx fidelis liber est ab obligatione manendi cū coniuge infideli, quādo ille non vult manere cum coniuge Christiana sine iniuria fidei, quoniam non est minor potestas coniugis in coniugem, quā Regis in subditos sed aliquanto etiam maior;*

*Respondetur*, In hac etiam probatione, sicut & in præcedentibus, plura confundi, quæ distinguere oportet. Atque in primis, aliud est populum Christianum obligatum esse, vt maneat cum Principe infideli, aut hæretico, qui alios ad suam hæresim, aut infidelitatem pertrahere conatur; & aliud habere auctoritatem talem suum Principem, aut infidelem deponendi, ac alterum eligendi: Sicut aliud est, coniugem fidelem liberam

ram esse ab obligatione manendi, seu cohabitandi cum coniuge hæretico, aut infideli; & aliud solutam esse vinculo matrimonij, ita vt alteri coniugi nubere possit.

289 Nam esto, quòd populus fidelis non teneatur manere cum Principe hæretico, aut infideli, qui subditos ad suam hæresim, aut infidelitatem pertrahere conatur, non subinde sequitur, posse talem Principem à populo deponi: hoc enim arguit auctoritatem quandam, eamque supremam, quæ populo subiecto, qui se tota sua auctoritate abdicauit, eamque in Principem transtulit, competere non potest; illud autem ius quoddam duntaxat ad inculpatam suæ salutis tutelam, quæ alijs vijs, quàm depositione sui Principis, nempe armis spiritualibus, quæ propria sunt Christianorum, aut saltem fuga defendi potest. De qua re, an scilicet, & in quibus casibus liceat subditis fugam capiendo sese ab obedientia sui Principis etiam hæretici, aut infidelis, absque eius licentia subtrahere, non est præsentis instituti disputare. Nam quicquid sit, non inde sequitur (quod ad præsentem quæstionem spectat) penes populum esse auctoritatem Principem suum infidelem,  
aut

aut hæreticum principatu priuandi.

290 Similiter esto, quòd coniux fidelis non teneatur manere cum coniuge infideli, aut hæretico cum iniuria creatoris, vel fidei (id est, si conatur ipsam pertrahere ad infidelitatem, aut quoduis aliud peccatum mortale, vt Theologi exponunt) non tamẽ indè sequitur, ipsum matrimonij vinculum disrumpi, sed solùm ius illud ad thorum, & mutuam cohabitationem deperdi. Nam tamen si quando vna infidelium coniugum conuertitur, altero manente in infidelitate, si infidelis conatur inducere cõiugem fidelem ad infidelitatem, aut aliud peccatum mortale, possit fidelis non solùm coniugem infidelem relinquere, id est, non cohabitare cum illo, verùm etiam alterum sibi eligere coniugem, & atque ita ipsum matrimonij vinculum dissoluere; Secus tamen dicendum est, quando ambo coniuges fuerint baptizati, & vnus non vult habitare cum altera absque iniuria fidei; tunc enim potest quidem vna coniunx alterum relinquere, sed matrimonium, quod quidem post consummationem est indissolubile, dissoluere, & alterum ducere coniugem priori superstite nequaquam potest

q Cap. Quan-  
to de diuor-  
tiji



potest.<sup>r</sup>

291 *Ad argumentum igitur* Card. Bel-  
larmini respondetur, Si verba illa ita intel-  
ligantur, vt sonant, nempe coniugem fide-  
lem esse liberam ab obligatione manendi,  
id est, cohabitandi cū coniuge infideli, non  
hinc concludi, quod ipse contendit, tamen  
si concederemus similitudinem hanc esse  
alioqui conuenientem. Non enim sequi-  
tur: Coniunx fidelis liber est ab obligatio-  
ne cohabitandi cum coniuge infideli si eam  
à fide auertere conetur, ergo populus fi-  
delis potest deponere suum Principem in-  
fidelem, si ipsum ad infidelitatem pertrahe-  
re nitatur: Sed si à pari argumentari veli-  
mus, ad summum hoc consequitur, ergo  
populus fidelis non tenetur manere cum  
Principe infideli in suo Regno, sed propri-  
am patriam relinquere potest.

<sup>r</sup> Cap. Quan-  
to de diuor-  
tijs, & cap. ex  
parte 2. de  
conuersione  
coniugatorū.

292 Si autem verba ita intelligantur,  
vt coniunx fidelis in casu prædicto ab ipso  
matrimonij vinculo libera sit, ita vt Card.  
Bellarminus similitudinem illam in hoc  
consistere velit, quòd sicut coniunx fidelis  
adeò libera est ab obligatione manendi  
cum coniuge infideli, vt alium etiam con-  
iugem sibi eligere possit, ita populus fide-  
lis

lis adeò liber sit ab obligatione manendi cum suo Principe infideli, vt alium Principem sibi eligere, & constituere queat: Si hoc, inquam, velit, quod quidem maiorem præ se fert probabilitatis speciem ad probandum, penes populum esse potestatem Principem suum fidelem deponendi.

293 *Respondetur*, Neque hinc intentum eius rectè concludi posse: Primò, quia hæc similitudo nihil illi fauet, si sermo sit de Principibus baptizatis, quorum potissimum causâ lix hæc de Principibus auctoritate Papali deponēdis primùm excitata est, & de quibus etiam Card. Bellarminus loquitur in propositione antecedenti, quam his tribus probationibus confirmare contendit. Constat enim coniuges baptizatos, vt supra<sup>f</sup> diximus, non ita esse liberos à vinculo matrimonij, vt alios coniuges sibi eligere possint, quamdiu vterque viuit, etiamsi vnus à fide desciscat, & alteram ad infidelitatem pertrahere conetur. Et propterea hæc similitudo potius obest, quàm prodest sententiæ Bellarmini, vt si quis ita argumentaretur.

*Eodem modo se habet Princeps ad populum sibi subiectum, sicut coniunx ad suum coniugem,*

*gem, vt Cardinalis Bellarminus hoc loco  
supponit, sed non potest coniunx baptizata  
eligere sibi alium maritum, quamdiu ipse ma-  
ritus, qui baptizatus est, vivit, tametsi ipse à  
fide deficiat, & illam ad suam haresim, vel in-  
fidelitatem pertrahere conetur: ergo neque po-  
test populus fidelis eligere, & constituere sibi  
alium Principem, quamdiu Princeps vivit,  
tametsi Princeps, qui baptizatus est, à fide  
deficiat, & populum à fide auocare co-  
netur.*

294 Secundò, quia hæc similitudo  
non videtur esse omnino conueniens. Ra-  
tio enim quare coniunx fidelis libera est ab  
obligatione manendi cum coniuge infide-  
li, quando ipse non vult manere cum illa  
absque iniuria fidei, non est, quia coniunx  
super coniugem vllam habeat auctoritatē,  
nam quoad hanc separationem vxor, &  
maritus sunt omnino pares; at si populus  
suum Principem deponere posset, argue-  
ret populum subiectum maiorem esse suo  
Principe, cum nemo nisi à maiori iudica-  
ri, & castigari queat; & supremam pote-  
statem coercitiuam in populo subiecto resi-  
dere.

*Ad illud denique, quod in fine addidit*

Q

Car-

Cardinalis Bellarminus, nimirum *maio- rem esse potestatem coniugis in coniugem, quàm Regis in subditos*, ex quo probat posse populum fidelem liberari à iugo Principis infidelis, quia coniunx fidelis libera est ab obligatione manendi cum coniuge infideli, &c.

*Respondetur*, dictum illud, si in rigore accipiat, videri planè paradoxum, neque adeò generaliter absque maiori declaratione pronunciandum, ne morosi, & difficiles mariti maiorem potestatem super suas coniuges, quàm Regiam sibi competere præsumentes, facilem hinc ansam arripiant auctoritatis sibi debitæ limites transcendendi.

295 Potest igitur propositio illa multiplicem habere sensum, & in quocunque accipiat, instituto Bellarmini parùm deseruit. Nam inprimis potestas hæc coniugum potest dici maior, vel quia ad plura & maiora se extendit, vel quia magis alligata est subiecto, & minùs ab eo separabilis. Deinde per hanc potestatem *vel primò* intelligitur propria potestas, quæ imperium, & superioritatem annexam habet; in quo sensu Dominus Gen. 3. subiecit mulierem potestati

stati viri sui, *Sub viri*, inquit, *potestate eris,*  
 & *ipse dominabitur tui*; ratione cuius pote-  
 statis, *vir dicitur caput mulieris* ad Ephes. 5.  
 Et hæc potestas coniugis in coniugem non  
 est maior, sed potius multo minor, quam  
 potestas Principis in populum sibi subiectū  
 tum quoad extensionem, tum quoad sepa-  
 rationem à suo subiecto.

296 Et quod attinet ad extensionem,  
 si sermo sit de bonis, quæ ad corpus perti-  
 nent, potest Princeps plura & maiora præ-  
 cipere suis subditis, quam vir vxori: & Prin-  
 cepts habet potestatem ordinariam subdi-  
 tos suos delinquentes pœna carceris, mem-  
 brorum mutilationis, atque extremo etiam  
 mortis supplicio afficiendi, quæ tamen po-  
 testas marito non competit. Si verò de bo-  
 nis fortunæ loquamur: dicimus bona illa,  
 quæ propria sunt vxoris, vt Paraphernalia,  
 id est, quæcunque habet mulier præter do-  
 rem, vt successiones hæreditariæ, & legata  
 ei, vel donata, posse vxorem iuxta ius ciui-  
 le \* vendere, alienare, aut donare absque li-  
 centia mariti, neque ea magis esse sub po-  
 testate viri, quam sint bona subditorum sub  
 potestate Principis, qui quamuis illorum  
 non habeat dominium proprietatis, habet

\* Cod. de  
 pact. con. lege  
 hac lege.

tamen illorum plenum dominium iurisdictionis, & de illis disponere potest, si id exigat Reipublicæ necessitas.

1 Nu. 206.

297 Si verò sermo sit de difficultate maiori separationis à subiecto, potestas Principis in populum subiectum propriè dicta, ratione cuius ipse subditis actu imperare potest, & illi tenentur obedire, non est minor quàm potestas viri in uxorem: illa etenim, vt Cardinalis Bellarminus superiùs : asseruit, à Principe infideli, ipso inuito, separari non potest, nisi in casu, quo subditos ad infidelitatē pertrahit; at hæc potestas, ratione cuius vir uxori actu imperare potest, & illa obedire tenetur, in pluribus alijs casibus à viro separari potest, nempe in ijs ferè omnibus, in quibus coniuges quoad thorum, & habitationem separari possunt.

298 *Vel secundo*, per potestatem intelligitur illa, ratione cuius S. Paulus 1. Cor. 7. dicit, *mulierem non habere corporis sui potestatem, sed virū; similiter & virum non habere corporis sui potestatem, sed mulierē*; quæ potestas nihil aliud est, quàm ius illud, quod vterque coniugū habet ad petendū, & reddendū debitū coniugale, quæque non est maior in viro, quàm in muliere. Et si de hac  
pote-

potestate loquatur Car. Bellar. parum adiuuat eius sententiam, tum quia hæc potestas coniugis in conjugem, quoad difficultatem separationis, non est maior, quàm sit potestas Regis in subditos: Nam potestas hæc coniugis in conjugem facilius, & in pluribus casibus separari potest, quàm possit potestas Regis in populum subiectum, vt iam supra dictum est. Quoad extensionem verò hæc potestates commodè comparari non possunt: tum etiam quia ratione huius potestatis nec vir est Dominus mulieris, nec mulier viri, sed ambo quoad hanc potestatem sunt æquales; at præsens controuersia tantum est de potestate imperandi, ratione cuius Princeps verum, proprium, & supremum dominatū in subditos habet.

299 *Vel tertio denique*, per potestatem intelligitur ipsum matrimonij vinculum, quod consistit in mutua quadam obligatione, qua vir efficitur maritus vnus sceminae, vt non possit esse alterius illa viuente, & mulier ita efficitur vxor vnus viri, vt illo viuente non possit esse alterius. Et si de hoc vinculo loquatur Cardinalis Bellarminus, Dicimus primò, vinculum hoc non adeo propriè dici potestatem, (illam potestatem



tamen illorum plenum dominium iurisdictionis, & de illis disponere potest, si id exigat Reipublicæ necessitas.

8 Nu. 206.

297 Si verò sermo sit de difficultate maiori separationis à subiecto, potestas Principis in populum subiectum propriè dicta, ratione cuius ipse subditis actu imperare potest, & illi tenentur obedire, non est minor quàm potestas viri in vxorem: illa etenim, vt Cardinalis Bellarminus superius <sup>†</sup> asseruit, à Principe infideli, ipso inuito, separari non potest, nisi in casu, quo subditos ad infidelitatē pertrahit; at hæc potestas, ratione cuius vir vxori actu imperare potest, & illa obedire tenetur, in pluribus alijs casibus à viro separari potest, nempe in ijs ferè omnibus, in quibus coniuges quoad thorum, & habitationem separari possunt.

298 *Vel secundo*, per potestatem intelligitur illa, ratione cuius S. Paulus 1. Cor. 7. dicit, *mulierem non habere corporis sui potestatem, sed virū; similiter & virum non habere corporis sui potestatem, sed mulierē*; quæ potestas nihil aliud est, quàm ius illud, quod vterque coniugū habet ad petendū, & reddendū debitū coniugale, quæque non est maior in viro, quàm in muliere. Et si de hac  
pote-

potestate loquatur Car. Bellar. parum adiuuat eius sententiam, tum quia hæc potestas coniugis in coniugem, quoad difficultatem separationis, non est maior, quàm sit potestas Regis in subditos: Nam potestas hæc coniugis in coniugem facilius, & in pluribus casibus separari potest, quàm possit potestas Regis in populum subiectum, ut iam supra dictum est. Quoad extensionem vero hæc potestates commodè comparari non possunt: tum etiam quia ratione huius potestatis nec vir est Dominus mulieris, nec mulier viri, sed ambo quoad hanc potestatem sunt æquales; at præsens controversia tantum est de potestate imperandi, ratione cuius Princeps verum, proprium, & supremum dominatū in subditos habet.

299 *Vel tertio denique*, per potestatem intelligitur ipsum matrimonij vinculum, quod consistit in mutua quadam obligatione, qua vir efficitur maritus vnus foeminae, ut non possit esse alterius illa viuentis, & mulier ita efficitur vxor vnus viri, ut illo viuentis non possit esse alterius. Et si de hoc vinculo loquatur Cardinalis Bellarminus, Dicimus primò, vinculum hoc non adeo propriè dici potestatem, (illam potestatem

intelligendo, quæ actu imperare potest) nam licet potestas supponat vinculum, & ex eo ut plurimum consequatur, tamen ratione ipsius vinculi præcise, nec mulier est sub potestate viri, nec vnus corporis alterius potestatem habet, ut patet in ijs præsertim coniugibus, qui ex mutuo consensu in Religione approbata professionem emittunt, qui iuxta legem Canonicam<sup>u</sup> ita separantur, ut nunquam etiam ex vtriusque consensu simul cohabitare possint. Atque ita vxor soluta esse potest à potestate viri, & ab obedientia, quam illi debet, vinculo coniugij non soluto; at præsens difficultas non est de alio vinculo, quàm de vinculo potestatis & obedientiæ, quod multo maius est inter Principem & subditos, quàm inter maritum & vxorem.

300 Dicimus secundò, non esse maius vinculum coniugis infidelis & fidelis, quàm sit Regis infidelis & populi fidelis, sed saltem esse æquale etiam ex Principijs ipsius Cardinalis Bellarmini. Nam sicut coniunx fidelis libera est ab obligatione manendi cum coniuge infideli solum in casu, quo eam ad infidelitatem pertrahit, ita populus fidelis liber est à iugo Regis infidelis

<sup>u</sup> Cap. dudum  
de conuersio-  
ne coniuga-  
torum. Sylue-  
ster verbo Di-  
uorum, &  
omnes alij.

lis solum in casu, quo eum à fide amovere conatur, vt ipse Bellarminus superius <sup>z</sup> docuerat; In hoc autem argumento solum loquitur de vinculo coniugum infidelium, non fidelium. Immò inter fideles vinculum coniugale potest quodammodò dici minus, quàm vinculum Regale: nam coniuges fideles post matrimonium contractū, sed non consummatum possunt etiam iuxta ius Canonicum <sup>y</sup> quoad vinculum separari, si vxor marito etiam inuito, vel è conuerso Religionem approbatam intra duos menses à die matrimonij initi ingrediatur, atque in ea professionem emittat; at subditi per Religionis ingressum à Principis secularis potestate non liberantur, sed cum pro supremo suo Principe in rebus ciuilibus deinceps quoque recognoscunt.

<sup>y</sup> Cap. verū,  
& cap. ex  
publico de  
conuers. con-  
iugar.

301 Tertio denique, si ratione vinculi rectè fieret comparatio mariti & vxoris, ad Regem & populum sibi subiectum (si de Principibus baptizatis loquamur, de quibus potissimum præsens controuersia instituitur) hæc similitudo à Cardinale Bellarmino allata plurimum nocet suæ sententiæ, vt superius <sup>z</sup> diximus: Nam sicut coniuges <sup>z</sup> Nu. 293.

coniugali, etiam si alter alteram à fide auocare conetur, ita nec populus Christianus liberari potest à vinculo potestatis Principis Christiani, tametsi populum ad hæresim, vel infidelitatem pertrahere studeat.

Atque hinc patet rationes omnes Cardinalis Bellarmini, quibus probare contendit penes populum fidelem esse auctoritatem deponendi Principem hæreticum aut infidelem, qui alios ad suam hæresim aut infidelitatem pertrahere conatur, esse valdè insufficientes, & propterea totam hanc tertiam eius rationem, quoad singulas illius partes, esse debilissimam.

302 Quarta ratio Cardinalis Bellarm.

“ Quando Reges & Principes ad Ecclesiam  
 “ veniunt, ut Christiani fiant, recipiantur cum  
 “ pacto expresso, vel tacito, ut sceptrum suum subj-  
 “ ciant Christo, & polliceantur se fidem Christi  
 “ seruaturos, & defensores etiam sub pena per-  
 “ dendi regni: ergo quando fiunt hæretici, aut  
 “ religioni obsunt, possunt ab Ecclesia iudicari,  
 “ & etiam deponi à Principatu, nec ulla eis in-  
 “ iuria fiet, si deponantur. Nam non est idoneus  
 “ Sacramento Baptismi, qui non est paratus  
 “ Christo servire, & propter ipsum amittere,  
 “ quicquid habet. Aut enim Dominus, Luc. 14.

Si

Si quis venit ad me, & non odit Patrem, &  
 & matrem, & uxorem, & filios, adhuc au-  
 tem & animam suam, non potest meus esse  
 discipulus.

*Præterea Ecclesia nimis grauius erraret, &  
 si admitteret aliquem Regem, qui vellet impu-  
 nè fouere quamlibet sectam, & defendere ha-  
 reticos, ac euertere religionem.*

303 Hæc est quarta ratio Card. Bel-  
 larmini, quam Matthæus Tortus supra<sup>a</sup> re-  
 latus tanti æstimauit, vt eam solam præ cæ-  
 teris elegerit tanquam omnium potissimā,  
 & maximè sufficientem ad auctoritatem  
 Papalem Principes hæreticos Principatu  
 pellendi comprobendam: cum tamen cæ-  
 teris multo infirmior sit, & ex iisdem suis  
 principijs solui possit, quibus satisfactum  
 est rationi præcedenti, vt ex dicendis me-  
 liùs constabit.

*Respondetur igitur, Totam hanc argu-  
 mentationem non habere plus virium, quam  
 præcedentes, cum neque antecedens pro-  
 positio vera sit, neque si vera esset, ex ea re-  
 citè colligeretur, quod ipse deducere con-  
 tendit.*

Et primò, quod attinet ad propositio-  
 nem antecedentem, in ea duo asseruntur:

Primum

Primum est, Reges, & Principes, quando ad Ecclesiam veniunt, ut Christiani fiant, recipi cum pacto expresso vel tacito, ut sceptrum suum subijciant Christo, & polliceantur se fidem Christi seruatu-  
 furos.

Secundum est, huic pacto esse annexam poenam perdendi regni, si fidem datam violauerint.

b Cap. Ad abolendam de hæreticis.

304 *Circa primum*: Quamuis hæretici, quando ad Ecclesiæ unitatem redeunt, debeant iuxta ius Canonicum <sup>b</sup> tum hæresim abiurare, tum scripto polliceri se deinceps fidem Catholicam seruatu-  
 ros; & si sint Comes, Barones, Rectores, & Consules civitatum, & aliorum locorum iuxta commotionem Episcoporum, præstito corporaliter iuramento, debent insuper promittere, quod fideliter, & efficaciter, cum ab eis fuerint requisiti, Ecclesiam contra hæreticos, & earum complices adiuvabunt bona fide iuxta officium, & posse suum: Attamen, quando Reges, & Principes, aut alij quicunque primum Christiani fiunt, & Baptismum suscipiunt, non potest ullo iure, aut ratione probari, eos ad tale pactum expressum, vel tacitum obligari, si de pacto, & promissio-  
 ne



ne propriè loqui velimus. Nam in adultis vera fides, & contritio est sufficiens dispositio ad Baptismi gratiam consequendā, neque ex sententia Theologorum requiritur pactum aliquod, aut promissio, quam pactum includit, vt Baptismus ritè suscipiatur. Multo minùs ab Infantibus tale pactū exigi potest.

305 Et quamvis Sacerdos baptizandum interroget An abrenunciet Sathanæ, & omnibus pompis eius? & ipse, aut Patrini vice eius, respondeant, Abrenuncio: sub hac tamen verborum formula, non pactum aliquod, aut promissio, sed nudum tantum propositum, quod multum à promissione differt, continetur: vt sensus sit, An abrenūcias Sathanæ, & omnibus pompis eius? id est, An propositum firmum, atque intentionem deliberatam habes Sathanæ nuncium remittendi, & nullis eius operibus cōmunicandi? & ipse Respondet, Abrenuncio, id est, talem animi intentionem, & tale propositum iam teneo. Qua locutione clarum est, non promissionem aliquam, sed propositum duntaxat significari.

306 Promissio enim, & propositum ita inter se distinguuntur, quod propositum  
latius

\* Thomas 2.  
2.q.88.ar.1.&  
omnes Theol.  
tractantes de  
voto. Vide  
Sayrum in  
Claue Regia  
lib.6.cap.1.

latius pateat, quàm promissio; siquidem  
omnis promissio propositum quoddà est,  
non tamen vicissim omne propositum est  
promissio,\* quia propositum in sola volun-  
tatis actione perficitur, & nihil aliud est,  
quàm constans quædam intentio volunta-  
tis aliquid faciendi, vel cauendi, quæ inten-  
tio nullam obligationem inducit: sed pro-  
missio præter dictam intentionē superaddit  
iudicium rationis, seu affirmationem, aut  
negationem intellectus, quo se obligat ad  
illud faciendum, quod apud animum pro-  
ponit suum. Atque ita qui promissum non  
seruat, mendax dicitur, quia non adimplet  
facto, quod mentis verbo faciendum de-  
creuit, sed qui propositum mutat, non mē-  
titur, quia nullæ mentis actioni contradicit,  
*mentiri enim est contra mentem ire.*

Quòd si fortasse aliqui Reges, quando  
ad Christi fidem conuersi sacro Baptisma-  
tis fonte tincti fuerint, maioris deuotionis  
ergò talem promissionem fecerint, non de-  
bet vnus, vel alterius exemplum pro regu-  
la generali cæteris assignari.

307 Verùm, si Card. Bellarminus  
propositionem suam conuertisset, atque  
dixisset, Quando Christiani ad Rempub.  
politicam

politicam veniunt, vt Reges, ac Principes fiant, atque Regali diademate coronentur, recipiuntur cum pacto expreffo, vel tacito, vt fidem Christi tueantur, & polliceantur fe Christi fidem feruatu-  
 ros, & defen-  
 furos, cum maiori profectò probabilitatis specie locutus fuiffet. Nam Imperator Romanus, antequam coronatur, præftito iureiurando pollicetur, fe Romanam Ecclefiam defen-  
 furum, & protecturum: <sup>c</sup> Et forfan apud a-

<sup>c</sup> Clementina  
 prima de  
 iureiuran-  
 do.

308 Et licet interdum apud antiquos Patres scriptum reperiatur, inter baptizatum, & Christum, seu Ecclefiam Christi fponfam, iniri pactum cum promiffione; Vnde Vrbanus primus, <sup>d</sup>*Hortamur*, inquit, *ut fponfionem, quam Domino in Baptifmo fe-*  
*cifsis*

<sup>c</sup> In Epifta  
 decretali c.6.

e Lib. 1. de  
Sacram. cap. 2

f Lib. 2. de  
officijs Eccl.  
cap. 24.

g Tom. 1. in  
3. part. q. 71.  
ar. 1.

309  
h Lib. 2. de  
monachis  
cap. 19.

*cistis, firmiter teneatis; & S. Ambrosius<sup>e</sup>,  
Vbi, inquit, promiseris, considera, vel qui-  
bus promiseris, chirographum tenetur non in  
terra, sed in celo. Sanctus etiam Isidorus<sup>f</sup>  
duplicem dicit intercedere pactionem, alte-  
ram renunciationis Diaboli, & pomparum e-  
ius, alteram in Patrem, & Filium, & Spi-  
ritum sanctum: Attamen, vt rectè aduertit  
Franciscus Suarez<sup>g</sup>, hæc pactio, sponsio, &  
promissio non est intelligenda de proprio voto,  
seu promissione Deo facta, sed de obligatione,  
quam ipsamet professio Christiana Religionis,  
qua in Baptismo fit, inducit ratione diuinæ le-  
gis à Christo latae, & potestatis Ecclesiæ suæ  
concessæ. Quin & ipse Card. Bellarminus<sup>h</sup>  
tametsi dicat, in Baptismo omnes Christia-  
nos promittere, se legem Dei seruaturus, atque  
ex eo tempore abrenunciare Diabolo, & pom-  
pis eius, id enim & ritus Baptismi testatur, &  
Patres apertissimè docent; tamen asserit,  
eam promissionem nihil aliud esse, quàm testi-  
ficationem quandam, & acceptionem obli-  
gationis, quam lex Dei secum affert. Et prop-  
terea non est ex mente ipsius propriè vo-  
tum, aut promissio Deo, vel Ecclesiæ facta:  
propria enim promissio ex se vim habet ob-  
ligandi, at promissio illa, quæ in Baptismo  
fit,*

fit, non habet peculiarem vim obligandi; neque enim fideles, dum baptizantur, *ul-*  
*lam aliam intentionem aut explicatam, aut*  
*implicitam se obligandi habere tenentur, nisi*  
*quantum ex ipsis Dei legibus obligantur, ut*  
Card. Bellarminus docet eo loco. Et prop-  
terea in fine capitis <sup>1</sup> ait, *Christianos bap-* i §. quarto.  
*tizatos cogi ab Ecclesia, ut seruent legem Chri-*  
*sti, non tam ex eorum promissione, quàm ex eo,*  
*quod per Baptismum facti sunt membra, & fi-*  
*lij Ecclesie, omne enim membrum subiectum*  
*esse debet capiti, & omnis filius parenti iure na-*  
*turae subiicitur.*

310 Sed esto, concedamus disputati-  
onis gratia, quod Card. Bellarminus verum  
esse frustra contendit, nempe Reges, ac  
Principes, quando ad Ecclesiam veniunt,  
ut Christiani fiant, pacifici, id est, proprium  
pactum inire cum Ecclesia de fide Ca-  
tholica seruanda, & protegenda, quo tamen  
testimonio, quauē ratione verisimili proba-  
ri potest illud aliud pactum de perdendo  
Regno, si promissis non steterint? Nam pa-  
ctum expressum inter Principes baptizan-  
dos & Ecclesiam de perdendo Regno ini-  
tum, apud neminem (solo Card. Bellarmi-  
no excepto) scriptum reperi, neque in vlla  
auctoritate,

auctoritate, aut ratione fundatur. At verò pactum tacitum de Regno perdendo ex duobus duntaxat, quantum conijcere valeo, colligi potest, nimirum vel ex ipsa contritione, quæ ad Baptismū disponit, ex qua ipse Bellarminus in probatione huius rationis, *Nam non est idoneus, &c.* illud colligere videtur; vel ex ipsa promissione de vera fide seruanda, & defendenda Ecclesia Catholica, quam promissionem in Principibus baptizandis interuenire dicit quidem, sed non probat Card. Bellarminus, vt paulò post videbimus.

311 Et primò ex natura contritionis colligi non potest illud pactum implicitum de regno deperdendo. Nam tamen, vt aliquis sit verè contritus, teneatur in animi præparatione vel expressè, vel tacitè seu virtute omnia regna mundi contemnere, ipsamque vitam potius amittere, quam peccatum aliquod læthale committere, quia hoc ipso fit Dei inimicus, & amittit ius ad regnum cælorum, atque dignus est vt gehennæ incendijs in perpetuum crucietur, & hoc ad perfectam contritionem satis esse (præsupposita detestatione peccatorum, vt sunt offensa Dei summè dilecti) docent

docent Theologi\*; Totum tamen hoc in solo proposito non peccandi in futurum, absque vlla comparatione expressa de hoc vel illo perdendo, plenè perficitur, neque præter tale propositum vlla alia promissio requiritur, vt tradunt Theologi de contritione tractantes.

\* Vide Suarez  
tom. 4. disp. 4.

312 Immo neque formalis comparatio inter culpam & penam, vt optimè scribit Franciscus Suarez<sup>k</sup>, ad perfectam contritionem aut est necessaria, aut semper utilis, aut hominibus nouiter cõuersis proponenda, quando præsertim fit comparatio in specie cum aliquo malo sensibili, vt est mors propria, aut uxoris, amissio liberorum, bonorum omnium perditio, &c. quia homines regulariter loquendo multum mouentur ab his sensibilibus, & ideo verendum est, ne dum hæ comparationes illis formaliter proponuntur, in nono periculo peccandi constituentur. Ideoq; rectè Nauarrus in Sũna, cap. 1. nu. 37. ait, nec Scripturam, nec Cõcilia, aut sanctos Patres à nobis exigere illas comparationes paucissimis cognitās, & paucissimis vsitatas. Hæc Suarez. Quapropter iuxta hanc doctrinam non esset laudandus, qui ad hoc, vt Princeps baptizandus verum contritionis actum eliceret, ipsum

k Tom. 4.  
disp. 3. sect. 10



interrogaret, num potius Regno priuari, quàm Deum, aut Ecclesiam offendere paratus esset. Et multo minùs pactũ aliquod, aut promissionem de Regno deperdendo à Principe baptizando exigere licet. Atque ita patet pactum hoc implicitum de Regno amittendo ex natura contritionis deduci non posse.

313 Sed nec secundò colligi potest ex vi ipsius promissionis de seruanda vera fide, & tutanda Ecclesia Catholica (si ad talem promissionem Principes baptizandi obligati essent) tum quia ipse Cardinalis Bellarminus, satis apertè indicat hoc loco tale pactum de regno perdendo non necessariò consequi ipsam promissionem de fide Catholica tuenda, dum ait, Principes recipi cum pacto expresso vel tacito, vt sceptrum sua subijciant Christo, & polliceantur se fidem Christi seruatueros & defensuros, *etiam sub pœna perdendi regni*, vbi per hanc clausulam *etiam sub pœna perdendi regni* insinuat poenā hanc ex priori tantũ promissione non necessariò consequi; tum potissimum quia tametsi concedamus illum, qui cum alio paciscitur de re aliqua, tacitè etiam pacisci de poenis ordinarijs subeundis, quæ

quæ promissioni violatæ sunt annexæ; & ita qui præstito iureiurando stipulatur de deposito, exempli causa, custodiendo, implicitum etiam pactum ineat, quod si iuramentum violat, poenis illis subiectus erit, quæ ordinariè pro tali periurio ex legum præscripto infligi solent; de poenis tamen extraordinarijs non est similiter philosophandum, nisi in tali pacto poena illa extraordinaria sit expressè nominata. Vnde licèt concederemus Reges & Principes, quando ad Ecclesiam veniunt, vt Christiani fiant, recipi cum pacto saltem tacito, vt sceptræ sua subijciant Christo, & polliceantur se fidem Christi seruaturos, & defensuros sub poena coelestis Regni deperdendi, non tamen sequitur talem promissionem de fide Catholica seruanda, & protegenda continere pactum implicitum de poena Regni temporalis amittendi, quia amissio Regni coelestis est poena ordinaria iure diuino imposita Christianæ fidei desertoribus nisi resipuerint; at amissio Regni terreni est poena extraordinaria, neq; per legem diuinam aut humanam pro hæresis crimine Principibus constituta, & propterea vt talis poena ex vi pacti incurri debeat, in ipso pacto oportet

esse exprimendum.

I Cod. de hæ-  
ret leg. Mani-  
chæos, leg.  
Quicumque  
eo titulo, &  
leg. vltimum  
supplicium, ff  
De pœnis.

315 Quòd si quis dicat, non solùm bo-  
norum omnium deperditionem, verùm e-  
tiam mortem temporalem esse pœnam or-  
dinariam hæreticorum à lege <sup>l</sup>taxatam, &  
propterea qui paciscitur de fide Catholica  
seruanda, pactionem etiam implicitam facit  
de amissione bonorum, & consequenter  
Regni terreni, atque de ipsa quoque ca-  
pitis pœna subeunda, si in hæresim labi-  
tur.

m Glossa in  
verbo ab om-  
nibus, de con-  
stitut. cap. Ca-  
nonum.

n Nu. 5. & seq

*Responsio* est facilis, has leges non obliga-  
re Principes quoad vim coercentem, sed  
solùm subditos. Principes enim legibus so-  
luti sunt <sup>m</sup> tuti Imperij potestate, id est, si  
delinquant, à solo Deo puniuntur, pœnis,  
subintellige, temporalibus, vt superiùs <sup>n</sup> ex  
sanctis Patribus ostensum est.

o Cap. Verg.  
extra de hæ-  
reticis.

p Nu. 454.

316 Neque obstat, quòd lege Cano-  
nica <sup>o</sup> sancitum sit, bona hæreticorum con-  
fiscanda esse. Nam præterquam quòd Prin-  
cipes in pœnalibus sub clausulis generali-  
bus comprehendi non solent; Respondet  
Ioannes Pa<sup>i</sup> iensis ex Cardinal. Hostiensi,  
vt inferiùs P videbimus, decretum illud fa-  
ctum fuisse ex assensu Imperatoris, qui  
tunc Paduæ præsens consensit; & propterea  
nec

nec Imperatorem, nec alios Principes absolutos quoad vim coercentem obligare poterat.

Atque hinc patet, quam debilis sit hæc antecedens propositio quoad vtramque eius partem, cum neque verum sit, quod Principes, quando ad Ecclesiam veniunt, ut Christiani fiant, recipiantur cum pacto etiam tacito se fidem Christi servaturos & defensuros, neque etiam tametsi tale quid pollicerentur, promissio illa facta sit sub pœna perdendi Regni, si eam non servauerint.

317 Et quamvis hæc propositio antecedens quoad vtramque eius partem vera esset, non tamen indè rectè deduci potest, quod Cardinalis Bellarminus concludere vellet, videlicet, *Ergo quando Principes fiunt hæretici, aut religioni obsunt, possunt ab Ecclesia indicari, atque etiam deponi à Principatu, nec ulla eis fiet iniuria, si deponantur.*

Non enim melior est prædicta consequentia, quam istæ, quæ sequuntur. *Quando aliqui ad Ecclesiam veniunt, ut Christiani fiant, recipiuntur cum pacto expresso, vel tacito, ut se, ac sua subijciant Christo, & polliceantur*

*tur se fidem Christi seruatu-  
ros & defensuros, etiam sub  
pœna vita temporalis, simul  
& æternæ amittendæ; ergo  
quando fiunt hæretici, aut  
religioni obsunt, possunt  
ab Ecclesia iudicari, atque  
etiam vita temporali, ac æterna  
priuari, nec ulla eis iniuria  
fiet, si talis contra eos sen-  
tentia ab Ecclesia feratur.*

318 Magna profectò eis fieret iniuria,  
cum ad Ecclesiam non spectet ferre sen-  
tiam in causa mortis, sed hoc iudicium, si  
de morte temporali loquamur, ad forum  
Principum Secularium spectat, sicut etiam  
ad Dei tribunal pertinet post hanc vitam  
morti æternæ hæreticos adiudicare. Pari  
modo dicimus esse quidem penes Eccle-  
siam potestatem iudicandi Principes hære-  
ticos, quod attinet ad pœnas Ecclesiasticas,  
at potestas iudicandi quoad pœnas ciuiles,  
qualis est Principum depositio, Ecclesiasti-  
cæ auctoritatis limites excedit. Vide etiam  
quæ superiùs 9 diximus in solutione tertie  
rationis, ex quibus huius consequentiæ im-  
becillitas clariùs innotescit.

9 No. 220. &  
seq.

319 Sed probat Cardinalis Bellarmi-  
nus suum argumentum duabus rationibus  
adeò imbecillis, vt vix vlla prorsus solu-  
tione indigeant.

Prima

Prima probatio est: *Nam non est idoneus* 33  
*sacramento Baptismi, qui non est paratus Chri-* 33  
*sto seruire, & propter ipsum amittere quic-* 33  
*quid habet; Ait enim Dominus, Luc. 14. Si* 33  
*quis venit ad me, & non odit patrem, & ma-* 33  
*trrem, & uxorem, & filios, adhuc autem &* 33  
*animam suam, non potest meus esse disci-* 33  
*pulus.* 33

Hæc ratio, cum agat de præparatione  
 necessaria ad Baptismum, propositionem  
 antecedentem confirmare videtur. Sed pro-  
 fectò non video, quomodo Cardinalis Bel-  
 larminus ex hac propositione, quæ procul  
 dubio est verissima, propositionem antece-  
 dentem corroborare possit, nisi pactum &  
 promissionem cum proposito confundere  
 velit, quæ tamen ab omnibus doctis distin- 7 Nu. 304.  
 guuntur, vt superius diximus. Nam ante- 30  
 cedens propositio disertis verbis agit de  
 promissione, & pacto expresso, vel tacito, de  
 fide Christi seruanda, & defendenda etiam  
 sub poena perdendi regni: At hæc propo-  
 sitio planè loquitur de proposito: Non est,  
 inquit, idoneus Sacramento Baptismi, qui  
 non est *paratus*, id est, *apud animum suum*  
*proponit*, Christo seruire, & propter ipsum  
 omnia relinquere, quæ habet. Quomodo

igitur ex eo, quod quispiam quoad interior-  
rem animi præparationem paratus esse de-  
bet omnia pro Christo relinquere, vt ido-  
neus sit Sacramento Baptismi, rectè con-  
cluditur, Ergo pollicetur, & expressè, vel  
tacitè paciscitur de Christo inseruiendo,  
etiam sub poena omnia amittendi, nisi  
promissionem à proposito distinguere no-  
lit?

321 Illud verò quod adducitur ex  
Luc. 14. *Si quis venit ad me, & non odit pa-  
trem, &c.* nullum pactum aut promissio-  
nem inuoluit, sed solum confirmat id,  
quod de proposito diximus; vt sensus sit,  
Qui vult sequi Christum, debet quoad ani-  
mi præparationem potiùs patrem, matrem,  
uxorem, & omnia relinquere quàm Chri-  
stū. Quinimò expressissimis verbis hoc idē  
alibi<sup>f</sup> docet Cardinalis Bellarminus, vbi  
summatim repetens argumenta sua hīc alla-  
ta ad probandum penes Pontificem esse  
auctoritatem regna atque imperia transfe-  
rendi, si Ecclesiæ necessitas id postulauerit,  
postquam hunc textum sacre Scripturæ al-  
legasset, ita inquit: *Quæ loca, vt S. Augusti-  
nus rectè exponit in epist. 5. ad Marcellinum,  
sic intelligenda sunt, vt non possit esse Christi  
discipu-*

<sup>f</sup> Lib. 1. de  
translat. Im-  
rij Rom. c. 12



*discipulus, qui non est paratus carere potius, uxore, liberis, parētibus, opibus, honoribus, atque ipsa etiam vita, quàm ut Christum offendat.* Cum igitur textus iste sacræ Scripturæ iuxta expositionem Card. Bellarmini de odio patris, matris, &c. quoad animi præparationem, seu propositum intelligatur, nihil prorsus conducit ad propositionem antecedentem confirmandam, quæ de promissione, & pacto disertè loquitur.

322 Secunda Probatio est, *Praterèa Ecclesia nimis graviter erraret, si admitteret aliquem Regem, qui vellet impunè fouere quamlibet sectam, & defendere hæreticos, & euertere religionem.*

Verùm, quid ex hac propositione quæ verissima est, deduci possit ad propositionem antecedentem stabiliendam, capere non valeo. Nam si ad formam syllogisticam eam reducere velimus, hæc videtur esse eius probatio. *Nimis graviter erraret Ecclesia, si admitteret ad Baptismū (ut reor) aliquem Regem, qui vellet impunè fouere quamlibet sectam, &c. sed nisi Reges, & Principes, quando ad Ecclesiam veniunt, reciperentur cum pacto expresso, vel tacito, ut sceptrā sua subijciant Christo, & polliceantur se fidem Christi*

*Christi seruaturus, & defensurus etiam sub  
pœna perdendi Regni, Ecclesia admitteret Re-  
ges, qui vellens impunè fouere quauislibet se-  
ctam, & euertere Religionem ergo; non de-  
bet Ecclesia, nisi eam graniter errare velimus,  
admittere Reges, &c. Quæ quidē argumen-  
tatio quàm insufficiens sit, quiuis vel medi-  
ocriter doctus statim perspicere potest, cum  
minor proposito sit apertè falsa, vt ex se sa-  
tis constat, atque ex supradictis est etiam  
manifestum. Neque existimo locutum esse  
Card. Bellarminum de admissione Regis  
Christiani ad Regnum; nam præterquàm  
quòd illud à re hîc instituta esset planè alie-  
num, vt ex toto eius discursu in hac ratione  
manifestò colligitur, satis perspicuum est,  
non pertinere ad Ecclesiam, sed ad Remp.  
ciuilem Reges Christianos ad Regnum  
temporale admittere.*

*Si Card. Bellarminus in illo verbo ad-  
mittere, primam tantùm syllabam commu-  
tasset, existimàsssem eum rationem hanc at-  
tulisse, non tam ad probandam propositio-  
nem antecedentem, quàm ad consequen-  
tem corroborandam, quæ erat, Ergo Princi-  
pes hæretici possunt ab Ecclesia iudicari, & eti-  
am à Principatu deponi, nec ulla eis iniuria  
fiet,*

fiet, si deponantur, quia alioquin Ecclesia nimis grauiterraret, si *permitteret*, non dico admitteret, aliquem Regem, qui vellet impunè fouere quamlibet sectam, &c. Sed de huiusmodi etiam ratiocinatione satis multa diximus superius <sup>t</sup> in solutione secundæ, & <sup>t</sup> Nu. 183. & tertiæ rationis. Atque in illo vocabulo *impunè* <sup>scq. 220. &</sup> subdola latet æquiuiocatio, vt <sup>u</sup> supra <sup>scq.</sup> etiam diximus, quasi verò alia poena non possit ab Ecclesia Principibus hæreticis infligi præter depositionem à regno. Scio Card. Bellarminum benè meminisse illius, quod <sup>324</sup> alibi <sup>u</sup> ex S. Augustino docuerat, nimirum <sup>u</sup> Nu. 183. & Excommunicationem Ecclesiasticam esse <sup>scq.</sup> poenam maiorem quàm sit mors temporalis, & consequenter, quàm sit depositio à Regno temporali. Hoc igitur puniendi genere, cum sit Ecclesiasticæ potestatis proprium, vti potest Summus Pontifex, absque eo quòd potestatis politicæ fines inuadat.

Vides itaque quàm infirma sit tota hæc quarta ratio Card. Bellarmini, cum neque vera sumat in antecedenti, neque rectam construat consequentiam, neque etiam rationibus, quas deinde affert, aliquid rectè deducat, quod ipsius proposito deferuiat.

Nu. 58.

uiat. Hac igitur ratione penitus euerſa, quæ  
tamen à Matthæo Torto, vt ſuprà \* vidi-  
mus, in tanto precio habetur, ad quintam,  
& poſtremam eius rationem accedamus.

“ 325 *Quinta ratio Card. Bellarmini.*

“ Cum Petro dictum eſt, Paſce oues meas, Iob.

“ ultimo, data eſt illi facultas omnis, qua eſt

“ Paſtori neceſſaria ad gregem tuendum: At

“ Paſtori neceſſaria eſt poteſtas triplex, nimirum

“ vna circa lupos, vt eos arceat omni ratione

“ qua poterit; altera circa arietes, vt ſi quando

“ cornibus ledant gregem, poſſit eos recludere,

“ & prohibere, ne gregem ulterius præcedant;

“ tertia circa oues reliquas vt ſingulis tribuat

“ conuenientia pabula: ergo hanc triplicem pote-

“ ſtatem habet Summus Pontifex.

“ 326 Ergo tria ducuntur argumenta ex

“ hoc loco: Primum ſit; Lupi, qui Eccleſiam

“ domini vaſtant heretici ſunt, vt patet ex illo

“ Math. 7. Attendite à falſis prophetis, &c.

“ Si ergo Princeps aliquis ex oue, aut ariete fiat

“ lupus, id eſt, ex Chriſtiano fiat hereticus, pote-

“ rit Paſtor Eccleſia eum arcere per excommu-

“ nicationem, & ſimul iubere populo ne eum ſe-

“ quantur, & proinde priuare eum dominio in

“ ſubditos.

“ 327 Alium verò ſit: Poſſe Paſtor

arietes

arietes furiosos destruentes ouile separare, & recludere, Prinseps autem est aries furiosus destruens ouile, quando est Catholicus fide, sed a deo malus, ut multum obsis religioni, & Ecclesie, ut si Episcopatus vendat, Ecclesias diripiat, &c. ergo poterit Pastor Ecclesia eum recludere, & redigere in ordinem ouium.

328 Tertium argumentum est; Potest Pastor, ac debet omnes oues ita pascere, ut eis conuenit, ergo potest, ac debet Pontifex omnibus Christianis ea iubere atque ad ea cogere, ad qua quilibet eorum secundum suum statum tenetur, id est, singulos cogere, ut eo modo Deo seruiant, quo secundum statum suum debent; debent autem Reges Deo seruire, defendendo Ecclesiam, puniendo hereticos, & schismaticos, ut Augustinus docet in epist. 50. ad Bonifacium, Leo Epist. 75. ad Leonem Augustum, & Gregorius lib. 2. epist. 61. ad Mauritorium; ergo potest, ac debet Regibus iubere, ut hoc faciant, & nisi fecerint, etiam cogere per Excommunicationem aliasque commodas rationes.

329 Hæc est quinta, & vltima ratio Card. Bellarmini, in qua ipse magis ingeniosè, quàm solidè ex Pastoris officio probare contendit penes Pontificem esse auctoritatem

y Nu. 45. &  
seq.

toritatem Principes hæreticos deponēdi. Immo hac ipsa ratione, qua ille probat, posse Pontificem Principes propter hæresim suis Principatibus pellerē, plus probari videtur, quàm ipse forsan expressis verbis libenter fateri velit, (quamvis ex eius doctrina de Principum depositione necessaria consecutione colligatur, vt superiùs y dictum est) nempe Pontificem habere potestatem Reges & Principes non solum ob crimen hæresis, sed etiam propter alia quæcunque scelera, quæ extremo supplicio digna sunt (si præsertim Ecclesiæ monitionem audire noluerint) non tantum dominatu, verum etiam vita priuandi; & quod maius est, posse Pontificē cuilibet priuato licentiam impertiri, vt tales Principes propter eiusmodi scelera, quæ spiritualem Ecclesiæ pacem perturbant, & animarum salutis damnum afferunt, etiam per insidias interficiat, si alioqui deponi non queant.

330 Quæ doctrina, si vera est, quàm lubrica, ac planè misera, innumerisq; periculis atque cruentarum insidiarum suspicionibus exposita sit Principum, præsertim illorum conditio, qui non eo modo viuunt, quo secundum statum suum tenentur, æquis

æquis rerum æstimatoribus iudicandum relinquo.

Verùm, si discrimen inter Pastorem spiritua- lem, & temporalem, hominum, & pecudum diligentius aduertamus, tota hæc ratio Card. Bellarmini funditus corrui- t, & prædicta incommoda nullo labore deu- tantur, etiam iuxta ipsius principia in supe- rioribus sæpius allata. Sicut enim Pastor, seu Princeps temporalis habet pro suo fine pacem temporalem, & Pastor spiritualis æ- ternam animarum salutem, ita vterque tum potestates, tum instrumenta proportionata ad hos fines, & consequendos, & conser- uandos habere debet.

331 Hæc igitur ratio Card. Bellarmi- ni non multum reipsa discrepat à secunda sua ratione superius <sup>2</sup> commemorata, nisi <sup>2</sup> Nu. 173. quia ibi comparat Ecclesiam Regno, seu Reipublicæ benè institutæ, vt inde probet Summum Pontificem huius Reipublicæ spiritualis Principem habere Potestatem deponendi Principes hæreticos, qui Eccle- siam, & veram Religionem euertere stu- dent, hic verò Ecclesiam confert cum ouia- ria optimè gubernata, vt hinc demonstret penes Pastorem eius esse omnem potesta- tem



tem necessariam ad suum gregem tuendum, & consequenter ad Principes hæreticos, qui tanquam lupi, gregem deuastare nituntur, omni ratione, qua poterit, coercendos. Quapropter eadem penè Responsio, quam ibi ad illam rationem dissoluedam adhibuimus, huic etiam satisfaciendæ accommodari potest.

332 Nam siue Ecclesia conferatur cū Regno benè instituto, siue cum familia rectè gubernata, siue cum castrorum acie ordinata, siue cum naui in medio mari fluctibus agitata, siue cum ouiarum optimè custodita, siue alio quouis modo comparatur, tota potestas Rectoris ipsius, siue Rex, siue Paterfamilias, siue Dux, siue Nauarchus, siue Pastor, aut alio quouis nomine nuncupetur, spiritualis est, & ex fine, qui spiritualis est, nempe animarum salute peti debet. Neque potestas qua Princeps spiritualis regit Rempub. distincta est ab ea, qua Pastor spiritualis custodit gregem suum, sed eadem prorsus potestas est, quamuis per diuersas similitudines explicetur. Ut enim rectè ait Card. Bellarminus <sup>a</sup>, *Illud, quod in aedificio est fundamentum, est in corpore caput, in ciuitate Rector, Rex in Regno, Pater-*

<sup>a</sup> Lib. 1. de  
Rom. Pont.  
cap. 10.

*Paterfamilias in domo; possumus etiam adiungere, Dux in exercitu, Nauarchus in naui, & Pastor in grege.*

333 Quocirca sicut ibi diximus, Ecclesiam esse Rempublicam perfectam in suo genere, & habere omnem potestatem spirituales, necessariam, & sufficientem ad suum finem consequendum, quantum est ex parte ipsius potestatis, non tamen propterea vel habere potestatem ea omnia ponendi aut remouendi, quæ executionem ipsius potestatis, id est, ut animæ actu saluentur, adiuuant, aut impediunt; vel etiam idcirco habere auctoritatem Reges propter hæresim aut infidelitatem deponendi, vel aliquos vita priuandi, cum hæc potestas temporalis sit, & Reipublicæ civili, non Ecclesiasticæ propria: Ita modò asserimus, Ecclesiam rectè comparari ouariæ optimè custoditæ, & cum Petro dictum est Ioh. ultimo, *Pasce oues meas*, datam esse illi facultatem omnem, quæ Pastori spirituali necessaria est ad gregem Domini tuendum, quantum est ex parte ipsius facultatis, neque idcirco habere facultatem ea omnia ponendi aut tollendi, quæ ad hoc, ut facultas in actum suum exeat, necessariò requi-

S

runtur:

runtur: alioquin nulla ovis absque Pastoris negligentia perire posset, si penes eum esset potestas omnes & singulas ad salutem eternam actu perducendi: neque etiam propterea habere omnem potestatem lupos, id est, hæreticos arcendi, sed tantum spiritua-lem. Cum igitur duæ tantum sint supreme potestates, quibus mundus hic regitur, actibus proprijs, & dignitatibus distinctæ, auctoritas nempe sacra Pontificum seu spiri-tualis, & regalis potestas seu temporalis (vt in initio diximus) immerito sanè Cardi-nalis Bellarminus in hac sua ratione vtriuf-que potestatis actiones confundit, & ab vna in alteram artificiosè transilit.

335 Sed priusquàm tria hæc eius ar-gumenta ex officio Pastoralis desumpta spe-ciatim soluamus, quorum tamen solutio iam ex supradictis satis constat, *Observan-dum est primò* discrimen inter lupos, arietes, & oves rationales, atque rationis expertes, ex quo nascitur, vt Pastor pecudum, & Pa-stor hominum, spiritualis & temporalis non sint eadem planè ratione adinuicem comparandi. Lupus enim, qui animal bru-tum est, nequaquam fuit ovis, neque esse potest, & licitè occidi potest non solum à Pastore,

Pastore, verùm etiam absque Pastoris licentia à quocunque privato, cui cura ouium non est commissa; At Princeps hæreticus, qui lupo assimilatur, tum erat ovis aliquando, tum denuò esse potest, neque à quocunque privato absque Pastoris licentia interimi potest. Immò neque vllus, vt opinor, admittet posse Pastorem spirituales priuatis hominibus licentiam concedere, vt talem lupum, qua possint arte, aut stratagemate occidant, quamuis, vt suprà<sup>b</sup> diximus, <sup>b</sup> Nu. 45. & illud ex hac doctrina de Principum depositione manifestè sequatur. <sup>seq.</sup>

336 Deinde arietes irrationales ita sunt de grege, vt in omnibus Pastoris regimini subijciantur, neque ipsi alterius gregis sunt Pastores designati; at verò arietes rationales, quales iuxta Cardinalem Bellarminum sunt Principes temporales, tamen quoad aliqua, nempe spiritualia, Pastori spirituali subdantur, quoad temporalia tamen sunt etiam ipsi absoluti Domini, & Pastorem spirituales, vt superiorem non recognoscunt, sed & ipsi alterius gregis, nempe Status politici sunt à Deo Pastores constituti. Vnde 1. Paralip. 11. dicitur de Dauide Rege, *Tu pasces populum meum Israel, & tu eris*

*Princeps super eum.* Et Isa. 44. dicit Dominus de Cyro Rege, *Qui dico Cyro, Pastor meus es.*

337 Denique oues rationis expertes nulla prorsus habent arma, quibus vel lupo noceant, vel se ab eius incurſu tueantur, at oues ſpirituales habent arma ſpiritualia, quibus cum gregis Dominici hoſte fortiter pugnent, & ab eius inſidijs incolumes ſe ſeruent, immò neque ab ipſo, niſi volentes, lædi poſſunt. Quo fit, vt in Paſtore ſpiritu-ali non ſit neceſſaria tanta poteſtas ad lupos arcendos ſolùm propter ſpiritualem gregis Dominici ſalutem, quanta neceſſaria eſt Paſtori pecudum ad oues inermes à crudelitate lupi liberandas, cum oues ſpirituales plurima habeant arma, quibus omnes inimicorum ſuorum impetus, inſidiaſque vitare poſſunt. Sed attende qualia armorum genera ouibus Chriſti aſſignet S. Paulus 2. Cor. 10. *In carne, inquit, ambulantes non ſecundùm carnem militamus. Nam arma militia noſtræ non carnalia ſunt, ſed potentia Deo ad deſtructionem munitionum.* Et ad Ephes. 6. *Induite, inquit, vos armaturam Dei, vt poſſitis ſtare aduerſus inſidias Diaboli, quoniam non eſt nobis colluctatio aduerſus car-*

*carnem & sanguinem, sed aduersus Principes & potestates, aduersus mundi rectores tenebrarum harum, contra spiritualia nequitie in coelestibus. Propterea accipite armaturam Dei, ut possitis resistere in die malo, & in omnibus perfecti stare. State ergo succincti lumbos vestros in veritate, & induiti lorica missitiae, & calceati pedes in preparationem Euangelij pacis, in omnibus sumentes scutum fidei, in quo possitis omnia tela nequissimi ignea extinguere, & galeam salutis assumite, & gladium spiritus, quod est verbum Dei, per omnem orationem & obsecrationem orantes omni tempore in spiritu, &c. Vnde Glossa super hunc locum, Induite, inquit, vos armaturam Dei, id est, virtutibus, quae sunt arma militum Christi.*

339 *Secundò obseruandum est, duplex reperiri genus Pastorum, vnum eorum, qui solum sunt Pastores ouium, alterum, qui & ouium Pastores, & simul Domini sunt. Inter hos illud est discrimen, quòd Pastores secundi generis plenum habeant dominium & potestatem quasi illimitatam super gregem, adeo ut si oues vel à grege errantes, vel scabie inquinatas, aut alio quouis modo gregi molestas repererint, possint il-*

las aut recludere, aut si magis placuerit, etiam mactare; hæc tamen potestas non illis competit, quâ Pastores sunt, sed quâ ouium sunt Domini. At Pastoribus primi generis est quidem cura ouium concredita, sed angustioribus terminis limitata. Nam & gregem pascendi cura illis quidem ex officio incumbit, adeoque munus illorum est de conuenienti pabulo omnibus providere; si à grege deuiauerint, voce, baculo, canibus ad gregem reuocare; si scabie, aut alia contagione conspersæ fuerint, eas à reliquis separare, & remedium opportunum quantocyùs adhibere: Denique à luporum, omniumque ferarum incurfibus in quantum possunt, ac debent, eas incolumes seruare. Veruntamen neque oues erraticas, aut morbo infectas, aut alio modo gregi infectas, Domino non consulto, interficere vllatenus illis licet, cum solum Pastores ouium, & non Domini existant. Quando itaque Summus Pontifex, cui cura Dominici gregis est commissa, Pastori assimilatur, eiusmodi comparatio Pastoribus primi generis accommodanda esse videtur.

340 *Hæc observatio ad rationem Cardinalis Bellarmini respondetur, Pastorem tam*  
tem-



temporalem quàm spiritualem, vnumquē-  
que in suo gradu triplicem habere potesta-  
tem, seu circa tres personas potestatem ha-  
bere; circa lupos, circa arietes, & circa oues.  
Habet enim Pastor spiritualis potestatem  
populum Christianum regendi, & à Chri-  
stianæ fidei hostibus defendendi, sed spiri-  
tualem<sup>d</sup>. Habet etiam Princeps tempora-  
lis potestatem eosdem homines gubernan-  
di, & à pacis publicæ perturbatoribus vin-  
dicandi, sed temporalem; adeo vt nec Prin-  
ceps temporalis vsurpare auctoritatem spi-  
ritualem, nec Princeps spiritualis potesta-  
tem temporalem sibi arrogare debeat; vter-  
que tamen in suo genere habet potestatem  
sufficientem, quantum est ex parte potesta-  
tis, Christianæ Reipublicæ gubernacula  
moderandi.

341 Habet namque Pastor Ecclesiæ  
auctoritatem sibi à Christo traditam oues  
Dominicas, tum doctrinæ sacræ, tum Sa-  
cramentorum, Eucharistiæ potissimum,  
pabulo reficiendi; si peccatorum scabie  
contaminentur, remedia salutaria, sed præ-  
sertim Poenitentiae Sacramentum appli-  
candi: si extra gregem euagentur, tum vo-  
ce propria, tum canum, id est, prædicato-

c In Ecclesia  
lupi sunt per-  
secutores, ari-  
etes Prælati,  
oues cæteri.  
In Repub. ci-  
uili lupi sunt  
hostes, arietes  
magistratus  
inferiores,  
oues reliqui  
subditi.

d S. Bernardus  
ad Eugen, Pa-  
pam scribens,  
lib. 4. de con-  
sid. cap. 3. ait,  
Dracones, in-  
quis, memnes  
pascere, &  
scorpiones, non  
oues. Propter  
hoc, inquam,  
magis aggre-  
dere eos, sed  
verbo, non  
ferro.

las aut recludere, aut si magis placuerit, etiam macrare; hæc tamen potestas non illis competit, quæ Pastores sunt, sed quæ ouium sunt Domini. At Pastoribus primi generis est quidem cura ouium concredita, sed angustioribus terminis limitata. Nam & gregem pascendi cura illis quidem ex officio incumbit, adeoque munus illorum est de conuenienti pabulo omnibus prouidere; si à grege deuiauerint, voce, baculo, canibus ad gregem reuocare; si scabie, aut alia contagione conspersæ fuerint, eas à reliquis separare, & remedium opportunum quantocyùs adhibere: Denique à luporum, omniumque ferarum incurfibus in quantum possunt, ac debent, eas incolumes seruare. Veruntamen neque oues erraticas, aut morbo infectas, aut alio modo gregi infectas, Domino non consulto, interficere vlatenus illis licet, cum solum Pastores ouium, & non Domini existant. Quando itaque Summus Pontifex, cui cura Dominici gregis est commissa, Pastori assimilatur, eiusmodi comparatio Pastoribus primi generis accommodanda esse videtur.

340 *Hu obseruatia ad rationem Cardinalis Bellarmini respondetur, Pastorem tam*  
tem-

temporalem quàm spiritualem, vnumquē-  
que in suo gradu triplicem habere potesta-  
tem, seu circa tres personas potestatem ha-  
bere; circa lupos, circa arietes, & circa oues<sup>c</sup>.  
Habet enim Pastor spiritualis potestatem  
populum Christianum regendi, & à Chri-  
stianæ fidei hostibus defendendi, sed spiri-  
tuale<sup>d</sup>. Habet etiam Princeps tempora-  
lis potestatem eosdem homines gubernan-  
di, & à pacis publicæ perturbatoribus vin-  
dicandi, sed temporalem; adeo vt nec Prin-  
ceps temporalis vsurpare auctoritatem spi-  
ritualem, nec Princeps spiritualis potesta-  
tem temporalem sibi arrogare debeat; vter-  
que tamen in suo genere habet potestatem  
sufficientem, quantum est ex parte potesta-  
tis, Christianæ Reipublicæ gubernacula  
moderandi.

341 Habet namque Pastor Ecclesiæ  
auctoritatem sibi à Christo traditam oues  
Dominicas, tum doctrinæ sacre, tum Sa-  
cramentorum, Eucharistiæ potissimum,  
pabulo reficiendi; si peccatorum scabie  
contaminentur, remedia salutaria, sed præ-  
sertim Poenitiæ Sacramentum appli-  
candi: si extra gregem euagentur, tum vo-  
ce propria, tum canum, id est, prædicato-

<sup>c</sup> In Ecclesia  
lupi sunt per-  
secutores, ari-  
etes Prælati,  
oues cæteri.  
In Repub. ci-  
uili lupi sunt  
hostes, arietes  
magistratus  
inferiores,  
oues reliqui  
subditi.

<sup>d</sup> S. Bernardus  
ad Eugen. Pa-  
pam scribens,  
lib. 4. de con-  
sid. cap. 3. ait,  
Dracones, in-  
quis, *me mone-  
re pascere, &  
scorpiones, non  
oues. Propter  
hoc, inquam,  
magis aggra-  
dere eos, sed  
verbo, non  
ferro.*

rum & inferiorum Pastorum hortamentis, atque etiam baculo Pastoralis, id est, sanis reprehensionibus, alijsque poenis spiritualibus ad ouile Dominicum reducendi. Si denique à lupis, id est, Ecclesiæ hostibus diuexentur, per salubria consilia, cæteraque media spiritualia, atque demum per censuras Ecclesiasticas, si opus est, istorum impetus repellendi plenam habet potestatem. Et hæc potestas, quantum est ex parte potestatis, atque ipsius officij Pastoralis, sufficiens est ad animarum salutem procurandam. Reliqua verò, quæ præterea ad æternam ouium salutem consequendam necessaria sunt, ab ipsis ouibus, quarum id maximè interest, & quæ perire non possunt nisi volentes, subministrari debent.

e S. Bernardus  
lib. 4. de con-  
sid. ad Papam  
Eugeniū scri-  
bens, *Euan-  
gelizare, inquit,  
pascere est,  
fac opus Euan-  
gelistæ, & Pa-  
storis opus im-  
plesti.*

342 *Ad primum argumentum respon-*  
*detur primò,* Eo nisi rectè intelligatur, pro-  
bari primùm, non solùm Principes hæreti-  
cos & infideles, si populum ad infidelita-  
tem pertrahant, verùm etiam malos Prin-  
cipes, & scandalosos Pontifices, qui Epis-  
copatus vendunt, Ecclesias diripiunt, &c.  
posse suis dominijs priuari. Nam quamuis  
hæretici antonomasticè *Lupi* dicantur, at-  
amen, vt S. Augustinus<sup>f</sup> tradit, & mali ho-  
mines

f Lib. 6. contra  
Iulian. cap. 7.  
& de cōflictu  
vitiōrū, & vir-  
tutum, cap. 4.

mines, atque hypocritæ *Lupi* etiam appellan-  
luntur.

Deinde, hoc etiam argumēto, nisi rectè explicetur, probari videtur, posse hæreticos, & malos Principes, & forsan malos Pontifices non solum dominijs suis priuari, verum etiam per insidias à quocunque trucidari, si alioquin à grege vastando cohiberi nequaquam possint, sicut quilibet interficiendi lupos potestatem habet.

343 *Respondetur secundo* concedendo antecedens, nimirum hæreticos rectè dici lupos; sicut etiam lupi sunt infideles, si alios ad infidelitatem pertrahant.

*Ad Consequentiam dico*, posse Pastorem Ecclesiæ Principem hæreticum per Excommunicationem, & censuras spirituales arce-  
re, posse etiam iubere populo, ne eum sequantur in sua hæresi, aut in alia quavis re illicita. Veruntamen si Card. Bellarminus intelligat, posse Pastorem Ecclesiæ iubere populo Christiano, ne Principem infidelem, aut hæreticum in rebus licitis sequantur, eiue obediant in ijs, quæ absque spiritualis suæ salutis dispendio præstare possunt, illud præterquam quod gratis assumit, quodque ab eo non est adhuc sufficienter

enter probatum, Sanctorum etiam Patrum doctrinae euidenter repugnat. Audi quid dicant veteres Sancti Petres: S. Ignatius, & Casari, inquit, *subiecti estote in ijs, in quibus subdi nullum animae periculum est.* Iustinus Martyr, <sup>h</sup> Proinde, inquit, *nos solum Deum adoramus, & vobis in rebus alijs lesi inseruimus, Imperatores, ac Principes hominum esse profitentes, & simul precantes, ut cum Imperiali potestate sanam quoque mentem obtinere comperiamini.* Tertullianus, <sup>1</sup> Colimus ergo, inquit, & Imperatorem sic, quomodo & nobis licet, & ipsi expedit, *ut hominem à Deo secundum, & solo Deo minorem.* Et alio in loco <sup>k</sup> ait, *Igitur quod astinet ad honores Regum vel Imperatorum, satis praescriptum habemus, in omni obsequio esse nos oportere secundum Apostoli praeceptum subditos magistratibus, & Principibus, & Potestatibus, sed intra limites disciplinae, quousque ab idololatria separamur.* Propterea enim & illud exemplum trium fratrum praecurrit, qui alias obsequentes erga Regem Nabuchodonosor, honorem Imaginis eius constantissime respuerunt. Et Hieronymus ad Tit. 3. <sup>1</sup> Si banum est, inquit, quod praecipit Imperator iubentis obsequere voluntati; si verò malum est, & contra Deum

34†

g In epist. ad Antiochenos.

h In orat. ad Antoninum Pium.

i ad Scapulam cap. 2.

k de Idololatria cap. 2.

l Super illud Admone illos P. incipitibus & Potestatibus subditos esse.

*Deum sapit, responde illi de Actibus Apostolorum, Oportet obedire Deo, magis quam hominibus.* Vide etiam quæ ex SS. Ambrosio, Augustino, & Bernardo superius<sup>m</sup> retulimus. m Nu. 284. & leq.

345 Quocirca de iure diuino est (quod prædicti Patres explicarunt) vt populus fidelis Principibus infidelibus in rebus licitis obediat: qua igitur auctoritate fultus potest Summus Pontifex contra ius diuinum prohibere populo fideli, ne Principis sui, tametsi infidelis, aut hæretici, in rebus honestis imperium exequatur, vt ex hac prohibitione Princeps dominio suo in subditos priuetur? Non enim in verbis iam allatis ait Card. Bellarminus, posse Pontificem priuare Principem hæreticum, aut infidelem suo dominio, aut vsu eius, & proinde posse iubere populo, ne eum sequantur, quæ consequentia multo congruentior fuisset: sed e conuerso dicit, posse Pontificem iubere populo, ne Principem hæreticum sequantur, & proinde posse priuare eum suo dominio, quasi priuatio dominij esset effectus consequens prohibitionem Pontificis, ne populus suo Principi obedientiam præstet, cum tamen prius oporteat



porteat Principem dominio suo, aut usu eius priuari, quàm possit populus prohiberi, ne in rebus licitis eius imperio obtemperent. Nam imperium in Principe, & obedientia in subdito, sunt iure diuino ex necessitate connexa, & vt rectè docet Card. Bellarminus <sup>n</sup> *omne membrum subiectum esse debet capiti; & omnis filius Parentis iure natura subijcitur,*

n Lib. 2. de  
Monachis  
cap. 19.

346 Neque existimo mentem esse Card. Bellarmini quòd obedientia, quam subditi suo Principi debent, seu, quod idè est, potestas Principis in subditos sit per solam Excommunicationis sententiam (quæ quidem à Pontifice contra Principem iusta de causa ferri potest) ipso facto sublata, cum Excommunicatio ex se non habeat sufficientem vim priuandi Principem suo dominio, aut usu eius. Quod quamuis satis apertè colligatur ex ipsa natura, & definitione Excommunicationis, quæ nihil aliud est, quàm *Censura Ecclesiastica, qua quispiam ab Ecclesiastica fidelium communione separatur* <sup>o</sup>; idem tamen expressis verbis asseuerant doctissimi Theologi, vt Paludanus<sup>p</sup>, Richardus<sup>q</sup>, B. Antoninus<sup>r</sup>, Sotus<sup>s</sup>, Medina<sup>t</sup>, Richeomeus<sup>u</sup>, & alij communiter.

Necq;

o Suarez.  
tom. 5. disp.  
3 Sec. 1. Stephanus de A.  
uila, cap. 1. de  
Excom & alij.  
p In 4. d. 18. q.  
6. ar. 2.  
q Ibidem ar.  
11. q. 1.  
r 3. part. tit.  
25. cap. 1.  
s Lib. 1. de  
Iust. q. 6. ar. 6.  
t In 1. 2. q. 96.  
ar. 4.  
u In expositul.  
Apolog. pag.  
175.

Neque abs re erit in maiorem huius confirmationem ea hinc inferere, quæ de hac materia scribunt duo celeberrimi huius temporis Theologi, & eiusdem cum Card. Bellarmino instituti religiosi. Primus est Franciscus Suarez <sup>x</sup>, cuius hæc sunt verba:

<sup>x</sup> Tom. 5.  
disp. 15. sec. 6.  
nu. 3.

*Quod ut declaretur, oportet advertere, Excommunicationem non posse habere hunc effectum, (tollendi scilicet dominiū regni, aut populi, & exhibitionē tributorum, vel servitiorum, quæ illi respondet) circa huiusmodi subditos, nisi supposito prius alio, nimirum, quod domini priuentur dominio, vel usu eius, quia manente dominio in sua viseri non posset, quin inferiores obedire tenerentur, & consequenter communicare, saltem quantum necessarium esset ad suam obligationem implendam, iuxta cap. Inter alia de sententia Excommunicationis. Excommunicatio autem per se non habet hunc effectum, quia sicut non priuat dominio aliarum rerum temporalium, neque usu earum, ita nec priuat hoc dominio, quia non est de illo maior ratio, nec est ius, in quo de Excommunicatione hoc specialiter disponatur. Dico autem de Excommunicatione, quia de nonnullis Excommunicatis, ut de hæreticis, & similibus interdum hoc*

347

348

*hoc in iure disponitur, tamen ex hac ipsa dispositione speciali intelligere possumus Excommunicationem secundum se non habere hunc effectum, nam ubi ille efficiendus est, specialiter in lege, aut sententia exprimi necesse est. Ac propterea quando talis effectus adiungitur, non appello illum effectum Excommunicationis, sed specialem pœnam simul cum Excommunicatione impositam; sicut cum hæreticus excommunicatur, & priuatur dominio rerum suarum, non est hac priuatio effectus Excommunicationis, sed pœna quadam simul cum illo coniuncta. Hactenus Suarez. Alter est Martinus Becanus in disputatione Theologica de fide hæreticis seruanda, y qui ita ait: Hinc facile apparet, hæreticos, ex eo prætise quod excommunicati sunt, non priuari dominio, & iurisdictione, siue in subditos, siue in bona temporalia, sed hanc priuationem esse distinctâ pœnam, & distinctâ lege irrogatam.*

349 *Ad Secundam Respondetur, penes Pastorem gregis Dominici esse auctoritatem Principes malos per Censuras Ecclesiasticas recludendi, & separandi à reliquo grege quoad ea, quæ ad negotia Ecclesiastica spectant, qualia sunt Sacramentorum perceptio, Sacrorum rituum participatio,*  
&

y c.8.Nu.16.

& huiusmodi, immò & in aliquo casu eos è Dominico ouili exterminandi plenam potestatem habet. Verùm meminisse etiam oportet, Principes malos esse eiusmodi arietes, & Pastori Ecclesiastico in rebus spiritualibus subiectos, vt ipsi quoque in temporalibus Supremi Pastores alterius gregis, politici nimirum existant; Non pertinet autem ad Pontificem oues, aut arietes ex tali politico ouili, sed ex suo duntaxat, nempe Ecclesiastico, eijcere, vel talem Pastorem politicum officio suo priuare, cum huiusmodi potestas temporalis sit, & ad potestatem ciuilem, non spiritualem pertineat.

350 Multo fortasse aptius accomodari posset prædictum Bellarmini argumentum Prælati Ecclesiasticis, qui magis propriè sunt arietes gregis Dominici, siue Ecclesiæ, quàm sint Principes temporales. Habet enim supremus Ecclesiæ Pastor potestatem huiusmodi arietes, si furiosi euadant, & ouile destruant, recludendi, & prohibendi, ne gregem vltèriùs præcedant, cum tota potestas hæc spiritualis sit, & Reipublicæ spirituali aptissimè conueniat.

351 *Ad tertium Respondetur* similiter, posse Pastorem Ecclesiæ Principes Christianos

stianos cogere per Excommunicationem aliasque animaduersiones spirituales, vt eo modo Deo seruiant, quo secundum suum statum tenentur, non tamen potestatis spiritualis limites excedere debet. At Poena capitis, membrorum mutilatio, dominiorum temporalium priuatio, ceterarumque temporalium poenarum inflictio intra fines spiritualis potestatis iure Euangelico non continentur. Quapropter explicare debuisset Card. Bellarminus, quid per illas commodas rationes, quas in fine adiungit, intelligi velit. Neque enim satis commodum est potestatis Ecclesiasticæ, & ciuilis actus, atque officia cōmiscere, aut ab vna in aliam in eadem argumentatione transilire, sicut non solum in hac ratione, sed & in præcedentibus sæpius cum fecisse suis locis animaduertimus.

Neque existimo huiusmodi argumentationem rationi à Card. Bellarmino constructæ non omnino absimilem, fore vt satis commodam ab ipso approbandam.

352 *Reges, & Principes Christiani, quantum ad ciuilia, sunt Pastores populi Christiani, atque etiam ipsius Ecclesie Protectores<sup>z</sup> ac defensores constituti; ergo habent omnem potestatem*

<sup>z</sup> Supra in  
Præfat.

*sem necessariam ad populum Christianum gubernandum, & Ecclesiam à luporum, aliorumque Ecclesie hostium vastationibus protegendam; sed Pontifices, qui pacem publicam inuicem perturbant, Ecclesias diripiunt, Episcopatus vendunt, innocentes opprimunt, aut similia facinora perpetrant, sunt lupi, & hostes tum Ecclesie, tum status politici: ergo Principes Christiani habent potestatem illos coercendi, & cogendi omni ratione, qua poterunt, ne Ecclesia & Reipublica politica ruinam moliantur.*

Hæ sunt rationes omnes, quibus Cardinalis Bellarminus demonstrare enititur penes Pontificem esse dominium rerum omnium temporalium, & potestatem de illis in ordine ad bonum spirituale disponendi, quæ, utrùm ad rem fidei stabiliendam satis sint, an potius ad opinionem probabilem vix confirmandam etiam iuxta ipsiusmet principia sufficiant, subtilioribus ingenijs discutiendum relinquo.

Reliquum iam est, vt ad duodecim exempla, quæ in capite octauo affert Cardinalis Bellarminus, breuiter etiam respondeamus.

353 *Primum exemplum est, 2. Paralip. 26. „*

T

vbi

„ ubi legimus Oziam Regem, cum Sacerdotis of-  
 „ ficiū usurparet, à Pontifice fuisse de templo  
 „ eiectum, & cum propter idem peccatum lepra  
 „ à Deo percussus fuisset, coactum etiam fuisse  
 „ ex urbe discedere, & regnum filio renuncia-  
 „ re. Quòdenim non sponte sua, sed ex sententia  
 „ Sacerdotis, urbe & regni administratione  
 „ priuatus fuerit, patet: nam legimus *Leuit. 13.*  
 „ Quicumque, inquit lex, maculatus fuerit le-  
 „ pra, & separatus est ad arbitrium Sacerdo-  
 „ tis, solus habitabit extra castra. Cum ergo  
 „ hec fuerit lex in Israel, & simul legamus  
 „ *2. Paralip. 26.* Regem habitasse extra urbem  
 „ in domo solitaria, & filium eius in urbe iudi-  
 „ casse populum terra, cogimur dicere fuisse eum  
 „ ad arbitrium Sacerdotis separatam, & conse-  
 „ quenter regnandi auctoritate priuatum. Si  
 „ ergo propter lepram corporalem poterat Sacer-  
 „ dos olim Regem iudicare, & regno priuare,  
 „ quare id non poterit modò propter lepram spi-  
 „ ritualem, id est, propter heresim, qua per le-  
 „ pram figurabatur, ut *Augustinus docet in*  
 „ *questionibus Euangelicis lib. 2. q. 40.* praefer-  
 „ tim cum *1. Cor. 10.* Paulus dicat contigisse In-  
 „ deis omnia in figuram?

354 Hoc est primū exemplū, quo Card.  
 Bellarminus per quandam figuram ex ve-  
 teri



teri Testamento desumptam probare contendit, penes Romanum Pontificem esse potestatem priuandi Principes hæreticos suis dominijs. Ita enim argumentatur: *Poterat Sacerdos Leuitici generis propter lepram corporalem Regem iudicare, & regno priuare, ergo poterit Summus Pontifex propter lepram spiritualem, id est, propter hæresim, qua per lepram figurabatur, Regem regno priuare. Antecedens constat ex duobus locis sacre Scripturæ simul collatis, nempe ex Leuit. 13. & 2. Paralip. 26. Consequentiam probat ex 1. Cor. 10. ubi Paulus dicit contigisse Iudæis omnia in figuram.*

355 Respondetur primò, si hoc argumentum validum esset, plus eo probaretur, quàm forsan Cardinalis Bellarminus vltro concederet, nempe non solum Summum Pontificem, verum etiam Episcopos inferiores, immò & Sacerdotes habere potestatem iurare diuino priuandi Principes suis dominijs propter lepram spiritualem, sicut in veteri lege non solum Summus Pontifex, sed etiã Sacerdotes inferiores iudicandi de lepra potestatem habebant. *Homo, inquit lex<sup>a</sup>, a Leuit. 13. in cuius cute & carne ortus fuerit diuersus color, sive pustula, aut quasi lucens quippiam, id est,*

*est, plaga lepra, adducetur ad Aaron Sacerdotem, vel ad unum quemlibet filiorum eius, & ad arbitrium eius separabitur.*

b Lib. 3. de  
Prænit. cap. 3.

356 Deinde hoc exemplum etiam probat, non solum propter hæresim, sed etiam propter alia quęcunque crimina mortifera posse Principes ab Episcopis & Presbyteris deponi, quia non solum peccatum hæresis, sed alia etiam peccata per lepram figurabantur, ut ipsemet Cardinalis Bellarminus <sup>b</sup> fatetur, qui de confessione peccatorum loquens: *Ad Sacerdotes, inquit, Christianos pertinet cognitio peccati, quod per lepram figurabatur, & lepra spiritualis aptissime nominatur.*

357 Respondetur secundo, rationem hanc Cardinalis Bellarmini ex prædicto exemplo desumptam, esse etiam infirmissimam, cum proposito antecedens sit valdè incerta, ne dicam falsa, & consequentia non minus dubia.

Et quod attinet ad antecedentem, eiusque probationem, quamvis ipse rectè colligat ex Levit. 13. & 2. Paralip. 26. potuisse Sacerdotem Levitici generis Reges leprosos iudicare, & sententiam contra eos ferre, ut soli habitent extra castra, quę est prima  
pars

pars antecedentis, cum huiusmodi separatio fuerit à Deo ad Sacerdotis arbitrium leprosis imposita; non tamen illico rectè colligitur, Sacerdotem Leuiticum habuisse auctoritatem priuandi Reges leprosos suis Regnis etiam per accidens, & consequenter, nisi priuatio Regni necessariò sequeretur habitationem in loco separato à reliqua plebe, quod tamen ex Scriptura efficaciter probari nequit. Nam vt rectè aduertit Franciscus Suarez <sup>c</sup>, *priuatio dominij* <sup>c Disp. 15. de Excommun. lect 6. nu. 3.</sup> *perpetuò durat, postquam semel fit*: at illa separata habitatio leproforum, ad arbitrium Sacerdotis imponenda, solum durabat pro tempore, quo lepra infecti erant; quo tamè tempore veri Reges permanebant, tametsi Regni administratio penes ipsos non erat. Neque enim impotentia Regnum administrandi ius, auctoritatemq; regnandi Regibus aufert, vt patet in Rege impubere, penes quem est vera potestas, iusque dominandi, licèt illi, donec ad pubertatem veniat, Tutor, seu Curator constitui soleat, qui Regis nomine quæcunque regni negotia de facto administret. Quòd autem Ozias toto infirmitatis suæ tempore, id est, vsque ad diem mortis suæ verus Rex per-

manebat, apertissimè docet Glossa 2. Paralip. 26. ubi ita ait: *Volunt Hebraei in anno vigesimo quinto Ozia hoc accidisse* (hoc est, cum lepra percussum esse) *cuius reliqui anni sunt viginti septem: regnavit autem annus quinquaginta uno.* Atque id ipsum ex ipsa sacra Scriptura non obscurè colligitur eo loco. Vnde tametsi in versiculo 21. legamus, eo tempore quo Ozias erat leprosus, Ioathan filium eius *rexisse domum Regis, & iudicasse populum terrae*, non tamen legimus *regnasse Ioathan filium eius pro eo*, nisi postquam Ozias defunctus fuerat.

359 Neque etiam satis firmiter probat Cardinalis Bellarminus Sacerdotes Leviticos habuisse auctoritatem privandi Reges leprosos solum regni administratione pro eo duntaxat tempore, quo lepra contaminati erant. Nam quamvis Ozias, postquam à Domino plaga lepræ percussus erat, regnum non administrabat, ea causa esse poterat, quia ipsemet sponte, durante tempore infirmitatis suæ, cum ad regni gubernacula moderanda non esset idoneus, committebat regimen Ioathan filio suo, ipsumque regni sui administratorem constituebat, donec ad pristinam sanitatem restitutus

tusus esset. Sed quòd Sacerdos Leviticus Reges leprolos, aut regno, aut regni administratione priuandi auctoritatem haberet, ex sacra Scriptura satis colligi non potest. Sicut neque etiam ex sacris literis rectè deducere valemus, Sacerdotem Leviticum habuisse auctoritatem priuandi Patresfamilias leprosos, aut bonis suis, aut bonorum suorum administratione, licèt verisimile sit, tales Patresfamilias, cum ad arbitrium Sacerdotis habitare deberent extra castra, cōmisisse alijs facultatem bona sua administrandi, quamdiu lepra aspersi erant. Atque ita patet imbecillitas propositionis antecedentis.

360 *Quod attinet ad consequentiam,* tametsi propositionem antecedentem concederemus, nempe habuisse Sacerdotes veteris testamenti auctoritatem priuandi Reges leprosos saltem Regni administratione, non per se, sed solùm consequenter, vt Cardinalis Bellarminus deducit, quia nimirum auctoritatem habebant separandi eos à consortio reliqui populi, & consequenter, vt ipse ait, priuandi eos Regno; Negamus tamen consequentiam. Nam figura illa leproforum in hoc consistit, quòd

sicut in veteri lege, qui lepra corporali infecti erant, debebant ad arbitriū Sacerdotis, quamdiu lepra inquinati erant, à consortio reliquæ plebis sciungi; ita in lege Evangelica, qui lepra spirituali contaminati sunt, possunt per Pontifices ab Ecclesiastica fidelium communione dimoueri, donec ad pristinam sanitatem reuersi fuerint. Et propterea, si ex eo, quòd leprosi in domo separata ex sententia Sacerdotis extra castra manere deberent, donec mundati essent, necessario consequatur, quòd regnum temporale pro eo tempore administrare non possent, nihil mirum, quòd consequenter etiam Regni administratione pro eo tempore priuarentur. At satis constat apud doctiores, meliorisque notæ Theologos, vt supra<sup>d</sup> vidimus quòd priuatio aut Regni, aut administrationis regni temporalis non necessario consequatur excommunicationem Ecclesiasticam: Atque idcirco in hoc etiam deficit similitudo ista Cardinalis Bellarmini, ideoque totum argumentum eius est inefficax.

d Nu-346.

e Lib 1 de  
Euchar. cap. 3

361 Quinimò, si à figura ad rem figuratam rectè argumentatur Cardinalis Bellarminus in materia de Eucharistia<sup>e</sup>, vbi ex figuris

figuris veteris testamenti probat, Christum Dominum verè, & realiter in Eucharistia præsentem esse: tamen si concederemus Sacerdotes Leviticos habuisse potestatem priuandi Reges leprosos suis Regnis non solum consequenter, sed etiam per se, & primariò: non tamen proinde sequeretur penes Sacerdotes Euangelicos esse etiam eiusmodi potestatem Reges hæreticos suis Regnis priuandi. Nam hoc ipso quòd lepra corporalis, & poena iure diuino illi annexa, figura erat hæresis, seu lepræ spiritualis, & poenæ, quæ illi ex Christi lege respondet, non debet hæresis propter figuræ significationem lege Euangelica puniri amissione regni temporalis, eo quòd hæc poena in lege veteri lepræ corporali imposita fuerit; sed poena altioris ordinis, nempe spirituali, & regni æterni amissione castigari oportet: quoniam figura semper est imperfectior, & inferioris ordinis re figurata, sicut vmbra ipso corpore, vt ibidem Bellarminus tradit. Atque hac ratione nonnulli Theologi non ineptè colligunt Christum Dominum fuisse Regē æternum, & superioris Ordinis, quia per Melchisedech, qui Rex temporalis erat, figurabatur.



362 Illud verò, quod in fine addidit Card. Bellarminus ex 1. Cor. 10. contigisse Iudæis *omnia* in figuram, vt inde probet, lepram corporalem in veteri testamento fuisse figuram hæreseos, & lepræ spiritualis, non rectè deducit, ex S. Paulo, neque verba ipsius integrè, ac fideliter producit: Nam ipse ibidem solum ait: *Hæc omnia* ( ea scilicet pauca, quæ prius enumerauerat ) *in figura continebantur illis*; de hac autem lepræ figura nullam planè eo loco fecit mentionem.

363 *Secundum exemplum est 2. Paralip. 23. Vbi cum Athalia tyrannicè occupasset regnum, & foueret cultum Baal, Ioiada Pontifex vocauit centuriones, & milites, & iussit eis, vt Athalias interficerent, quod & fecerunt, & pro ea Ioas Regem creauit. Quod enim Pontifex non suaserit, sed iusserit, patet ex illis verbis 4. Reg. 11 Et fecerunt Centuriones iuxta omnia quæ præceperat eis Ioiada Sacerdos. Item ex illis 2. Paralip. 23. Egredietur autem Ioiada Pontifex ad Centuriones, & Principes exercitus dixit eis, Educite eam ( Athalias reginam ) extra septa templi, & interficiatur foris gladio. Quod autem causa huius depositionis, & occisionis Athalia*

*non solum tyrannis eius fuerit, sed etiam quod,,  
 foueret cultum Baal, patet ex illis verbis, que,,  
 ponuntur immediate post eius occisionem. Ita,,  
 que, inquit Scriptura, ingressus est omnis,,  
 populus domum Baal, & destruxerunt,,  
 eam, & altaria, & simulachra illius confre,,  
 gerunt, Mathan quoque Sacerdotem Baal,,  
 interfecerunt ante aras.*

364 *Hoc est Secundum exemplum* Card. Bellarmini, quod ipse pro potestate Papali Principes deponendi ex Scriptura sacra, sed contra manifestum Scripturae sensum adducit. Quod utrum per inconsiderantiam, vel de industria fecerit, temere iudicare non audeo. Vix tamen persuaderi possum, virum tam eruditum aliquid ex sacris literis ad rem tanti ponderis comprobendam afferre voluisse, nisi prius tum locum ipsum, tum legitimum illius sensum diligenter expendisset. Quod si praestiterit, satis profecto mirari non possum, hominem doctissimum in re grauissima, (qualis est Regum, ac imperatorum, qui sola Deo minores sunt, depositio, atque etiam occisio) ex coniecturis adeo leuibus argumentari potuisse. Nam in primis hoc Card. Bellarmini argumentum, si aliquid haberet roboris, vt reuera non

non habet, utique demonstraret Summum Pontificem habere potestatem Principes supremos non solum ob tyrannidem, sed etiam propter hæresim, aut idololatriam, non dominijs tantum, verum etiam vita priuandi; quod quamuis ex doctrina ipsius manifestè sequi superius <sup>f</sup> euidenter deduximus; hoc ipsum tamen ipsemet, exemplum istud Athaliæ pro sua sententia confirmanda adducens, non obscurè significat.

f Nu. 43. &  
seq. & 329.

366 *Deinde falsum est* Ioiadam Pontificem creasse Ioas Regem, ut Card. Bellarminus hoc loco affirmat, id est, ius regnandi, quod prius non habuit, illi donasse, cum statim ab interitu fratrum, quos impia Athalia perfidiosè trucidauerat, verum Regni dominium hæreditario iure penes Ioas esset, tametsi Athalia possessionem tyrannicè occupauerat. Neque enim inusitatum est, aliquem illud, cuius alter est dominus, aut bona, aut mala fide nonnunquam possidere. Ideoque inter dominium, & possessionem latissimum discrimen ab omnibus Theologis, ac Iurisconsultis assignari solet.

367 Igitur Ioiada Athalam occidendo nihil aliud effecit, quàm quod fidelem quemque subditum in tali casu præstare oportet.

portuerat. Cum enim ob vitæ innocentiam, opinionem sanctitatis, officijque dignitatem in summa apud populum, Regni-  
que Proceres veneratione haberetur, tantum apud eos præualebat eius auctoritas, seu fauor, ut omnes vnanimi consensu ad perfidam vsurpatricem occidendam, Regemque legitimum à Regni possessione iniuste detentum, in possessionem mittendū, eius præsertim horratu, facillimè traherentur. Hoc autem vires duntaxat, & potentiam Ioiadæ, summamque eius apud plebem, atque Optimates gratiam, & non veram aliquam Regem de nouo creandi auctoritatem arguebat.

368 Quapropter nihil prorsus in fauorem Bellarmini ex hoc exemplo vlla consecutione aut vera, aut verisimili rectè concludi potest. Quoniam ex sacris literis colligi nequit, vel Athalias iussu Ioiadæ Pontificis ob cultum Idolorum occisam fuisse, sed solum propter manifestam tyrannidem, quia nimirum & semen Regum truculenter interfecerat, & Regnum vero hærede superstite iniuste occupauerat, ideoque legitima Regina esse non poterat; vel Ioiadam Pontificem tam propria aucto-

auctoritate, quàm ex consensu Regis, Procerum, totiusque populi occisionem illam præcepisse: Et propterea exemplum istud nihil omnino conducit ad comprobandum veros Reges, ac Principes, quamuis hæreticos, aut Idololatrias, qui Regnum suum legitimè possidēt, auctoritate Papali aut occidi, aut regno priuari vllatenus posse.

369 *Hoc Secundum*, nempe Ioiadam

Pontificem hanc Athaliæ occisionem solum auxilio, & consilio suo sollicitasse, & non propria auctoritate, sed ex Ordinum consensu Regis nomine præcepisse, constat ex illis verbis 8; *Anno autem septimo confortatus Ioiada assumpsit Centuriones, &c. & inijt cum eis fœdus* ( ut nimirum Athalias interficerent, & Ioas Regis filium, Regemque legitimum in Regni possessionem, quam ipsa iniuste usurpauerat, intromitterent: ) *qui circumeuntes* (ait Scriptura) *Iudā, congregauerunt Leuitas de cunctis urbibus Iudæ, & Principes familiarum Israel, veneruntque in Ierusalem. Inijt ergo omnis multitudo pactū in domo Dei cum Rege, dixitque ad eōs Ioiada, Ecce filius Regis regnabit, sicut locutus est Dominus super filios David. Quæ verba exponens Glossa 4. Reg. II. Hic, inquit,*  
descri-

8. 2. Paralip.  
23.

*scribitur veri Regis institutio per sollicitudinem Ioiadæ Pontificis quærentis ad hoc assensum, & auxilium Principum, & nobilium Regni, cum dicitur, Pepigitque cum eis fœdus. Quare præceptum illud Ioiadæ de occidenda Athalia Centurionibus impositum processit ex priori illo fœdere, quod antea cum illis, & cum Rege pepigerat. Ac proinde ficut quilibet priuatus subditus cuilibet Regis nomine præcipere potest, & tenetur, vt ad proditorem patriæ, & Principis comprehendendum auxilium præstet, absque eo quod aliqua præcipiendi auctoritas illi propria concedatur: ita non est necesse, quod potestas aliqua peculiaris imperandi tribuatur Ioiadæ, ea solum de causa, quod Athalias iniuste Regnum occupantem, ex consensu Regis ac Reipublicæ occidi præcepisset, licet de præcepto strictè sumpto, & non communiter accepto, quomodo à consilio, & suasionem parum differt, iussionem illam Ioiadæ intelligendam esse velimus.*

371 *Primum verò illud quod à Card. Bellarmino asseritur, nempe non solum propter tyrannidem, sed etiam ob idololatricam occisam fuisse Athalias (licet nihil con-*

conferat ad veri, ac legitimi Principis, quāvis Idololatraz, occisionem defendendam, cum constet Athalias non fuisse veram, & legitimam Reginam, sed Regni, vero Rege superstite, usurpaticem) ipse ex sacra Scriptura valde insufficienter cōcludit: cum verba illa occisionē Athaliæ proximē sequentia mala fide recenscat. Non etenim verba illa, *Itaque ingressus est omnis populus domū Baal, &c.* immediatē sequuntur interfectionem Athaliæ, vel 4. Reg. 11. vel 2. Paralip. 23. vt Card. Bellarminus parum fideliter refert; sed ista: *Pepigit autem Ioiada fœdus inter se, vniuersumque populum, & Regem, vt esset populus Dei: & deinde sequuntur illa verba à Card. Bellarmino relata, Itaque ingressus est omnis populus domum Baal, & destruxerunt eam, &c.* Quare postrema hæc verba, quæ ipse pro solo suo fundamento adducit, non tam ad interfectionem Athaliæ referenda sunt, quàm post Athalias interfectam ad fœdus initum inter Ioiadam, populum, & Regē, vt esset populus Domini: ex quo fœdere cum Domino inito, vt esset populus eius, moti erant ad domum Baal, & simulachra eius destruenda. Non igitur ex hoc loco rectē colligit Card.



Card. Bellarminus Athalam Reginam vel propria Pontificis auctoritate, vel ob cultum Baal interfectam fuisse. Et tamen vtrumq; concederemus, quā vitiosum tamē sit ab illegitimæ Reginæ, & iniuste Regnū occupātis occisione ad veri Regis, quamvis Idololatræ, interfectionem comprobendam argumentum ducere, quilibet vel rationis naturalis non omnino expers statim perspicere valet.

373 *Tertium exemplum est B. Ambrosij, qui cum Episcopus esset Mediolanensis, & proinde Pastor, & Pater spiritualis Theodosij Imperatoris, qui Mediolani sedem suam ordinariē tenebat, primum excommunicauit eum propter cadem, quam Thessalonica à militibus fieri imperauerat; deinde præcepit ei, ut legem ferret, ne sententia lata de cade, vel bonorum publicatione rata essent, nisi post triginta dies à sententia pronuntiatione; ut nimirum, si quid per iracundiam præcipitanter dictasset, intra tot dierum spatium reuocare posset. Scribit hoc Theodoretus lib. 5. hist. cap. 17. Atqui non potuit Ambrosius excommunicare Theodosium propter cadem illam, nisi prius causam illam cognouisset & diiudicasset, licet criminis esset, & ad forum externum pertineret;*

« non potuit autem cognoscere, & iudicare eius-  
 « modi causam, nisi etiam in foro externo legissi-  
 « mus Iudex Theodosij fuisset.

« 374 Præterea cogere Imperatorem ad le-  
 « gem politicam ferendam, & præscribere ei for-  
 « mam legis, nonne manifestè ostendit posse E-  
 « piscopum interdum temporali potestate uti eti-  
 « am in eos, qui potestatem super alios accepe-  
 « runt. Et si Episcopus quilibet id potest, quanto  
 « magis Princeps Episcoporum?

375 Respondetur, hoc argumentum ne-  
 que sententiam Cardinalis Bellarmini cor-  
 roborare, aut nostram infringere, immò  
 nec ipsam quæstionem propositam attingere.  
 Nos enim non negamus, Episcopos  
 esse Patres, Pastores, & Iudices spirituales  
 Principum Secularium etiam in foro ex-  
 terno Ecclesiastico, aut posse eos in tali fo-  
 ro propter peccata (quæ, ut suprà<sup>h</sup> diximus  
 tum ad forū Seculare, tum ad Ecclesiasticū  
 pertinere possunt) coercere per excomuni-  
 cationes, & Censuras spirituales, sicut Am-  
 brosius excommunicavit Theodosium (dū-  
 modo quis pro anathemate habendum ducat,  
 quòd a liminibus Ecclesia sequestratus sit, ut  
 verbis utar Othonis Frisingensis<sup>i</sup>.) Neque  
 controuersia, quam in hac quæstione insti-  
 tuit

h Nu. 90. &  
 seq. 223. &  
 seq.

i Lib. 6. hist.  
 cap. 35.

tuit Cardinalis Bellarminus, est, An possit Summus Pontifex Principes propter peccata, quæ ratione spiritualis offensæ ad forum spirituale spectant, censuris Ecclesiasticis castigare, sed solum, an in ordine ad bonum spirituale habeat potestatem disponendi de temporalibus, & priuandi Principes suis dominijs, de qua quæstione nulla prorsus fit mentio in hoc argumento.

376 Secundum argumentum est: *Cogere Imperatorem ad legem politicam ferendam, & præscribere ei formam legis, manifestè ostendit posse Episcopum interdum temporali potestate uti etiam in eos, qui super alios potestate acceperunt; ergo si Episcopus quilibet id potest, multò magis Princeps Episcoporum.*

*Respondetur*, Hoc argumentum paulò quidem maiore habere probabilitatis speciem, quàm præcedens, esse tamen reuera inefficax ad potestatem temporalem Pontificis comprobendam. Non enim ex eo, quod Episcopus possit Imperatorem cogere (si de vera potestate coactiua loquamur, & non de quacunque coactione metu, vel amore alicuius rei facta, quæ à quibuscunque etiam priuatis inferri potest) ad legem politicam ferendam, & præscribere

ei formam legis, quando talis lex necessaria est ad salutem spiritualem consequendam aut conseruandam, manifestiùs colligitur posse Episcopum interdum temporali potestate vti etiam in eum, qui non solum super alios, sed etiam super ipsum Episcopum potestatem in temporalibus accepit, quam ex eo, quod Imperator possit Episcopum sibi in temporalibus subiectum cogere ad legem Ecclesiasticam ferendam, & præscribere ei formam legis, quando talis lex necessaria est ad quietem publicam iure conseruandam, colligi queat, 'posse Imperatorem interdum spiritali potestate vti etiam in eum, qui in spiritalibus super ipsum potestatem accepit. Nam, vt suprà<sup>k</sup> diximus, sicut Princeps spiritalis ex vi suæ potestatis spiritalis potest Principem politicum cogere poenis spiritalibus, & intra fines potestatis Ecclesiasticæ, ne temporalia in detrimentum suæ salutis spiritalis, vel aliorum, illicitè administret, & nihilominus potestate Ecclesiastica, non ciuili vti dicatur; ita Princeps politicus, ex vi potestatis politicæ, potest compellere Principem Ecclesiasticum sibi in temporalibus subiectum, poenis temporalibus, & intra limites potestatis

377

k Nu. 92. &  
scq.

statis politicæ, ne in perniciem Reipublicæ temporalis rebus spiritualibus abutatur, nec idcirco potestatis Ecclesiasticæ fines inuadit. Neque quoad hoc præcisè inter Principem Ecclesiasticum, & politicum sufficiens ratio disparitatis assignari potest, cum vterque ex ipsis suarum potestatum naturis ius habeat ad suas Respublicas vijs licitis, atque à Deo constitutis gubernandas, & ab iniquis oppressionibus vindicandas.

378 Si Cardinalis Bellarminus hoc exemplo demonstrasset, S. Ambrosium poenis criminalibus, & potestati politicæ proprijs Imperatorem propter cædem illam in foro externo vel castigasse, vel coegisse ad legem politicam ferendam, aliquid profecto effecisset, hoc enim esset propriè temporali potestate uti: Verùm cum solum ostendat Ambrosium excōmunicasse Theodosium, & præcepisse illi, ut propter bonum spirituale legem politicam conderet, nihil aliud confirmat, quàm quod sæpius ex professo tradidimus.

379 Mitto præceptum istud de lege politica ferenda fuisse ab Ambrosio pro poenitentia in foro conscientie Theodosio iniunctum post publicam sceleris agnitio-

nem, & spontaneam sui ipsius submissionē,  
non tam ad poenam, quā ad cautelam ut  
ex Theodorito manifestē deducitur: quam  
autem auctoritatem habeant Episcopi &  
Sacerdotes, poenās & afflictiones tempora-  
les imponendi poenitentibus, praesertim ad  
cautelam, ne in simile peccatum reincidant,  
alia est quaestio, & ab instituta controuersia  
penitus aliena.

380 *Quartum exemplum est Gregorij pri-  
mi, in Priuilegio, quod concessit monasterio S.  
Medardi, & habetur in fine epistolarū: Si quis,  
inquit, Regum, Antistitum, Iudicum, vel qua-  
rumcunque Secularium potestatum huius A-  
postolica auctoritatis, & nostra praeceptionis  
decreta violauerit, cuiuscunque dignitatis, vel  
sublimitatis sit, honore suo priuetur.*

*Respondetur, in his Gregorij verbis non  
tam praeceptum imperantis, quā impre-  
cantis desiderium contineri, ut ex ipso Pri-  
uilegij contextu colligi videtur. Ita enim se  
habent verba Priuilegij. Hac igitur omnia,  
qua huius Apostolica auctoritatis, & nostra  
praeceptionis priuilegio continentur, praefati  
Monasterij Rectaribus, & filiis praesentibus,  
& futuris, & omnibus Monasterijs ipsi loco  
subiectis, vel sociatis, sub anathemate seruan-*

da constituimus. Si quis autem Regum, Antis-  
situm, Iudicum vel quarumcunque Seculariū  
personarum huius Apostolica auctoritatis, &  
nostra preceptionis decreta violauerit, aut con-  
tradixerit, aut negligenter duxerit, vel fra-  
tres inquietauerit, vel conturbauerit, vel ali-  
ter ordinauerit, cuiuscunque dignitatis vel  
sublimitatis sit, honore suo priuetur, & ut Ca-  
tholica fidei deprauator, vel sancta Dei Eccle-  
sia destructor à consorcio Christianitatis, &  
corpore, ac sanguine Domini nostri Iesu Chri-  
sti sequestretur, & omnium maledictionum a-  
nathemate, quibus infideles, & hæretici ab ini-  
tio Seculi vsque in præsens damnati sunt, cum  
Iuda traditore Domini in inferno inferiori  
damnetur, nisi digna penitentia præfatorum  
Sanctorum sibi propitius clementiam, &  
fratrum communione reconciliauerit concordi-  
am. Hæc Gregorius.

382 Ex quibus constat, S. Gregorium  
eadem verborum formula (vt alia ad rem  
quoque spectantia nunc prætermittam)  
Decreti sui violatores honore suo priuare,  
qua eos ad infernum cum Iuda traditore,  
nisi resipuerint, damnat: at satis liquet,  
posse Pontifices impenitentibus damna-  
tionem solum imprecari, non autem præ-



cipere; Quare signum est S. Gregorium Regibus præceptionem eius violantibus honoris priuationem non iuridicè imperasse, sed tantū malè precādo exoptasse, aut ad summū à Deo esse priuandos declarasse.

383 Neque verisimile est, voluisse S. Gregorium in Priuilegio prædicto Reges & Principes supremos, quibus ipse, licet alioquin iniquis, maximam reuerentiam exhibere consuevit, pro parua quasi negligentia, & delicto comparatione aliorum leuiusculo, nempe si fratres inquietarent, aut priuilegium suum illis concessum vel violarent, vel negligerent ducerent, suis dominijs, dignitatibus atque honoribus per sententiam definitiuam priuare; ex quorum depriuatione maximæ in Republica perturbationes, cædesque innumeræ consequi solent, vt experientia nimis compertum est; Qui tamen Gregorius, vt superius <sup>m</sup> vidimus, ob conscientiaæ scrupulum, ne Deum offenderet, in mortem alicuius se miscere formidabat: tametsi, si in alicuius necem consentire ausus fuisset, facili negotio, vt ipsemet fatetur, Romanā Ecclesiam à Longobardis sæuè diuexatam, & ab eorum persecutionibus vindicare, totumque ipsorum

forū imperiū funditus dissipare potuisset.

384 Non igitur Gregorius sententiā Bellarmini amplecti ausus est, qui tam audacter affirmat, non debere Christianos, si vires suppetant, Reges ac Imperatores, qui Ecclesiam persequuntur, aliosque ad hæresim aut infidelitatem pertrahunt, tolerare, sed ad eos è Principatu pellendos iure diuino astrictos esse, quæ eius doctrina à viro perquam erudito <sup>n</sup> *Puritanorum conceptio* <sup>n</sup> *Suprà No. 29.* nuncupatur.

385 *Quintum exemplum est Gregorii secūdi, qui Leoni Imperatori Iconomacho prohibuit vectigalia solui ab Italia, & proinde multabat eū parte Imperii, cuius factū multis laudauerūt ut sanctū, & legitimū, nimirū Cedrenus, Zonaras in vita Leonis Isauri, & omnes alii historici, qui res gestas horum temporum conscripserunt.*

386 *Sextum exemplum est Zacharie, qui rogatus à primoribus Fræcorum Childericum deposuit, & in eius locum Pipinum Caroli Magni Patrem Regem creari iussit. Cuius causa fuit, quia propter sacordiam Childerici & Religioni, & Regno in Gallia extrema ruina imminere videbatur, ut patet ex Cedreno in vita Leonis Isauri, Paulo Diacono lib. 6. cap.*

“ cap. 5. de gestis Longebardorum, & Bonifacio  
 “ Episcopo Moguntinensi in epistola ad Za-  
 “ chariam. Cuius facti Magdeburgenses nul-  
 “ lum inuenire potuerunt in antiquis scriptori-  
 “ bus reprehensorē; nos autem plurimos habemus  
 “ approbatores, nimirum Adonem, Sigebertum  
 “ Reginonem in Chronicis. Sed de hac re dixi-  
 “ mus plura contra Caluinum in 2. lib. cap. 17.  
 “ 387 Septimum exemplum est Leonis ter-  
 “ tij, qui Imperium transulit à Græcis in Ger-  
 “ manos, propterea quòd Græci nullum auxili-  
 “ um laboranti Ecclesie Occidentali adferre  
 “ possent. Ex quo factum est, ut licet Impera-  
 “ toria dignitas absolutè considerata non sit à  
 “ Pontifice, sed à Deo mediante iure Gentium,  
 “ ut supra ostendimus ex Gelasio, Nicolao, &  
 “ Innocentio tertio, tamen Imperatores, qui fue-  
 “ runt à tempore Caroli Magni, Pontifici de-  
 “ beant suum Imperium. Quod enim hac pote-  
 “ stas sit nunc apud Germanos à Pontifice est. Et  
 “ licet absolutè non esset necessarium, ut Papa  
 “ confirmaret Imperatorem, nec ut Imperator  
 “ Pontifici iuramentum fidelitatis præstaret, ta-  
 “ men à tempore translati Imperij in Germanos  
 “ utrumq; requiritur, ut patet ex Innocentio ter-  
 “ tio cap. Venerabilem extra. de electione, & ex  
 “ Clementina unica de Iurciurando. Neque

iniuste hoc requiritur. Qui enim potuit Impe-  
rium Germaniis conferre, potuit etiam certas  
conditiones adiungere propter eandem causā,  
ne videlicet contingeret hæreticum, vel schis-  
maticum creari.

388 Ad hoc dupliciter respondent ad-  
versarij: nam alij negant rectè factum, ut  
Pontifex Imperium à Græcis transferret in  
Germanos, & in hoc numero sunt Magdebur-  
genses, qui Ceni. 8. cap. 10. col. 731. sic aiunt:  
Est hæc translatio præcipuum ex miraculis  
Antichristi. Theodorus quoque Bibliander  
lib. 10. sue Chronicæ dicit, Leonem tertium v.  
surpata auctoritate Imperiū à Græcis ad Ger-  
manos transulisse.

389 Alij verò asserunt, factum quidem  
iure, sed Auctorem translationis non Pontifi-  
cem, sed populum fuisse Romanum, ita Mar-  
sius de Padua, referente Pighio lib. 5. Hierarc.  
Eccles. cap. 14.

390 Ad primos Respondeo, hanc tran-  
slationem ritè, & legitime factam fuisse, aper-  
tè consistere. Primò ex consensu totius orbis  
Christiani; Semper enim omnes Christiani  
pro veris Imperatoribus habuerunt Carolum  
Magnum, eiusque successores, nec fuit un-  
quam ullus Rex Christianus, qui Imperatorem  
pra-

"præcedere voluerit, tamen si eum aliqui poten-  
 "tia, & Regni antiquitate antecires. Primi sunt  
 "Lutheranici sicut populum, fide & religione  
 "spoliarunt, ita quoque Imperatorem suum  
 "de sede sua disturbare moluntur. Secundo ex  
 "felici euentu huius translationis. Vt enim De-  
 "us ostenderet iure factum fuisse, multis victo-  
 "rijs Carolum ornavit, regnumq; eius florentis-  
 "simum, & Ecclesia utilissimum esse fecit. Ter-  
 "tio ex confessione Imperatorum Græcorum, qui  
 "non semel confessi sunt Romanum Pontificem  
 "iure potuisse facere quod fecit. Nam in primis,  
 "cum audisset Irene Imperatrix Carolum à Le-  
 "one appellatum Imperatorem, non solum non  
 "reclamavit, sed etiam Carolo nubere voluit, &  
 "fecisset, nisi perfidi quidam Eunnuchi impedi-  
 "uissent, ut scribunt Zonaras, & Cedrenus in  
 "vita eiusdem Irene. Deinde mortua Irene Ni-  
 "cephorus Imperator, qui ei successerat, Legatos  
 "ad Carolum tanquam Imperatorem misit, ut  
 "scribit Ado in Chronico anni D. CCC. tercij.  
 "Et paulò post defuncto Nicephoro, Michael  
 "ei succedens similiter Legatos ad Carolum mi-  
 "sit, qui eum Imperatorem palam salutaverunt,  
 "ut scribit Ado in Chronico anni D. CCCX.  
 "Nec solum Græci, sed etiam Persæ Legatos, &  
 "munera ad Imperatorem Carolum recens crea-

sum miserunt, ut scribunt Regino lib. 2. O-  
tho Frisingensis lib. 5. cap. 31. Rursum (ut scri-  
bit Blondus lib. 5. Decadi 2. & Platina in vi-  
ta Alexandri tertij) Imperator Græcorum  
Emmanuel, cum audisset Pontificem Alexan-  
dram tertium ab Imperatore Fridrico in ex-  
tremas reductum angustias, eidem Pontifici  
obtulit auxilium, & pecuniarum ingentem  
vim, si vellet Imperium Occidentis Constanti-  
nopolitanis Imperatoribus reddere. Respondit  
autem Pontifex, nolle se ea coniungere, quæ  
maiores sui de industria, & optimaratione di-  
visissent. Vbi Notandum est, Emmanuelem  
non voluisse aliud à Pontifice, quàm titulum  
Imperij. Satis enim sciebat possessionem ipsam  
à Pontifice dari non potuisse, sed fuisse armis  
acquirendam; non autem solum titulum tanto  
precio emere voluisset, si eum inanem, vel  
etiam falsum, & illegitimum esse credidisset.

394 Ad alios qui dicunt, auctorem tran-  
slationis non Pontificem, sed populum Roma-  
num fuisse, facile est respondere. Nam in pri-  
mis populus Romanus nunquam ferè habuit  
Imperatoris creandi potestatem, sed antiqui  
Imperatores vel iure hereditario habuerunt  
Imperium, ut Octavianus, Tiberius, Caius;  
vel ab exercitu creabantur, ut creatus fuit  
Clau-

" Claudius, Vespasiana & alii. Et fuisse hanc  
 " ordinariam consuetudinem, ut Imperator ab  
 " exercitu crearetur, testatur B. Hieronymus e-  
 " pistola ad Euagrium; unde extat canon Legi-  
 " mus, distinct. 93. Tempore autē Caroli Magni  
 " nullus fuit exercitus Romanorum, qui eum  
 " Imperatorem creare potuerit. Soli enim in Ita-  
 " lia erant exercitus Græcorum, & Longobar-  
 " dorum, & ij omnes Carolo insensu. Nec iure  
 " hereditario Carolus Imperium habuit, ut  
 " patet.

" 395 Deinde si quā habuerunt Romani in  
 " Imperatore eligendo auctoritatem, eam certē  
 " amiserunt, quando Imperii Sedes Constanti-  
 " nopolim translata fuit; Nam deinceps per an-  
 " nos circiter CCCC. hoc est, à Constantina  
 " Magno usque ad Carolum Magnum nihil  
 " unquam egit Senatus, populusque Romanus  
 " circa Imperatorum creationem.

" 396 Præterea Auctores omnes qui de hac  
 " re scribunt, ut Zonaras, Cedrenus in vita Ire-  
 " na, Paulus Diaconus lib. 23. rerum Romana-  
 " rum, Ado in Chronico anni D. C. CC. Al-  
 " bertus Krantius in Metropoli lib. 1. cap. 14.  
 " Osbo Frisingensis lib. 5. cap. 31. Marianus  
 " Scotus, Hermannus, Contractus, Lambertus,  
 " Rhegino Palmerius, Blondus, omnesque alij  
 " Chro-



*Chronologi, vel Historici, Leonem tertium as-*  
*serunt Imperiū à Græcis in Francos, seu Ger-*  
*manos, transtulisse. Quod idem docet Inno-*  
*centius tertius cap. Venerabilem de electione.*  
*Ad eos, inquit, ius & potestas huiusmodi ab*  
*Apostolica Sede peruenit, quæ Romanum*  
*Imperium in persona magnifici Caroli à*  
*Græcis transtulit in Germanos. Et ibidem*  
*subiungit, Principes Germania id aperitè re-*  
*cognoscere. Ipse etiam Carolus Magnus idem*  
*non obscure significauit, cum scriptum à se te-*  
*stamentum, quo filios suos hæredes Imperii re-*  
*linquebat, misit ad Leonem Papam, ut sub-*  
*scriptione sua firmaret, ut scribit Ado in*  
*Chronico anni octingentesimi quarti. Denique*  
*idem patet ex confessione Emmanuelis Græci*  
*Imperatoris, ut supra est annotatum.*

397 *Octauum exemplum est Gregorii*  
*quinti, qui sanctionem edidit de Imperatore*  
*eligendo per septem Germania Principes, quæ*  
*vsque ad hanc diem seruatur. Quod ita esse*  
*præter Blondum Decade 2. lib. 3. Nanclerum*  
*generatione 34. Platinam in vita Gregorii,*  
*quinti, aliosque multos historicos, asserunt eti-*  
*am Magdeburgenses Cent. 10. cap. 10. col.*  
*546. his verbis. Gregorius suam patriam*  
*in signi aliqua dignitate ornaturus sanxit, ut*  

penes

397 PROLOGI PRO  
“ penes solos Germanos ius esset eligendi  
“ Regem, qui post diadema à Romano Pon-  
“ tifice acceptum Imperator, & Augustus ap-  
“ pellaretur. Suntque Electores constituti,  
“ Moguntinus, Colonienfis, & Treuirensis  
“ Archiepiscopi, Comes Palatinus Rheni,  
“ Saxoniz Dux, Marchio Brandenburgensis,  
“ & Dux Bohemiz. *Vtrum autem iure Ponti-*  
“ *fex id fecerit, non aperiunt. Sed si velint iure*  
“ *id factum, fateri cogentur, Pontificem esse Im-*  
“ *peratore, & Principibus omnibus Superio-*  
“ *rem, ut patet. Si vero dicunt non iure, sed ty-*  
“ *rannice, iniuriam facient suis Patronis, &*  
“ *Protektoribus Duci Saxoniz, Comiti Palatino,*  
“ *& Marchioni Brandenburgensi. Quid enim*  
“ *isti habent maius, quam Electoratum? at non*  
“ *iure habent, si is qui dedit, dare non potu-*  
“ *it. Deditse autem Pontificem extra controuer-*  
“ *siam est.*

398 Nonum exemplum est Gregorii sep-  
“ timi, qui Henricum Imperatorem deposuit,  
“ & alium eligi iussit, quod & factum est, ut ip-  
“ si etiam Magdeburgenses fatentur Cent. 11.  
“ cap. 10. in vita Gregorij septimi. Rectè autem  
“ factum hoc fuisse & cum approbatione, & ap-  
“ plausu omnium bonorum in libro superiore  
“ ostendimus, ubi Pontifices à calumnijs here-  
“ ticorum

ticorum vindicauimus.

399 Decimum exemplum est Innocentij tertij, qui Othonem quartum similiter deposuit, ut patet ex Blondo, Decade 2. lib. 6.

400 Undecimum est Innocentij quarti, qui in Concilio generali Lugdunensi consentientibus vniuersis Patribus deposuit Fridericum secundum, & vacauit tum Imperium annis viginti octo, ut Matthæus Palmerius in Chronico annotauit. Extat adhuc tota sententia in Fridericum lata cap. Ad Apostolica de sententia, & re iudicata in sexto. Idem etiam Innocentius quartus dedit Regi Lusitania coadiutorem quendam, qui regnum administraret, quandoquidem Regis negligentia & res publica, & religio in Lusitania detrimentum patiebatur. Id habetur cap. Grandi de supplenda negligentia Prelatorum in Sexto.

401 Duodecimū exemplum est Clementis sexti, qui Ludouicum quartum Imperatorem à Ioanne vigesimo secundo, & Benedicto duodecimo excommunicatum deposuit. Cuius historiam vide apud Pighium lib. 5. Hierarch. Eccles. cap. 14. & 15. apud Robertum Arboriensem tom. 2. Theoremate 7. de utroque gladio.

402 Hæc sunt reliqua octo exempla,

X

quæ

quæ affert Cardinalis Bellarminus ad potestatem Papalem Principes suis dominijs priuandi confirmandam, quibus plura alia adiungi potuissent, quæ à Gregorio Tholosano<sup>o</sup>, Ioanne Azorio<sup>p</sup>, & nonnullis alijs

o Lib. 26. de  
repub. cap. 4.

11. 12.

p Tom. Instit.

lib. 12. cap. 5.

q. 8.

q In Greg. 2.

r Lib. 6. de ge

stis Long. cap

49. in noua

edit.

l t In Greg. 3

u Lib. 5. hist.  
cap. 18.

Atque vt breuiter percurram quorundam ex istis exemplis, nimirum quinti, sexti, septimi, & octauæ expositiones non omnino incommodas, nempe Gregorium eius nominis secundum ( si verum esse concedamus quod de eo scribunt quidam uetustiores historici, tametsi contrarium expressè doceat Anastasius Bibliothecarius<sup>q</sup>, Paulus Diaconus<sup>r</sup>, Platina<sup>f</sup>, & Sebastianus Veronius<sup>t</sup> citans Blondum lib. 10. atque etiam Platinam ) prohibuisse quidem, ne Leoni Isauro Imperatori à se excommunicato vectigalia ab Italis soluerentur, non tamen iuridicè priuasse illum iure suo tributa ab Italis exigendi, sed tantum consilio, & hortatu suo præcipuum Auctorem fuisse, ne Itali Imperatori excommunicato vectigalia more solito penderent. Hoc etenim clarè indicat Otho Frisingensis<sup>u</sup> ita aiens:

*Qua de causa Gregorius Papa commonito (scilicet per literas Imperatore (Leone), ac in-*

*corr igibili inuento Italiam ab eius Imperio recedere persuasit.* Itaque Gregorius non propriè imperando, sed suadendo multauit Imperatorem parte Imperij sui: atque prohibuit, seu hortatu suo impediuit, ne consueta tributa illi redderentur. In quo etiam sensu Abbas Vispergensis in Chronico anni 718. qui ait *Gregorium omnia tributa Romanæ urbis, & Italie Imperatori dari prohibuisse*, id est, suo consilio impediuisse, & alij quoque plures antiquiores historici commodè exponi possunt; esto, verum sit, quod de Gregorio tradunt, quos tamen hac in re (incertis forsan Græcorum rumoribus, & nimia eorum credulitate) deceptos fuisse alij, maiorem Anastasio, Paulo Diacono, & Platinæ, qui res gestas Romanorum Pontificum meliùs nouerunt, fidem adhibentes, non absque maxima probabilitate opinantur.

404 Similiter dici potest Zachariam Pontificem non reuera deposuisse Childe-ricum, sed solùm idcirco deposuisse dici, quia primoribus Francorum deponentibus consensit, & depositionem illius vt licitam consuluit, suæque auctoritate approbavit. Ita enim exponunt Glossa in cap. Alius 15.

q.6. Occam, lib. 1. Dial. tract. 2. 3. par. cap. 18. Maior in 4. dist. 24. q. 3. Ioannes Parisiensis in tract. de potestate Regia & Papali, cap. 15. Almainus de auctoritate Ecclesiæ, cap. 1. Lupoldus Babenbergius de iuribus Regni, & Imperij Romani, cap. 12. vbi etiã ad idem confirmandum citat Hugonem; & Gregorius Tholosanus lib. 26. de Republica, cap. 5. nu. 14.

Auctores qui docent Zachariã non deponisse Childe-ricum, nec Pipinũ institu-isse.

Glossa.

Occam.

Maior.

Ioan. Parisiẽs.

Almainus.

Lupoldus.

Hugo.

Greg. Tholos.

Aimonius.

Sigebertus.

Ado Viẽnenf.

Blondus.

S. Antoninus.

Ioan. Trithemius.

Naucerus.

Sabellius.

Michael Coc-

cinus.

405 Fauent etiam Aimonius de gestis Francorum, lib. 4. cap. 61. vbi refert, *Pipinum Procerum suffragijs fuisse Regem electum.*

Sigebertus in Chronico, anni 750. vbi ait, *Pipinum Principem auctoritate Apostolica, & electione Francorum à S. Bonifacio Moguntino Archiepiscopo in Regem ungi, & coronari.*

Ado Viennensis in Chronico, anni 749. vbi ita scribit, *Pipino per Brocardum Herbipolensem Episcopum ad Sedem Apostolicam referente, Zacharias Papa respondit, Regem potius alium debere vocari, qui rempublicam generet; unde per consilium Legatorum, & Zachariae Franci Pipinum sibi Regem constituunt.*

406 Blondus lib. 10. Decad. 1. Inuenio, inquit,

inquit, apud Alcuinum, Paulumq̃, & plerosque alios — Procures, populosq̃ eius gentis (Francorum) Pipini virtutem, & e contra Childerici Regis amentiam debitis pensantes meritis Zachariam Pontificem Romanum consuluisse, ineptumne Regem vltià tolerandum, an Pipinum merita fraudandum Regia dignitate censeret; cumq̃, respondisset Pontifex, cum, quid Regia melius obire munera nosset, habendum Regem, Francos publico totius gentis consilio Pipinum declarasse Regem Childerico in Clericum tonsurato.

S. Antoninus 2. parte hist. tit. 14. cap. 1. §. 2. ita scribit; Hic igitur (Pipinus) domus Regia maior, considerans sui Regis inertiam ad Papam Zachariam solennes nuntios misit, ipsumq̃ consuluit, quis potius Rex esse deberet, & dici: An qui omnes Regni labores assumeret, an qui otio, & luxuria deditus solo Regio nomine teneretur. Cui Summus Pontifex dicitur remandasse, illum meritò debere regnare, qui republicam strenuè gubernare sciret, & posset. Hac autem postquam nuntij Francorū primoribus retulerunt, conuocato Principum, & Pralatorum concilio, de communi sensu, & voluntate omnium Childericum solo nomine regem à regni fastigio deponunt, & monastico



*illum habitu induentes in Monasterio includunt, ac omnibus volentibus, & gaudentibus Pipinum super Francos regnare faciunt. —*

*— Et de huius Childerici depositione, & Pipini institutione habetur 15. q. 6. Alius ubi dicitur, Alius Romanus Pontifex Zacharias regem Francorum, &c. Et quod dicit, deposuit, exponit Glossa, id est, deponentibus consensit.*

407 Ioannes Trithemius in compendio Annalium de origine Regum, & gentis Francorum, lib. 1. in fine. Anno, inquit, Dominica Nativitatis 749. Indictione secunda, Hildericus rex Francorum, tanquam inutilis regno, de unanimi omnium Procerum consensu, Zacharia quoque Papa Romano prestante consilium, à regno deijcitur, & in Monachum tonsuratur anno regni sui nono. Idem docet fufius, lib. 2. in anno 751.

Naclerus generat. 26. in anno 750. Itaque, inquit, Pipinus regum Francie inertia perspecta, cum domi delitescerent, nec reipublica procuracionem ullam susciperent, quod & populi, & Proceres illius gentis Pipini virtutē, & regis Hilderici amentiam debitu pensarent meritis, Zachariam Pontificem consulant, ineptumne regem, & inutilem tolerandum, an

*Pipinum meritum fraudandum regia dignitate censeret; cumque Pontifex respondisset, eū, qui regia melius obire posset munera, habendum regem, Franci publico totius gentis consilio Pipinum regem eligunt, quod & per Zachariam probatum extitit, &c.*

408 Sabellicus Ennead. 8. lib. 8. *Primores, inquit, regni & populi amplexi Pipini virtutem — Romano Pontifice prius consulto, Regis appellatione Childerico adempta Pipinum regem creant.*

Denique Michael Coccinius in opusculo de translatione Imperij, propè initiū totam hanc Childerici depositionem, & Pipini institutionem distinctiūs explicasse videtur: *Quamobrem, inquit, Childericus ultimus de Merouei stirpe tanquam regno inutilis fuit depositus, & Pipinus ex Gallia Belgica oriundus in regem a populo fuit assumptus. Quam quidem Childerici depositionem, & Pipini in regni sublimationem maxime consensu & auctoritate populi Francie vim & efficaciam suam habuisse credendum est. Sed quod in Pontificum decretis legitur, Zachariam Papam deposuisse Childericum, & Pipinum substituisse, subditosq. à fidelitatis iuramento absoluisse, ea dicta secundum mentem*

*Ioannis Teutonici inibi expressam intelligenda sunt, quod Zacharias dicatur Childericum deposuisse, & Pipinum substituisse, id est, deponentibus ac substituentibus consensisse, & subditos à iuramento fidelitatis absoluisse, id est, absolutos ostendisse. Nam cum Franci populi dubitarent, anne regem Childericum regno inutilem possent deponere, & Pipinum regno substituere, non obstante fidelitatis iuramento Childerico præstito, cum in eo dubio versarentur ipsi Franci, ipsam dubitationem decidendam ad Romanum Pontificem retulerunt, ad cuius declarationem ipsi Childericum deposuerunt, & Pipinum substituerunt. Sic ergo Zacharias Childericum deposuit, & Pipinum substituit, id est, deponendum, ac substituendum declaravit, aut, ut ex Ioannis mente attuli, id est, deponentibus ac substituentibus consensit.*

409 Quapropter ex sententia horum Auctorum Childericus fuit Regno priuatus, & Pipinus Rex creatus consilio tantum, & consensu Romani Pontificis, sed suffragijs, atque electione Francorum, qui sibi Pipinum Regem constituebant. Illud ergo, quod legitur in quibusdam Chronicis, nempe Pipinum auctoritate Zachariæ  
Papæ

Papæ à Proceribus ad Regnum eligi, intelligunt Lupoldus, Ioannes Parisiensis, Michael Coccinius, & alij, *auctoritate Papæ declarantis, & decernentis super dubio Procerum* (quod etiam facere potuissent, ait Parisiensis, sine Papæ assensu ex causa rationabili) non autem *auctoritate institutionis, seu constitutionis Pipini in Regem Francorum.*

410 Atque hinc patet factum istud Zachariæ Papæ consulentis, & populi deponentis Regem Francorum nihil omnino fauere supremo Pontificis dominio in temporalibus, & auctoritati Papali Principes instituendi, vel deponendi; sed potius populum subiectum aliquam super Principem suum auctoritatem habere (si ex populi factis ius eorum legitimum coniectare liceret) confirmare videtur. Quæ quæstio, An scilicet, penes Rempub. sit potestas Principem suum legitimum & absolutum ob aliquam causam, vel crimen è Regni solio deiiciendi, cum periculosa admodum sit, & nisi rectissime explicetur, facilem præcipiti populo ad rebelliones, atq; Regicidia ansam præbere possit, neq; præsentis controuersię de potestate Pontificis temporali dirimendæ multum conducat,

ducat, ab ea vltteriùs discutienda sepe-  
dendum esse duxi.

411 Hoc solum in præsentì aduertere  
sufficiat, quòd quamuis multi Doctores  
affirmant, penes Rempub. esse auctorita-  
tem in paucissimis quibusdam maximi pò-  
deris casibus Principem suum supremum  
Principatu priuandi: Alij tamen viri per-  
docti constanter asserunt, quòd communi-  
tas in nullo prorsus casu Principem suum  
naturalem, & non libera populi electione,  
sed hæreditario iure regnantem, quamdiu  
Princeps manet, vllam iudicandi, vel ca-  
stigandi, auctoritatem habeat. Inter hos  
annumerari possunt Sancti illi Patres, at-  
que Doctores superiùs<sup>x</sup> citati, qui docent,  
Principes, si deliquerint, diuino iudicio,  
& examini relinquendos esse, neq; à quo-  
quam mortalium poenis temporalibus ca-  
stigari, & puniri posse. Sed ex recentiori-  
bus hanc sententiam ex professo tuentur  
Gregorius Tholosanus<sup>y</sup>, Cunerus Episco-  
pus Leouardiensis<sup>z</sup>, Ninianus Winzetus<sup>a</sup>,  
Adam Blacuodæus<sup>b</sup>, Gulielmus Barclai-  
us<sup>c</sup>, & vt alios taceam, Alexander Care-  
rius<sup>d</sup>, vehemens alioquin potestatis Ponti-  
ficiæ in temporalibus propugnator; *Qui*

<sup>x</sup> Nu. 5. &  
seq.

<sup>y</sup> Lib. 26. de  
Rep. cap. 5.  
nu. 24. 25.

<sup>z</sup> de officio  
Principis c. 7.

<sup>a</sup> In velitatio-  
ne còtra Buc-  
can. & in Fla-  
gello Sectari-  
orum passim.

412

<sup>b</sup> In Apol.  
pro Regibus,  
& lib. 2. de  
coniunctione  
Religionis, &  
Imperij.

<sup>c</sup> In libris de  
Regno.

<sup>d</sup> De potest.  
Rom. Ponti-  
ficis lib. 2. c. 3.

*nul.*

nullum, inquit, *Iudicem habet in terris*, utique plures *Iudices eum indicare non posse faciendum est*. *Negata enim singularitate per verbum collectivum & uniuersale, pluralia negata censentur*. Constat itaque, ut supra dictum est, *Barones, & populos ex defectu potestatis coactiue, quam Vasalli non habent in Dominum suum, non posse Principem suum indicare, nec deponere*. Et cap. præcedenti respondens auctoritati Aristotelis, qui. 3. Polit. dicit, *communitatem benè ordinatam posse Principem punire*, Loquitur, inquit, *Philosophus de Rege qui per electionem communitatis instituitur: talis enim punitur, & deponitur per communitatem, que illum principaliter instituit, sicut Veneti, & Ianuenses, qui sibi Ducem eligunt, & si contra Remp. delinquant, eum deponere possunt: Secus de Rege, qui naturaliter, & ex successione, & ex certa stirpe regnat*.

413 Pari ratione Responderi potest, Leonem tertium pontificem non transulisse Imperiū à Græcis ad Germanos propria tantum auctoritate, sed ex cōsensu etiam eorum, penes quos talis quoq; erat auctoritas; Et propterea eum non fuisse solū, sed ad summum fuisse præcipuum Auctorem

e Lib 3. de  
cōcordantia  
Catholica, c. 4

rem illius translationis, ad eum planè modum, quo Cardinalis Cusanus <sup>e</sup> scribit, septem Electores constitutos fuisse auctoritate Gregorij quinti. Ita enim ait: *Vnde Electores, qui communi consensu omnium Alemannorum, & aliorum, qui Imperio subiecti erant, tempore Henrici secundi constituti sunt, radicalem vim habent ab ipso communi omnium consensu, qui sibi naturali iure Imperatorem constituere poterant, non ab ipso Romano Pontifice, in cuius potestate non est dare cuicunque Prouincia per mundum Regem, vel Imperatorem ipsa non consentiente. Sed concurrebat ad hoc consensus ipsius Gregorij quinti, tanquam vnius Pontificis Romani, qui iuxta gradum suum in consentiendo in communem Imperatorem interesse habet. Rectè, sicut in Concilijs vniuersalibus concurrit in primo gradu auctoritas ipsius per consensum cum aliis omnibus ipsum Concilium celebrantibus; vigor nihilominus definitionis non ab ipso primo omnium Pontifice, sed ex communi omnium, & ipsius, & aliorum consensu dependet. Et infra: Ita, inquit, puto in veritate consensum Romani Pontificis à principio interuenisse, dum isti Electores constituerentur. Vnde ipsi, communi fungentes legatione omnium,*  
qui



*qui Imperio subsunt, etiam totius Sacerdotij, & Romani Pontificis, eligunt.*

414 Ad eundem prorsus modum quamplurimi Scriptores, tam antiquiores, quàm moderni asserunt, imperiũ Romanum translatum fuisse à Græcis ad Germanos non quidem sola Summi Pontificis auctoritate, sed ex communi etiam consensu eorum omnium, nempe Cleri, Senatus, populiq̃ue Romani, quorum hoc intererat. Inter quos primus omnium erat Leo tertius Romanus Pontifex, & totius Sacerdotij caput, qui suo inprimis consilio, sollicitatione, & consensu translationẽ illam potissimũ promouebat, & propterea Leoni tanquam præcipuo Auctori trãslatio illa à pluribus Scriptoribus meritò attribui solet.

415 Hoc clarè indicat Marianus Scottus lib. 3. Chronici: *Carolus, inquit, hoc tempore à Romanis Augustus appellatus est.*

Sigebertus in Chronico anni 801. & Vincentius Belluacensis in Speculo historiali lib. 23. cap. vltimo, *Romani, inquit, qui ab Imperatore Constantinopolis iam diu animo descernerant, nunc accepta occasionis opportunitate, quia mulier, excæcato Imperatore Constantino*

Auctores qui docent non solum Leonẽ Pontificem, sed populum etiam Rom. Imperium à Græcis in Germanos transtulisse. Marian. Scot. Sigebertus. Vinc. Bellu. Walth. Naüb. Lupoldus. Ioan. Paris. Ioan. Auenti. Theodoricus de Niern. Blondus. AEneas Syl. Platina. Donatus Acciaiolus. Paulus Æmi. Nauclerus. Wympfeling

Alciatus.  
Onuphrius.  
Cusanus.  
Coccinius.  
Rodericus  
Præfules Ale-  
maniar.  
Adrianus Pa-  
pa  
Fridericus  
primus, &  
cæteri Ger-  
maniar Prin-  
cipes.

*stantino filio suo, eis imperabat, uno omnium consensu Carolo Regi Imperatorias laudes acclamant, eumque per manus Leonis Papæ coronant, Cæsarem & Augustum appellant. Eadem verba habet Walthramus Naumbergensis Episcopus in libro de investitura Episcoporum, in principio.*

416 Lupoldus Babenbergius in lib. de Iuribus Regni, & Imperij Romani, cap. 12. *Ad hanc, inquit, oppositionem secundum quosdam responderi potest, quòd prædicta translatio Imperij non ab Ecclesia Romana, sed potius à populo Romano robur habuit, & vigorem. Et huic responsioni Chronica de Imperij translatione loquentes favere videntur. Referunt enim, quòd Leo Papa populo Romano petente, & acclamante, Carolum Magnum in Romanorum Imperatorem creaverit. Vbi Nota Lupoldum per populi acclamationem non solam laudem, in quo sensu Card. Bellarminus lib. 1. de translat. Imperij cap. 10. vocabulum illud apud historicos accipiendum esse insinuat, sed suffragium, & consensum populi magno applausu expressum, in Chronicis significari existimasse.*

417 Ioannes Parisiensis de potest. Regia, & Papali cap. 16. *Amplius, inquit, non fuit*

*fuit factum* (id est, Imperiū translatum) *per solum Papam, sed populo acclamante & faciente* (& non tantum collaudante, ut voluit Bellarminus) *cuius est se subijcere, cui vult, sine alterius praiudicio. Ideo hoc fuit factum ex causa necessaria pro sui defensione contra infideles, & Paganos, ubi per alium non videbantur posse defendi, quod de iure poterant: nam populus facit Regem, & exercitus Imperatorem.*

Ioannes Auentinus lib. 4. Annalium Boiorum Pontifex, inquit, *Senatus, populusque Romanus Imperium transferre iure suo in Germanos, Carolumque tacito Senatusconsulto, plebiscitoque decernit.*

418 Theodoricus de Niem in lib. de Inuestituris Episcopatum, non longè à principio, *Populus, inquit, Romanus Legem condebat more solito, sed difficile erat pro vnoquoque negotio toties in unum congregari, unde sententiam, ius, & potestatem Imperij Imperatori concesserunt, quemadmodum legitur, Populus itaque Romanus concessit Carolo, & in eum transtulit omne ius suum, & potestatem.*

Blondus lib. 1. Decad. 2. Æneas Syluius (qui postea Pontifex Maximus, & Pius huius

ius nominis secundus dictus est) in abbreviatione Blondi, & Platina in vita Leonis tertij, *Leo*, inquit, *Pontifex Maximus populi Romani scito, precibusque, Carolum Imperatorem Romanorum declaratum diademate vetusto Imperatorum capitu gestamine coronavit.*

419 Et idem *Æneas* in lib. de ortu, & auctoritate Imperij Romani, c. 9. *Demum* verò, inquit, *negligentibus Romam Græcis, eamq; nunc Barbarorum, nunc aliorum direptioni relinquentibus, populus ille Romanus qui suo sanguine tantum pararat Imperium, qui suis virtutibus Monarchiam fundaverat orbis, venientem in auxilium eius Carolum Magnum Francorum Regem, natione Germanum, qui urbem sacræque loca ab omni hostium incursione defendis, primò Patricium, post Augustum, concurrente Summi Pontificis consensu salutavit Cæsarem.*

*Donatus Acciaiolus* in vita *Caroli Magni*, *Carolus*, inquit, *Magnus à Summo Pontifice Augustus appellatus, Imperatorium nomen, dignitatemq; suscepit, non solum assensiente, sed etiam applaudente populo Romano.*

420 *Paulus Æmilius* lib 3. in vita *Caroli Magni, Romani*, inquit, *Proceres animis aliter*

*aliter afficiebantur; Solum Imperij velut à numine inſeſſum, quaſi numine offerente, Regi Franco dandum, Summis in religionem meritis id dedum; cum victoriarum gradibus ad id culmen conſcendiſſe, ut Summus Regum Summum rerum humanarum titulum obti- neat. Diem quoque, locum, annum, celebra- tem mortalium id poſtulare. Octingenteſimus ſalutis annus agebatur, & rem diuinam Na- tals Domini ac Dei noſtri Leo in ade Petri fa- ciens, ingenti aſſenſu Procerum, qui undique in Urbem admiratione Caroli, Franco- rumq; conuenerant, Carolum Auguſtum ap- pellatum in ſulis, ac cæteris Imperij inſignibus exornat.*

*Nauclerus generat. 26. in anno 800. In die, inquit, Natiuitatis Domini, prahabita matura deliberatione, Leo Pontifex Romanus conſiderans Imperatores Conſtantinopolitanos agrè id nomen tueri — & Occidentale Im- perium quaſi pro derelicto habitum — po- puli Romani conſenſu Carolum Imperatorem Romanorum declarat, ac diademate coronat ter acclamante populo Romano, Carolo Augu- ſto, &c.*

421 Iacobus Wympſelingius in Epi- tome rerum Germanicarum, cap. 9. Ponti-

*fex, inquit, populi Romani scito, & precibus Carolum magna voce Imperatorem decernit, ac diademate donat.*

Andreas Alciatus nobilis Iuriconsultus (quem Nauarrus in cap. Nouit. de Iudicijs, Notab. 3. nu. 53. *Nedum utriusque Iuris, sed etiam historia callentissimū appellat*) vt ex Illyrico refert Bellarminus lib. 1. de transl. Imperij, cap. 7. *Carolus, inquit, vt instū aliquē titulum adepto Imperio prætendere posset, Cæsarem se, & Romanum Imperatorem à Pontifice, populoq; Romano designari procurauit.*

422 Onuphrius Panuinus, vt idem Bellarminus libro citato, cap. 10. refert, *Senatus, inquit, populiq; Romani suffragijs Carolus Magnus Imperator, & Augustus appellatur.*

Fauet etiam Cardinalis Cusanus, lib. 3. de Concordantia Catholica, cap. 4. circa initium, vbi ita scribit: *Non est igitur eo modo concedendum electores à Romano Pontifice potestatem eligendi habere sic, quòd nisi ipse consentiret, non haberent, aut si vellet, ab ipsis tollere posset. Quis, rogo, dedit populo Romano potestatem eligendi Imperatorem, nisi ipsum ius diuinū, & naturale? per viam enim voluntaria*

*via subiectionis, & consensus in præsidentia  
Pralationes concordantiales rectè & sanctè  
constituta sunt in omni dominandi specie.*

423 Verùm Michael Coccinius in opusculo de translatione Imperij, huius translationis causam, & modum accuratiùs declarasse videtur: Cum populus, inquit, Romanus, & uniuersi penè Italia populi temporis successu multarũ gentium incursionibus, ac direptionibus expositi essent, ut Gothorũ, Visigothorũ, Hunnorũ, ac Longobardorũ, nec ipsi proprijs sese viribus defensare possent, neque Greci eos defendere curarent, quin potiùs mala malis accumulantes ipsimet Italos opprimere, ac spoliare nitentur, nimia auaritiã, & dominandi libidinẽ in eos exercentis: Romani itaque, & reliqui Italia populi Grecorũ perspicientes auaritiã, simul & ignauitiã, ac è regione Germanorum fortitudinẽ, industriã, & institiã, Imperium de Græcis transulerunt in Germanos in Caroli Magni personam. Et talem Imperij translationẽ, Romanorum, ceterorũq; Italia populorum consensu, & auctoritate factitatã, suamq; vim, & efficaciam habuisse haud dubitandum est. Nec obstat quod scribit Innocentius tertius ad Bertoldum Zaringia Ducẽ, Sedem Apostolicam Roma-



num Imperium in personam magnifici Caroli de Gracis transtulisse in Germanos. Nam Sedem Apostolicam non in alio sensu Imperium transtulisse concedimus, quàm Imperium transferentibus consensisse, aut transferendum declarasse, sed talis translatio vim, & efficaciam suam habuit à consensu populi.

424 Denique Radeuicus in Appendice ad Othonem Frisingensem de gestis Friderici, lib. I. cap. 10. narrat, quomodo Fridericus, & ceteri Principes Germania qui tunc aderant, magna commotione indignati erant, eo quòd Adrianus Papa ad eum scripserat, Imperatorem dignitatis & honoris plenitudinem sibi à Pontifice collatam, & insigne Imperialis corona de manu eius suscepisse. Atque, ut ait Radeuicus, ad horum verborum strictam expositionem, ac præfata interpretationis fidem auditores induxerat, quòd à nonnullis Romanorum temerè affirmari nove-  
rant, Imperium urbis, & Regnum Italicum donatione Pontificum Reges nostros hæcenus possedisse, idque non solum dictis, sed & scriptis, atque picturis representare, & ad posteros transmittere. Vnde de Imperatore Lothario in Palatio Lateranensi super huiusmodi pictura scriptum est.

Rex

*Rex venit ante fores iurās prius urbis honores,  
Post homo fit Papa, sumit quo dante coronam.*

425 De quibus picturis (vt refert Radeuicus, cap. 16.) conquestus est idem Fridericus coram Legatis Pontificiis, A pictura, inquit, cepit: ad Scripturam pictura processit: Scriptura in auctoritatem prodire conatur. Non patiemur, non sustinebimus, coronam ante ponemus, quam Imperij coronam vnā nobiscum sic deponi consentiamus. Pictura deletur, Scriptura retractentur, vt inter Regnum & Sacerdotium aeterna inimicitiarum monumenta non remaneant.

Atque vt refertur in eodem capite, Præsules Alemanniæ, ad quos scripserat Papa Adrianus rogans eos, vt Imperatoris indignationem mitigare studerent, ita Pontifici respondent: Nos salua gratia vestra sanctissima Paternitatis, ea verba, qua in literis vestris continebantur, tueri propter sinistram ambiguitatis interpretationē, vel consensu aliquo approbare non audemus nec possumus, ea quæ insolita & inaudita fuerunt vsque ad hac tempora. Ecce quid senserint Præsules Alemanniæ de auctoritate Pontificis Imperatorem instituendi.

426 Quinetiam ipse Adrianus Papa (vt scribit Radeuicus cap.22.) in alia epistola ad Fridericum, per illa verba, *Contulimus tibi insigne Imperialis coronæ, quæ quidā* (vt ait Adrianus) *à sensu suo visi sunt ad aliū retorquere*, declarat, se nihil aliud intellexisse, nisi quòd *contulimus tibi &c.* id est, *Imperialis dignitatis insigne tuo capiti imposuimus*: quæ tamen verba ipse Fredericus, cæteri que Germaniæ Principes in eo sensu intellexerunt, quasi Imperium Urbis, & Regnum Italicum donatione Pontificum Imperatores Germaniæ hætenus possederant, quæ quidem est expressa sententia Cardin. Bellar. loco superius <sup>f</sup> citato.

f Nu.387.

427 Ex quibus omnibus constat, Carolum Magnum fuisse Imperatorem creatum, non sola auctoritate Summi Pontificis, sed etiam consensu, consulto, scito, suffragijs, atque auctoritate Senatus, populi que Romani. Quapropter non satis mirari possum, cur doctissimo Bellarmino & in mentem venerit, ad rem tanti ponderis, qualis est noua Imperatorū institutio, comprobendam, tam ingentem auctoritatum multitudinem incassum congerere, cum ne vna quidem ex illis omnibus commonstret, Sum-

g Lib.1. de  
translat. Im-  
perij, cap.4.

Summum Pontificem *sola* sua auctoritate  
(in quo tota difficultas consistit) Imperium  
à Græcis ad Germanos transtulisse, sed ad  
summum ostendant, translationem illam  
auctoritate quidem Pontificis (quod nemo  
negare potest) sed non *sola* ipsius factam  
fuisse. Attamen quamplurimi (vt iam di-  
ximus) disertis verbis affirmant, ad hanc  
quoque Imperij translationem, Senatus,  
populiq; Romani consensum, scitum,  
consultum, suffragia, atque auctoritatem  
concurrisse.

428 *Præsenti itaque controuersia* diri-  
mendæ multum conducit doctrina, quam  
Cardinalis Bellarminus superius <sup>h</sup> tradide-  
rat, nempe argumentum ab auctoritate ne-  
gatiuè nullam vim habere. Ita enim ipse  
scribit: *Respondeo primò, nihil concludi ex ar-*  
*gumentis ab auctoritate negatiuè. Non enim*  
*sequitur, Lucas, Paulus, & Seneca, non dicunt*  
*Petrum fuisse Romæ, igitur non fuit Petrus*  
*Romæ. Non enim isti tres omnia dicere de-*  
*buerunt; & plus creditur tribus testibus af-*  
*firmantibus, quàm mille nihil dicentibus,*  
*modo isti non negent, quod alij affirmant.*

Cum igitur nullus omnino ex illis triginta  
duobus auctoribus, quos ipse translationis

h Lib. 2. de  
Rom. Pont.  
cap. 8.

Imperij per Pontifices factæ testes adhibuit, inficietur, translationem illam auctoritate Senatus, populiq̃ue Romani factam fuisse, atque non tres tantum, sed multo etiam plures, quos suprà retulimus, apertissimè dicant, tum Romani Pontificis auctoritatem, tum etiam consensum, scitum, consultum, suffragia, atque auctoritatem populi Romani interuenisse, non satis firmiter ex illis testimonijs probat Cardinalis Bellarminus, etiam iuxta suiipsius principia, translationem Imperij à Græcis ad Germanos in Summum Pontificem tantquam in *unicum* illius Auctorem referendam esse. Nam alioquin, quod ipse, tantquam primus saltem ciuis, & Romanæ Ecclesiæ supremus Pastor suo consilio, auxilio, & consensu præcipuus illius translationis Auctor fuerit, quique ideo Imperium Romanum transtulisse à nonnullis Scriptoribus asseratur, à nemine in controuersiam vocari potest.

429 Quare iuxta doctrinam Cardinalis Bellarmini iam traditam non licet ita argumentari: *Zonaras, Cedrenus, Paulus Diaconus, & plures alij Auctores ab ipsa relati, non dicunt Imperium Romanum fuisse à Græcis*

*cis ad Germanos translatum auctoritate Senatus, populi que Romani; igitur Imperium Romanum auctoritate Senatus, populi que Romani non est translatum: non enim isti omnia dicere debuerunt, & plus creditur tribus testibus affirmantibus, quàm mille nihil dicentibus.*

*Rursum, plus creditur tribus testibus affirmantibus, quàm mille nihil dicentibus, modo isti non negent, quod alij affirmant, sed multo plures, quàm tres Auctores tum à nobis, tum ab ipso etiam Bellarmino citati, asserunt translationem Imperij Romani factam fuisse consensu, scito, consulto, suffragijs atque auctoritate Senatus, populi que Romani, & nullum omnino ex illis triginta duobus testimonijs hoc negat; ergo maior fides adhibenda est illis, qui affirmant, translatum fuisse Imperium per Pontificem, Senatum, populumque Romanum, quàm ceteris omnibus, qui quantumvis dicant hanc Imperij translationem factam fuisse per Romanum Pontificem, non tamen negant factam quoque esse per Senatum, populumque Romanum.*

430 *Quin & plures ex illis triginta duobus Auctoribus, qui dicunt Leonem Pontificem Carolum Imperatorem crea-*

iNu.416.

se, coronasse, &c. eodem modo exponi possunt, quo ipse Adrianus Papa verba sua superius<sup>i</sup> exposuit, quando scripsit, *Imperatorē dignitatis, & honoris plenitudinem sibi à Romano Pontifice collatam, & insigne Imperialis coronæ de manu eius suscepisse*; non quasi Pontifex Imperialem dignitatem verè illi contulerit, in quo sensu Imperator, cæteri que Principes verba Pontificis sunt interpretati, sed solùm, quòd coronam, quæ insigne est Imperialis dignitatis, capiti suo imposuerit. Quæ verba non maiorem in Pontifice arguunt auctoritatem Imperatorem constituendi, quàm in cæteris Metropolitanis Regna conferendi, qui Principum capitibus Regale diadema imponunt. Atque ita satisfactum est tertix replicationi, quam contra hanc Responsionem Card. Bellarminus superius<sup>k</sup> adhibuit.

k Nu.396.

iNu.394-395

431 *Ad illud verò, quod primo, & secundoloco contra hanc Responsionem opposuit<sup>l</sup>, nempe populum Romanum nunquā serè habuisse Imperatoriū creandi potestatem, sed antiquos Imperatores vel iure hereditario habuisse Imperium, vel ab exercitu creatos fuisse. Et si quam habuerint Romanum Imperare eligendo auctoritatem, eam certè*  
ami-



amisse, quando Romana sedes Constantinopo-  
 lim translata fuit; Nam deinceps per annos  
 circiter CCCC. hoc est, à Cōstantino Magno  
 usque ad Carolum Magnum nihil unquam  
 egit Senatus, populusque Romanus circa Im-  
 peratorum creationem: facillima est Respon-  
 sio, si prius obseruemus, quæ Card. Bel-  
 larminus inferiùs in in tomo sequenti an-  
 notauit.

in Lib. 3. de  
 Laicis, cap. 6.

432 Primum est, potestatem politicam in  
 uniuersum consideratam non descendendo in  
 particulari ad Monarchiam, Aristocratiam,  
 vel Democratiam immediatè esse à solo Deo;  
 nam consequitur necessario naturam hominis,  
 proinde est ab illo, qui fecit naturam hominis.  
 Præterea hæc potestas est de iure natura, non  
 enim pendet ex consensu hominū: nam velint,  
 nolint, debent regi ab aliquo, nisi velint perire  
 genus humanum, quod est contra natura in-  
 clinationem. At ius natura est ius diuinum,  
 iure igitur diuino introducta est gubernatio;  
 & hoc videtur propriè velle Apostolus, cum di-  
 cit Rom. 13. Qui potestati resistit, Dei ordina-  
 tioni resistit.

433 Secundum est, hanc potestatem im-  
 mediatè esse tanquam in subiecto in tota multi-  
 tudine; nam hæc potestas est de iure diuino: at

" ins diuinum nulli homini particulari dedit  
 " hanc potestatem, ergo dedit multitudini. Præ-  
 " terea sublato iure positivo non est maior ratio,  
 " cur ex multis aequalibus unus potius, quam ali-  
 " us dominetur, igitur potestas est multitudinis.  
 " Denique humana societas debet esse perfecta  
 " Respublica, ergo debet habere potestatem seip-  
 " sam conseruandi, & proinde puniendi pertur-  
 " batores pacis, &c.

" 434 Tertium est, hanc potestatem trans-  
 " ferre à multitudine in unum, vel plures eo-  
 " rum de iure natura: nam Respublica non potest per  
 " seipsam exercere hanc potestatem, ergo tenetur  
 " eam transferre in aliquem unum, vel aliquos  
 " plures: & hoc modo potestas Principum in ge-  
 " nere considerata est etiam de iure natura, &  
 " diuino, nec posset genus humanum, etiam si so-  
 " lum simul conueniret, contrarium statuere, ni-  
 " mirum ut nulli essent Principes, vel Rectores.

" 435 Quartum est, in particulari singu-  
 " lar species regiminis esse de iure gentium, non  
 " natura: nam pendet à consensu multitudinis  
 " constituere super se Reges, vel Consules, vel a-  
 " lios Magistratus, ut patet. Et si causa legitima  
 " adsit, potest multitudo mutare regnum in A-  
 " ristocratiam, aut Democratiam, & e contraria,  
 " ut Roma factum legimus.

436 *Quintum quod ex dictis sequitur est, hanc potestatem in particulari esse quidem à Deo, sed mediâte consilio, & electione humana, ut alia omnia, qua ad ius gentium pertinent: ius enim gentium est, quasi conclusio deducta ex iure natura per humanum discursum.*

437 Ex his perspicuum est, politicam Imperij Romani potestatem ex sententia Card. Bellarmini immediatè in ipso populo Romano residere, & ab eo, vel in Senatum, vel Imperatorem transferri, adeò ut ex ipsius populi, seu multitudinis consensu, & electione dependeat, quòd vnus sit Imperator, isque vel iure hæreditario Imperium habeat, vel ab exercitu, aut Senatu creetur. Quo fit, ut si causa legitima adsit, possit populus ex mente Bellarmini mutare Regnum in aliud genus regiminis, & è conuerso, & consequenter si Princeps vel non valeat, vel saltem non velit ipsis imperare, possit totus populus tum nouum Regem sibi constituere, tum modum etiam regiminis immutare, ut contigisse videmus in transferrendo Imperio à Græcis in Germanos ex sententia eorum, quos suprâ commemorauimus.

o Multitame  
vin doctissi-  
mi contra  
Bellar. senti-  
unt nimium  
non esse cau-  
sam legitimâ  
Regem de-  
ponendi, quòd  
regimini in-  
eptus sit, &  
Regnum gu-  
bernare non  
valeat, sed  
coadiutorem  
tantum, seu  
Regni admi-  
nistratorem,  
pro tempore  
tantum quo  
ineptus est,  
constituendi.  
o Nu. 416. &  
seq.

438 Quoniam enim (vt scribit Lupol-  
 dus de Iuribus Regni & imperij, cap. 4. &  
 18. idemque indicant plures Auctores su-  
 pra citati) Imperatores Græci tempore Ca-  
 roli Magni, & etiam ante tempora eiusdem,  
 nimirum tempore Pipini patris, ac Caroli  
 Martelli ausi in Occidentali Imperio solo  
 nomine regnabant, nec Ecclesia Romana, nec  
 alia Christi Ecclesia, seu etiam quicumque alij  
 à Longobardis oppressi contra iustitiam in eo-  
 dem Imperio poterant per eos, vel auctoritate  
 ipsorum iustitiam consequi; & sic Imperatores  
 prædicti Occidentale Imperium quodammodo  
 pro derelicto habebant, in eo, vt ex diuersis  
 Chronicis apparet, solo nomine imperando,  
 Pontifex, Senatus, populusque Romanus  
 extacito saltem aliorum omnium Occi-  
 dentalium, qui Imperio subiecti erant, con-  
 sensu, plenum ius, ac potestatem (quam per  
 nullam consuetudinem, aut Sedis Imperij  
 translationem, utpote sibi congenitam, &  
 ex iure naturæ debitam, amittere poterant)  
 etiam iuxta doctrinam Card. Bellarmini  
 iam traditam, habebant nouum Imperato-  
 rem sibi constituendi, & consequenter Im-  
 perium, quod Græci in partibus Occidenti-  
 talibus solo nomine tenebant, ad Carolum  
 mag.

p. Nu. 416. &  
 seq.

Magnum eiusque Successores, aut ad alium quemcunque, Imperij Sede in illis partibus tunc quasi vacante, transferendi. Et propterea populus Occidentalis non amisit ius illud, & potestatem sibi connaturalem nouum Imperatorem in casu prædicto eligendi, ex eo quòd Imperij sedes Constantinopolim translata fuerit, vt perperâ Card. Bellarminus affirmat.

439 Quare huiusmodi argumentatio est apertè vitiosa: *Senatus, populusque Romanus nihil unquam egerunt circa Imperatorum creationem per annos circiter quingentos, hoc est, à Constantino Magno vsque ad Carolum Magnum, ergo si quam habuerunt in Imperatore eligendo auctoritatem, eam certè amiserunt, quando Imperij sedes Constantinopolim translata fuit.* Nam, vt ex dictis constat, non potuit populus Romanus propter aliquam desuetudinem amittere auctoritatem sibi insitam, atque innatam, & ex iure tum diuino, tum naturali debitam, qualis erat illa, qua imperium ob causas prædictas à Græcis transtulit in Germanos. Itaque Card. Bellarminus in duobus illis argumentis suprà 9 relatis à negatione actus ad negationem potestatis congenitæ captiosè  
q Nu. 394.  
395.  
 argu-

argumentari videtur.

440 Neque etiam difficile fuisset ostendere, si instituti nostri ratio id postulasset, solum exercitum, secluso Senatus consensu, non habuisse Imperatorem eligendi plenam potestatem, tametsi negari non possit, quin Senatus nonnunquam ob vim, vel alterius periculi metum, electioni ab exercitu factæ assensum suum negare non ausus fuerit.

441 Atque ita manifestum est, quod suprà<sup>1</sup> diximus, posse videlicet, ad quatuor præsertim exempla illa intermedia satis commodas expositiones adhiberi, quas etiam ad plura alia eiusmodi exemplorum genera afferri posse disertis verbis affirmat Card. Cusanus<sup>2</sup>; *Si Regum, inquit, & Imperatorum depositiones, ac Imperij translationes, & cætera fortè ad hoc præsumendum (quòd imperium sit dependenter à Papa) Apostolicum mouerent, sciat, nisi fortè religioni, & humilitati obstares, omnibus illis verè, & clarissimè responderi posse; & taliter, quòd fortè hæc minimè tantam potestatem absque partium contendentium aut consensu, aut acceptatione in Papa, ut Papa, arguerent. Non defuerunt antiqui, qui Henricum quar-*  
sum

1 Nu. 402.

1 Lib. 3. de  
Concordan-  
tia Catholica  
cap. 41.

rum Basilee coronati per Romanorum Legatos ab excommunicatione Gregorij, seu Hildebrandi defendebant, etiam Apostolica sedis Cardinales pro tunc, & quoddam Concilium Romæ pro tunc celebratum. — Sic de Friderico secundo viro utique in Ecclesia strenuissimo, ac fidei propugnatore scripta defensoria, & fortia inveniuntur, ac etiam de alijs Imperatoribus acquieuit sæpe Pontificibus populus ob obedientie bonum. Hæc Cusanus.

442 Ex his igitur apparet, potestatem hanc Papalem Principes deponendi non satis firmiter fundari, aut in præfata Imperij Romani translatione, aut in Regis Childerici depositione, ex qua tamen (vt scribunt Godefridus Viterbiensis<sup>t</sup>, & Otho Frisingensis<sup>u</sup>, tam insigniter, idque meritissimè à Cardinale Bellarmino\* laudatus) *Romani Pontifices regna mutandi auctoritatem trahunt.*

<sup>t</sup> In anno

754.

<sup>u</sup> Lib. 5. hist.

cap. 23.

\* Lib. I. de

transl. Imperij

cap. 4 uu. 15.

Sed prætermittis istis expositionibus, tanquam minimè necessarijs ad præfatas obiectiones ab exemplis petitis dissolvendis, & dato, quòd singulæ illæ Pontificum res gestæ veræ sint, prout à Bellarmino recensentur, quod quidem fusiùs examinare

Z

præ-



præsenti instituto non multum conducit;  
*Responderi potest breuiter*, nullo ex prædictis  
 exemplis commonstrari illud, in quo tota  
 controuersia consistit, nempe Summum  
 Pontificem vllam prorsus habere auctori-  
 tatem ex Christi institutione de rebus tem-  
 poralibus omnium Christianorum dispo-  
 nendi, ac Principes temporales Principatu  
 priuandi, sed ad summum ostendunt, Pon-  
 tifices quidem de facto talem exercuisse  
 potestatem; Veruntamen quòd de iure id  
 fecerint, neque rationibus, neque auctori-  
 tatibus satis solidè à Cardinale Bellarmino  
 adhuc probatum est, quamuis alibi \* illud  
 hoc loco à se demonstratum esse affirmet, i-  
 biq̃ue singulas ferme rationes suas à nobis  
 suprà allatas, & confutatas sūmarim repe-  
 tar. Sed vtrū eiusmodi demonstrationes  
 assenium certum, & euidentem, qui de-  
 monstrationis effectus est, an vix opinati-  
 uum gignere valeant, eorum sit iudicium,  
 qui suas rationes, nostrasq̃ue solutiones ex  
 ipsius principijs petitas æqua lance ponde-  
 rauerint.

444 Ad hæc igitur & similia exempla  
 eadem planè responsio adhiberi potest, qua  
 ipse Cardinalis Bellarminus in re non diffi-  
 mili

x Lib. 1. de  
 trat. 11. mpe.  
 11, cap. 12.

mili vsus est, lib. 2. de Rom. Pont. cap. 30. ad  
 quartum argumentum, in quo obijcieba-  
 tur, Christianos Imperatores sæpè iudica-  
 se Pontifices, eosque deposuisse. *Respondeo*,  
 inquit, *hec quidē facta sunt, sed quo iure ipsi*  
*viderint.* Et paulò infra: *Ab Othone primo*,  
 inquit, *satis constat bono zelo, sed non secun-*  
*dum scientiam depositum esse Ioannem duode-*  
*cimū: fuit enim iste Ioannes omnium Pontifi-*  
*cum fere deterrimus. Atque ideo non miram,*  
*si pius Imperator, qualis fuit Otho primus, sed*  
*minùs peritus rerum Ecclesiasticarum iudica-*  
*uerit eum potuisse deponi, præsertim cū multi*  
*Doctores idem senserint.*

445 *Simili prorsus ratione responderi*  
*poterit, nonnullos Pontifices priuasse Prin-*  
*cipes suis dominijs, imperia transtulisse, &*  
*de rebus temporalibus Christianorum dis-*  
*posuisse, sed quo iure ipsi viderint. Neque*  
*enim oportet ex talibus factis singularibus (ait*  
*Ioan. Parisiensis) quæ interdum ex deuoti-*  
*one ad Ecclesiam, vel ex causa alia, & non ex*  
*debito iuris fiunt, argumenta sumere. Et Gre-*  
*gorius Tholosanus, Illud, inquit, tantum*  
*ex his colligo, difficilem esse quæstionem, num*  
*Summi Pontifices deponere Imperatorem vel*  
*Regem possint, qui olim habuerit instituendi*

v De potest.  
 Regia & Pap.  
 cap. 15. ad 5.

z Lib. 26. de  
 repub. cap. 5.  
 nu. 11.

*Summum Pontificem potestatem. Quin & inveniuntur plures destitutiones, & depositiones facta ab Imperatore, Summorum Pontificum, non secus, quàm destitutiones facta Imperatorum à Summo Pontifice, ut vicissitudo in his maxima inueniatur. Vnde disputare de facto, & de exemplis depositionum perperam est. Et paulò infra; Ex quibus omnibus, inquit, innovatores ambitiosi rerum publicarum, & usurpatores regnorum, rebellesq; Principibus legitimis colligere possunt, primum, non ideo omnem depositionem Principum iustam esse, quòd re ipsa facta sit, nam non omnia facta iusta sunt; dehinc non ideo consequentiam fieri debere, quòd eius exemplo simile tentandum sit: Aliud enim est, ait Matthæus Tortus<sup>a</sup> facta Regum, addo ego Pontificum, referre, aliud auctoritatem, potestatemq; probare.*

<sup>a</sup> In Respons.  
ad Apol. An.  
glicā. pag. 126  
Edit. altera.

446 Neque mirandum est, Summos aliquos Pontifices tum zelo Dei accensos, tum rationibus probabilibus permotos, tum eorum, qui ipsis à consilijs erant, incitamenti impulsos iudicasse talem sibi competere potestatem temporalem in ordine saltem ad bonum spirituale, cum præsertim plurimi Doctores idem senserint.

447 Quamvis igitur nullas adhuc solidas repererim rationes, quibus persuaderi possim, eiusmodi facta Pontificum in transferendis Regnis, & Regibus deponendis, si propria tantum auctoritate illos ea fecisse quis velit, esse ex se legitima, cum Christus ipse actus, officia, & dignitates Pontificis, ac Imperatoris distinxerit, ne aut Pontifex iura Imperatoris, aut Imperator iura Pontificis præsumeret usurpare. Existimo tamen Summos illos Pontifices, qui ex corde puro, conscientia bona, & fide non ficta in prædictam rerum temporalium dispositionem sese ingesserint, non esse ob eiusmodi facta, quamvis alioquin ex se iniqua, facile condemnandos, si præsertim probabili virorum prudentum auctoritate moti ea sibi licere existimassent. Nec propterea censeo Principes illos, quamvis alioqui forsan nequissimos, redarguendos esse, qui eiusmodi Pontificum depriuationibus restiterint, suumque ius vijs licitis defenderint, cum apud Theologos <sup>b</sup> satis constet, posse interdum ob conscientiam verè probabilem, quæ ab iisdem (quod ad culpam attinet) inuincibili æquiparari solet, esse bellum ex vtraque parte licitum,

448

<sup>b</sup> Victoria re-  
lect. de iure  
belli, nu. 32.  
Valquez l. 2.  
disp. 64. nu. 16.  
& alij.

Z 3

quod

c Ioan. Paris.  
de potest. Re-  
gia & Papali;  
cap. 21. ad 41.  
Dicere, inquit,  
quod tanti vi-  
ri, inter quos  
aliqui fuerunt  
Summi Pon-  
tifices, scripse-  
runt contra  
conscientiam  
suam in fauo-  
rem Principū,  
vel ob timorē  
eorū, est po-  
nere os in  
cœlum. Ma-  
gis autē pro-  
babiliter pos-  
set ē contrario  
dici, quod ta-  
les Doctores,  
qui sic indebi-  
tē ampliant  
auctoritatem  
Papę, loquun-  
tur timore, vel  
fauore ipsius,  
cum sint per-  
sonę Ecclesia-  
sticę, qui ma-

quod tamen nihil impedit, quo minus cau-  
sa alterius partis sit reipsa iniqua. Aliud e-  
nim est operationem aliquam esse ex suo  
genere seu obiecto illicitam, & aliud eam  
vitio verti operanti, cum sepe contingat, a-  
ctionem aliquam, quę alioquin ex suo ob-  
iecto, atque etiam circumstantiis praua es-  
set, ob solam ignorantiam inuincibilem, vel  
conscientiam probabilem omnino à pec-  
cato excusari.

449 Neque mirum videri debet, opi-  
nionem illam, quę potestatem hanc Pon-  
tificis temporalem tuetur, tam altas radices  
in mentibus etiam doctissimorum defixas  
reliquisse: partim, quia ab ipso primordio  
huius controuersię non defuerunt (sicut  
nec hodiē defunt) Pontifici assentatores,  
qui vel spe lucri, vel honoris cupiditate, vel  
fauore aut timore ipsius potestaté eius plus  
nimio extollerent: partim quia rationes  
& argumenta, quibus auctoritas hæc Pon-  
tificis temporalis in ordine ad bonum spi-  
rituale innititur, magnum præ se ferunt  
probabilitatis specimen rem minus accu-  
gis possunt per ipsum promoueri. Et præcipuē cum ipsi dicant, licet malē,  
quod summus Pontifex gratiōse amplectitur suam potestatem extendentes  
& reprimis obloquentes.

ratē

ratè consideranti : partim quia, quamuis plurimi, tum pij, tum eruditi semper extiterint, & hodie etià existant, qui contrarià secuti sunt sententià, ne tamè vel Pontificis indignationè incurrerent, vel malis Principibus ansam tribuerèt, aut Ecclesià liberius diuexandi, aut paulò licentius viuendi, qui potestate hac Pontificis tēporali, quasi quodā freno in suo gradu faciliùs detineri possè videbantur, præsentiē controuersiā silentio præterire, & ne pusillis scandalum generarent, veritatem ipsam non delinquere negando, sed filendo tantùm occultare satius esse iudicabant : partim quia non solent Pontifices libenter permittere, vt suorum prædecessorum res gestæ, aut opiniones, quæ auctoritati Papali suffragantur, vel impugnentur, vel in dubium vocentur. Et propterea tam Pontifex ipse, quàm locorum Ordinarij, atque hæreticæ prauitatis Inquisitores satis sunt solliciti, ne libri aliqui, qui potestati Pontificiæ vllō modo derogare videntur, in publicum prodeant, & si prodierint, vel omnino supprimantur, vel à nemine absque facultate speciali, eaquē in scriptis habita perlegantur, donec expurgati fuerint. Atque ita difficillimum est,

hisce præsertim temporibus, aut in libris Catholicorum clausulam vllam reperire, quæ temporalem Pontificis potestatem in controuersiam vocandi vel tantillam speciem habeat, aut certò cognoscere, quid librorum Auctores circa eiusmodi potestatem senserint, sed potiùs quam opinionem Librorum Censores secuti fuerint, cum illi non semper proprijs, sed istorum verbis loqui, suamque sententiam proferre, quamuis inuiti, sæpius inè compellantur.

451 Ideoque non est mirandum, opinionem hanc pro potestate Papali Principes deponendi apud Doctores adeo celebrem fuisse, vt in Concilio generali Lugdunensi præsentibus vniuersis patribus, fuerit ab Innocentio quarto Fridericus secundus Imperio priuatus. Quia tamen eiusmodi depositio non erat res fidei, sed facti duntaxat, in quo tam Papa, quàm Patres illi proprias secuti opiniones errare poterant, neque Concilium talem depositionem à legitima potestate processisse definiuerat, non affert illorum Patrum opinio (etiãsi omnes pariter consensissent, quod tamen ex ipso Concilio colligi nequit) maiorem certitudinẽ pro auctoritate Pontificia Principes



cipes deponendi, quàm si extra Concilium sententiam suam declarassent. Et eodem modo Responderi potest ad Concilium Lateranense sub Innocentio tertio, in cap. De hæreticis, cuius tamen auctoritatem tanquam minùs forsan efficacem Card. Bellarminus penitus prætermisit.

452 Illud nihilominus diligenter obseruandum est, quod quamuis ipse Bellarminus superius<sup>d</sup>asserat Innocentium quartum in Generali Concilio Lugdunen<sup>d</sup>si *consentientibus vniuersis Patribus* Fridericū deposuisse; ex ipso tamē Concilio colligi non potest vniuersos Patres depositionem illam approbasse, sed plurimos potiùs reclamasse. Vnde in principio illius Bullæ ( quod notatu dignum est ) non legitur, *Innocentius Seruus seruorum Dei, &c. Sacro approbante Concilio*, sicut in alijs Decretis Pontificijs, quæ in pleno Concilio fiunt, dici solet; sed tantùm *Sacro præsentē Concilio*: neque in tota illa Bulla vlla fit mentio consensus Patrum, sed solùm prope finem illius Pontifex ait, se cum fratribus suis Cardinalibus, & Sacrosancto Concilio maturam, & diligentem deliberationem habuisse de pluribus nefandis & execrâdis flagitijs Friderici

derici, sed de consensu, & approbatione Concilij de deponēdo Friderico ne verbū quidem. At si vniuersi Patres depriuationem Friderici approbassent, non est verisimile, quin Innocentius, vt sua sententia in Fridericum prolata toti mundo iustior appareret, talem Concilij approbationem exprimere voluisset, atque non tantū dicere, *Sacro præsente Concilio*, quibus verbis vti potuisset, tamen si totum Concilium repugnasset, sed etiam *Sacro approbante Concilio*, cum præsertim protinus in sequenti Decreto hac posteriori loquendi formula idē Innocentius vsus fuerit.

Deinde sententia illa depriuationis non sine omnium audientium, & circumstantium stupore fulminata est, vt ibidem refertur, sed non erat, quod vniuersi Patres audita depriuationis sententia tanto stupore afficerentur, si prius dictæ depriuationi assensum suum præbuisent.

454 His adde, tam Pontifices, quàm Concilia sæpe multa statuere, quorum ordinatio potius ad potestatem politicam, quàm ad Ecclesiasticam spectat, ex expresse, vel tacito Principum consensu, qui per seipfos, aut per suos Legatos Præsentes ad  
sunt

sunt, vel ex præsumpta aut sperata saltem Principum rarihabitione. Et hoc dicunt, expositores Iuris Canonici (ut verbis utar Ioannis Parisiensis<sup>c</sup>) *qui statum in Ecclesia habuerunt etiam in casu, in quo minus videtur. Querit enim Hostiensis<sup>e</sup> extra, de Hæreticis, cap. Vergentis, ubi mandat Dominus Papa hæreticorum confiscari bona, Quid ad Papam de temporalibus? Et Respondet cum Domino suo Innocentio, quod reuera nihil ad eum, sed hoc fecit de assensu Imperatoris, qui tunc Pa-*

e Depotest.  
Regia, & Pa-  
pali cap. 10.  
f Hanc Resp.  
Hosti non in-  
uenio in cap.  
Vergentis, sed  
in præceden-  
ti cap. Ad a-  
bolendam.

Aliam expositionem adhibet Glossa in cap. Hadrianus, dist. 63. ubi Papa præcipit publicari eorum bona, qui eius decretum violant, & in cap. Delatori. 5. q. 6. ubi statuit Delatoribus linguam capulandam, aut conuictis caput amputandum esse. Respondet enim Glossa *hic Ecclesiam docere, quid facere debeat Iudex Secularis.* Quæ eius Responso ad similia Decreta, in quibus Sacri Canones poenæ temporales infligunt, accommodari potest.

455 Denique, si ex infælici successu coniecturam facere liceret, an aliqua Principum depositiones ritè sint factæ, sicut per argumentum à contrario ex fælici e-

mentu

g Supranu.  
391.

uentu translationis Imperij à Græcis ad Germanos colligit Card. Bellarminus g, translationem illam iure factam fuisse, profectò paucissimæ ex plurimis Regum, aut Imperatorû depositionibus à legitima auctoritate processisse reperientur, quas ferme omnes maximæ in Ecclesia calamitates secutæ sunt, vt historiæ produnt. Quanta enim mala, quot bella, bellorumque discrimina, quæ schismata, quot animarum, & corporum pericula subsecuta sunt primam omnium Imperatorum, nempe Henrici quarti, depositionem auctoritate Papali factam, narrat Otho Frisingensis lib. 6. cap. 36. De depositione autem Friderici secundi Ioannes Trithemius ita scribit<sup>h</sup>: *Intrauit Fridericus post depositionem sui in Italiam, & tantis malis Papam, subiectosque illi populos afflixit, ut Pontificem viuere raderet, voluissetque se nunquam depositionem illius cogitauisse.* Atque, vt cæteras depositiones taceam, quàm innumeras strages, ac infinitas calamitates in Ecclesiam inuexerit prætenfa hæc Pontificis auctoritas Principes depoenendi, tantaque vi tum scriptis, tum factis propugnata, nimis clarum, sed non satis lugendum Anglia nostra præbet testimonium.

h In Chro.  
monasterij  
Hirsaugiensis,  
in anno 1244

456 Atque ita liquidò constat, prædicta exempla Card. Bellarmini pro auctoritate Pontificis temporali confirmanda nihil certò, etiam iuxta ipsiusmet principia, concludere, sed aliæ rationes magis efficaces quàm rerum ab ipsis gestarum exempla, in quibus Pontifices, etiam nonnunquã absque peccato falli possunt, & fallere, excogitandæ sunt ad probandũ, penes Pontificem esse potestatem Regna ac Imperia transferendi, Principes supremos Principatu priuandi, atque de rebus temporalibus omnium Christianorum etiam in ordine ad bonum spirituale disponendi.

457 Neque multum mouere quemquam debet id, quod meo iudicio, huius Pontificiæ potestatis in temporalibus præcipuum potest esse fundamentum, nempe, quòd communis opinio huic auctoritati patrocinetur, cum paulo antea plures rationes adduxerimus, quare opinio hæc, quæ potestatem Pontificis temporalem defendit, communior sit, quàm opposita, quæ talem potestatem Pontifici, vt Pontifex est, competere negat; Nec sufficiens ratio est ad probandũ, opinionem aliquam esse veram, aut amplectendam, quia communis est, & ab omnibus, vt plurimũ, propug-

i N<sup>o</sup> 117.

netur. Constat enim ex Couarruua loco superius <sup>1</sup> citato, communem fuisse suo tempore opinionem, quam hodie Card. Bellarminus vehementer impugnat, nempe Summum Pontificem plenissimam ex Christi institutione habere in vniuersum orbem terrarum iurisdictionem temporalem, eamque in Imperatorem, cæterosque Reges transfudisse. Quam sententiam tam mordicè tenuerunt Bartolus, & alij complures Canonistæ, vt contrariam sententiam planè hæreticam esse affirmarent. Non enim viris doctis ignotum esse potest, plurimos non infimæ notæ Theologos varias opiniones totis viribus defendere solitos esse, non tam pondere rationum motos, quàm auctoritate sui magistri, quasi in eius verba iurassent, persuasos. Quo fit, vt plures opiniones communi Doctorum calculo olim receptæ iam prorsus antiquatæ sint, atque è Scholis penitus explosæ.

459 Si Principes temporales, quando primùm hæc controuersia exorta est, tantam diligentiam adhibuissent, né libri aliqui in suis Regnis diuulgaretur, qui Regali ipsorum auctoritati præiudicarent, donec Ecclesia litem diremisset, quanta vñ sunt Sum-

Summi Pontifices, ne aliquid, quod Papali ipsorum potestati derogat, in lucem proferatur, proculdubio non tam communis hodie fuisset illa opinio pro potestate Pontificis Principes deponendi. Et nihilominus nunquam defuerunt, nec iam defunt plurimi tum Theologi, tum Iurisperiti, ut ex supradictis constat, qui potestatem hanc Pontificis temporalem palam denegare non sunt veriti.

460 *Supereſt demum*, ut ad ea Reſpondeamus, quæ Card. Bellarminus ſuperius attulit ad legitimam Imperij translationem per Pontificem factam confirmandam, in quantum, poſteriori noſtræ ad hæc exempla Reſponſioni aduerſari poſſunt. Concedimus igitur prædictam Imperij Romani à Græcis ad Germanos translationem legitimè factam fuiſſe; negamus tamen Romanum Pontificem ſecluſo populo plenam habuiſſe illud transferendi auctoritatem. Et quamvis non fuiſſet à ſcriptoribus vlla populi aſſentientis facta expreſſa mentio (cuius tamen contrarium iam ſuprà<sup>1</sup> oſtendimus) nihilominus non propterea huius translationis veritati vllò modo quis detraheret, qui ſolum Pontificem  
abſq;

k Nu. 390. &  
ſeq.

l Nu. 416. &  
ſeq.



absque consensu populi plenam Imperium transferendi potestatem habuisse denegaret. Nam licet Pontifex bona fide credens talem sibi competere potestatem, quæ tamen reuera illi non conuenit, suffragia populi ad dictam translationem non requisisset, attamen translationem illam sola Pontificis auctoritate expressè factam, ex eo saltem fuisse legitimam constat, quod in tali publico negotio populus tacens, nec contradicens, & consequenter tacitè consentiens (iuxta regulam Iuris, *qui tacet*) assensum suum præbisset. Quod nunc à fortiori dicendum est, cum apud omnes historicos compertum sit (vt ipse etiam Card. Bellarminus <sup>m</sup> fatetur) populum Romanum non solum non tacuisse, verum etiam acclamasse, & cum ingenti applausu translationem illam collaudasse.

462 Quinimo si Card. Bellarminus istam Imperij translationem à sola Pontificis auctoritate totum suum robur habuisse velit, illius veritatem valde suspectam reddidit, & quodammodo in controuersiam vocare videtur: quod nequaquam faciunt illi, qui eam non tantum à Pontificis, sed à reliquæ etiam multitudinis consensu pende-

m Lib. 1. de  
translat. Im-  
perij cap. 4. &  
10.

re volunt; cum plurimi sint, ijque tum doctrina, tum religione conspicui, qui dubitant, an Pontifex iure diuino talem Imperia transferendi potestatem habeat; at ne vnus quidem, nec ipse Card. Bellarminus iuxta doctrinam suam superius <sup>n</sup> traditam, <sup>n</sup> Na. 432. <sup>28</sup> inficiari potest, eiusmodi auctoritatem in casu prædicto, quando nimirum Imperator solo nomine regnat, ipsumque Imperium pro derelicto habet, in tota multitudine residere. <sup>seq.</sup>

463. Atque ita tum rationibus, tum exemplis, quæ à Card. Bellarmino ad potestatem spiritualem efferendam in potestatis temporalis depressionem allata sunt, abundè satisfecimus, atque perspicuè demonstrauimus, non esse adhuc ab eo sufficienter etiam iuxta ipsius principia demonstratū, aut Scripturarum testimonio, aut Apostolorum traditione, aut Ecclesiæ definitione, aut Sanctorum Patrum auctoritate, aut ipsis rationibus Thologicis, Summum Pontificem vllam prorsus ex Christi institutione habere auctoritatem, siue directè, siue indirectè, siue absolutè, siue respectiuè ad bonum spirituale, Principes Supremos suis dominijs temporalibus dispoliandi.

464 Reliquum est duntaxat, priusquam finem imponamus huic pro potestate Principum Apologiæ, in qua quid vtrique potestati tam spirituali, quam temporali iure diuino debeat, contemplari licet, vt breuiter quoque ostendamus, quomodo inter has opinionum varietates fidelis quisque subditus quoad praxim se gerere debeat. Circa quam hoc potissimum documentum obseruare sufficiet, quod iuxta regulam Iuris approbatam, *In causa dubia (sine incerta) melior sit conditio possidentis*. Si igitur contingat Summum Pontificem Principem quemcunque Christianum, qui bona fide in Principatus sui possessione manet, ob aliquod crimen per sententiam deprivationis e Principatu eijcere, cum de eiusmodi Papali auctoritate Principes Principatu priuandi non adhuc satis constet, sed apud Catholicos sit controuersum, non licet absque crimine imminutæ maiestatis Principem legitimum, non obstante tali deprivationis sententia, e Dominatus sui possessione exturbare, donec, quod talis Pontifex habeat auctoritatem Principes deponendi, per Ecclesiæ definitionem fuerit stabilitum.

465 Neque obstat primò, quòd in dubijs parendum sit Superiori. Nam sicut Summus Pontifex est Superior in spiritualibus, ita in temporalibus Princeps Secularis est omnium Supremus.

Neque secundò, quòd in dubijs tutior pars sit eligenda, multo autem tutius videtur esse obtemperare Principi spirituali, qui Saluatoris nostri Iesu Christi Vicarius est in terris, præcipienti subditis, ne Principi suo temporali pareant, quàm iussum sequi Principis, præsertim hæretici, populo sibi subiecto imperantis, vt ipsi obediant. Non enim securius, sed multo periculosius est in tali casu Principi spirituali obedire, si non constat eum talem habere auctoritatem Principes hæreticos deponendi, & subditos ab eorum obedientia absoluendi, & consequenter præcipiendi, ne Principi hæretico in rebus licitis obtemperent, quàm parere Principi iusta imperanti, qui absque vlla controuersia Principatum suum legitimè possidet. Qui enim Principem Secularem prorsus renitentem è Principatus sui possessione extrudere conatur, in supremo ferme iniustitiæ gradu, quæ omnium scelerum contra virtutes morales, est grauissimum,

absque vlla controuersia delinquit, quæ autem Pontifici præcipienti, ne subditi suo Principi, quantumvis hæretico, in rebus honestis obediant, parere neglexerit, quædiu apud catholicos tum pios, tum eruditos incertum est, an ipse talem præcipiendi auctoritatem habeat, nulli omnino, nec leuissimo quidem crimini obnoxius esse potest.

467 Neque quenuquam pertertere debet, quod Summus Pontifex sit Christi Vicarius, cum Princeps quoque temporalis *Dei minister sit*, vt ait. S. Paulus ad Rom. 13. atque etiam ipsius Dei, qui est Rex Regum, & Dominus Dominantium, *Vicarius in terris*, vt Anastasius Papa in epistola ad Anastasium Augustum disertis verbis affirmat. *Pectus*, inquit, *Clementia vestra sacrarium est publicæ salutaris, vt per præsantiam vestram, quam velut Vicarium, Deus praesidere insit in terris, Evangelicis, Apostolicisque præceptis non dura superbia resistat, sed per obedientiam, quæ sunt salutifera, complentur.*

468 Neque obstat tertio, quod subditus forsan eam opinionem probabiliorem esse existimet, quæ asserit penes Pontificem esse potestatem Principes hæreticos suis Regnis

Regnis abdicandi. Et Propterea, si Pontifici Principem suum in hoc casu deponenti non pareret, videretur contra propriam conscientiam, aut saltem contra dubiam operari, quorum vtrumque tunc iure diuino, tum naturali est omnino illicitum. Et tamen, vt rectè docent Theologi<sup>o</sup>, potest quis tanta conscientia sequi opinionem, quàm videri doceri à viris doctis, & peritis in ea arte contra propriam, eamq; magis communem, minusque tutam, & consequenter docent quod agere contra propriam opinionem, & agere contra propriam conscientiam sint res valde distinctæ.

469 In hoc igitur casu, sicut in multis alijs, non obstante propria opinione, qua quis spectatiuè per principia intrinseca arbitratùr, se obligatum esse ita operari, vt sua opinio dicat, potest nihilominus, & tenetur rectum conscientie dictamen sibi formare, quo practicè hinc, & nunc absque vilo dubio existimet se contra propriam opinionem debere operari. Et hoc dictamen practicum elicere potest partim ex principijs extrinsecis, nempe auctoritate virorum prudentiũ, ac in Theologia, Iurilq; prudentia peritorũ, qui cõtra ipsum sentiunt, quo-

Aa 3 rum

o Gabr. Vaf-  
quez. l. 2. q.  
19. ar. 6. dif-  
put. 62. cap. 4.  
§. 8 & 6.  
Barth. Medi-  
na ibidem, ar.  
6. q. vltima &  
penultima.  
Sayrus in cla-  
ue Regia lib.  
1. c. 6. & alij.

rum opinionem iuxta rectę rationis, ac prudentię normam in moralibus tutò sequi potest: partim ex prædicta regula Iuris, quod possessor bonę fidei non est è possessione sua excludendus, quamdiu ius aduersę partis est incertum, & apud Theologos, ac Iurisconsultos pios, ac eruditos cõtrouersum: Ad quod etiam dictamen eliciendum conducit alia regula Iuris, *Cum sunt partium in-  
ra obscura, fauendum est reo potius quàm A-*  
*lteri.* Quamuis enim per propria & intrinseca principia, quę scilicet ducuntur ex causis rei, vel effectibus, aut incommodis, quę rem consequuntur, eam opinionem amplectererur, quę asserit Papam talem habere auctoritatem hæreticos Principatu pellendi; Cum hoc tamen simul ignorare non potest, nisi de industria vel cęcutire, vel proteruire velit, tum, quòd contraria opinio sit etiam nunc apud Theologos, & Iurisconsultos controuersa, & adhuc sub Iudice lis existat; tum potissimùm, quòd possessor bonę fidei non sit è possessione deturban-  
dus, aut tanquam malè possidens condemnandus, quamdiu ius alterius partis est obscurum. Et propterea, siue Papa, siue Princeps, siue alius quicunque extraneus Prin-  
cipem

470

471



cipem hæreticum è Regni sui possessione eijcere contenderet, lite hac de Principum depositione sub Iudice existente, apertissimam contra iustitiæ regulas iniuriam illi irrogaret. Atque à fortiori non potest à manifesta perduellione excusari subditus, quæcunque opinionem circa potestatem Pontificis temporalem speculatiuè tueatur, qui practicè, sub prætextu forsan deuotionis erga Sedem Apostolicam, non æquè etiam perpendens debitum suæ seruitutis erga Maiestatem Regiam obsequium, Principè suum legitimum, non obstante quacunque Excommunicatione, aut deprivatione Papali è regni sui possessione expellere niteretur.

472 Venerandi igitur sunt Pontifices, vt Pastores nostri spirituales, Reges etiam honorificandi, vt Domini nostri temporales, non est deprimenda illorum auctoritas, vt horum potestas nimium efferatur, neque istorum Maiestati quidquam est detrahendum, vt Pontificum Iurisdictioni plus æquo deferatur, sed memores semper Dominici præcepti, suum cuique tribuamus: *Cæsari reddentes, quæ sunt Cæsaris, & quæ sunt Dei, Deo.*

FINIS.

**P**ag. 7. lin. 3. *epist.* lege *epi.* pag. 11. lin. 11. *deorum* lege  
*deorum* pag. 28. lin. 29. *antiquam* lege *antiquum* pag. 33  
lin. 21. *Quin* lege *Quinim* pag. 31. lin. 20. *ipsum* lege  
*ipsum* p. 118. *fidet* lege *fidet* p. 68. lin. 1. *una* lege *sent*  
p. 73. lin. 13. *sent* le *sent* p. 89. lin. 1. *autione* *emio* le *autione* co-  
nus. pag. 85. lin. 3. *esses* dirig. lege *esses* dirig. pag. 104. lin. 17.  
*tantum* lege *santum* p. 106. lin. 13. *etiam* lege *et enim* pag.  
108. lin. 9. *omni* creatura. lege *omni* humana creatura. pag.  
112. lin. 1. & seq. usque ad nu. 134. desunt parui semicirculi  
in margine. pag. 112. lin. 23. *Respublica* qua. lege *Respubli-*  
*ca* qua. pag. 124. lin. 1. *est* per. lege *est* per. pag. 137. lin. 18. *se-*  
*ntur* lege *tenetur* pag. 131. lin. 1. *an* lege *anti* pag. 140  
lin. 5. *mini* quam. lege *mini* quam. pag. 155. lin. 5. *tum* etiam.  
lege *tum* etiam. pag. 157. lin. 23. *necessitas* lege *necessitate*.  
pag. 166. lin. 9. *legio* lege *legio* pag. 173. lin. 10. *quando* lege  
*quomodo* pag. 199. lin. 8. *steterint* lege *steterit* pag. 212. lin. 10  
*tuisset* lege *tuisset* pag. 220. lin. 12. *liber* lege *libera* pag.  
220. lin. 14. *ille* lege *ipse* pag. 222. lin. 21. *fuerint* lege *fue-*  
*runt* pag. 223. lin. 10. *liber* le. *libera* p. 224. lin. 7. *fidelem* lege  
*infidelit* & lin. 24. *Parisensis* lege *Parisiensis* & lin. ult. *suum*  
lege *suam* pag. 250. lin. 4. *nem* erga non. lege *nemi* erga non.  
pag. 258. lin. 11. *expertes* lege *expertes* pag. 270. lin. 20. *irro-*  
*gatum* lege *irrogatum* pag. 290. lin. 9. *runt* lege *runt* pag.  
294. a linea 10. ad 17. desunt parui semicirculi in marg. pag.  
300. lin. 5. deest in margine 391. Ibidem, lin. 9. deest in mar-  
gine 392. Ibid. lin. penult. deest in marg. 393. pag. 312. lin.  
penult. *Hermanus* *Conc.* lege *Hermanus* *Conc.* pag. 309. l. 9.  
*quid* lege *qui* pag. 312. lin. 7. *dubitarent* lege *dubitarent*.  
pag. 318. lin. 4. in marg. *Rodericus* lege *Radewicus* pag. 318.  
lin. 3. 4. & 5. caracteribus minusculis imprimenda sunt.  
pag. 343. lin. 12. *delinquere* lege *relinquere* pag. 346. lin. ult.  
*Præsentes* lege *præsentes* pag. 349. lin. 16. *quod* meo. lege  
*quod* meo.

Cetera minutiora Lectori facile patebunt.

C 25596  
215223

REPRODUCED FROM THE COPY IN THE  
**HENRY E. HUNTINGTON LIBRARY**

---

FOR REFERENCE ONLY. NOT FOR REPRODUCTION